



4.6.8.

∞ ∞ ∞

M

Ex Bibliotheca
majori Coll. Rom.
Societ. Jesu

8.25.5.15

Collig. Rom. de Jesu

DE GEMITV⁸

COLVMBÆ

Catal. sine Inscript.

De bono lacrymarum,

LIBRI TRES.

Bibli. Card. Auctore Bellarm

ROBERTO

S. R. E. CARD.

BELLARMINO

E Societate Iesv.

AD IPSAM EANDEM

RELIGIONEM SVAM.



ROMÆ, Typis Bartholomæi Zannetti. 1617.

SVPERIORVM PERMISSV.

825715
167100
Imprimatur, si videbitur Reue-
rendiss. P. Magistro Sac. Pal.
Apostolici.

Cesar Fidelis Vicefg.

Imprimatur.

*F. Hiacynthus Petronius Sa-
cri Apostolici Palatij Ma-
gister.*

REVERENDIS
PATRIBVS,

Et charissimis Fratribus

VNIVERSAE
SOCIETATIS
IESV.



*Robertus S. R. E. Cardinalis
Bellarminus ex eadem
Societate. F. A.*



Ibellos tres ;
quos de ge-
mitu Colum-
bæ conscrip-
si , iure mihi
videor, Patres
optimi, nomi-
ni vestro dicare debuisse ; aut
certè potuisse . Nam & ego à

prima adolescentia Societati Iesu, ipso spiritu Iesu vocante, nomen dedi: & in eius sinu de lacte eius suxi, & in eius con-
tubernio de cibo eius sumpsi, & sub eius regimine lac, & cibum infantibus & adultis longo tempore ministraui. Et ipsa Societas, vt membrum viuum, & verum gementis Columbæ, id est, militantis Ecclesiæ, non solum gemere non cessat; sed etiam Columbæ velocitatem, imitata, ab ipso suo exordio, ad extremas vsque Mundi partes volare non dubitauit: & Columbæ foecunditatem, diuino munere, nacta, breui sic excreuit ingentem magnam, vt prouincias orbis terræ penè omnes complexa esse videatur: ac denique more columbino iram sine felle, in corde, & in lingua ferens, & irascitur vitijs, & bellum cum

erroribus gerit. Accessit & alia
causa dedicandi huius opuscu-
li fratribus meis. Nam cùm
Septembri mense proximè ela-
pso, more mihi solito, negocijs
alijs intermissis, Deo soli, &
mihi vacarem, inspirante Do-
mino, ardere coepi desiderio ex-
citandi Christi fideles ad gustan-
dum bonum spiritualium lacry-
marum; illos, inquam, fideles,
qui hoc ingens bonum nondum
per experientiam nouerant.
Neque enim me fugit, semper
fuisse, & nunc etiam esse in Ec-
clesia Dei viui perfectos viros,
qui instar Columbæ semper ge-
mant, & meis adhortationibus
non indigeant. Itaque scripsi
opusculum de bono lacryma-
rum, quod fratribus meis potif-
simū nuncupare constitui, quo-
niam nullis alijs æquè facile
studium lacrymarum quæren-

darum, quod primo aspectu hor-
ridum, molestumque apparet,
persuadere me posse speravi,
quàm ijs, quos fraternus amor
mihi à prima ætate coniunxit.
Id verò libentius feci, quòd in-
telligerem, cohortationem meã
non tendere ad aliquid nouum,
vel insolitum Societati. Habent
enim seniores apud nos exem-
plum illustre Fundatoris. Tan-
ta enim copia lacrymarum bea-
tus Ignatius in precibus abun-
dabat, vt necessarium ei fuerit,
ab ipso Domino temperamen-
tum petere. Et (quod planè ad-
mirabile est) eam à Domino
gratiam impetrauit, vt quasi
habenas lacrymarum in manu
sua haberet, quando vellet, ip-
se lacrymas funderet, & quan-
do vellet, continuò sisteret, ne
nimia profusio lacrymarum
oculos læderet. Quod priuile-
gium

gium quàm fuerit singulare, cognosci potest ex Ioanne Caf-
fiano, qui collatione priore de oratione, demonstrat, donum lacrymarum sic aliquando non petentibus dari, vt alias rogan-
tibus, & quærentibus, & pulsan-
tibus, ne gutta quidem ex ari-
do corde exprimi queat. Ha-
bent quoque iidem seniores no-
stri (vt alia multa præteream)
exemplum beati Francisci Xa-
uerij, de quo illud constat, tanta
copia spiritualium consolatio-
num, & lacrymarum suauissi-
marum abundasse, vt ipse quo-
que temperamentum à Domi-
no petere cogeretur. Habent
denique iuniores nostri exem-
pla duorum adolescentium no-
bilissimorum, non minus virtu-
te, quàm sanguine, beati vide-
licet Stanislai Kostka, & beati
Aloyfij Gonzagæ, qui flumina
la-

Collat. 1.
de orat.
cap. 16.
& 27.

Hist. So-
ciet. lib.
6. c. 106.

Vita B.
Stanisl.
Vita B.
Aloyfij
p. 2. c. 3.

lacrymarum, præsertim in precibus fundere videbantur. Sed nō omnes Religiosi ad eam mensuram gratiæ perueniunt, vt cohortationibus non indigeant. sunt enim in amplis familijs, perfecti nonnulli, plures proficientes, plurimi incipientes, quibus non sola exempla sufficiunt, sed lectione quoque librorum, & cohortationibus adiuuantur. Accipite igitur fratres mei charissimi, & desideratissimi munusculum à me leue, & exiguum, sed non paruo affectu donatum. Ac dum vobis ipsi à Patre caelesti irriguum superius, & inferius, non sine ardenti suspirio petitis, mihi quoque idipsum donum vestris orationibus, & suspirijs impetrate.

Iosue 25.
Iud. 1.

INDEX LIBRORVM, ET CAPITVM.

Liber Primus, de necessitate gemituum.

Cap. I.	D E necessitate gemituum, ex Psalmis .	8
Cap. II.	De necessitate gemituum , ex Canticis .	19
Cap. III.	De necessitate gemituum , ex Ecclesiaste .	24
Cap. IV.	De necessitate gemituum , ex Isaia .	32
Cap. V.	De necessitate gemituum , ex Hieremia .	38
Cap. VI.	De necessitate gemituum , ex Ezechiele .	44
Cap. VII.	De necessitate gemituum , ex Ioel .	55
Cap. VIII.	De necessitate gemituum , ex Euangelijs .	60
Cap. IX.	De necessitate gemituum , ex Epistolis Apostolorum .	68
Cap. X.	De necessitate gemituum , ex scripturarum exemplis .	73
Cap. XI.	De necessitate gemituum, ex do- ctrina. & exemplis Sanctorum .	88
Cap. XII.	De necessitate gemituum , ex auctoritate Ecclesie .	98

Liber

Liber secundus de fontibus lacrymarum.

Cap. I. **D**E primo fonte, qui est consideratio peccati. 103

Cap. II. De secundo fonte, qui est consideratio gehennæ. 121

Cap. III. De tertio fonte, qui est consideratio passionis Christi. 148

Cap. IV. De quarto fonte, qui est consideratio persecutionum Ecclesie. 180

Cap. V. De quinto fonte, qui est consideratio ordinis Sacerdotalis. 198

Cap. VI. De sexto fonte, qui est consideratio ordinum Religiosorum. 214

Cap. VII. De septimo fonte, qui est consideratio status Secularium. 228

Cap. VIII. De octavo fonte, qui est consideratio miseriarum generis humani. 237

Cap. IX. De nono fonte, qui est consideratio Purgatorij. 269

Cap. X. De decimo fonte, qui est consideratio amoris Dei. 297

Cap. XI. De undecimo fonte, qui est consideratio incertitudinis salutis. 314

Cap. XII. De duodecimo fonte, qui est consideratio temptationum impediens iter ad vitam. 327

Liber

Liber tertius de fructibus lacry-
marum.

Cap. I. **D**E primo fructu, qui est spes
certa remissionis peccato-
rum. 353

Cap. II. De secundo fructu, qui est timor
gehennæ. 364

Cap. III. De tertio fructu, qui est imitatio
virtutum Christi. 383

Cap. IV. De quarto fructu, qui est miseri-
cordia erga proximos. 396

Cap. V. De quinto fructu, qui est refor-
matio Cleri. 406

Cap. VI. De sexto fructu, qui est refor-
matio Regularium. 411

Cap. VII. De septimo fructu, qui est emen-
datio morum in populis. 424

Cap. VIII. De octavo fructu, qui est multi-
plex opus misericordie. 429

Cap. IX. De nono fructu, qui est refrige-
rium defunctorum. 445

Cap. X. De decimo fructu, qui est con-
temptus mundi, & amor Dei.
455

Cap. XI. De undecimo fructu, qui est ti-
mor Domini castus, & filia-
lis. 463

Cap. XII. De duodecimo fructu, qui est fa-
cilis impetratio donorum diui-
norum. 468

Pagina Linea Errata Correſpō

39	5	locatus	locutus
115	4	voluntari	volutari
136	2. à fine.	nullū acrius	nullum acutius
151	17	gloriæ	gloriam
181	5	aduenta	aduentu
206	5	acurate	accurate
253	18	quondam	quandam
268	11	perfecturas	præfecturas
306	1	sune	sunt
328	2	tentationibus	tentatoribus
332	ult.	tentationibus	tentatoribus
333	7	ſentintes	ſentientes
337	5. à fine.	Et tamen	Et ſane
339	3. à fine.	voluptatem	voluptatum
346	23	ſuiſſe	ſuiſſe captos
351	2. à fine.	torrere	terrere
395	3. à fine.	præcuras	præcurras
419	3	impetrando	imperando
442	15	profundus	profundum
465	12	Thonam	Thomam
470	18	viedetur	videtur
476	ult.	exterminum	exterminium





PRAEFATIO.



CRIPSI anno superio-
re, De æterna felici-
tate Sanctorum, vt ip-
se me iam senem, &
morti propinquum,
seriò excitarem ad rem tantam,
toto animo concupiscendam, &
gratiam Dei sollicitè, & assidue
implorandam. Dum autem apud
me hoc præsentis anno, in solito
meo recessu cogitarem, quid factò
opus esset, vt veram viam ad vi-
tam æternam inuenirem, Psal-
mistæ in mentem venit, *Quis mihi* Psal. 54.
dabit pennas sicut columbae, & vo-
labo, & requiescam? Animaduer-
ti autem, non ob solam velocita-
tem, columbam potius, quàm
aliam volucrem à Prophetæ esse,
A nomi-

nominatam : scimus enim non deesse aves , quæ columbæ volatum superent , vel adæquent . Itaq; cogitavi , columbam esse animal simplex , purum , fœcundum , sine felle , & quod ei proprium est , assidue gemens ; atq; his de causis , non dictum esse , quis dabit mihi pennas , sicut hirundinis , aut accipitris , vel aquilæ ; sed , sicut columbæ : tunc enim nobis proderit volatus contemplationis ad veram requiem obtinendam , si simplices fuerimus , sine malitia , & puri à sceleribus , & fœcundi operum bonorum , & sine felle odij peccatoribus irascemur , ac errata subditorum nostrorum cum benevolentia castigabimus ; & quod est potissimum , assiduo gemitu , exclusis nugis , & iocis , risu & cantu profano , atque alijs carnalibus oblectationibus , & temporalibus gaudijs , per hanc lacrymarum vallem iter faciemus .

Propositum igitur mihi est , in præsentī vacatione , orando , & meditando

ditando scrutari, quid liber Dei, de salutifero gemitu nos admoneat: & quæ sit materia gemitus columbini: & denique quem fructum gemitus iste pariat. Quamvis autem tristis, & odiosa disputatio de gemitu, & lacrymis futura esse videatur; tamen tristitia hæc tam ingenti gaudio compensabitur, ut felix tristitia dici possit. Nam ut Apostolus loquitur *tristitia secundum Deum salutem operatur: seculi autem tristitia mortem operatur.* 2. Cor. 7

Sed antequam lacrymarum necessitatem, materiam, & fructum explicare incipiam: necesse erit breuiter aperire, de quibus lacrymis loqui nobis propositum sit. Sunt enim tria genera lacrymarum, cum aliæ sint naturales, & neque per se bonæ, neque per se malæ: aliæ malæ, & perniciosæ: aliæ bonæ, & salutares. Lacrymæ naturales illæ sunt, quas communes mundi ærumnæ producant, iactura divitiarum, mors charorum,

morbi varij, iniuriæ acceptæ, & alia id genus. Lacrymę perniciosę sunt, quas exprimūt vitia, astutia, hypocrisis, simulatio: & aliquando Diabolus ipse, qui arte quadā efficiebat, vt monachi quidā, quo magis comederēt, & biberent, eo largius in precibus lacrymas fundarent. Istas igitur lacrymas omnes, tum naturales, tum Diabolicas hoc loco præterire intendimus. Solę restant lacrymę salutare, quę à Spiritu sancto, tanquam à fonte procedunt, dicente Aposto-

Rom. 8. *lo in Epist. ad Rom. Ipse spiritus postulat pro nobis, gemitibus innarrabilibus*: Dicitur enim spiritus postulare, quia facit nos postulare, & quidem gemitibus non naturalibus, non ordinariis, sed quos lingua humana exprimere non potest. Ista est pluuia voluntaria: quā Deus segregauit hæreditati suæ. nā lacrymę humanę non tā pluuię, quā aquis lacuū, & paludum comparari debent. Pluuię enim de cælo descēdunt, & cāpos, & hor-

Præfatio .

5

hortos fecundant ; quod lacus, & paludes facere non possunt.

Sunt autem duo genera piarum lacrymarum : aliæ enim sunt signa odij , aliæ dilectionis , aliæ doloris , aliæ gaudij . Lacrymæ contritionis sunt signa odij erga peccatum : lacrymæ desiderij videndi Deum, sunt signa amoris : & priores sunt etiam signa doloris , posteriores signa dilectionis . Atque hæc est causa, cur tãti fiant à Deo, quia testantur odium erga peccatum, & amorem erga Deum: alioqui lacrymæ quid sunt, nisi modica aqua ex capite defluens , quæ tanquam excrementum eiicitur per canales oculorum ? Id quod sanctus Basilius ostendit in oratione de gratiarum actione , ubi ex arte medicinæ declarat originem lacrymarum . Hæc duo lacrymarum genera, sunt illa duo irrigua, inferius, & superius, quæ postulavit Axa in libro Iosue, de qua figura pulchrè disputat sanctus Gregorius in lib. 3. Dialogorum . & in

Ios. 15.
Lib. 3. c.
34.

Libr. 6.
epist. 23.

Epistola ad Theotistam. Hinc nonnulli lacrymas salutare comparant cum diluvio Noe, quod totum fuit à Deo, sed partim è fontibus abyssi disruptis, partim à pluuijs de cælo manantibus productum. Siquidem lacrymæ significantes odium, & dolorem, à fontibus abyssi scaturiunt; lacrymæ amoris, & lætitiæ de cælo descendunt; omnes tamen à Deo manant.

Quamvis autem lacrymæ istæ dona sint Dei, non ideo tamen expectare debemus, ut nobis dormientibus, & nihil agentibus dentur. Nam etiam sapientia vnum est, & præcipuum inter septem dona Spiritus sancti, & tamen S. Iacobus dicit: *Si quis ex vobis indiget sapientia, postulet eam a Deo, qui dat omnibus affluenter.* Sed postulanda sunt dona ista optima, & perfecta, sicut oportet: ideo adiungit idem Apostolus, *postulet autem in fide nihil hæsitans.* & infra, *Non habetis, propterea quod*

Iac. 1.

Iac. 4.

Præfatio. 7

non postulatis ; petitis , & non accipitis , eo quòd malè petatis . Itaq; petendum est donum lacrymarû , magna cum fiducia , & cum non minore desiderio , iuxta admonitionem S. Gregorij lib. 3. Dialogorum : A Creatore nostro (inquit) cum magno desiderio querenda est lacrymarum gratia. Atque hæ sunt lacrymæ , de quibus solis , Domino adjuuante , in præsentì opusculo scribere nunc aggredimur .

Lib. 3. c.
34



DE GEMITV

COLVMBÆ,

fiue

De bono lacrymarum.

LIBER PRIMVS.



*De necessitate gemituum, ex
psalmis.*

CAPVT I.



NECESSITATEM
gemendi demon-
straturus ex Scri-
pturis sanctis v-
triusque testamen-
ti, ac deinde ab
exemplis, & doctrina Sanctorum,
à testimonijs Daudis exordiar.
siquidē psalmi Daudis pleni sunt
gemi-

gemituum, & lacrymarum. Sed quia David, ut plurimum, de lacrymis suis loquitur, tres solum versiculos considerabimus, in quibus David omnes hortatur ad lacrymas, quasi ad officium proprium Sanctorum, qui pertinent ad columbam. Unus versiculus est in psalmo octogesimo tertio, qui sic habet: *Beatus vir, cuius est auxilium abs te: ascensiones in corde suo disposuit in valle lacrymarum, in loco, quem posuit.* Alter versiculus est in psalmo nonagesimo quarto, cuius hæc sunt verba: *Venite adoremus, & procidamus ante Deum, ploremus coram Domino, qui fecit nos.* Tertius versiculus est in psalmo ceteresimo vicesimo quinto: *Qui seminant in lacrymis, in exultatione metent.*

Primus versiculus tria requirit ab eo, qui ad culmen beatitudinis pervenire desiderat. Primum est, ut de sua virtute diffidens, de auxilio Dei valde confidat. sic enim ait: *Beatus vir, cuius est auxilium* Psal 83.

A 5 abs

10 De gemitu columbæ

abs te. hoc est, ille beatus est in spe, & beatus erit in re, qui non confidit in virtute sua, sed in auxilio Domini; & ideo auxilium eius non est à se, sed abs te. Nihil enim magis odit omnipotens, quàm superbiam eius, qui per elationem mentis excæcatus, non agnoscit imbecillitatem suam. Alterum est, vt non ita confidat in adiutorio Altissimi, vt existimet, nihil à se fieri oportere: necesse est enim, vt liberum arbitrium cooperetur gratiæ, iuxta illud Apostoli in

1. Cor. 15

priore ad Corinthios: *Non autem ego, sed gratia Dei mecum.* Vbi non dixit Apostolus, non autem ego, sed gratia Dei, ne fortè suspicaretur aliquis, nihil à nobis requiri, nisi, vt sinamus Deum, per gratiam in nobis operari: addit igitur, *mecum*, vt significet, nos cooperatores, & coadiutores Dei in opere nostræ salutis esse debere, vt idem Apostolus in priore ad Corinthios docet, cùm ait:

1. Cor. 3. *Dei adiutores sumus.* Ideo subiungit

Lib. I. Cap. I. 11

git Propheta: *Ascensiones in corde suo disposuit*, id est, non expectauit, vt auxilium gratiæ Dei illum iacentem, & dormientem fursum, eueheret; sed ipse præuentus, & adiutus gratia Dei, disposuit ascensiones in corde suo: proposuit videlicet, non tam corpore, quam corde ascendere de virtute in virtutem, quousque culmen perfectionis attingeret. Tertium est, vt ascensio ista fiat in valle lacrymarum, in loco, quem ipse sibi posuit. Deus enim posuerat hominem in paradiso, vbi non erat opus in ascendendo laborare; sed ipse homo posuit sibi locum, merito culpæ suæ, in valle lacrymarum, vnde eum gemitu, & lacrymis, non sine magno labore, & fatigatione est ascendendum. Dicitur autem vallis lacrymarum locus, vnde ascensio disponenda est; quoniam nemo potest in tam laborioso itinere perseverare, nisi identidem ad Deum gemat pro nouo auxilio, & pane lacrymarum reficiatur, iux-

12 De gemitu columbæ

Pfal. 42. ta illud eiusdem Prophetæ: *Fuerunt mihi lacrymæ meæ panes diæ, ac nocte*. Hinc videlicet intelligere possumus, quantum aberrant à via, quæ ducit ad montem Dei, qui vallem lacrymarum declinare conantur, & per prata floribus referta discurrere malunt, iuxta illud Sapientiæ: *Nullum sit pratum, quod non pertranseat luxuria nostra*. qui postea frustra queruntur, & dicunt: *Ergo errauimus a via veritatis, & iustitiæ lumen non luxit nobis*. Nec minus aberrant, qui per vallem lacrymarum, sine lacrymis, & gemitu ascendere se posse confidunt. Eiusmodi autem sunt, qui corde arido sine attentione, & sine deuotione, nec fine mentis euagatione aut orant, aut psallunt, aut libros Dei curiosè magis, quàm piè legunt.

Sed veniamus ad alterum psalmi versiculum: *Verite adoremus, & procidamus, & ploremus coram Domino, qui fecit nos*. Illud, *venite*, vox est inuitantis, & cohortantis.

tantis. Inuitat enim Rex David, & cohortatur populum Dei, ut conueniat ad Deum honorandum, & laudandum corde, voce, & opere. Frequens est in scripturis hæc inuitatio per verbum, *Venite*, non solum ad bona opera, sed etiam ad mala. *Venite faciamus nobis ciuitatem, & turrem, quæ pertingat ad calum*, dixerunt in Genesi gigantes Babylonij. *Venite descendamus, & confundamus linguam illorum*, dixit ibidem Deus ad Angelos ministros iræ suæ, vel Deus Pater ad Filium, & Spiritum sanctum, contra gigantes Babylonis. *Adoremus*. Hoc verbum ad spiritum pertinet. Nam *spiritus* 10.4
est Deus: & eos, qui eum adorant in spiritu, & veritate adorare oportet. Siquidem adoratio externa per genuflexionem, vel prostrationem, exhiberi solet tum ipsi Deo, tum etiam hominibus. Nam, in Genesi Abrahamus adorauit 3. Reg. 1.
 Regum, Nathan propheta adorat

Re-

14 De gemitu columbæ

Regem David pronus in terra .
 quod idem paulo post facit Beth-
 sabæ, vxor Regis . Sed adoratio
 per internam agnitionem creato-
 ris, & humiliationem, ac reueren-
 tiam, quæ debetur primo princi-
 pio, & supremo fini omnium re-
 rum, propriè soli conuenit Deo .
Et procidamus, Hoc refertur ad
 reuerentiam corporalẽ, quæ Deo
 debetur, vt supremo, & altissimo
 Regi, & Domino rerum omnium .
 Quo enim est persona sublimior,
 cui reuerentiam exhibemus, eo
 submissio, & humilitas debet esse
 profundior . Dicitur ergo, *Ado-
 remus, & procidamus*, vt simul
 mente, & corpore diuinæ Maie-
 stati debitum obsequium defera-
 mus. *Et ploremus coram Domino,*
qui fecit nos . Hæc vox postrema
 simul ad spiritum, & ad corpus
 pertinere videtur. Ploratus enim,
 vt sonus oris, corporalis est, vt ve-
 ro significat affectum mentis, spi-
 ritualis esse dignoscitur. Sed quor-
 sum ad mentis adorationem, &
 cor-

corporis prostrationem additur ploratus? an non magis reuerentiam illam exultatio, aut iubilatio comitari debuisset? Certè psalmus in principio sonuit, *Venite exultemus Domino, iubilemus Deo salutari nostro*. Sed maluit Propheta sanctissimus, & sapientissimus ploratum nominare, quoniam ploratus non minus ad exultationem, & iubilationem, quàm ad supplicationē, & orationem pertinet; nec minus ad res bonas obtinēdas, quàm ad malas deprecandas accommodari potest. Est enim ploratus quasi condimentum desideriorū, & postulationum, & quasi viua quædā rhetorica ad commouendos animos, & res persuadendas aptissima. Ait igitur Propheta: *Ploremus coram Domino, qui fecit nos*; ac si dicere voluisset, ploremus præ gaudio, quia is, qui nos fecit, optimus, & amantissimus pater noster est. Ploremus præ tristitia, quia parentem optimum, & iustissimum ad iracundiam prouocauimus.

16 De gemitu columbæ

mus. Ploremus præ gaudio, & amore, quia Dominus, qui fecit nos, *suavis, & mitis est, & multa misericordia.* Ploremus præ tristitia, & timore, quia *iustus est Dominus,* qui fecit nos, *& iustitiam dilexit, & equitatem vidit vultus eius.* Ploremus præ lætitia, & exultatione, quia Dominus, qui fecit nos, *non vult mortem peccatoris, sed ut magis conuertatur, & viuat* Ploremus præ sollicitudine, & pauore, quia Dominus, qui fecit nos, *arcum suum iam tetendit, & parauit illum, & exacuit sicut fulgur, gladium suum.*

Igitur ex hoc versiculo, non minus, quàm ex priore discimus, valdè necessarium esse gemitum ad Deum. Et cùm Ecclesia mater nostra singulis diebus ad preces matutinas, iubeat nos vel publicè in templis, vel priuatim in cubiculis frequentare versiculum istum, ac, dicere, *ploremus coram Domino qui fecit nos:* mirum valdè est, quòd tam pauci ex nobis, Spiritum sanctum

Etum in Propheta suo clamantē, &
 Ecclesiam matrem monentem, vt
 ploremus quotidie coram Domi-
 no, vel non audiant, vel negligent
 implere, quod audiunt. Certē ve-
 rendum est ne impleatur in nobis,
 quod Isaias de Iudæis aliquando ^{Isa. 6.}
 pronunciauit, *Incrassatum est cor* ^{Matt. 23.}
populi huius, & auribus grauitè
audierunt, & oculos suos clause-
runt, ne quando videant oculis, &
auribus audiant, & corde intelli-
gant, & conuertantur, vt sanem
eos. Profecto enim si quotidie cum
 gemitu columbino ploraremus co-
 ram Domino, qui fecit nos, id est,
 coram omnipotente, & amantissi-
 mo Patre nostro, quid non impe-
 traremus? Quomodo non muta-
 remur in viros alteros? An non
 ascenderemus quotidie de virtute
 in virtutem? non est Deus auarus
 distributor donorum suorum, ^{Iac. 1.} *qui*
dat omnibus affluenter, & non im-
properat, vt loquitur sanctus Iaco-
 bus: sed ideo non accipimus, quia
 non magnificimus dona Dei, neq;
 gra.

18 De gemitu columbæ
gratiam remissionis peccatorum,
neque ipsam vitam æternam. Si
enim ista magnifaceremus, fre-
quenter, ardentè, cum clamore
valido, cum gemitu, & lacrymis
peteremus. sic enim petunt tem-
poralia bona ciues huius mundi,
qui illa valdè diligunt: sic etiam
petunt, & accipiunt veri serui Dei
dona cælestia, qui illorum pretium
nouerunt, sed hi pauci sunt; illo-
rum infinitus est numerus.

Postremus versiculus apertissi-
mè docet lacrymarum necessita-
tem. Neque enim salui esse possu-
mus, nisi seminemus opera bona.
Voluit enim Deus salutem æter-
nam esse mercedem operum bo-
norum. qui autem seminant opera
bona, sine dubitatione in lacrymis
seminant, vt in exultatione me-
tant. Opera enim verè bona la-
boriosa, & difficilia sunt: & quem-
admodum seminatum triticum in-
diget pluuiâ, & sole; sic opera bo-
na indigent imbre lacrymarum,
quibus gratia Dei, quæ instar ca-
loris

loris solaris est, impetretur. Ideo enim subiungit Propheta : *Euntes ibant, & flebant, mittentes semina sua : venientes autem venient cum exultatione , portantes manipulos suos .* Igitur, qui cupit in altera vita cum exultatione metere, non parcat laboribus, neque gemitibus in hac valle lacrymarum .

*De necessitate gemituum, ex
Canticis .*

C A P V T II.

POST Dauidem sequitur filius eius Salomon, qui in canticis, ubi describit amorem Christi & Ecclesiæ, non alia de causa Christi sponsam comparat columbæ, nisi quia columba non aliam vocem emittere solet, quam gemebundam, & flebilem; cum pleræq. aues vel dulciter canant, ut philomelæ; vel leuiter garriant, ut hirundines; vel ut corui crocitent; vel in-

con-

20 De gemitu columbæ

conditas voces emittant, ut ciconiæ, grues, & aliæ. Porro columbarum proprium esse gemitum,

Isai. 59. testatur Isaias cum dicit: *Quasi columba meditantes gememus.* &

Nahu. 2. Nahum: *Ancilla eius minabantur gementes, ut columba.* In canticis canticorum sponsa mystici Salomonis nihil frequentius dicitur,

Cant. 1. quam columba. *Ecce, inquit, tu pulchra es amica mea, oculi tui co-*

Cant. 2. *lubarum.* & paulo infra: *Surge amica mea, speciosa mea, & veni: columba mea in foraminibus petra, in cauerna maceria ostende mihi faciem tuam.* & rursum: *Surge prope, amica mea, columba mea, formosa mea, & veni.* & iterum:

Cant. 4. *Aperi mihi soror mea, amica mea, columba mea. immaculata mea.*

Cant. 6. & denique: *Vna est columba mea, perfecta mea.* Ista autem sponsa in cantico amoris, summa Interpretum consensione, Ecclesia est, & sponsus Christus, iuxta illud Apostoli in Epist. ad Ephesios: *Vir*

Ephes. 5. *caput est mulieris, sicut Christus caput*

caput est Ecclesia : Sed sicut Ecclesia subiecta est Christo ; ita mulieres viris suis . Viri diligite uxores vestras , sicut & Christus dilexit Ecclesiam , & se ipsum tradidit pro ea , ut illam sanctificaret , mundans lauacro aquæ , in verbo vitæ , ut exhiberet ipse sibi gloriosam Ecclesiam non habentem maculam , neque rugam .

Quamuis autem Christi sponsa sit Ecclesia , tamen omnes illi , & soli illi ad sponsam pertinent , qui sunt membra Ecclesiæ , non solum vera , sed etiam viuæ . & quoniam membrum Ecclesiæ principale , & eminentissimum est beatissima Virgo Maria verè immaculata , & perfecta , atque dilecta : ideo per antonomasiam ipsa Virgo sanctissima , inter omnia membra Ecclesiæ , dicitur sponsa , & amica , & columba . Dixi autem , illos dici posse sponsas Christi , & columbas , qui sunt membra Ecclesiæ , non solum vera , sed etiam viuæ : quoniam Christiani illi , qui fidem habent ,

fine



22 De gemitu columbæ

sine charitate, quique confitentur, se nosse Deum, factis autem negant; & qui nec puritatem cordis, nec fecunditatem operum, nec gemitum columbæ habent: hi ad columbam non pertinent, nisi ut membra arentia, & mortua. vel, ut loquitur sanctus Augustinus, ad Ecclesiam pertinent, numero, non merito. Porro signum certissimum eorum, qui pertinent ad columbam, gemitus est. sic enim lo-

In Pl. 54. quitur S. Augustinus: *Nil tam amicam gemitibus, quam columba: die noctuq. gemit.* & idem S. Augustinus lib. 3. de Baptismo contra Donatistas dicit, raptores, & avaros non pertinere ad columbam, sed ad accipitres; columbam enim gemere, non rapere.

Cap. 17.

Iam igitur si proprietas columbæ est, non canere, non garrire sed gemere, & frequentissimè, ac penè assiduè gemere: in quo numero illos ponemus, qui nunquam gemunt in oratione ad Deum; quin potius gemitum istum horrent, & fu-

Lib. I. Cap. II. 23

fugiunt: & si psalmos legunt, voce psallunt, non mente; & si orant, lingua orant, non corde; semper autem canunt, vel garriunt, id est, voluptatibus seculi dediti, totos se hilaritati, & ludis, ac iocis, comestationibus, venationibus, spectaculis impendunt? Quæ pars istis cum columba, sponsa Christi? cum coruis potius partem habebunt. Sed illud est hoc loco non prætereundum, ad eorum consolationem, qui gratiam abundantium, lacrymarum non habent, quòd columba non largo fletu terram rigat, sed gemit. sic etiam in Ecclesia, quæ per columbam significatur, non desunt, qui copiosas lacrymas fundere nequeunt, ut sanctus Athanasius docet in lib. de Virginitate, & usus fidelium idem confirmat. Ergo quicumque Christiani sumus, si non solo numero, sed etiam merito ad columbã pertinere desideramus, cum columba frequenter gemamus; nam si cum columba non gememus, ad columbam

— 24 De gemitu columbæ
bam non pertinebimus: & si ad
columbam non pertinebimus, ne-
que ad Christum pertinebimus: &
si ad Christum non pertinebimus,
horreo dicere ad quem pertinebi-
mus. Auertat Deus tantum ma-
lum à seruis suis, quin potius det
eis laborare vsque ad mortem in
gemitu suo, & vt oculi eorum ver-
tantur in fontes lacrymarum, vt
columbæ adiuncti in terris, ad
sponsum columbæ peruenire me-
reantur in cælis.

*De necessitate gemituum, ex
doctrina Ecclesiastæ.*

CAP. III.

IDEM Salomon, qui canticum
canticorum composuit, in gra-
tiam hominum perfectorum, qui
cum sponsa in amoribus sponsi cæ-
lestis iugiter occupantur: scripsit
etiam librum. qui inscribitur Ec-
clesiastes, in gratiam hominum
imper-

imperfectorum, ut eos ab amore
mundi, & omnis vanitatis auer-
teret. Atque ut eis persuaderet,
vera esse, quæ scripsit, addidit in
extremo libro hæc verba. *Cum*
esset sapientissimus Ecclesiastes,
docuit populum, & enarrauit quæ
fecerat, & inuestigans composuit
parabolas multas. Quæ sunt ver-
ba utilia, & conscripsit sermones
rectissimos, ac veritate plenos. Ver-
ba igitur, quæ modo in medium
proferemus, quamuis stultis ho-
minibus incredibilia videantur,
sunt tamen, Spiritu sancto attestan-
te, rectissima, ac veritate plenissi-
ma. Sic igitur loquitur conciona-
tor sapientissimus: *Dixi ego in*

Ecclesi. 12

Ecclesi. 2.

Ecclesi. 7.

B futu-

26 De gemitu columbæ

futurum sit. & infra: Cor sapientium ubi tristitia est, & cor stultorum, ubi letitia. Hæc ille, qui non ex contemplatione, & meditatione sola, sed ex longo experimento loquitur: quippè, qui abundauit ijs omnibus rebus, quæ vulgò maximi fiunt, diuitijs, voluptatibus, honoribus, imperij maiestate. Quare sicut iurè non credimus hominibus imperitis, & inexpertis, sic optimo iure Salomoni sapientissimo, & qui experimentum omnium rerum habuerat, fidem habere debemus. Ait igitur, vanitatem esse affluere delicijs, & frui temporalibus bonis. Et quamuis hæc persuaderi vix possint hominibus huius mundi, qui columbæ gemitum ignorant; tamen verissima sunt. Siquidem affluentia deliciarum, modicam, & breuem delectationem corpori adfert, sed magna, & diuturna sollicitudine mentem replet, magnos etiam, & diuturnos sæpe morbos generat; & quod caput est, magnorum scelerum, & facino-

cinorum causa est, quæ vel magno, & diuturno labore pœnitentiæ in hac vita expianda, vel in futura sempiternis supplicijs puniendæ erunt. Verè igitur scribit Ecclesiastes, affluentiam deliciarum vanitatem esse, id est, bonum apparens, non verum; vanum, non solidum; quod videtur esse aliquid, cum nihil sit.

Ex qua sententia deducitur illa, quæ sequitur: *Risum reputavi errorem, & gaudio dixi, quid frustra deciperis?* Risus opponitur luctui, & gaudium mœrori: verè autem errant, qui rident, cum flere deberent; & frustra decipiuntur, qui gaudent, cum tristari eos oporteret. Nec sine causa additur vox illa, *frustra*, quia sine vlla causa, vel utilitate se decipi sinunt, qui rident, & gaudent, cum tempus est gemendi, & flendi. In exilio sumus, in medio versamur hostium, per vallem lacrymarum iter facimus: unde igitur nobis ridendi potius, quàm gemendi, & gauden-

28 De gemitu columbæ

di, quàm plorandi voluntas ad-
est, nisi quia erramus, & decipi-
mur?

Porro ex hac secunda Salomo-
nis sententia recto ordine sequitur
tertia: *Melius est ire ad domum,*
luctus, quàm ad domum conuiuij.
Vtilius videlicet est, ire ad domũ,
vbi mortuus homo cum mœrore
circumstantium iacet; & flere cum
flentibus; tristari cum tristibus,
quàm ire ad domum conuiuij, vbi
cum lætitia bibitur vinum, & cum
voluptate comeduntur pingua; &
sic gaudere cum gaudentibus, &
exultare cum exultantibus. Quis
ista crederet, nisi à sapientissimo
virorum omnium, imò ab ipso Spi-
ritu sancto, qui veritatis spiritus
est, dicerentur? Et tamen spiritum
eundem habentibus credibilia fa-
cta sunt nimis; ijsque solis, qui ad
columbam gementem non perti-
nent, & qui spiritum huiusmodi
non habent, non incredibilia so-
lùm, sed etiam falsa, & deridenda
esse videntur. Sed mors hominis,
& iu-

& iudicium Dei cùm aduenerint, vera fuisse demonstrabunt, quæ Salomon scripsit, non quæ mundi amatores sibi finxerunt. Quod ipsum Salomon illis verbis significauit: *In illa enim* (in domo videlicet luctus) *finis cunctorum admonetur hominum*: & *uiuens cogitat quid futurum sit*, id est, in domo luctus, vbi mortuus iacet, admonentur, qui ibi sunt, se quoque breui esse morituros; & cogitare incipiunt, quid facto opus sit, vt non improuisa mors eis adueniat, neque antea rapiantur, quàm ludicem omnium Deum debita satisfactione placauerint.

Restat postrema sententia eiusdem Ecclesiastæ, quæ ex tertia superiore dependet: *Cor, inquit, sapientium vbi tristitia est: cor stultorum vbi letitia*. Sine dubitatione enim sapientes sunt, qui eligunt meliora; stulti, qui deteriora. præsertim si sapientes non verbo, & lingua, sed corde, & consilio, id est, re tota diligenter, & maturè con-

Eccel. 7.

30 De gemitu columbæ
siderata, eligunt gemere, & trista-
ri in hoc tempore, quod præterit
velut umbra, & in quo nihil est tu-
tum, nihil stabile, nihil à pericu-
lis, & tentationibus vacuum. Et
contra verè stulti dici possunt, qui
non repentino aliquo motu ferun-
tur in res lætas, sed ex corde, &
animi deliberatione, & certo con-
silio eligunt, totos se effundere in
lætitiā, quasi bona temporalia
cum tempore non transirent, & res
caducae nunquam essent casuræ.

Præclarè sanctus Augustinus.

Trist. 6.
in Ioan.

*Cui benè est, inquit, in hoc seculo,
imò qui putat, quod benè ei sit, qui
lætitiā rerum carnalium, & abun-
dantiā temporalium, & vana feli-
citate exultat; habet vocem Corui:
vox enim Corui clamosa est, non
gembunda: Qui autem nouit, in
pressura se esse mortalitatis huius,
& peregrinari se a Domino, non-
dum tenere illam perpetuam, qua
nobis promissa est beatitudinem:
qui hac nouit gemit, & quandiu
propter hac gemit, benè gemit. hæc*

san-

sanctus Augustinus, qui Salomonem imitatus, rectissime, postquā dixerat, *cui bene est in hoc seculo*, quasi corrigendo addidit, *imò, qui putat, quod ei bene sit*. Verè enim non benè illi est, qui lætitia rerum carnalium, & abundantia temporalium, & vana felicitate exultat; sed somniat sibi benè esse, & somno illo sopitus non videt veram, paupertatem suam, neque aduertit vera pericula, in quibus versatur: & ideo falsa imagine felicitatis delusus, non gemit, vt columba sapiens ad eum, qui potest ex omni periculo eruere, & veris diuitijs cumulare; sed (vt Osee propheta de Ephraim loquitur) *quasi* Ose. 2. *columba seducta non habens cor, a gemitu cessat, & laqueis venatorum capitur*.



32 De gemitu columbæ

*De necessitate gemituum, ex
Isaia Propheta.*

CAP. IV.

ISAIAS Propheta præuidens
grauia mala impendentia Vr-
bi Hierosolymitanæ, sic eâ deplo-
rat: *Recedite a me, amare flebo;
nolite incumbere, vt consolemini
me super vastitate filia populi mei.
& infra: Vocabit Dominus Deus
exercituum in die illa ad fletum, &
ad planctum, ad caluitiam, & ad
cingulum sacci. Et ecce gaudium,
& latitia, occidere vitulos, & iu-
gulari arietes, comedere carnes, &
bibere vinum. Comedamus, & bi-
bamus: cras enim moriemur. Et
reuelata est in auribus meis vox
Domini exercituum, si dimittetur
iniquitas hæc vobis, donec moria-
mini, dicit Dominus Deus exer-
cituum.*

In his plangit Isaias ruinam po-
puli

Lib. I. Cap. IV. 33

puli sui, eo prorsus modo, quo Dominus videns ciuitatem, eandem, fleuit super illam, vt sanctus Lucas refert. Fuerunt autem et sanctæ Luc. 9. lacrymæ, videlicet ex fraterna, vel paterna potius charitate manantes. Atque vt ostendat Isaias, placere Domino lacrymas pœnitentium, inducit Dominum ipsum inuitantem populum ad fletum, & planctum, & ad caluitiam, id est, rasuram capillorum, & cingulum sacci, quæ erant signa pœnitentiæ. Sed quia populus contempsit diuinam cohortationem ad fletum, & planctum; & contra potius dedit se lætitiæ, & gaudio, conuiujs, & compotationibus; & more infidelium dixerunt: *Comedamus, & bibamus; cras enim moriemur*; iratus Deus iurat, hanc iniquitatē non esse illis dimittendam; sed omnes illos contemptores Dei, & Prophetæ sui, miserrimè morturos. Ex his manifestè colligitur necessitas lacrymarum. nam si populus imitari voluisset Prophetam

34 De gemitu columbæ

Domini, ac deflere peccata propria, quomodo Isaias deflebat aliena: & si cohortationem Domini audiuiſſet, qui inuitabat ad lamenta pœnitentiæ, nè illos punire cogeretur: certè indulgentiã inueniſſet; non enim *vult Dominus mortem peccatoris ſed magis ut conuertatur, & uiuat*. Quia vero contempſit populus exemplum Prophetæ, & præceptum Domini, de pœnitentia cum lacrymis agenda: ideo captiuus ductus eſt populus ille contumax, & ciuitas euerſa, eſt deſtructa fuit. Vtinã Chriſtiani exemplo Hebræorum ſaperent, & clamantibus aſſiduè concionatoribus, ac præſertim temporibus ſolemnium ieiuniorum, lacrymis pœnitentiæ aſſueſcere inciperent. Multa fortasſe diuina flagella tum ſinguli, tum vniuerſi effugerent. Sed plurimos eſſe videmus, & dolemus, qui ſi non verbo, certè factis dicere videntur, Edamus & bibamus, cras enim moriemur. Et quod ſibi ipſi pronunciant, in
illud

illud incidunt: non quòd cum corpore extinguantur etiam animæ, & sensus nullus reliquus sit, quod athei verbis illis significare solēt, sed quòd ij, qui voluptati edendi, & bibendi dant operā, & cum gaudio, & lætitia temporalibus bonis affluere, & in bonis dies suos ducere cupiunt, cum ieiunio, & lacrymis pœnitentiæ carnem affligere tempus admoneat: ij, inquam, re uera cras moriētur, cum inopinata morte præuenti ad gehennam descendent, quæ est mors secunda, quæ finem nullū habebit.

Sanctus Hieronymus in commē-
tario ad hunc locum Isaia Prophe-
tæ, omisso literalī sensu, verba
Isaia ad persecutionem hæretico-
rum pertinere demonstrat. Et ve-
rè nulla est persecutio, ad quam
verba illa magis aptentur, *Re-
cedite à me, amarè flebo nolite in-
cumbere, ut consolemini me super
vastitate filia populi mei.* Siqui-
dem hæresis non destruit solum te-
ctum, & parietes ædificij, sed fun-


36 De gemitu columbæ

damenta Ecclesiæ penitus evertit.

Præuidit aliquādo sanctus Antonius hæresim Arianam atque ita persecutionem illam defleuit, ut ad vehementiam doloris illius nihil addi posse videatur. sic enim rem totam describit sanctus Athanasius in vita B. Antonij. *Lamentabilis, inquit, sequitur visio, & omni lacrymarum fonte plangenda. cum enim fratribus circa se sedentibus operaretur, intentos fixit oculos in calum gemens atque suspirans, & post aliquantum spacium reuelationis incepta, nimio dolore contremuit, & statim fixis genibus ante Dei vultum prouolutus, orauit, ut clementia sua futurum scelus auerteret. Succedunt orationi lacrymæ; metus ingens inuadit praesentes; obsecrant, ut tanta calamitatis exponat visionem. singultus occupant vocem, lingua fletibus præpeditur, & medio conatu sermo gemitu interrumpitur; vix tamen cum vociferatione ait, Melius erat, o filioli, im-*

pen-

pendens piaculum cita morte lucrari. Sic incipiens rursus lacrymis vincitur; & inter agra suspiria, tandem pectori commodans vocem, magnum, inquit, quoddam, & vniuersis seculis inauditum imminet nephas: magno fides catholica turbine subuertetur, & homines iumentis similes Christi sancta diripient. Vidi enim altare Domini Mulorum circumdatum multitudine, qui crebris calcium ictibus omnia dissipabant. Visionem sequitur effectus: nam post annos duos seua Arianorum irrupit insania, hæc ille; Non minorem persecutionem hæreticorum nostra vidit ætas. Atque vtinam aliquis Isaias, aut Antonius nobis lacrymas commodaret, quibus dignè persecutionem tantam deflere possemus.



*De necessitate gemituum,
ex Hieremia .*

C A P. V.

Th. 2.

Hieremias Propheta in Threnis sic alloquitur, & exhortatur populum Israel: *Deduc quasi torrentem lacrymas per diem, & noctem: non des requiem tibi, neq. taceat pupilla oculi tui. consurge, lauda in nocte, in principio vigiliarum effunde, sicut aquam cor tuum ante conspectum Domini; Leua ad eum manus tuas pro anima paruulorum tuorum, qui defecerunt in fame in capite omnium compitorum .* Hæc dixit Hieremias cùm hortaretur populum ad feriam pœnitentiam; quia Deum grauissimè offenderant. & iam ciuitas Hierusalem ob peccata populi capta, & euersa erat à Rege Babylonis, & restabant adhuc septuaginta anni miserrimæ captiui-

tiuitatis . Vt autem ostenderet ad
 feriam poenitentiam , & dignas
 preces , copiam lacrymarum , &
 frequentiam gemituum requiri ,
 ita locatus est , vt nihil addi posse
 videatur ad rem hanc amplifican-
 dam . *Deduc* , inquit , *quasi tor-*
rentem lacrymas . Non est conten-
 tus Propheta sanctus paucis la-
 crymarum guttulis , sed tantam
 copiam requirit , quantam aqua-
 rum copiam torrens violentus , &
 rapidus deuoluere solet . Siqui-
 dem riui aquarum tanto maiorem
 aquarum copiam secum trahunt ,
 quanto velocius fluunt : torrentes
 autem præ omnibus riuis aqua-
 rum cursu rapidissimo fluere so-
 lent . Neque his contentus addit
 Propheta , *per diem , & noctem* ,
 vt ostendat frequentiam , & perse-
 uerantiam lacrymarum esse neces-
 sariam . Torrentes enim magno
 impetu fluunt , sed cito siccantur .
 Quare Propheta his additis ver-
 bis significat , se torrentis affluen-
 tiam in lacrymis requirere , sed
 non

40 De gemitu columbæ
non breuem moram, quam torrens fluendo consumit. Quid est autem per diem, & noctem lacrymarum copiam fundere, nisi omni tempore in fletibus perseverare? Et quasi adhuc necessitatem lacrymarum non satis expressisset, Hieremias, addit: *Non des requiẽ tibi, neque taceat pupilla oculi tui* Non tibi, inquit, somnus obrep-
pat, non est nunc tempus quiescendi, dum gladium iræ suæ Dominus vibrat: nõ taceat pupilla oculi tui, clames assiduè ad Deum, non lingua, sed oculis, non verbis, sed lacrymis; ista enim est oratio, quæ Deum placare solet. Et quoniam Propheta nouerat non posse humanam fragilitatem totos dies, & totas noctes sine quiete transigere: admonet nos, vt saltem magnam noctis partem, quæ aptior est ad orandum, & flendum in precibus, & gemitibus consumamus. *Consurge, inquit, & lauda in nocte.* id est, postea quàm interdiũ aliquantulum quieueris,
con-

consurge de nocte ad Dominum,
 laudandum, & orandum. Con-
 surge autem non in multa nocte,
 sed in principio vigiliarum, id est,
 in ipso noctis principio. Nox
 enim tota in quatuor vigilias mo-
 re castrensi diuidi solet, & singulae
 vigilae tres horas complectuntur.
 Sic enim loquitur sanctus Hiero-
 nymus in commentario ad caput
 Matthæi quartumdecimum: *Sta-
 tiones, & vigiliae militares in ter-
 na horarum spatia diuiduntur.*
quando ergo dicit, quarta vigilia
noctis venisse ad eos Dominum,
ostendit eos tota nocte periclitatos.
 Quid autem facere debeant, qui
 vigilant in laudibus, & gemitibus,
 adiungit Propheta cum ait: *Es-
 funde sicut aquam cor tuum ante*
conspectum Domini. id est, effun-
 de per apertam, & sinceram con-
 fessionem omnia peccata, quæ la-
 tent in corde tuo, ea facilitate,
 qua funditur aqua tota ex vase, vt
 nihil in eo remaneat, nunc enim
 tempus est misericordiae, si serio
 dolen-

42 De gemitu columbæ
dolentes, & flentes confiteamur
peccata nostra. Sic exponit san-
ctus Ambrosius illud psalmi sexa-
gesimi primi: *Effundite coram il-
lo corda vestra.*

Neque solum in nocte peccata
confiteri, & flere debemus coram
Domino, vt ea nobis remittat: sed
etiam orare & gemere pro nostris
proximis, qui fame pereunt: sic
enim concludit Hieremias: *leua
ad eum manus tuas pro anima pa-
ruulorum tuorum, qui defecerunt
in fame in capite omnium compito-
rum.* Hæc verba postrema non
videntur accipi posse pro morte
corporali paruulorum, qui in ob-
sidione Hierosolymæ perierunt.
neque enim illi suffragijs oratio-
num indigebant; & tamen hoc lo-
co manifestè de oratione agitur,
cùm dicitur, *Leua ad eum manus
tuas pro anima paruulorum, qui
defecerunt in fame.* Nam in scri-
pturis eleuatio manuum, ad ora-
tionem pertinet: Nam cùm leua-

Exod. 17 ret manus Moses vincebat Israel,
sim

fin autem remisisset, superabat
 Amalech. & in psalmis dicitur,
In noctibus extollite manus vestras Psal. 133
in sancta, & benedicite Domi-
num. & rursus: *Eleuatio manuum* Psal. 140
mearum sacrificium vespertinum
 Apostolus quoque in priore ad Ti-
 motheum: *levantes puras manus.* 1. Tim. 2.

Rectè igitur S. Hieronymus, vel
 quicumque est auctor Commenta-
 riorum in Threnos, sub nomine
 S. Hieronymi, per *paruulos*, hoc
 loco intelligit homines rudes, qui
 fame verbi Dei moriebantur in
 capitibus omnium compitorum.
 nunquam enim maior fuit penu-
 ria panis cælestis in populo Dei,
 quàm tempore excidij Hierosoly-
 mitani, & Babylonice captiuita-
 tis. Tunc enim & Reges erant im-
 pij, & Sacerdotes peruersi; & vsq;
 adeo imperiti, vt vix tunc liber
 legis inueniretur; & populus adeo
 excæcatus, vt Prophetas, qui soli
 eis prædicabant, occiderent. Nam
 & Hieremiam, & Ezechielem eo
 tempore interfecerunt. Meritò
 ergo

44 De gemitu columbæ

ergo Hieremias hortatur populū Dei, vt eleuatis manibus Deum, in noctibus exoret pro paruulis, qui fame verbi Dei passim in capite omnium compitorum, id est, palam, & publicè moriebantur.

Iam vero si hæc ad tempora nostra applicare voluerimus, fortasse non minorem lacrymarum necessitatem inueniemus. Tanta est enim etiam nunc multitudo pereuntium ex fame verbi Dei, vt incredibile sit. Nam exceptis ciuitatibus catholicis, vbi est copia verbi Dei, in reliquo mundo, vel distribuitur panis corruptus, vt apud hæreticos, vel nullus, vt apud Paganorum permultos.

*De necessitate gemituum, ex
Propheta Ezechiele.*

C A P. VI.

EZECHIEL Propheta describit visionem quandam
suam

suam prorsus horribilem, quæ si non persuadet hominibus gemitum & ploratum, non video, quid sit, quod rem hanc persuadere queat: *Et dixit, inquit, Dominus* Fzech a
ad eum, transi per mediam ciuitatem in medio Hierusalem, & signa
Thaù super frontes virorum gementium, & dolentium super cunctis
abominationibus, quæ fiunt in medio eius. Et illis (ministris iræ
Dei) dixit, Transite per ciuitatem, & percutite: non parcat oculus
vester, neque misereamini senem,
adolescentulum, & virginem, paru-
ulum, & mulierem interficite,
vsque ad internecionem. Om-
nem autem super quem videritis
Thaù ne occidatis, & a sanctuario
meo incipite. Hæc visio manifestè significat, ex populo Dei solos, & omnes eos esse saluandos, qui gerunt in fronte signum Thaù: solos autem eos signum Thaù gerere, qui gement, & dolent super abominationibus quæ fiunt in populo Dei. Porro signum Thaù nihil est aliud,

46 De gemitu columbæ

aliud, nisi signum Crucis . Nam, vt sanctus Hieronymus tradit in explicatione huius loci Ezechielis , litera Thau, quæ est postrema hebraici alphabeti , olim in antiquis literis habebat figuram Crucis ; sed postea mutata sunt per Esdrâ literæ, & ea causa est, cur non cernatur Crucis signum in literis hebraicis, quas nos habemus . Cernebatur tamen tempore S. Hieronymi, vt ipse fatetur, in literis, quibus utebantur Samaritani, apud quos antiquæ literæ remanserant. Igitur Thau, de quo loquitur Ezechiel, qui Esdrâ præcessit, Crucis figuram sine dubitatione gestabat . Quid est autem signum Crucis in fronte gestare, nisi non erubescere Crucem Christi? illi vero non erubescunt Crucem Christi, qui diligunt humilitatem, patientiam, mansuetudinem ; qui non vlciscuntur iniuris, sed reddunt bona pro malis, qui diuitias contemnunt, paupertatem colunt, qui recumbunt in nouissimo loco,

qui

qui deniq; non sunt de hoc mundo sicut Christus non fuit de hoc mundo. Isti autem, quia columbæ sunt, non corui, gemunt assidue, clamant autem nunquam. Illi vero, qui non sunt in fronte signati, ac per hoc inter reprobos computantur, gemunt quidem, & dolent, non offensiones, & peccata, quæ fiunt in Deum, sed offensiones & detrimenta, quæ ipsi tolerare coguntur. Nō est illis curæ, si quis ipsis audientibus Deum blasphemet, sed si quis conuicium in ipsos iaciat, hoc dolent, & de hoc gemunt, hoc concoquere non valent, neque quiescunt, donec pro conuicio alapam, aut vulnus reddiderint. Quid igitur mirum est, si isti inter Cruce signatos non inueniantur, & ab exterminatore percussi pereant in æternum?

Ac, vt intelligeremus visionem hanc propheticam, non ad sinagogam solum Hebræorum, sed ad Ecclesiam quoque Christianorum pertinere; Sanctus Ioannes in-

48. De gemitu columbæ

Apoc. 7.

Apocalypsi vidisse se scribit, Angelum ascendentem ab ortu solis, habentem signum Dei vixi, qui clamavit voce magna quatuor Angelis, quibus datum est nocere terræ & mari, dicens: Nolite nocere terræ, & mari; neque arboribus quoadusque signemus servos Dei nostri, in frontibus eorum. Et audiui numerum signatorum centum quadraginta quatuor millia signati ex omni tribu filiorum Israel. & paulo post addit: Post hac vidi turbam magnam, quam dinumerare nemo poterat, ex omnibus gentibus, & tribubus, & populis, & linguis, stantes ante thronum, amicti stolis albis, & palmæ in manibus eorum. Et clamabant voce magna dicentes, salus Deo nostro, qui sedet super thronum, & Agno. Isti videlicet sunt electi Dei, & signati signo Thau in frontibus eorum, partim ex Iudæis, partim ex gentibus. Sed electi ex Iudæis pauci sunt, si conferantur ad electos ex gentibus: ideo electi ex Iu-

oqA

dæis

daïs numerantur centum quadraginta quatuor millia : electi ex Gentibus dicuntur esse sine numero : non quod reuera sine numero sint, cum & capilli eorum numerati sint apud Deum, vt Dominus loquitur apud Sāctum Matthæum; Matt. 10.
sed quod tātò plures sint isti, quàm illi, vt præ illorum paucitate isti innumerabiles esse videantur.

Nemo autem existimet, ex eo quod electi ex Gentibus dicuntur numerari non posse, maiorem fore numerum electorum, quàm reproborum. Nam erit quidem longe maior numerus electorum ex Gentibus, quàm ex Hebræis : sed omnino minor erit numerus electorum, siue ex Hebræis, siue ex Gētibus numero reproborum. Id quod vel ex hoc ipso loco colligi potest. Electi enim ex Hebræis numerantur hoc loco centum quadraginta quatuor millia : qui numerus infinitis propè partibus minor est numero reproborum ex Hebræis. Si quidem in libro Exo-

50 De gemitu columbæ

Exod. 12

di, quando egressi sunt filij Israel de Ægypto, numerati sunt sexcenta ferè millia peditum absque paruulis, sed & vulgus promiscuū innumerabile. Itaque si addamus ad sexcentamillia peditum mulieres, & paruulos, & turbam famulorum, & ancillarum innumerabilem, crescet numerus, vt minimum, ad mille millia hominum. Numerari postea David iussit omnes viros bellatores, qui tēpore suo erant in Regno Israel, & inuenti sunt mille millia, & trecenta millia militum: quibus si addas, paruulos, & mulieres, erunt sine comparatione plures. Quibus si addas Hebræos, qui fuerunt à temporibus Abrahami, & erunt vsque ad mundi consummationem, inuenies tam ingentem multitudinem, vt numerus centum quadraginta quatuor millium electorum, qui ponitur in Apocalypsi, non sit millesima pars multitudinis reproborum. Et quod diximus de numero Hebræorum, potest etiam dici,

R: g 24.

Lib.I. Cap.VI. 51

dici, seruata proportionē, de numero Christianorum. Quod enim Dominus dicit apud Matthæum, Matt. 7.
Luc. 13. & Lucam de via & porta angusta, quæ ducit ad vitam, per quam pauci ingrediuntur: & de via, & porta lata, quæ ducit ad perditionem, per quas ingrediuntur multi; commune est Hebræis, & Christianis: nam qui Dominum interrogauit, an pauci sint, qui saluantur, non dixit, an pauci sint ex Hebræis, sed simpliciter, an pauci sint, qui saluantur: & Dominus non respondit, arcta est via, quæ ducit ad vitam, & pauci ex Hebræis intrant per eam: sed absolute, *& pauci intrant per eam*. Quod ipsum ex Isaia confirmari potest, qui describens paucitatem eorum, qui in consummatione seculi salui inuenientur, utitur duabus similitudinibus, Vineæ post vindemiam, & oleæ excussæ, quæ omnino horrorem maximum incutiunt. Sic enim loquitur Isaia de consummatione mundi: *Ecce*

C 2 Deus

32 De gemitu columbæ

Deus dissipabit terram, & nudabit eam. & infra: Hæc erunt in medio terra, in medio populorum, quomodo si pauca oliuæ, quæ remanserunt, excutiantur ex olea, & racemi, cùm fuerit finita vindemia. Hi leuabunt vocem suam, atque laudabunt cùm glorificatus fuerit Dominus. Itaque numerus reproborum similis erit multitudini oliuarum, quæ cadunt in terram, cùm primum excutitur olea; paucitas autem electorum similis erit paucitati oliuarum, quæ fugerunt manus excutientiũ, & remanserunt in summitate ramorum, quæ postea separatim excutuntur. Sic etiam multitudo reproborum comparabitur vindemiæ, in qua multa implentur vasa ex racemis vuarum, qui à multis agricolis colliguntur: paucitas electorum cõparabitur paucitati racemorum, qui post finitam vindemiam casu inueniuntur in vinea. Ideo pauci illi electi, cum incredibili gaudio leuabunt

vocem suam, atque laudabunt, cum ex condemnatione omnium impiorum glorificatus fuerit Dominus. Hæc certè eiusmodi sunt, ut mirum non sit, si electi, & Cruce in frontibus signati, perpetuò gemant, & doleant, dum vident scelera, quæ fiunt in terra, & considerant supplicia, quæ scelestos expectant in gehenna.

Sed nolo illud præterire, quod Ezechiel, vel Deus potius per Ezechielem de Sacerdotibus dicit, *A sanctuario meo incipite*: imperat enim Deus, ut qui scelestos punire debent, à malis Sacerdotibus incipiant. Nulli enim gravius in extremo Iudicio punientur, quam principes Ecclesiarum, qui alios omnes verbo, & exemplo præire debuerunt. De qua re audi sanctum Gregorium in Homilia septima decima: *Nullum puto, fratres charissimi, ab alijs maius præiudicium, quàm a Sacerdotibus tolerat Deus; quando eos, quos ad aliorum correctionem posuit, dare*

54 De gemitu columbæ

*de se exempla prauitatis cernit: quando ipsi peccamus, qui compe-
fcere peccata debuimus; nulla ani-
marum lucra quarimus, ad nostra
quotidie studia vacamus; terrena
concupiscimus, humanam gloriam
intentam mente captamus. Confi-
deret Lector Homiliam totam, &
simul consulat Epistolam S. Augu-
stini, ad Valerium Episcopum
suum, & S. Bernardi declamatio-
nem in illa verba, Ecce nos reliqui-
mus omnia; & intelliget in quan-
to periculo versantur Sacerdotes
mali. Sed si verba hominum san-
ctorum, quamuis doctissimorum
minus mouent, audiamus Spiri-
tum sanctum, per Malachiam lo-
quentem, & increpantem Sacer-
dotes, Labia Sacerdotum custo-
diunt scientiam, & legem requi-
rent ex ore eius, quia Angelus Do-
mini exercituum est. Vos autem
recessistis de via, & scandalizastis
plurimos in lege. Irritum fecistis
pactum Leui, dicit Dominus exerci-
tuum, propter quod & ego dedi*

Malac. 2.

vos

vos contemptibiles, & humiles omnibus populis, sicut non seruastis vias meas, & accepistis faciem in lege. Et si Dominus tam molestè ferebat negligentiam, & malos mores Sacerdotum veteris legis: certè multò magis indignabitur, & irascetur Sacerdotibus malis legis nouæ, quæ sine vlla comparisone sanctior est lege veteri.

*De necessitate gemituum, ex
Ioel Propheta.*

CAP. VII.

SANCTVS Propheta Ioël præuidens, & prædicens multa mala, qua imminebant toti populo Israël, instar tubæ terribilis vociferatur, & clamat, vt lacrymis & gemitibus tum sacerdotes, tum populi Deum placare festinent. Ad populum sic loquitur, *Plange* Ioel. 1.
quasi virgo accincta sacco super virum pubertatis suæ. Perijt sacrificium,
C 4

56 De gemitu columbæ
 ficiū, & libamen de domo Do-
 mini. Ad sacerdotes autem, Ac-
 cingite, inquit, vos & plangite
 sacerdotes: ululate ministri alta-
 ris: ingredimini, cubate in sacco
 ministri Dei mei, quoniam interijt
 de domo Dei vestri sacrificiū, &
 libatio. Et rursū ad omnes, Ca-
 nite, inquit, tuba in Sion, ululate
 in monte sancto meo: conturben-
 tur omnes habitatores terra, quia
 venit dies Domini, quia propè est
 dies tenebrarum, & caliginis, dies
 nubis, & turbinis. Deinde indu-
 cit Deum cohortantem, Conuer-
 timini ad me in toto corde vestro in
 ieiunio, & in fletu, & in planctu.
 & infra, Inter vestibulum & al-
 tare plorabunt Sacerdotes ministri
 Domini; & dicent, Parce Domine
 parce populo tuo. Ista certè tam
 vehemens cohortatio ad lacry-
 mas, magnum est argumentum,
 ad Deum placandum, & mala gra-
 uissima auertenda, & salutem
 æternam impetrandam, non suffi-
 cere solas, & frigidas preces; sed
 re-

Ioach. 2.

2. 11

requiri saccum , & ieiunia , & præcipuè calidas lacrymas , gemitum cordis , & planctum vehementem.

Est autem illud , hoc loco , non leuiter prætereundum , quòd cum multa damna spiritualia , & temporalia imminerent populo Israel: tamen sollicitudo præcipua , non solùm Sacerdotum , sed etiam populi , erat ad auertenda mala spiritualia , carentiam videlicet sacrificiorum diuinorum , quibus honorari , & placari solet Deus. Nam cum in prima sententia dixisset Ioël ad plebem Iudaicam ,

Plange quasi virgo accincta sacco super virum pubertatis suæ: rationem reddens ait, Quia periit sacrificium & libamen de domo Domini. Sic etiam in secunda sententia , cum dixisset ad Sacerdotes , *Accingite vos , & plangite sacerdotes ; ululate ministri altaris ;* eandem rationem reddit , dicens , *quia periit de domo Domini vestri sacrificium , & libatio.* Ex quo intelligimus detrimenta tem-

38 De gemitu columbæ

poralia, non esse digna multis lacrymis, cum res sint viles, & breui perituræ; detrimenta autem spiritualia, præsertim peccata, quibus æterna vita in periculum adducitur, iurè esse omni lacrymarum fonte plangenda. Illud etiam in verbis Ioëlis considerandum est, quòd simul cum lacrymis adhiberi velit ad Deum placandum instrumenta, & opera pœnitentiæ, saccum, & ieiunium. Mirum enim est, quantopere placeant in oculis Dei saccus, & ieiunium lacrymantium, propterea quòd hæc sint veræ pœnitentiæ signa. Id quod vel ex vno Niniuitarum exemplo demonstrari potest. sic enim legimus in libro Ionæ Prophetæ, *Et clamavit, & dixit in Niniue, ex ore Regis, & principum eius dicens, homines & iumenta, & boues, & pecora non gustent quicquam: non pascantur, & aquam non bibant; & operiantur saccis homines, & iumenta, & clament ad Dominum in fortitudine,*

Ican. 3.

ne, & conuertatur vir a via sua mala, & ab iniquitate, qua est in manibus eorū. Quis scit si conuertatur, & ignoscat Deus, & reuertatur a furore irae suae, & non peribimus? Et vidit Deus opera eorum, quia conuersi sunt de via sua mala; & misertus est Deus super malitiam, quam locutus fuerat, ut faceret eis, & non fecit. Illud denique in verbis Ioēlis animaduerto, requiri ab eo in poenitentibus fletum, non quemcunq; sed vehementem, & amarum, qualis esse solet sponsae, cum sponsum sibi charissimum, & prae omnibus rebus dilectum, mortuum ante se videt. Id enim significant illa verba, *Plange quasi Virgo accincta sacco super virum pubertatis suae*. Et tamen multi nostrum ficcis oculis confitentur peccata, graua, & de sacco, & ieiunio ne cogitant quidem. Sed Deus non irridetur, & in iudicio extremo surgent Niniuitæ, & gentiles; & multos Christianos sine dubio

60 De gemitu columbæ
condemnabunt . Atque hæc de
testimonijs veteris testamenti .

*De necessitate gemituum , ex
Euangelio SS. Matthæi ,
Luæ , & Ioannis .*

CAP. VIII.

Matth. 5.
Luc. 6.

IN libris Euangeliorum inue-
nimus inter beatitudines nu-
merari , *Beati , qui lugent , quia
consolabuntur . & , Beati , qui nunc
fletis , quia ridebitis .* Ac ne puta-
remus hæc verba pertinere ad
consilium , addit S. Lucas , *Va vo-
bis , qui ridetis nunc , quia lugebi-
tis , & flebitis .* Proinde quemad-
modum necesse est hoc tempore
non ridere , ne postea lugeamus :
sic necesse est lugere , vt postea ri-
deamus , & delectemur . Scriptum
est enim in Apocalypsi , *Absterget
Deus omnem lacrymam ab oculis
eorum .* Et à quorum oculis lacry-
mas Deus absterget , nisi ab ijs , qui
fle-

Apoc. 21

fleuerunt, & luxerunt in hac lacrymarum valle? & qui sunt illi, de quibus dicitur in eadem Apocalypsi, *Quantum glorificauit se, & in delicijs fuit, tantum date illi tormentum, & luctum*; nisi qui omisso pœnitentiæ luctu, totos se vitæ huius delicijs, & iucunditatibus tradiderunt? Itaque necesse est in hoc exilio flere, si volumus in patria gaudere.

Sed exponamus Euāgelica verba, *Beati, qui lugent*. Sanctus Augustinus in priore libro de sermone Domini in monte, exponit hæc verba de luctu, quem capiunt ij, qui conuertuntur ad Deum, de amissione charorum. Non enim possunt, qui nondum perfecti sunt, non cum aliquo sensu doloris ferre separationem à parentibus, fratribus, & amicis. Sed alij sancti Patres, S. Hieronymus, & S. Io. Chrysostomus in commentario ad caput quintum Matthæi, & S. Ambrosius in expositione capitis sexti Lucae, magno consensu tradunt,

Chri-

62 De gemitu columbæ

Christum Dominum loqui de luctu ob peccata vel sua, vel aliena . Atque hæc sententia censetur verior : nec tamen S. Augustini sententia reiicienda est, si rectè intelligatur . Non enim vult S. Augustinus, beatos dici à Christo eos, qui lugent absentiam charorum, hac solum ratione, quia dolent separationem à charis, atque coniunctis: sed quia malunt cum luctu separari à charis personis, quàm separari à sequela Christi; ut in eo sit posita beatitudo, quòd malint lugere charorum amissionem, quàm Christum non sequi, vel à perfectione vitæ retardari .

Alia tamen sententia, ut est communior, ita est clarior, atque faciliior . Beati ergo, qui lugent in hoc tempore ob scelerum detestationem, & Dei conditoris nostri, ac Patris amantissimi offensiones, vel ob desiderium æternæ vitæ, vel alijs de causis ad amorem, vel timorem Domini pertinentibus : quia veniet tempus, quo in caelesti

pa-

Lib. I. Cap. VIII. 63

patria consolationibus maximis, & purissimis repleantur. Et vae illis, qui ridet nunc, quia flebunt postea cum proijcientur in tenebras exteriores, vbi erit fletus, & stridor dentium. Neque vero tam feueri sumus, vt existimemus, non licere, vel non expedire seruis Dei modestum, & breuem risum. Sed quod, scripturam sequentes, dicimus, hoc est, non licere, neque expedire Christianis, sic se risui, & consolationi addicere, vt non meminert, se esse in valle lacrymarum, & temporibus suis in gemitum, & fletum, & planctum serio incumbant: tempus enim exultationis, & lætitiæ in patria erit; tempus vero gemendi, & flendi, nunc est, cum in exilio sumus, & inter hostes plurimos, & crudelissimos versamur.

Apostolus, & Euangelista Ioannes breuem sententiam Christi Saluatoris de necessitate gemendi protulit; sed quæ longi sermonis vicem gerere possit. Sic enim
lo.

64 De gemitu columbæ

Io. 16.

loquitur, *Amen, amen dico vobis, quia plorabitis, & flebitis vos, mundus autem gaudebit; vos vero contristabimini; sed tristitia vestra vertetur in gaudium. Mulier quoniam parit tristitiam habet, quia venit hora eius: cum autem peperit puerum, iam non meminit præfura propter gaudium, quia natus est homo in mundum. Et vos igitur nunc quidem tristitiam habetis: iterum autem videbo vos, & gaudebit cor vestrum, & gaudium vestrum nemo tollet a vobis. Certè sententia hæc si ab omnibus penetraretur, & ad cor omnium profundè descenderet, nemo esset, qui non toto tempore huius peregrinationis, dimissis oblectationibus cunctis, plorare, & flere, atque instar columbæ dies, noctesque gemere delectaretur.*

Principio in hoc distinguit Dominus discipulos suos à mundo, quòd in hoc præsentī seculo discipuli plorant, mundus gaudet. Et quid interest inter discipulos Christi

sti

si & mundum ? quod inter electos, & reprobos. Nam & Dominus dixit, *Pro eis rogo, non pro Mundo.* Et Apostolus ad Corinthios, *Ne cum hoc mundo dam- nemur.* Quid ergo sequitur, nisi, ut qui cum discipulis plorat, ad sortem electorum pertineat; si tamen in fletu, & gemitu perseveret. Et qui fletu à se excluso, cum mundo gaudere delectatur, cum hoc mundo damnetur, nisi prius de mundo exeat, quàm de corpore ? Addit postea Dominus, *Vos verò contristabimini, sed tristitia vestra vertetur in gaudium.* Ut videlicet, proposito premio discipulos hortetur ad perseverandum in fletibus, dum vita præsens durat, cum certos illos redderet de futuro gaudio inenarrabili, & sempiterno, quod, ut paulo infra dixit, nemo tollere possit ab eis. Ac ut eis demonstraret, tempus fletus fore brevissimum, tempus gaudij diuturnum; adducit similitudinem parturientis, quæ cum venerit ho-

ra

66 De gemitu columbæ
ra eius triftitiam habet, *cùm au-*
tem peperit puerum, iam non me-
minit preffuræ, propter gaudium,
quia natus eſt homo in mundum.
Tempus triftitiæ, & fletus horæ
comparatur propter breuitatem.
Cùm venerit, inquit, hora eius;
tempus gaudiij comparatur annis
integrif, quia mulier tam diù gau-
det, quandiù proles viuit.

Gal. 4.

Aptiffimam vero hanc fimilitu-
dinem eſſe vel ex eo cognoſci po-
teſt, quòd officium Apoſtolorum,
vt etiam aliorum Prælatorum Ec-
cleſiæ, eſt officium mulieris cum
dolore parturientis, iuxta illud
Apoſtoli, *Filioli mei, quos iterum*
parturio, donec formetur Chriſtus
in vobis. Atque hoc eſt durior
parturitio Prælatorum, quàm
feminarum: quòd iſtæ ſemel par-
turiunt, illi ſæpius eundem filium
parturire coguntur. Cum quan-
to autem gemitu boni Prælati par-
turiant, demonſtrat mulier illa
de Apocalypſi, quæ figuram ge-
rens Eccleſiæ, *clamabat partu-*
riens,

Apc. 12.

Lib. I. Cap. VIII. 67

riens , & cruciabatur , ut pareret.

Denique quòd hæc omnia verissima sint , atque omnino seriò dicantur à Domino , testantur verba illa , *Amen amen dico vobis* . Considerabat enim Dominus , multos non facile credituros , necesse fore , ut electi gemant assidue , & utilius esse flere cum discipulis , quàm gaudere cum mundo , & qui ad tempus cum discipulis plorant , æternis gaudijs cumulandos ; & qui ad tempus cum mundo gaudent , æternis supplicijs cruciandos : ideo iuramentum addere voluit dicens , *Amen amen dico vobis* ; idest , in veritate , in veritate dico vobis . quod quasi iuramentum Christi sanctus Augustinus appellat . Vtinam hæc homines diligenter considerarent , & non paterentur tempus utilissimum sibi elabi de manibus , quo paucis lacrymis ingentia gaudia comparari possunt .

Tract. 48
in Ioan.

68 De gemitu columbæ

*De necessitate gemendi, ex
Apostolis Paulo, &
Iacobo.*

C A P V T I X.

APOSTOLVS Paulus in priore
1. Cor. 5. ad Corinthios grauissimè
reprehendit totam Ecclesiam Co-
rinthiorū, quòd non luxisset ince-
stum vnius Corinthij. *Auditur, in-*
quit, inter vos fornicatio, & talis
fornicatio qualis nec inter gentes,
vt uxorem patris sui aliquis ha-
beat. Et vos inflati estis, & non
magis luctum habuistis vt tollatur
de medio vestrum, qui hoc opus fe-
cit. Tanta erat in prima illa na-
scente Ecclesia sollicitudo purita-
tis, vt vitia, præsertim ad luxu-
riam pertinentia, ne nominari
quidem vellent inter Christianos.
Sic enim loquitur idem Apostolus
Ephes 5. scribens Ephesijs, *Fornicatio, in-*
quit, & omnis immunditia, nec

nominetur in vobis , sicut decet sanctos . Cum igitur vnus quidam ex Corinthijs in incestū cum No-uerca lapsus esset , & hoc apud reliquos Christianos innotuisset, optabat Apostolus , vt tota Ecclesia peccatum illud publicè lugeret . Quod quia facere neglexerunt , acriter illos reprehendit, & , vt ipse idem refert in epistola posteriore , non solum per literas eos grauitè corripuit , sed multas lacrymas fudit, dum reprehensionem illam ad eos misit . *Ex multa , inquit , tribulatione, & angustia cordis scripsi vobis per multas lacrymas .* Ait igitur , *Auditur inter vos fornicatio .* quasi dicat ; multa sunt in vobis reprehensione dignissima: ac primū illud est, quòd nominetur inter vos fornicatio & fornicatio iā istic perpetrata: cū tā procul ab hac immūditia abesse vos æquum fuerit, vt ipsum etiam nomen ignoraretis . *Et talis fornicatio qualis nec inter gentes, ita vt uxorem patris sui aliquis habeat.*

2. Cor. 2.

1. Cor. 5.

70 De gemitu columbæ

beat. hoc est alterum peccatum, quod fornicatio istic perpetrata, non fuerit simplex fornicatio, sed fornicatio incestuosa, & apud ipsos etiam gentiles inaudita. Quamvis enim olim apud varias gentes incestus non puniretur, tamen paulatim intelligere cæperant gentiles, eam coniunctionem cum natura pugnare, & iam Apostoli temporibus, etiam apud gentes vix audiebatur. *Et vos inflati estis, & non magis luctum habuistis.* Hoc est peccatum tertium Corinthiorum, quod inflati superbia, ita contenderent inter se, ut occupati in dissensionibus suis, non cogitauerint de remedio tanto sceleri adhibendo. debuissent enim, tanto flagitio cognito, congregari in Ecclesiam negocijs alijs intermissis, & publicum luctum indicere, & communibus lacrymis misericordiam Domini implorare: & facinorosum illum, nisi mox resipisceret, de cætu suo eijcere. O quam longe recessimus
ab

Lib. I. Cap. IX. 71

ab Apostolica disciplina, & quam
rara nunc est, quæ olim frequen-
tissima erat, gratia lacrymarum.
Tunc vno peccante, totus populus
Apostoli iussu ad fletum, & lamen-
ta commouebatur : nunc multis
peccantibus, vix inuenitur, qui
ob zelum honoris Dei, & perdi-
tionis animarum lacrymas fun-
dat.

Postremus testis ex diuinis li-
teris pro necessitate lacryma-
rum, sanctus Iacobus erit. Eius
sunt illa verba, *Miseri estote*, Iac. 4.
& *lugete*, & *plorate* : *risus ve-*
ster in luctum conuertatur, &
gadium in mœrorem. Alloquitur
autem omnes homines, qui ad
Ecclesiam Dei pertinent. nam vt
ipse dicit paulo superius, *In mul-* Iac. 3.
tis offendimus omnes : cui conso-
nat coapostolus eius Ioannes, *Si* 1. Io. 1.
dixerimus, quia peccatum non
habemus, nos ipsos seducimus.
Admonet igitur omnes nos hic
sanctissimus Doctor, vt miseri si-
mus, hoc est, misericordia diui-
na

72 De gemitu columbæ
na egentes nos esse intelligamus,
& profiteamur . ac vt misericor-
diam Domini in nos prouocemus,
non solum verbo & lingua clame-
mus ad Deum , sed lugeamus ,
& ploremus : nec solum lugeamus
& ploremus , sed risum in luctum
conuertamus, & gaudium in mœ-
rorem : parum enim prodest lu-
gere , & flere , si paulo post , are-
scente lacryma compunctionis ,
soluamur in risum, & seculari læ-
titie nos tradamus . O quam lon-
gè absumus à doctrina Spiritus
sancti . Ecce enim quanta audiui-
mus de necessitate lacrymarum, si
quis velit ad æterna gaudia per-
uenire, ex libris à Deo ipso dicta-
tis, & à sanctis Prophetis, & Apo-
stolis sollicitè, fideliterq. conscri-
ptis : & tamen pleriq. nostrum au-
res habent, & non audiunt, oculos
habent, & non vident, cor habent,
& non intelligunt . Descent qui-
dem inconsolabilibus lacrymis
mortes charorum, aut iacturam
pecuniarum, aut alia quæcunque
tem-

temporalia detrimenta : quæ cum spiritualibus comparata, leuissima sunt. Quid enim mirum est, si peritura intereunt, & si temporalia cum tempore transeunt? & si mortales moriuntur? At mortem animæ, quæ victura est in æternum, & iacturam Regni cælestis, quod est maximum, & sempiternum, non deflere, imò non magnificare, neque curare, non ne stuporis, vel amentię argumentum est manifestum? Et tamen eiusmodi stupidorum, vel amentium, imò etiam cæcorum, & furdorum, infinitus est numerus. Sed quando nos scripturarum verba non mouent, experiamur utrum saltem exempla nos moueant.

De necessitate gemituum, ex scripturarum exemplis.

CAP. X.

IN libris sanctis multa sunt exempla eorum, qui ad placandum
D Deum

74 De gemitu columbæ

Deum fletibus præcipuè vfi sunt.

Ac primum occurrit exemplum

Iud. 2.

totius Reipublicæ Hebræorum in libro Iudicum. Si quidem Angelo Domini reprehendente peccata populi, eleuauerunt omnes filij Israel vocem pariter, & fleuerunt; *Et vocatum est nomen loci illius, locus fletuum, & lacrymarum.* Fuisse autem lacrymas illas ex corde fusas, & gratiam Domini impetrasse, docuit exitus. nam post fletum illum *seruierunt filij Israel Domino cunctis diebus Iosue, & seniorum, qui longo post eum vixerunt tempore.*

Istæ igitur sunt lacrymæ veræ, & salutares, ad quas sequitur stabilis vitæ mutatio.

Iud. 20.

Alius locus est huic similis in eodem libro Iudicum, vbi sic legimus, *Omnes filij Israel venerunt in domum Dei, & sedentes flebant coram Domino: ieiunaueruntque die illo, & obtulerunt ei holocausta, & pacificas victimas.* En quàm vetusta est Ecclesiæ consuetudo pla-

placandi Deum lacrymis, & ieiunijs, & sacrificijs.

Deinde in libro primo Regum 1. Reg. 15 habemus exemplum sancti Prophetæ Samuelis, qui Saulem Regem, præuaricantem mandata Domini, & ab ipso Domino abiectum, diutissimè fleuit: simul offensionem Dei, & periculum Saulis deplo-
rans.

Tertio loco habemus exemplum Danid Regis, qui omni genere piarum lacrymarum copiosissimè abundauit. Ac primum fleuit amarissimis & copiosissimis lacrymis peccatum adulterij, & homicidij à se patrati. Sic enim loquitur ipse de se in Psalmo sexto, *Labora-
raui in gemitu meo, lauabo per
singulas noctes lectum meum, la-
crymis meis stratum meum rigabo.* Singula verba pensanda sunt, ut magnitudinem pœnitentiæ Dau-
dis intelligamus. *Laboraui in ge-
mitu meo.* Hæc significant, tam
longo tempore, & tam amaro ge-
mitu peccatum suum defleuisse

76 De gemitu columbæ

Dauidem, vt vsque ad lassitudinem flendo, & gemendo laborauerit. Et tamen non contentus præterito fletu, proponit adhuc pergere dicens, *Lauabo per singulas noctes lectum meum*. Nox enim commodior est ad lacrymas coram Deo fundendas, quàm dies, ob quietem communem, & negotiorum cessationem. Ego, inquit vicè somni, & quietis in noctibus singulis vbertim peccata deflebo. Notanda est autem vis verbi, *Lauabo*. non enim lauari dicitur, quod vna, vel altera gutta respergitur, sed quod ita largiter perfunditur aquis, vt à sordibus eluatur. Adde quod sanctus Hieronymus ex Hebræo rectè transtulit, *Natare faciam lectum meum*; quo verbo copia lacrymarum maxima designatur. Quod idem significant verba sequentia, *Lacrymis meis stratum meum rigabo*. Rigare enim lacrymis stratum, nihil est aliud, nisi abundantia lacrymarum, decurrentium instar riuorum stratum, abluc-

abluere. Notissimum igitur est,
 lacrymas primi generis, id est, pœ-
 nitentiæ Dauidi non defuisse. Nec
 solum peccata sua Dauid flere so-
 lebat, sed etiam aliorum. Sic enim
 ipse ait: *Exitus aquarum deduxe-* Psal. 118
runt oculi mei, quia non custodie-
runt legem tuam; peccatores vi-
 delicet, vt exponunt Theodoretus,
 & Eutymius. de quibus etiam pau-
 lo post dicit, *Tabescere me facit ze-*
lus, meus quia obliuisci sunt verba tua
inimici mei. Quod autē non defue-
 rint eidem lacrymæ secundi gene-
 ris, id est, lacrymæ amoris, & de-
 siderij, testis est Psalmus trigesi-
 mus septimus, vbi sic loquitur Da-
 uid, *Domine ante te omne deside-* Psal. 37.
rium meum, & gemitus meus à te
non est absconditus. & apertius
 Psalmus quadagesimus primus,
 vbi leguntur hæc verba, *Sitiuit* Psal. 41.
anima mea ad Deum fortem vi-
uum: quando veniam & appare-
bo ante faciem Dei? Fuerunt mibi
lacrymæ meæ panes die, ac nocte,
dum dicitur mibi quotidie, Vbi est

78 De gemitu columbæ

Deus tuus ? Quorum verborum hic sensus esse videtur, sustentabar lacrymis desiderij, quasi panibus, assiduè gemens, & plorans, per dies, & noctes. Certè hoc exemplum Davidis speculum esse deberet omni generi hominum. Fuit enim hic vir homo doctissimus, & sapientissimus, ita vt liberè dicere posset, *Super senes intellexi.*

Psal. 118

& *Super omnes docentes me intellexi.* proinde nemo potest lacrymas eius tribuere simplicitati, aut imperitiæ. Fuit idem ipse vir secundum cor Dei, vt legimus in

Act. 13.

Actis Apostolorum, concionante Paulo. Quare nemo potest suspicari, non placuisse Deo lacrymas eius. Denique fuit vir occupatissimus in Regno administrando, in bellis gerendis, & in familia propria, filijs, & famulis, vxoribus, & ancillis plenissima regenda. quales occupationes prætendi solent à plerisque hominibus, qui viuunt in seculo, & satis iustè excusari se posse arbitrantur, cur orationi, &

com-

compunctioni non vacent, & donum lacrymarum à Deo non petant. Sed in die iudicij istos omnes condemnabit sanctus Dauid, qui cum longè maioribus occupationibus non intermisit septies in die, & media nocte confurgere ad laudandum, & orandum Deum; & non frigide & aride, vt plerique facimus, sed cum gemitu, & lacrymis ardenti desiderio Deo seruiendi. Et si Reges, & Principes seculi condemnabit: certè maiori ratione Episcopos & Presbyteros, Monachos, & Cœnobitas idem ipse condemnabit.

Post Dauidem sequitur Hieremias Propheta, qui cum sanctis lacrymis abundaret, & tamen ijs satiari non posset, aiebat, *Quis dabit capiti meo aquam, & oculis meis fontem lacrymarum, & plorabo die, ac nocte. & paulo infra: Deducant oculi nostri lacrymas, & palpebræ nostræ defluant aquis.* Atque hæc pauca ex testamento veteri.

In nouo testamento princeps

80 De gemitu columbæ

gementium , & flentium est Christus Rex noster , de quo cum scriptum sit , quòd sit ipsa Dei virtus , & sapientia , & quòd sciret repro-

sa. 7.

bare malum , & eligere bonum ; mirum est , si quis inueniatur , qui affirmare audeat , melius esse ridere , quàm flere . siquidem ipsum nunquam risisse , sæpè autem fle-

Luc. 10.

uisse legimus . Exultauit quidem in spiritu sancto aliquando letitia spiritali perfusus ob profectum discipulorum , quia gemitus , & luctus spirituale gaudium non excludunt , quin potius finis lacrymarum sanctarum est pax , & gaudium in Spiritu sancto ; itaque David post lacrymas poenitentiae cum magna fiducia loquitur , &

Psal. 50.

Auditui meo dabis gaudium, & letitiam, & exultabunt ossa humiliata. Fleuit igitur Christus temporale excidium Hierosolymæ , & perditionem æternam multorum millium Hebræorum , cum

Luc. 19.

in die palmarum videns ciuitatem fleuit super illam , vt scribit S. Lucas .

CAS .

cas . Fleuit etiam mortem Lazari Luc. 19.
 amici sui , cùm vidit Mariam ,
 Magdalenam plorantem , & Iu-
 dæos plorantes, vt scribit S. Ioan- Ioan. 11.
 nes . nisi fortè , vt aliqui piè me-
 ditantes affirmant, fleuerit potius
 vitam eius mortalem , & labori-
 bus , doloribusque varijs obno-
 xiam, ad quam per resurrectionem
 reuersurus erat ex limbo sancto-
 rum Patrum , vbi quiescebat in
 pace, iuxta illud Simeonis , *Nunc* Luc. 2.
dimittis seruum tuum in pace .
 Tertio fleuit Dominus in horto
 cum Patri supplicaret , vt si fieri
 posset transfret ab eo calix passio-
 nis . Quamuis enim Euangelistæ
 non meminerint lacrymarum : ta-
 men sudor sanguineus , tam co-
 piose effusus satis demonstrat neq.
 lacrymas defuisse . Quarto fleuit
 in cruce , vt Apostoli Pauli verba
 illa testantur in Epistola ad He-
 bræos ; *Qui in diebus carnis sue* Hebr. 5.
preces , supplicationesque ad eum ,
qui posset illum saluum facere à
morte , cum clamore valido , & la-
 D 5 cry-

82 De gemitu columbæ

crymis offerens, exauditus est pro sua reuerentia: Loquitur enim, Apostolus de illa Christi oratione, *Pater in manus tuas commendo spiritum meum.* hanc enim orationem Christus cum clamore valido emisit, dicente Euangelista, *Luc. 23. Et clamans voce magna Iesus ait, Pater in manus tuas commendo spiritum meum.* Atque in hac oratione petijt liberari à morte, id est, erui à faucibus mortis, & restitui ad vitam, per celerem resurrectionem. In qua petitione exauditus est pro sua reuerentia, siue pro reuerentia, qua ipse Patrem reuerebatur, siue qua ipse dignus erat, vt ab omnibus afficeretur. Quamuis autem in Euangelio S. Lucæ nihil dicatur de lacrymis cum clamore coniunctis: tamen Apostolo Paulo fides habenda est, qui Euangelium totum ex ipsius Christi reuelatione didicerat.

Sed præter has lacrymas, omnino credibile est, cum Dominus
qua-

Lib. I. Cap. X. 83

quadraginta diebus in deserto
mansit, sine dubio assidue orans;
& cum frequentissime pernoctaret
in oratione, ut Lucas testatur cum
ait, *Exijt in montem orare, &* Luc. 6.
erat pernoctans in oratione Dei. &
rursum alio loco, *Erat, inquit,* Luc. 21.
diebus docens in templo, noctibus
vero exiens morabatur in monte,
qui vocatur Oliueti. Credibile,
inquam, est eas orationes cum
gemitu inenarrabili coniungere
solutum fuisse. Si enim Spiritus
sanctus facit nos orare cum gemitibus
inenarrabilibus, Apostolo
teste in Epistola ad Romanos: Rom 8.
quanto magis Christus, qui spiritum
non ad mensuram acceperat, Io 3.
Io 1.
Io 1.
& de cuius plenitudine nos omnes
accepimus, & super quem spiritus
in specie columbæ descendit, &
super eum mansit; orauit in deserto
& in montibus, gemitibus inenarrabilibus?
Ergo cum Christus
Magister, & Dominus noster aperte
docuerit, *Beati, qui lugent: &* Matth. 5.
va vobis, qui ridetis; & quod do- Luc. 6.
cuit

84 De gemitu columbæ
cuit fecerit ; & quod mandauit
impleuerit: nostrum est, si discipuli
obedientes, & serui fideles sumus,
a risu, & iocis, & mundi blandi-
cijs, & delicijs abhorрere ; &
contra, pias lacrymas in hac la-
crymarum valle diligere, in ijs
versari, & oblectari, easque à
Deo, non sine interno gemitu
postulare.

Christum secuta est in primis S.
Maria Magdalena: (omitto enim
B. Virginem Deiparam, non quòd
existimem, eam non fleuisse assi-
duè, sed quia lacrymæ eius per
scripturam non innotuerint) hæc
enim cum primum resipiscere
cepit, Christi pedes lacrymis pœ-
nitentiæ lauit, & capillis suis ter-
fit; idque in publico conuiuio, &
multis præsentibus: quam enim,
non puduerat publicè peccare,
eandem pudere non debuit publi-
cè pœnitere. Tanta verò fuit vis
lacrymarum illarum, vt continuo
audire meruerit, *remittuntur tibi
peccata tua*. Neque solùm remis-
sa

Lib. I. Cap. X. 85

sa illi fuere peccata : sed ita in
 charitate confirmata , vel , vt
 Apostolus loquitur , fundata , & Ephes. 3.
 radicata fuit , vt postea iterum
 eiusdem Christi pedes lacrimis , Io. 2.
 lauerit , & capillis suis absterferit :
 non lacrymis amaris conpunctio-
 nis , & doloris ; sed lacrymis amo-
 ris dulcedine spiritali , & suavi-
 tate plenissimis ; & rursus ad se- Io. 20.
 pulchrum Christi viuentis , lacry-
 mis desiderij , tandiù fleuerit , do-
 nec dilectum suum , prima videre ,
 & audire meruerit . O felices la-
 crymæ , quæ peccatricem in san-
 ctam , ac pænè innocentem repen-
 tē mutare potuerunt ! hinc enim ,
 postea Christo , Agno immacula-
 to , & Mariæ Virgini purissimæ ,
 & Ioanni discipulo castitatis gra-
 tia super cæteros dilecto , indiui-
 dua comes semper inhæsit .

Sequitur S. Petrus , qui in pas-
 sione Domini peccauit peccatum
 grande ; non tamen ex malitia , vt
 ludas proditor , sed partim ex ni-
 mia fragilitate , partim ex nimia
 con-

86 De gemitu columbæ

confidentia virium suarum . Di-
 xerat enim , *Etiam si oportuerit*
me mori tecum , non te negabo : &
 tamen ad verbum Ancillæ dicen-
 tis , *Et tu cum Iesu Galilæo eras :*
 ille negavit coram omnibus di-
 cens , *Nescio quid dicis .* ac paulo
 post , dicente alia ancilla , *Et hic*
erat cum Iesu nazareno : iterum
 negavit cum iuramento , *quia*
non novi hominem . Sed hoc pec-
 catum tanto imbrey lacrymarum
 diluit , vt ne quidem verbo ab ip-
 so Domino postea reprehensus le-
 gatur . Nam (vt Euangelistæ
 scribunt) *continuò resipiscens , fle-*
uit amare .

Sancto Petro adiungendus est
 coapostolus eius Paulus , qui &
 ipse peccauit peccatum grande .
 nam Ecclesiam Dei persecutus
 est ; & vt idem ipse confitetur , non
 solum persecutor , sed etiam blas-
 phemus , & contumeliosus fuit .
 Sed post conuersionem , vbi abun-
 dauit delictum persecutionis , su-
 perabundauit gratia lacryma-
 rum .

Matt. 26.

Matt. 26.

1. Tim. 1.

rum . sic enim ipse de se testatur in Actis Apostolorum , *Vos scitis* Act. 20.
à prima die , quam ingressus sum in Asiam , qualiter vobiscum per omne tempus fuerim , seruiens Domino cum omni humilitate , & lacrymis . & infra , Per triennium nocte & die non cessavi cum lacrymis monens unum quemque vestrum . & in posteriore ad Corinthios , *Scripsi vobis per multas lacrymas* . 2. Cor. 2. Itaque hic beatus Apostolus siue loqueretur ad Deum , in oratione , lacrymas adhibebat , vt audiretur ; siue loqueretur ad homines in prædicatione , lacrymis potius , quàm verbis persuadere nitebatur , sciebat enim , ac proprio experimento didicerat , tum apud Deum , tum apud homines , maximam esse potentiam lacrymarum .

Porro quæ legimus in scripturis de lacrymis principum Apostolorum sine dubitatione etiam legeremus de reliquis Apostolis , si B. Lucas in Actis , aut aliquis alius
ali-

88 De gemitu columbæ
aliquis auctor fidelis res gestas
omnium Apostolorum scripta re-
liquisset. Sed cum idem esset Ma-
gister Christus Discipulorum om-
nium, & idem spiritus, qui postu-
lat pro sanctis, gemitibus inenna-
rabilibus, omniū corda in habita-
ret, & omnes Apostoli essent prin-
cipalia membra illius colūbæ, quæ
semper gemit; dubitare non possu-
mus, quin Apostoli omnes, & om-
nes discipuli, deniq. sancti omnes,
qui ad columbam pertinent, dono
lacrymarum præditi fuerint.

*De necessitate gemituum, ex
doctrina, & exemplis
Sanctorum.*

C A P. . . X I.

ADDENDA sunt iam testi-
monia, vel exempla Sancto-
rum Patrum, qui doctrinam scri-
pturarum de necessitate gemi-
tuum libris suis, vel exemplis ad
po-

posterorū transmiserunt. Et quidem quod attinet ad lacrymas pœnitentium, habemus in primis testimonium B. Cipriani Episcopi, & martyris, qui in sermone de lapsis ita loquitur, *Quàm magna deliquimus, tam granditer defleamus. Orare oportet impensius, & rogare: diem luctu transigere, vigilijs noctes, ac fletibus ducere: tempus omne lacrymis, & lamentationibus occupare, stratos solo adherere cineri, in cilicio volutari, & sordibus.* Qualis est hic præco Dei? qualis concionator veræ pœnitentiæ? quid hoc tempore diceret, si cerneret homines peccatores sola confessione contentos, doctrinam gemituum penitus ignorare?

Sanctus Basilius in oratione in Iulittam, de gratiarum actione. *Quando ob peccata fratrem lugentem vides, inquit, tu quoque misericordia motus, simul luge. & infra: Ob peccatum vberes fluant lacrymæ, nec singultus ex imo corde*
pro-

90 De gemitu columbæ
procedentes deficient. Flebat Paulus inimicos Crucis Christi; Hieremias quoque super pereuntis peccata populi flebat; qui quoniam naturæ lacrymæ non satis erant, fontem lacrymarum quarebat: tales igitur lacrymas, tales luctus verbum illud (Dei videlicet) collaudat.

Sanctus Ambrosius in libro ad Virginem lapsam, quam ad pœnitentiam cohortatur, *Defluant, inquit, oculi lacrymas, qui masculum simpliciter non aspexerunt.*

Huius tempore Theodosius Imperator ab ipso S. Ambrosio ab Ecclesia eiectus ob crimen admissum, eximium exemplum pœnitentiæ toti Ecclesiæ præbuit. Cum enim in excusationem criminis sui Davidem nominasset, qui cum Rex esset adulterio homicidium adiunxerat: audiuit ab Ambrosio, *Qui sequutus es errantem, sequere pœnitentem.* Ille igitur verè Christianus Imperator sceptri, & purpuræ oblitus; posteaquam multos
men-

menses facinus suum domi defle-
 uerat, ad Ecclesiam veniens co-
 ram omni populo, non stans, nec
 prouolutus in genua, sed toto cor-
 pore prostratus, lacrymis terram
 rigabat, capillos vellebat, pectus
 feriebat, omnibus, quibus poterat
 modis, Deo, & Ecclesiæ satisfacie-
 bat. hæc apud Theodoretum in
 historia Ecclesiastica legi possunt,
 qui etiam Theodoretus in Epito-
 me diuinorum decretorum, de ra-
 tione pœnitentiæ agendæ ita scri-
 bit, *Sunt, inquit, medicabilia etiã,*
quæ post Baptismum sunt vulne-
ra; medicabilia autem, non ut olim
(in Baptismo) per solam fidem, re-
missione, sed per multas lacry-
mas, & fletus, & luctus, & ieiu-
nium, & orationem, & laborem,
commissi peccati quantitati com-
mensuratum: qui enim non sic
affecti sunt, eos nec admittere qui-
dem didicimus. Atque has habet
Ecclesia leges de pœnitentia. Hæc
 Theodoretus, cui consonat sanctus
 Gregorius Nazianzenus in oratio-
 ne

Lib. 5. c.
 17.

92 De gemitu columbæ

ne secunda de Baptismo, cum ait;
*Recipio pœniterentes: sed si lacrymis
rigatos videro. O quàm raros hoc
nostro tempore Nazianzenus re-
ciperet pœniterentes.*

S. Gregorius Nyssenus in libro
de vita Mosis. *Nec lacrymis, in-
quit, parcendum est. lacryma
enim fidelis custos est eius, qui vi-
tam instituit per virtutem.*

S. Athanasius in libro de Vir-
ginitate siue de meditatione pro-
pè finem. *Magna, inquit, vis est
lacrymarum & præclara per eas
fiunt. & infra, Plorat, inquit,
& lamentatur, ut vindicetur à
diris pœnis; atque iterum plorat,
ut dignus fiat celestium bonorum
muneribus. Eodem tempore vi-
xit sanctus Antonius, cuius vitam
idem ipse S. Athanasius scripsit;
ac præter cætera eius dona, vi-
rum lacrymarum fuisse demon-
strat, ut supradixi capite quarto,
& infra dicemus, libro tertio ex-
tremo.*

S. Hieronymus in Epistola ad
Ru-

Rusticum, multis scripturarum testimonijs eum exhortatur ad lacrymas. & in Epist. ad Sabinianum, dicit, se illum admonuisse, vt Dei misericordiam iugibus lacrymis imploraret. Et ipse de se in Epist. ad Eustochium, de custodia Virginitatis, sic ait, *Post multas lacrymas, post calo inhaerentes oculos, nonnunquam videbar mihi interesse agminibus Angelorum.* In Epitaphio S. Paulæ Romanæ describens eius vitam. *In ea, inquit, crederes fontes lacrymarum. ita leuia peccata plangebatur, vt illam grauissimorum criminum crederes ream.* Denique in Epitaphio Fabiolæ, posteaquam descripsit eius publicam penitentiam, ita loquitur. *Quæ peccata fletus iste, non purget? quas inueteratas maculas hæc lamenta non abluant?*

S. Augustinus in lib. 8. Confessionum de se ipse scribit, *Vbi vero a fundo arcano alta consideratio contraxit, & congeffit totam miseriam*

Lib. 8. c.
12.

94 De gemitu columbæ

*riam meam in conspectum cordis mei, oborta est procella ingens ferens ingentem imbrem lacrymarum. & paulo post: Ego sub quadam fici arbore stravi me, & dimissi habenas lacrymis, & proruperunt flumina oculorum meorum, acceptabile sacrificium tuum. & infra, Dicbam hæc, & flebam amarissima contritione cordis mei. Et tamen hic beatissimus vir nondum baptizatus erat, cum ita peccata sua defleret. Quid quæso fecisset, si post lauacrum sanctum criminis alicuius reus fuisset? Quam multos Christianos baptizatos iste Catechumenus iudicabit? Væ nobis, qui post gratiam baptismi peccata grauissima perpetramus, & lacrymas nullas fundimus. Scribit quoque Possidius in eius vita in vltima ægitudine, voluisse sibi ante oculos collocari psalmos Dauidis, qui ad pœnitentiam pertinent, eosque legere solitum, cum interrim iugiter, & vbertim fleret; quâvis sanctissimè vitam egisset. Hoc
nimi-*

nimirum est sapere: hoc est cognoscere culparum magnitudinem, & medicinam morbo conuenientem adhibere.

S. Ioannes Chrysostomus hom. 6. in Matthæum describens vitam hominis probi, quales erant primi Christiani, *Iste talis*, inquit, *ea, quæ videntur cuncta despiciens, in compunctione continua perseuerat, largo assidue fluens fonte lacrymarum, multamque hinc capiens voluptatem. Nihil quippe ita conglutinat, atque unit Deo, ut illæ lacrymæ, quas, & peccati dolor, & amor virtutum effundit. Idem auctor in libro priore de compunctione cordis, propè extremo, Et ideo, inquit, lugendum est, & ideo flendum, & per totam vitam plangendum, ut vel sic occupata in luctu, & lacrymis anima erubescat aliquando peccare. Denique plenus est hic venerabilis Doctor in omnibus operibus, quæ plurima sunt, encomijs lacrymarum.*

S. Gregorius lib. 3. Dialogorū, L. 3. c. 34

A Crea-

96 De gemitu columbæ

A Creatore, inquit, nostro cum magno gemitu quærenda est lacrymarum gratia. Idem beatissimus Pontifex in hom. 37. exemplum narrat S. Cassij Narniensis Episcopi, qui cum ad horam offerendi sacrificij venisset, velut totus in lacrymis defluens, semetipsum cum magna cordis contritione macerabat. Inde homiliam concludens ait, Lauate ergo fratres charissimi lacrymis maculas peccatorum, eleemosynis tergite, hostijs expiate.

S. Bernardus serm. 35. ex paruis, describit dies necessarios ad ambulandum in lege Domini: ac primum diem ponit gemitum cordis. *Notandum, inquit, quòd hæc via legis Domini consummatur sex diebus. Et prima quidem dicta est gemitus cordis; secunda, confessio oris; tertia, largitio propriæ possessionis; quarta, labor corporis; quinta, abnegatio propriæ voluntatis; sexta, contemptus mundi. Itaque nisi quis incipiat, à gemitu*
cor-

*cordis, idest, à vera conuersione,
& compunctione, frustra nititur
ad maiora. Idem sermone sexto-
decimo in Cantica deplorans pœ-
nas gehennæ, Quis dabit, inquit,
capiti meo aquam, & oculis meis
fontem lacrymarum, ut praeue-
niam fletibus fletum, & stridorem
dentium? Et ibidem exhortans
monachos suos ad fletum. Et tu,
inquit, in tua lamentatione Deum
cogita factorem tuum: cogita bene-
factorem, cogita patrem, cogita Do-
minum. Ad omnia reus es, plan-
ge per singula. hæc ille: quorum
similia in omnibus scripto-
ribus sacris inueniun-
tur: nec minus in-
ueniuntur in
omnibus
san-
ctis exempla gemituum,
& lacryma-
rum.*

98 De gemitu columbæ

*De necessitate gemituum, ex
auctoritate Ecclesiæ.*

CAP. XII.

CLAUDAM hunc primum
libellum auctoritate Eccle-
siæ vniuersæ. Ecclesia enim Ca-
tholica mater nostra in Hymnis
sacris quos decantari instituit in
officio diuino, frequenter admo-
net, vt flendo, aut gemendo, Do-
minum deprecemur.

Feria tertiã ad Laudes Matu-
tinas in feriali Officio sic legimus,

Iesum ciamus vocibus,

Flentes, precantes sobriè, &c.

Feria quarta ad Nocturnum in
feriali Officio.

Preces gementes fundimus,

Dimitte, quod peccauimus.

Feria quarta ad Laudes Matuti-
nas.

Flendo, & canēdo quasumus,

Intende nostris sensibus.

Sab-

Lib. I. Cap. XII. 99

Sabbato ad Nocturnum in feriali
Officio .

Nostros pius cum canticis,

Fletus benignè suscipe .

Dominica die ad Vesperas de
Tempore .

Tetrum chaos illabitur :

Audi preces cum fletibus.

Feria tertia ad Vesperas feriales .

Munda virore gratia,

Vt facta fletu diluat.

In Aduentu Domini ad Laudes .

Omnes pro indulgentia,

Vocem demus cum lacrymis.

In Quadragesima ad Vesperas .

Audi benignè conditor,

Nostras preces cum fletibus.

In Quadragesima ad Officium

Nocturnum .

Ploremus ante Iudicem,

Flectamus iram vindicem .

In Antiphona illa celebri, quæ ca-
nitur post Laudes , & post Com-
pletorium, quæ incipit, *Salve Re-*
gina, sic legimus, *Ad te clamamus*
exules filij Eue, *Ad te suspiramus*
gementes, & *fientes in hac lacry-*

100 De gemitu columbæ
marum valle. Scio, hæc esse mi-
nuta, & omnibus nota: volui ta-
men ea considerāda proponere, &
seorsim diligenter annotare: quia
plurimi, sic ea legunt, vt non vi-
deantur intelligere, vel cogitare,
quid legant; & dum se putant,
Deum laudando, premium pro-
mereri, iram in se diuinam men-
tiendo prouocant. Nam si verbis
profitemur, nos gemere, vel plo-
rare, & interim corde arido ver-
ba illa sacra pronunciamus, for-
tasse etiam, quod absit, ridemus,
aut inania cogitamus; non ne rei
mendacij apud Deum sumus? Et
quid nos impetraturos à Domino
sperare possumus, si cum verbis
non concordat affectus? Merito
reprehendit Propheta, vel potius
Ista. 29. Dominus per Prophetam eos, qui
Matt. 15. labijs Deum honorant, cor autem
ipforum longe est à Deo. Sed ma-
iore ratione nos reprehensione di-
gnissimi sumus, si non facimus,
quod nos facere dicimus, & alta
voce pronunciamus, quasi Deus
non

Lib. I. Cap. XII. 101

non fit præsens, aut non audiat, aut certè irrideri possit. Et ipsa Virgo sanctissima Deipara, quomodo feret, & quàm grato animo exaudiet nos dicentes, *Ad te clamamus exules filij Euxæ, ad te suspiramus gementes, & flentes in hac lacrymarum valle*: si dum ista pronunciamus, neque filios infelicitis Euxæ nos esse meminimus, neque suspiramus ad matrem misericordiæ, neque gemimus, vel ploramus; sed alacriter, & gaudentes cantamus; neque de valle lacrymarum ad montem Dei ascendere desideramus. imò neque vallem lacrymarum cognoscimus, neque in exilio nos esse existimamus: & si possemus in terris semper vivere, fortasse nunquam de cælesti patria cogitarem.

Tu igitur Domine suavis, & mitis, & multæ misericordiæ omnibus inuocantibus te: recordare, quòd pulvis sumus, medere languoribus nostris: flare incipiat spiritus tuus, & fluant aquæ: Mit-

Psal. 81.

102 De gemitu columbæ
te ad nos Spiritum sanctum tuum,
qui orare nos faciat gemitibus in-
enarrabilibus . Aut certè si iusto
tuo iudicio , non adsunt nobis la-
crymæ oculorum , saltem non de-
fint gemitus cordis . Et si ne hoc
quidem beneficio tuo digni sumus;
saltem non deficiat nobis amor ge-
mituum,& desiderium lacrymarû.

Finis Libri Primi .



DE GEMITV

COLVMBÆ,

siue

De bono lacrymarum.

LIBER SECVNDVS.



*De primo fonte , qui est
consideratio pec-
cati.*

CAPVT I.



DISSERVIMVS li-
bro Superiore de
necessitate lacry-
marum : nunc de
materia , ex qua
nascuntur , siue
de fontibus , vnde profluunt la-
crymæ salutare , breuiter disse-

E 4 re-

104 De gemitu columbæ

remus . Fontes generales duo sunt, vt antea demonstrauius ; malum , & bonum ; siue tristitia , & gaudium , vnde profluunt lacrymæ amaræ , & lacrymæ dulces ; siue lacrymæ doloris , & lacrymæ amoris , quæ significatæ sunt per fontes abyssi , & cataractas cæli , vnde diluuium generale processit in diebus Noe ; & per irriguum inferius , & superius quod Axa poposcit à Patre in libro Iosue . Sed duo isti fontes generales in duodecim diuiduntur , qui significati videntur in libro Exodi per duodecim fontes aquarum , quos inuenerunt in deserto filij Israël , cum primum per mare rubrum exierunt de Egypto , vt ad terram promissionis proficiscerentur . Sic enim & Christiani , post baptismum proficiscentes per desertum Mundi ad patriam cælestem , duodecim istis fontibus necesse habent ; ne ariditate deserti penitus opprimantur .

Primus igitur fons est confide-
ratio

Gen. 7.

Ios. 15.

Exod. 15

ratio deformitatis peccati. Sunt autem tria veluti capita consideranda, vt peccati deformitas penitus cognoscatur: primo peccatum ipsum: deinde peccatorum multitudo: denique quis sit ille, qui peccat, & quis ille in quem peccatur.

Quod ad primum attinet, peccatum est offensio Dei, & omnium rerum, quas fecit Deus: proinde quicumque peccat, inimicitiam sumit aduersus Deum, & aduersus omnes res creatas. Cuius typum gessit Ismaël, cuius *manus* erant *contra omnes*, & *manus* *omnium* *contra eum*, vt loquitur Moses in libro Geneseos. Hoc certè solum, si attente cogitaretur, fatis esse deberet, vt homo peccator horreret, nec auderet quocunque proposito pramio illud admittere. Et quidem quod omne peccatum lethale (nam de hoc loquimur) sit offensio Dei, ex definitione colligitur. Sic enim peccatum definit S. Augustinus,

Gen. 16.

E 5 quem

106 De gemitu columbæ

Lib. 2. c6
erh Fau-
stus. c. 27.

quem Theologi omnes sequuntur,
Dictum, vel factum, vel concupi-
tum contra legem æternam. Est
autem lex æterna ipsa summa, &
sempiterna ratio Dei, quæ est ip-
se Deus: quamuis enim multæ di-
cantur leges, naturales, positivæ,
diuinæ, humanæ, Ecclesiasticæ,
politivæ: omnes tamen ab vna
æterna Dei lege dependent. Ideo
enim iusta est quælibet lex, quia
conformis est æternæ legi, & ab
illa deriuatur, & est eius quasi
quædam adumbratio. Et ideo
peccatum est, si filius non obediat
parenti, vel seruus Domino, vel
ciuis Magistratui, vel populus
Principi, siue Ecclesiastico, siue
politico; quia lex æterna Dei iu-
stum esse decernit, vt filij paren-
tibus obediant, & serui Dominis,
& ciues Magistratui, & populus
Principi. Efficitur igitur, vt qui-
cunque peccat, Deum offendat,
atque ab obedientia Dei disce-
dat; iugum eius excutiat; aduer-
sus eum inimicitias gerat, & in-
iustif-

stissimæ eius vindictæ subijciatur. Id quod testatur Deus ipse per Hieremiam dicens, homini peccatori,

A seculo confregisti iugum meum, rupisti vincula mea, dixisti, non Hier. 2.

seruiam. & per Isaiam, *Transgressi sunt leges, mutauerunt ius, dissipauerunt* Isa. 24.

foedus sempiternum: propter hoc maledictio vorabit terram.

Idem testantur supplicia, quibus Deus afflixit ab initio Angelos præuaricatores, & primos parentes, & postea filios eorum per diluuium generale; & alias eiusmodi calamitates. Et denique idem testantur pœnæ sempiternæ, quas Deus per Prophetas, & Apostolos in Scripturis sanctis peccatoribus comminatur.

Neque solum Deum peccator offendit, sed omnes etiam Dei creaturas offendit, atque indignationem earum contra se prouocat. Primum enim peccatum vnus hominis offendit alios homines, quos exemplo suo ad malum inuitat, & sæpe corrumpit;

108 De gemitu columbæ
 vt omittam peccata particularia ,
 quibus vnus homo alterum lædit ,
 quæ sunt innumeralia . Deinde res
 alias corporales offendit , quas
 auertit à fine suo vero, & proprio,
 qui est Deus , & detorquet ad fi-
 nem contrarium Deo . Creauit
 enim Deus elementa, plantas, ani-
 mantia, & ipsa luminaria cæli, vt
 homini deseruirent, & per obse-
 quium homini exhibitum, ipsi Deo
 famularentur . Sed cùm homo per
 peccatum à Deo auertitur, reli-
 quæ omnes creaturæ , dum pecca-
 tori deseruiunt, à Deo quodam-
 modo auertuntur . Atque hoc est,
 quod Apostolus scribit in Epistola
 ad Romanos, cùm ait, *Expectatio*
creatura reuelationem filiorum
Dei expectat . vanitati enim crea-
tura subiecta est , non volens , sed
propter eum , qui subiecit eam in
spe, quia & ipsa creatura liberabi-
tur a seruitute corruptionis in li-
bertatem gloriæ filiorum Dei . Sci-
mus enim quòd omnis creatura in-
gemit, & paritur usque adhuc.
 Quæ

Rom. 8.

Lib. II. Cap. I. 109

Quæ omnia satis apertè demonstrant, res omnes creatas quodam modo ægrè ferre & cruciari quòd seruire cogantur peccatoribus. Et propterea mirum non est, si in tempore nouissimo facultate à Deo accepta, pugnabit cum illo orbis terrarum contra insensatos. Sap. 5. Præterea offendit animas, quæ in Purgatorio degunt, quia priuat eas suffragijs, quibus refrigerari possent, si homo iustus esset. Item offendit Angelos sanctos, & animas beatas, quibus non minus displicet peccatum nouum, quàm placet noua conuersio peccatorum. *Gaudium enim est in celo super uno peccatore pœnitentiam agente.* Luc. 15 Offendit etiam (quod admirabile est) ipsam gehennam. quo enim magis crescit multitudo impiorum, eo crescit etiam magis supplicium ipsorum. Hæc enim causa est, cur Diues epulo ab Abrahamo petierit, vt mitteret Lazarum ad fratres suos, vt testaretur eis, ne & ipsi descenderent ad locum tormenti.

110 De gemitu columbæ

mentorū: non enim ex charitate id petere potuit homo reprobū, sed ex amore proprio petijt, ne ex præsentia fratrum dolor ipsius cresceret. Denique offendit ipse se omnis, qui peccat, quoniam spoliatur animam suam gratia Dei, ex qua remanet cæcus, & nudus, & pauper, & miser, & miserabilis, quamvis ex interna mentis cæcitate, sibi diues, & locupletatus, & nullius egere sibi videatur, ut dicitur in Apocalypsi. En igitur quanta sit, & quam lacrymabilis deformitas, & crudelitas, & malitia, venenata peccati.

Apoc. 3.

Verè scribit S. Io. Chrysost. neminem lædi, nisi à se ipso. quoniam omne malū, quod extrinsecus aduenit, siue ab hostibus, siue ab elementis, siue à morbis, siue à Diabolo, omnia cooperantur in bonū, si peccatum absit. nam cum peccatum abest, Deus adest, & *si Deus pro nobis, quis contra nos?* At cum quis animam suam peccati veneno interficit, simul omnia pereunt
bo-

Rom. 8.

Lib. II. Cap. I. 111

bona , & irruit in hominem innumerabilis turba malorum . Quare si peccator ista consideraret , vix fieri posset , quin totus vertetur in lacrymas . Sed quoniam potest homo se ipsum occidere per peccatum , sed non potest ipse se viuificare per gratiam , clamet sæpe dum viuit, *Illumina Domine oculos meos , ne unquam ob-* Psal. 12.
dormiam in morte ; ne quando dicat inimicus meus , prævalui ad-
uersus eum . Et si forte in mortem obdormierit , & ex magna misericordia Dei , clamantem spiritum intus in corde audierit , *Surge qui dormis , & exurge à* Ephes. 5.
mortuis , & illuminabit te Christus ; caueat , ne finat obdurari cor suum , sed audiat vocantem à morte ad vitam : non enim gratiam vocationis donaret , nisi & vitam donare disponderet . Sequatur igitur præuenientem , ambulet cum comitante , laboret in gemitu suo , lauet per singulas noctes lectum suum ; sic enim tandem
 respi-

112 De gemitu columbæ
respirabit in misericordijs Do-
mini, & cantabit in vijs eius,
Quia magna est gloria Domini.

Veniamus nunc ad multitudi-
nem peccatorum, quod erat al-
terum caput. Profecto si quis
mentem conuertat ad multitudi-
nem peccatorum, quæ ab vno
quoque nostrum quotidie perpe-
trantur, obstupescet omnino, &
psal. 18. horrebit. Propheta David cla-
mat, & dicit, *Delicta quis intel-
ligit? ab occultis meis munda me,
Domine.* Quasi dicere vellet,
tot esse nostra delicta, vt nume-
rari non possint: præsertim cum
multa sint nobis occulta, quæ
oculos Dei non fugiunt, quam-
uis oculos nostros fugiant. Hinc
1. Cor. 4. B. Apostolus etiam clamat, *Ni-
bil mihi conscius sum, sed non in
hoc iustificatus sum. qui enim iu-
dicat me Dominus est*, qui multa
fortasse deprehendet, & reprehen-
det in me, quæ ego non reprehen-
do, quia non deprehendo. Quis
sapientiam hanc tantam miseriam,
non

Lib.II. Cap.I. 113

non vehementer deploret ? Sed Propheta David pergit ad maiora, quippe qui diuina luce illustratus, multa videbat, quæ nostris tenebris valde minuta, aut etiam nulla esse videntur. Sic enim lo-

quitur in alio psalmo, *Iniquitates* Psal. 37.
meæ supergressæ sunt caput meum,
& sicut onus graue grauata sunt
super me. Quorum verborum,

hæc videtur esse sententia. Iniquitates meæ multæ sunt, & magnæ; & quidem tam multæ, vt me totum obruant, & super caput meum exaltentur: quo modo cum quis immerfus in aquis, vndique aquis obruitur. Nec solum iniquitates meæ vndique me operiunt multitudine sua, sed etiam mole sua ita me grauant, vt importabiles mihi esse videantur. Hæc videbat David, & ideo laudabat per singulas noctes lectum suum: nos ne minimam quidem partem peccatorum nostrorum cognoscimus, & ideo peccata nostra corde arido tum ipsi Deo, tum

114 De gemitu columbæ
tum sacerdotibus confitemur .
Atque huius rei causa est, quia
peccatorum multitudinem, &
grauitatem, pauci sunt, qui in
statera seriæ considerationis ap-
pendant .

Sed audiamus quid Apostoli de
multitudine delictorum dicant .

1 Io. 1. S. Ioannes in epistola sua, *Si di-*
xerimus, inquit, quoniam pecca-
tum non habemus, ipsi nos sedu-
cimus . & non dixit, non habui-
mus, sed non habemus ; vt osten-
dat, etiam in illa summa vitæ
perfectiōe, peccatum in se agno-
scere . Et S. Iacobus adhuc cla-
rius ; *In multis offendimus omnes* .

Iac. 3. O nos verè cæcos, & miseros .
quis delicta nostra numerabit, si
Apostoli, post acceptum Spiri-
tum sanctum, & illo copioso im-
bre mundati, non mentiuntur,
cùm dicunt, *In multis offendimus*
omnes ? Et si *septies in die cadit iu-*
stus, vt Sapiens loquitur : quo-
ties cadent iniusti, & imperfecti ?
nonne saltem septuagies septies ?

Prou. 24

Hæc

Lib. II. Cap. I. 115

Hæc sanè consideratio ita me terret, & confundit, vt videar mihi semper in luto & sordibus voluntari, vel certè inter spinas, & tribulos sic ambulare, vt punctiones frequètes euitare non possim. Vnde illud Isaiaë mihi, & mei similibus conuenienter aptaricensem, *A planta pedis usque* Isa. I. *ad verticem capitis non est in eo sanitas.* Et fieri poterit, vt quis hæc vulnera, has sordes, hæc innumerabilia delicta verborum, operum, cogitationum, ommissionum attentè consideret, & non amarissimè fleat? Fateor mihi Virginem Dei param ea de causa præter alia dona, valdè admirabilem videri, quòd immaculata semper ambulauerit in via lutosa huius vitæ, & intacta inter spinas huius deserti, & hanc eius gloriam inter illa magna numeranda in primis esse, de quibus ipsa cecinit, *Fecit mihi magna, qui potens* Luc. I. *est.* Sed si priuilegium Deiparæ est, omni peccato carere, & ad
cul-

116 De gemitu columbæ
culpas abluendas lacrymis non
indigere: nos tamen eniti debe-
mus, vt ad eius puritatem, quam
vicinissimè propinquemus. Id
vero tunc facimus, cum per Dei
gratiam, & eiusdem Virginis in-
tercessionem, peccata cauemus,
& culpas admissas primo quoque
tempore lacrymis abluere festina-
mus.

Restat caput postremum, de
comparatione hominis cum Deo;
hæc enim comparatio, si vt opor-
tet, instituat, satis efficax esse
poterit ad flumen lacrymarum de
petra durissima cordis humani e-
liciendum: Quid igitur est Deus,
quem homo peccator offendit?
& quid est homo, à quo Deus im-
mortalis offenditur? Deus est res
quædam ex se sufficiens, & nullius
egens, iuxta illud Prophetæ, *Deus*
meus es tu, quia bonorum meorum
non egens. Homo est res nihil om-
nino ex se habens, & omnium
bonorum egens. Quale igitur
monstrum est, si quod est ex se
nihil,

nihil, & mendicare cogitur à Deo fonte omnium bonorum, omnia sibi necessaria; erigat manus, ut pugnet contra ipsum Deum? Quid est Deus, & quid est homo? Deus est Rex seculorum qui semper fuit, & semper erit, & qui idem semper est, & anni eius non deficiunt; homo est vapor ad modicum parens, qui paulo ante non erat, & paulo post non erit, & nunc esse momentaneum possidet. Quo modo igitur audet homo tam fragilis Deum, qui solus habet immortalitatem, ad iracundiam prouocare? Quid est Deus, & quid est homo? Deus est omnipotens, apud quem nihil est impossibile, & cui nemo resistere potest; homo est vermiculus terræ, subiectus vestigijs Dei, à quo si paululum comprimatur, extinguitur. Et unde igitur tam ingens superbia huic vermiculo, ut Deum offendere, non pertimescat? Quid est Deus, & quid est homo? Deus est solus sapiens, quem nulla latet cogitatio, & qui

Pf. 101.

Iac. 4.

Luc. i.
Psal. 75.

Rom. 16.
Psal. 7.

scri-

118 De gemitu columbæ
scrutatur renes, & corda. Sed cogitationes hominum timidæ sunt, & incertæ prouidentia nostræ. Cur igitur homo tantum confidit in astutia sua, ut speret, se fallere posse omnia videntem, & omnia scrutantem Deum? Ac, ut multa præteream, quid est Deus, & quid est homo? Deus est pater amantissimus, & beneficentissimus, qui si tolleretur ab homine, quæ in eo posuit; nudus omnino remaneret homo, & ad nihilum plane redigeretur. Et fieri potest, ut patris tam boni reperiatur filius tam malus, qui patrem ipsum, si posset occideret? Et tamen verè reperiuntur blasphemi, & rabidi homines, qui Deum de celo detraherent, & conculcarent; & ad nihilum, si possent, omnino redigerent. Denique quid est Deus, quid est homo? Deus est verus, & naturalis Dominus omnis creaturæ: homo est verus, & naturalis seruus creatoris sui: & tamen inveniuntur, tam iusti
Do-

Lib. II. Cap. I. 119

Domini tam rebelles serui , vt
contra omnem naturę ordinem ab
illo deficere , & creaturam in
eius locum exaltare contendant.

Sed verbis S. Bernardi totum hunc
locum claudere volo , Cogita , in-
quit, *Patrem, cogita Dominum, ad
omnia reus es ; plange per singu-
la. Ipse quidem patrem se exhibuit
mibi ; sed non ego me illi vicissim
filium . Qua nam fronte attollo
iam oculos ad vultum patris tam
boni, tam malus filius ? pudet in-
digna gessisse genere meo : pudet
tanto patri vixisse degenerem. Exi-
tum aquarum deducite oculi mei,
operiat confusio faciem meam .
Deficiat in dolore anima mea , &
anni mei in gemitibus . & infra ,
Eslo, inquit, quod dissimulet Pa-
ter, ignoscat beneficus : sed non
Dominus, & Creator. Et qui par-
cit filio, non parcat figmento , non
parcat seruo nequam . Pensa cuius
sit formidinis, & horroris, tuum
atque omnium contempsisse facto-
rem, offendisse Dominum maiesta-
tis.*

Ser. 6. in
Cant.

120 De gemitu columbæ

*tis. Maiestatis est timeri, & Domini est timeri, & maxime buius maiestatis, & buius Domini. Nam si reum Regiæ maiestatis, quamvis humana, humanis legibus plecti capite sancitum est: quis finis contemnentium diuinam omnipotentiam erit? tangit montes, & fumigant: & tam tremendam maiestatem audet irritare vilis puluiculus, vno leui flatu mox dispergendus, & minimè recolligendus? Ille ille timendus est, qui postquam occiderit corpus, potestatem habet, mittere in gebennam. hæc sanctus Bernardus, cui socium adiungere placet sanctum Io. Chrysostomum, qui in libro posteriore de compunctione cordis hortatur fideles omnes, vt non contenti sint semel defleuisse peccata: sed in corde tanquam in libro descripta gerant omnia delicta sua, maiora, & minora; & sæpe sæpius ea relegant, & lacrymis compunctionis lauare curent: imitantes sanctum illum Regem, qui dicebat, *Recogitabo tibi**

Lib. II. Cap. II. 121

tibi omnes annos meos in amaritudine animæ meæ.

*De secundo fonte lacrymarum,
qui est consideratio
gehennæ.*

C A P V T I I.

C O N S I D E R A V I M U S malum culpæ: nunc malum pœnæ cōsiderare aggredimur: hæc enim consideratio secundus fons lacrymarum dici potest. Quamvis autem timor, & dolor pœnæ minus perfectus sit, quàm timor, & dolor culpæ: tamen vterque bonus, atque utilissimus est, & ex vno fit gradus ad alterum. Certè Dominus & Magister noster Christus disertis verbis ait, *N. e terremini ab his, qui occidunt corpus, & post hæc non habent amplius quid faciant. Ostendam autem vobis, quem timeatis: timete eum, qui postquam occiderit, habet potestatem*

Luc. 12.

F mit-

122 De gemitu columbæ

*mittere in gebennam : ita dico vobis, hunc timete . & rursus defle-
tu, ad pias feminas, quæ sequeban-
tur eum cum lacrymis ad montem*

Luc. 23.

*ait, Filia Hierusalem nolite flere
super me, sed super vos ipsas flete,
& super filios vestros, quoniam
ecce venient dies, in quibus dicent,
Beata steriles, & ventres, qui non
genuerunt, & vbera, quæ non la-
ctauerunt. Tunc incipient dicere
montibus, cadite super nos; & col-
libus operite nos: quia si in viri-
di ligno hæc faciunt, in arido quid
fiet? Non ægrè tulit Dominus,
neque prohibuit officium pieta-
tis, quo feminae illæ passionem eius
deflebant; sed indicare voluit,
maiorē lugendi causam habere
eas, quæ genuerunt filios repro-
bos, quales erant plerique eorum,
qui publicè clamauerunt, tolle*

Io. 19.

Matt. 27.

*tolle crucifige eum. & , sanguis
eius super nos, & super filios no-
stros: Isti enim dicturi sunt in
die iudicii montibus, Cadite su-*

per

Lib. II. Cap. II. 1 2 3

per nos, & collibus, cooperite nos.
nam si in ligno viridi, hoc est in
Christo virente, & florente omni
genere virtutis, propter aliena
peccata, ignis passionis ita exar-
sit: quid fiet in arido, id est, in
hominibus reprobis, in quibus
omnis humor charitatis exaruit?

Ad hæc duo loca scripturæ, in
quibus laudatur, vel imperatur à
Christo timor, & fletus, ad effu-
gienda gehennæ supplicia, adda-
mus loca duo ex patribus. S. Ba-
silii oratione in Psalmum 33. ex-
plicans illud, *Timorem Domini do-
cebo vos.* Cogita, inquit, *profun-
dum barathrum, inextricabiles te-
nebras, ignem carentem splendore,
vrendi quidem vim habentem, sed
priuatum splendore: deinde ver-
mium genus, venenum immittens,
ac carnem vorans, inexplibiliter
edens, neque vnquam saturitatem
sentiens, intollerabiles dolores cor-
rosione ipsa infigans.* Postremo,
quod est omnium grauissimum,
opprobrium illud, & confusionem

124 De gemitu columbæ
sempiternam. Hoc time, & hoc
timore correptus, animam a pecca-
torum concupiscentia, tanquam
freno quodam reprime. Hunc ti-
morem Domini se docturum Pro-
pheta promisit. hæc Basilius. Au-
diamus nunc sanctum Bernardum:
hic sermone sextodecimo in Can-
tica, sic loquitur, *Ut paueo*, inquit,
gebennam: contremisco a dentibus
bestiæ infernalis, a ventre inferi,
a rugientibus preparatis ad escam:
horreo vermen rodentem, & ignem
torrentem; fumum, & vaporem,
& sulphur, & spiritum procella-
rum: horreo tenebras exteriores.
Quis dabit capiti meo aquam, &
oculis meis fontem lacrymarum, ut
præueniam fletibus fletum, & stri-
dorem dentium? At certè Basilius,
& Bernardus, Græcus vnus, Lati-
nus alter non erant peccatores,
neque incipientes, qui solo timore
cessarent à peccatis; sed viri per-
fecti, docti, graues, qui alios do-
cere possent, & re ipsa non popu-
los tantum, sed etiam Clericos, &
Mo-

Lib. II. Cap. II. 125

Monachos instituebant, & ad perfectionis regulam informabant; & tamen timorem, & fletum gehennæ causa, non solum admittunt, aut permittunt, sed etiam laudant; & ad timorem concipiendum, atque ad lacrymas fundendas omnes hortantur.

Hoc igitur iacto fundamento, ostendamus breuiter, quæ & qualia sint gehennæ supplicia. Et quoniam nolumus per res dubias, aut incertas vagari, ne videamur vana terriculamenta quærere, quibus ab oculis simplicium lacrymas excutiamus: ea solum adferemus in medium, quæ in Scripturis sanctis perspicuè luculenterque traduntur. Igitur octo tormentorum genera leguntur in libro Dei, quæ ad gehennam pertinent, Priuatio beatitudinis æternæ, quæ à Theologis dicitur pœna damni: tenebræ, ignis, vermis, immobilitas, societas dæmonum; ex quibus in damnatis sequitur fletus, & stridor dentium; quæ dicuntur pœnæ

126 De gemitu columbæ
sensus ; atque horum omnium ve-
luti condimentum amarissimum,
sempiterna duratio .

Prima igitur est pœna damni ,
aberratio ab ultimo fine, carentia
visionis Dei, exilium sempiternum
à cœlesti patria, amissio iuris hæ-
reditarij ad regnum cœlorum, de-
nique iactura bonorum omnium,
in omnia secula seculorum . An
hæc sola nomina sufficere non de-
berent ad excutiendas lacrymas à
cordibus lapideis ? Sed ubi legun-
tur hæc in libro Dei ? Audi Re-
gem cœlorum in ultimo iudicio
sententiam proferentem , *Ite ma-*
ledicti : venite benedicti . Illud re-
probis dicitur, hoc dicitur electis.
Audi eundem , *Contendite intrare*
per angustam portam , quia multi
dico vobis, quarent intrare, & non
poterunt . cum autem intrauerit
paterfamilias, & clauferit ostium,
incipietis foris stare , & pulsare
ostium, dicentes, Domine aperi no-
bis ; & respondens dicet vobis, Ne-
scio vos unde sitis, discedite a me

om-

Matt. 25.

Luc. 13.

Lib. II. Cap. II. 127

omnes operarij iniquitatis. Audi Prophetam Ifaiam: Misereamur Ifa. 26.
impio, & non discet iustitiam in terra sanctorum iniqua gessit, & non videbit gloriam Dei. Deniq; si
 solis mundis corde promittitur, vi-
 fio Dei, dicere Domino, *Beati mun* Matth. 5
do corde, quoniam ipsi Deum vide-
bunt: Certè immundi corde, qua-
 les erunt omnes reprobi, Deum
 nunquam videbunt. Neq. solùm
 Deum non videbunt, sed neq. ciui-
 tatem Dei, quæ est superna Hieru-
 salem, vbi sunt omnes boni, & om-
 nia bona, nunquàm videbunt, di-
 cente Sancto Ioanne in Apocaly-
 psi, *Non intrabit in ea aliquid co-* Apoc. 21.
inquinatum, aut abominationẽ fa-
ciens, & mendacium. Et rursus,
Beati qui lauant stolas suas in san- Apoc. 22
guine Agni, ut sit potestas eorum in
ligno vitæ, & per portas intrent in
ciuitatem; Foris canes, & venefici,
& impudici, & homicida, & idolis
seruientes, & omnis, qui amat, &
facit mendacium. Porrò pœnam
 hanc damni non magni faciunt, qui

128 De gemitu columbæ

capti amore rerum temporalium, non gustauerunt bona cælestia: sed qui habent oculos mentis erectos, & puros, & vel modicum cælestia gustauerunt, penam damni longe grauiorem, & acerbio rem omnibus supplicijs, atq. tormentis corporalibus esse non dubitant. Audi

Ho. 24. in
Matth.

Sanctum Ioannem Chrysostomum, *Qui, inquit, in gehenna uritur, & calorum regnum prorsus amittit, quæ pœna certè maior est, quàm cruciatus ille flammarum. Noui autem, quia plurimi pertimescunt gehennam: ego tamen illius gloriæ amissionem multo amarius, quàm ipsius gehennæ dico esse supplicium. Si vero id non possum sermone monstrare, nihil est omnino mirandum. Neq. enim nouimus illorum beatitudinem pramiorum, ut infelicitatem quoq. de eorum amissione scire possimus. Nos autem hanc absq. dubio discemus, cum experimento caperimus edoceri. Itaq. tunc aperientur oculi, tunc aufere tur vela-
men, tunc cum ingenti dolore impij*

vi-

videbunt, quid inter bonum æternum, & summum, & hæc caduca, & fragilia discriminis sit. hæc ille. Itaque interim dum non possumus experimento discere, quanto intervallo superet amissio beatitudinis supplicia corporalia: credamus testimonio tanti viri: & cum certo experimento didicerimus, vitionem carnis rem esse planè intolerabilem; prudenter colligamus, amissionem felicitatis æternæ, rem esse, si sic loqui licet, plusquam intolerabilem. Et ideo dum tempus est acceptabile, & dum pretio lacrymarum amissio illa redimi potest, non parcamus vtilibus lacrymis, ne postea eam amissionem inutiliter deploremus.

Altera pœna gehennæ, tenebræ sunt exteriores: sic enim legimus in Evangelio, *Filij autem Regni ejicientur in tenebras exteriores.* Mauh. 8
 & rursus, de eo, qui inventus est sine veste nuptiali, id est, absque vera charitate: *Mittite eum in tenebras exteriores.* Matt. 22

130 De gemitu columbæ

qui non multiplicauit talenta,

Matt. 25. *Inutilem seruum eijcite in tenebras exteriores.* Quod idem videtur

Rub. 10. significare voluisse Iob cùm locum damnatorum vocat *terram miseria,*

& tenebrarum, ubi umbra mortis, & nullus ordo, sed sempiternus horror inhabitat. Et ratio

ipsa idem persuadere pōtest, cùm locus reproborum sit in centro

terræ, loco videlicet longissimè remoto à sedibus beatorum, qui di-

Psal. 85. citur in scripturis infernus infe-

Matt. 12.

Luc. 8.

rior, & cor terræ, & abyssus. Iste enim locus cùm sit infra superfi-

ciem terræ ad aliquot millia miliariorum, sine dubio non penetra-

tur à sole, neque lumen vllum admittit, aut lunæ, aut stellarum. Et

quamuis ibi sit ignis, isque corporalis, vt paulo post dicemus: ta-

men ex sententia sancti Basilij supra citata, ignis ille tartareus

vim habet vrendi, non lucendi: & si fortè luminis aliquid sulphurei,

& caliginosi in eo sit, ad hoc tantum erit, vt miseri illi videant par-

tem

Lib. II. Cap. II. 131

tem ærumnarum suarum, vt filios, aut fratres, aut alios charos in eadem secum damnatione, culpa sua positos, aut horribiles dæmonum facies, quas si possent à se auertere libentissimè facerent.

Porro dicuntur illæ tenebræ exteriores, vt distinguantur ab interioribus, quas in hac vita impij patiuntur. nunc enim impij, atq; omnes seculi huius amatores apertos habent oculos cordis, & corporis ad felicitatem seculi huius. proinde nihil pulchrum existimant, & nihil amant, nisi, quæ sensibus carnis huius pateant; & contra nihil oderunt, aut auersantur, nisi calamitates, atque æumnas vitæ præsentis, deque illis solis auertendis laborant. Sed quàm oculati sunt ad exteriora, & corporalia, tam cæci sunt ad interna, & spiritualia, de quibus Apostolus ad Romanos, *Obscuratum est*, in- Rom. 1.
quit, *insipiens cor eorum*. & ad Ephesios, *Vt iam non ambuletis* Eph. 4.
sicut gentes ambulant, in vanitate

132 De gemitu columbæ

sensus sui, tenebris obscuratum habentes intellectum, alienati a via Dei, per ignorantiam, quæ est in illis, propter cecitatem cordis ipsorum. Quemadmodum igitur reprobi habent in præsentì tempore tenebras interiores, & lucem exteriorem: sic in futuro patientur tenebras exteriores, & lucem interiorem; non quidem lucem interiorem erga cognitionem Dei, sed erga misérias suas, ut ea lux maius tormentum illis adferat. Intelligent enim res temporales cum tempore euanuisse, & penitentiam agent infructuosam. De quibus dicit Sapiens, Pœnitentiam agentes, & præ angustia spiritus gementes, dicent intra se, ergo errauimus a via veritatis, & sol iustitiæ non luxit nobis. Habebunt igitur lucem interiorem, quanta satis erit, ut cognoscant errores suos: sed patientur tenebras exteriores, ut nihil omnino cernant, quod solatium illis adferre, aut quod infelicitatem minuere queat.

Qua-

Lib. II. Cap. II. 133

Quale sit hoc tormentum præfertim ijs, qui sunt assueti delectationibus oculorum, testis esse potest senior Tobias, qui cùm Angelus ei dixisset, *Gaudium tibi fit semper*: respondit, *Quale gaudium mihi erit, qui in tenebris sedeo, & lumen cali non video*. Et si bonus iste Tobias nullius omnino gaudij sibi particeps esse posse videbatur, dum cæcus esset, quid de illis sentiendum est, qui per omnem æternitatem in tenebris iacebunt? expectabunt lucem, & non videbunt, nec ortum surgentis auroræ?

Cùm aliquis nostrum iacet solus in tenebris noctis, acuto aliquo dolore somnum penitus excludente, quàm longam, & quam laboriosam experitur noctem? & quàm anxie horas numerat, & noctis finem expectat? Quid igitur miseri illi patiuntur, qui certi sunt in tenebris & doloribus sempiternis semper se vigilaturos, & consolationem nullam vnquam habituros?

Quid

134 De gemitu columbæ

Quid iam de ignis supplicio dicam, quæ est apud inferos pæna tertia? Futurum apud inferos ignis perpetui supplicium horribile, docet Euangelium multis in locis, & tam dilucidè, vt nulla tergiuersatio excogitari possit.

Matth. 3.

Apud Matthæum loquitur S. Ioannes Baptista de Christo dicens, *Cuius ventulabrum in manu eius, & congregabit triticum suum in horreum: paleas autem comburet igni inextinguibili; & Christus*

Matt. 13.

ipse de Zizanijs, id est, peccatoribus ait, *Et mittet eos in caminum ignis.* & rursus, *Discedite à me maledicti in ignem æternum,*

Matt. 25.

qui paratus est Diabolo, & angelis eius. Item apud Marcum Dominus ait, *Bonum est tibi claudum introire in vitam, quàm duos pedes habentem mitti in ignem inextinguibilem.* Et apud Lucam,

Marc. 9.

Omnis arbor non faciens fructum bonum, excidetur, & in ignem mittetur. Denique apud Ioan-

Luc. 3.

nem, *Si quis in me non manserit,*

Io. 11.

mit-

Lib. II. Cap. II. 135

mittetur foras sicut palmes , & arescet : & colligent eum , & in ignem mittet , & ardet . Et in Apocalypsi , Et qui non inuentus est in libro vite scriptus , missus est in stagnum ignis . & paulo post , Timidis autem , & incredulis , & execratis , & homicidis , & fornicatoribus , & veneficis , & idololatriis , & omnibus mendacibus pars illorum erit in stagno ardenti igne , & sulphure . quod est mors secunda . Itaque de supplicio ignis nulla dubitatio esse potest . Neq. vero existimandum est , ignem gehennæ , esse ignem metaphoricum , aut spirituales , quia præparatus est Diabolo , & angelis eius , vt legimus apud Matthæum . Nam S. Gregorius lib. 4 Dialogorum disertis verbis affirmat , ignem illum esse corporalem , & corpora cum spiritibus crematurum , atque eum omnis scholæ Theologorum sequitur . Quemadmodum autem possint ab igne corporali spiritus cruciari , longam

Apoc. 20

Apoc. 21

Matt. 25.
Libr. 4.
Dialog.
c. 29.

136 De gemitu columbæ
gam disputationem requirit . S.
Augustinus vno verbo rem totam
absolvit, cū scribit, id fieri mi-
ris, sed veris modis . Quod idem
responderi potest, si quis petat,
vnde suppeditentur fomenta igni
perpetuo : & quomodo corpora
reproborum semper vrantur, &
æterno tempore non consumantur?
Ista enim omnia fieri miris, sed
veris modis Ecclesia Catholica cre-
dit, & secura credit, quia qui id fa-
cit, omnipotens est, & qui id reue-
lauit, infinita sapiētia, & prima ve-
ritas est. Sed his omissis ad nos po-
tius pertinet, attētissimè cogitare,
quale supplicium sit, corpus huma-
num, sensu tagendi verè prædi-
tum igne sulphureo, cum acerrimo
dolore torreri, & nunquam
consumi ; vt in qua voluntate pec-
catum nunquam finietur, in eius
anima, & carne cruciatus nun-
quam finiatur .

Multa sunt ab hominibus exco-
gitata supplicia, sed nullā acrius,
nullum vehementius, nullum ac-
rius

rius igne. Sed quemadmodum, nullum est, quod acrius torqueat, sic nullum est, quod velocius consumat, & cruciari definat. In quo igitur statu miseri illi sunt, qui ab igne torrentur, qui acutissime cruciat, & cruciari nunquam desinet? Certè si ista cogitarentur attentè, & crederentur fideliter, nemo peccatorum lethalium sibi conscius posset à gemitu, & lacrymis sibi temperare. Vtinam saltem, qui criminum conscientia tanguntur, verba illa Isaia, tanquam sibi à Spiritu sancto dicta, iterum atque iterum cogitarent; *Quis poterit habitare de vobis cum igne deuorante? quis habitabit ex vobis cum ardoribus sempiternis?* ac si peccatoribus dicere voluisset, nolite tollere super vos onus, quod ferre minime poteritis. periculum facite, an possitis habitare cum igne vorante: extendite manum ad ignem, tentate quandiu acerbitatem, eius ferre possitis: quod si ne ad ho-

Isaia 33

138 De gemitu columbæ
horam quidem dolorem illum sustinere valetis ; quo modo habitabitis cum ardoribus sempiternis ? Abstineatis igitur cor à concupiscentia mala, abstinete linguam à verbo malo, abstinete manum ab opere malo : & si quid corde, verbo, aut opere iam peccastis ; diluite lacrymis, confessione, ieiunijs, atque eleemosynis . hæc enim est via fugiendi ab igne devorante, & declinandi ab ardoribus sempiternis .

Sequitur pœna gehennæ quarta, vermis rodens, quem vermen in pœnis gehennæ numerat Isaias Propheta, & Marcus Evangelista. Isaias in extremo libro suo de peccatoribus dicit, *Vermis eorum non morietur, & ignis non extinguetur*. Eandem sententiam Dominus apud Marcum de supplicio gehennæ disputans tertio repetit, *Vbi vermis non moritur, & ignis non exstinguitur*. Et quidem S. Basilius in explicatione psalmi 33. vermen istum corporalem esse futurum.

Lib. II. Cap. II. 139

turum significat, genus videlicet vermium venenum imittens & carnem vorans, inexplebiliter edens, neque vnquam saturitatem sentiens, intolerabiles dolores corrosione ipsa infigens. Sanctus tamen Augustinus in libris de ciuitate Dei, probabilius esse censeret, ignem, qui non extinguitur pertinere ad corpus, vermen autem, qui non moritur, pertinere ad animam. Atque hanc sententiam Theologi sequuntur. Iste igitur vermis, qui nunquam moritur, est conscientia peccati, quæ velut canis rabidus semper latrat, ac veluti vermis venenatus semper rodit. Reuocat enim ad mentem, quam imprudenter, ac stultè se gesserit, cum vilissimo pretio terrenæ voluptatis Regnum cælorum amisit & cum pretio inestimabilis mali tormentorum gehennæ carnis delicias sordidissimas, atque breuissimas emit. Et quidem in hac vita eiusmodi reprehensionem conscientiaë latran-

Lib. 21.
Ciu. c. 9.

tran-

140 De gemitu columbæ
trantis, & mordentis varijs ra-
tionibus nunc dormiendo, nunc
legendo, aut aliquid operando le-
nimus, vel mitigamus: sed apud
inferos vbi nulla somni quies, nul-
la lectio, vel operatio aderit, ver-
mis ille conscientiaë dies noctesq.
sine intermissione corrodet ani-
mæ viscera, & sibi ipsa anima ira-
scetur, & tabescet, & quietem,
nullam inueniet. Sic enim intra
se impij dicent, O tempus illud
aureum, quod iam præterijt, & in
æternum non reuertetur. O nos
cæcos, & stultos, quis nobis men-
tem abstulit, quis oculos clausit.
quis aures obstruxit, vt de præsen-
tibus supplicijs nunquam cogita-
remus? Et tamen non defuerunt,
qui nos publicis, & priuatis exhor-
tationibus admonerent. Quid
nobis iam profunt, quæ fallax
mundus offerebat, vt tam terri-
bilem Deum ad iracundiam pro-
uocaremus? Sed & si Regna, &
Imperia cum omnibus diuitijs, &
delectationibus obtulisset, & illis
ad

Lib. II. Cap. II. 141

ad multa annorum millia frui nobis licuisset, quid erant illa omnia, ut cum his pœnis, & supplicijs æterno tempore duraturis, comparari potuissent? Cùm igitur non Regna & Imperia longissimo tempore duratura, sed umbram amarissimæ voluptatis nobis obtulerit, quis ita crudeliter nos fascinauit, ut in hæc tempora nunquam respiceremus, & benè monentes non audiremus? Hæc & alia his similia verba, sine ullo fructu, iterum, atque iterum repetent miseri illi, quorum vermis non morietur, & ignis non extinguetur.

Quinta pœna gehennæ vincula illa sunt, quibus alligati reprobi se se mouere non poterunt. Sic enim legimus in Euangelio dicentem Dominum de illo, qui inuentus est sine veste nuptiali, *Ligatis manibus, & pedibus eius mittite eum in tenebras exteriores.* Et hoc idem de Angelis malis scribit Apostolus Iudas in Epistola sua,
cùm

142 De gemitu columbæ
cùm ait, *Angelis, qui non serua-
uerunt suum principatum, vincu-
lis æternis sub caligine reseruauit.*
Hæc alligatio manuum, & pedum
non significat aliud, nisi reprobos
in gehenna, non habituros facul-
tatem ambulandi quòcunque vo-
luerint, sed vno in loco in æter-
num mansuros; nec solum non
ambulare, sed ne commouere qui-
dem se poterunt. id enim signifi-
cat alligatura, non solum pedum,
sed etiam manuum. Et siquidem
requiescere datum esset habitato-
ribus gehennæ, tolerabile fortas-
se esset in vno loco semper hære-
re: sed cùm vndiq. stimulentur mor-
sibus vermium, & ignis ardori-
bus; intolerabile omnino erit se
commouere non posse. Quàm
crucem patiuntur ægroti, quando
febris æstuant, & se loco mo-
uere non possunt? Quam crudele
tormentum excogitauit impietas
gentilium, cùm Marcum Aretu-
m martyrem arētissimè colli-
gatum exposuerunt nudum ad so-
lem

lem melle perunctum morfibus
vesparum, atque muscarum, quas
nec recedendo ex eo loco, nec ma-
nibus abigere poterat? Refert hoc
S. Gregorius Nazianzenus ora-
tione prima in Iulianum, vt osten-
dat quousque peruenerit Diaboli
astutia in martyribus cruciandis.
Sed martyrem consolabatur bre-
uitas temporis, quo cruciatum il-
lum sustinere cogebatur; & peren-
nitas gaudij, quod in cælis habi-
turus erat: & fortasse illud Apo-
stoli apud se interim reuoluebat,
Hoc quod in presenti est momen-
taneum, & leue tribulationis no-
stræ supra modum æternum glo-
ria pondus operatur in nobis. 2. Cor. 4. Sed
miseri illi, atque omni lacryma-
rum fonte plangendi, quos ipso-
rum mala opera ad inferos detru-
ferunt, alligati manibus, ac pedi-
bus; atque expositi morfibus ver-
mium, facibus ignis ardentis, ne-
que vermes abigere, neque incen-
dium declinare, neque lenamen-
tum vllum, ne dicam gaudium ex-
pe-

144 De gemitu columbæ
peccare poterunt vsque in æter-
num.

Sexta pœna apud inferos erit
societas Diaboli, & Angelorum
eius. sic enim loquitur Dominus
in Euangelio, *Discedite a me ma-*
Matt 25. *ledicti in ignem æternum, qui pa-*
ratus est Diabolo, & Angelis eius.
Quod etiam legimus in Apocaly-
pfi, cuius hæc sunt verba, *Et Dia-*
p pœ. 20. *bolus, qui seducebat eos, missus est*
in stagnum ignis, & sulphuris, ubi
& bestia, & pseudopropheta cru-
ciabuntur die, ac nocte. & paulo
post additur, ad idem stagnum
ignis, & sulphuris mittendos om-
nes, qui non sunt scripti in libro
vitæ.

Neque solum Scriptura sacra,
quæ sola sufficeret, sed etiam san-
cti Patres Basilius in explicatione
In Ps. 33. Psalms tricesimitertij, S. Augusti-
Ench. c. nus in Enchiridio, & S. Bernardus
26. in Cantica, & alij passim hoc do-
Serm. 16 cent. Quanta autem pœna sit ha-
bitare perpetuo cum hostibus cru-
delissimis, qui genus humanum

gra-

grauissimo odio prosequuntur, & qui in scripturis Leonibus, & Draconibus, Aspidibus, & Basiliscis comparantur, facile est iudicare. Pars magna felicitatis Sanctorum est habitare cum Angelis sanctis, qui & plurimi sunt, & omnes amici, & omnis sapientiæ, & virtutum fulgore decori. Igitur etiam pars magna erit infelicitatis impiorum hominum habitare perpetuò cum spiritibus immundis, qui & ipsi plurimi sunt, & omnes hostes generis humani, & deformissimi, atq; deterrimi. Quare non mirum est, si reprobis homines in profunda gehenna fleant assidue, & stridant dentibus, quæ sunt duæ postremæ dånatorum pænæ, iuxta verbum Domini, *Filij autem Regni ejicientur in tenebras exteriores: ibi erit fletus, & stridor dentium.* & rursum, *Discedite a me omnes operarij iniquitatis: ibi erit fletus, & stridor dentium.* & iterum, *Eos, qui faciunt iniquitatem mittent in caminum ignis: ibi erit fletus, & stridor*

Matth. 8.

Luc. 13.

Matt. 13.

146 De gemitu columbæ

Matt. 22. *dor dentium.* Et iterum, *Ligatis manibus, & pedibus eius mittite eum in tenebras exteriores: ibi erit fletus, & stridor dentium.* Deniq;

Matt. 25. *alio loco, Inutilem seruum eijcite in tenebras exteriores: illic erit fletus, & stridor dentium.* Non sine causa Dominus tam crebro hanc sententiam repetiuit, nimirum, vt imprimatur cordi hominum hæc veritas salutaris. Siquidem fletus, & stridor dentium assiduus, & sempiternus omnia gehennæ tormenta quasi in epilogo, & summa complectitur. Fletus indicat dolorem; stridor dentium horrorem, quæ nascuntur ex iactura felicitatis, ex igne torrente, ex verme rodente, ex carcere tenebroso, ex cohabitatione denique infernalium bestiarum. Itaque reprobi omnes, quia noluerunt hic in terris peccata sua deflere ad modicum tempus, deflebunt inconsolabiliter tempore sempiterno: & quia noluerunt, horrere hic in terris, vt par erat offensam Creatoris, hor-

horrebunt in gehenna horrore
perpetuo poenarum suarum incre-
dibilem acerbitem . Clamauc-
rat quidem Apostolus, *Horrendū* Hebr. 10.
est incidere in manus Dei viuentis.
Sed illi surdi fuerunt ad hanc vocē,
nunc autem veritatem eius dentiū
suorum stridore testantur .

Hæc autem scripta sunt omnia
propter nos , qui adhuc in biuio
sumus . Illi enim, qui sunt in ter-
mino spem salutis nullam habere
possunt , etiam si lacrymis poeni-
tentiae aquas Oceani superarent .
Quare anima Christiana pretio
lacrymarum nunc vtere, dum ma-
gni sunt, dum acceptabiles sunt
Domino Deo nostro . Noli expe-
ctare tempus , cum tempus non
te expectet . Attende quàm multi
repentina morte rapiantur ad in-
feros, qui si voluissent, quando tem-
pus erat, deflere peccata , & hor-
rere gehennam , nunc in eo loco
non essent, vbi fletus, & stridor den-
tium, id est, sempiternus horror
inhabitat .

*De tertio fonte lacrymarum,
qui est consideratio passio-
nis Christi.*

C A P. I I I.

FONS tertius lacrymarum ;
Passio est Domini nostri Iesu
Christi. Sed antequam hunc fon-
tem aperiamus, & aquas lacryma-
rum hauriamus de fontibus Salua-
toris, remouendus est obex, qui vi-
detur impedire fontis apertionē.
Posset enim alicui venire in men-
tem eiusmodi dubitatio, cur vide-
licet flenda sit passio, quæ præte-
riit, & non solum præterijt, sed
etiam in gloriam maximam versa
est? compassio enim non debet
esse prolixior passione: passio Chri-
sti à multis iam annis transijt: cur
ergo compassio simul non transijt?
Certè cum mulier parturit, quod

Io. 16.

est exemplū Saluatoris apud Ioan-
nem, tristitiam habet, quia venit
hora doloris eius; & si qui adsint

CO-

Lib. II. Cap. III. 149

cognati, aut amici, simul cum illa
tristitiam habent, quia patienti
compatiuntur: sed cum peperit
filium, & dolor euauit, tunc ipsa
lætatur, & ipsi etiam amici, & pro-
ximi collætantur. Atque hoc ip-
sum Ecclesia seruat in passionibus
Martyrum dum enim Martyres
paterentur, compatiebantur fide-
les, qui aderant; sed nunc consum-
mato martyrio, Ecclesia canit, &
dicit, *Gaudeamus in Domino diem
festum celebrantes sub honore B.
Martyris, de cuius passione gau-
dent Angeli.* Denique sanctus Leo
Papa in sermone decimo de passio-
ne Domini. *Desiderata, inquit,
dilectissimi, & uniuerso optabilis
mundo adest festiuitas Dominica
passionis, quæ nos inter exultatio-
nes spiritualium gaudiorum silere
non patitur.* & paulo infra, *Quid
autem inter omnia opera Dei, in
quibus humana admirationis fati-
gatur intentio, ita contemplatio-
nem mentis oblectat, & superat,
sicut passio Saluatoris?* Sanctus

150 De gemitu columbæ

igitur Leo in passione Domini inuenit festiua gaudia, spirituales exultationem, & mentis contemplationem oblectantem animum, non tristitia, & lacrymis conficientem. Sed hunc obicem obstruentem fontem lacrymarum facile remouebimus, si cogitemus, in passione Domini vtrumque reperiri: gaudium, & mœrorem: exultationem, & fletum. Nam Dominica passio tribus modis considerari potest, vt est in se, vt causa, & vt effectus. Si passio Domini consideretur, vt in se est, ac præsertim si contemplanti animo repræsentetur, vt præsens, fontes lacrymarum sine dubitatione scaturire faciet etiam ex corde lapideo. Si consideretur, vt causa redemptionis humani generis, nec non vt clauis aperiens credentibus regna cælorum, atque vt triumphus de Principe huius mundi; tum vero non mœrorem, & lacrymas, sed gaudium, & exultationem, in cordibus contemplantium excitabit.

Si

Si denique consideretur, ut effectus peccatorum nostrorum, iterum dolorem, & lacrymas vberim emanare faciet. Quod igitur initio dicebatur de compassione, quæ non est diuturnior passione, verum est, quando passio consideratur, ut præterita, & ut causa gloriæ. Et quoniam passiones Sanctorum recoluntur solum, ut præteritæ, & ut fuerunt causa meritum, & triumphum, ideo cum lætitia, & exultatione, non cum mœrore, & lacrymis recoluntur. De Christo vero seorsim Ecclesia celebrat mœstitiam passionis in triduo ante Pascha; & gloriæ resurgentis in triduo post Pascha. Et primo tempore considerat passionem in se, ac veluti præsentem; in posteriore, considerat, ut causam triumphum, atque etiam, ut verè præteritam. non enim potest passio præsens cum resurrectione coniungi. Neque est eadem ratio Christi, & Sanctorum Martyrum. Christus enim non sibi solum meruit glo-

152 De gemitu columbæ
riam exaltationis, sed nobis etiam
meruit redemptionem: & nunc
operatur passio Christi, ut præsens
in Sacramentis; ideo celebrari de-
buit eius passio, ut præsens, & ut
præterita: passio vero Sanctorum
Martyrum ipsis propriè solum per-
perit coronas. Sic enim loquitur
sanctus Leo sermone 12. de passio-
ne Domini, *Acceperunt iusti, non
dedere coronas, & de fidelium for-
titudine exempla nata sunt patien-
tia, non dona iustitia. Singulares
quippe in singulis mortes fuerunt,
nec alterius quisquam debitum
suo funere soluit, cum inter filios
hominum solus Dominus noster
Iesus Christus extiterit, in quo om-
nes crucifixi, omnes mortui, om-
nes sepulti, omnes etiam sunt su-
scitati.* hæc S. Leo, qui cum in
alio sermone indicat passionem
Domini cum exultatione esse ce-
lebrandam, & in eius contempla-
tione mentem oblectari: loquitur
de exultatione, & oblectatione,
quam secum ferunt lacrymæ san-
ctæ.

Lib.H. Cap.III. 153

etæ . Nam ipse etiam S. Bonauentura , qui passim hortatur homines ad lacrymas in passione Domini meditanda , coniungit cum similibus lacrymis gaudium magnum : sic enim loquitur in stimulo diuini amoris : *Intuens Christum Crucifixum deuotionis , & compassionis lacrymis uberius irrigatur , & lacrymando suauissime delectatur* . His igitur omissis , duo breuiter explicabimus , vnum de passione Christi deslenda , cum vt præsens meditantis animo repræsentatur : alterum , de passione Christi pariter deslenda , cum vt effectus peccatorum nostrorum seriò consideratur .

Par.i.c.8

Ac primi quidem capitis exemplum habemus Seraphici Patris sancti Francisci , qui teste S. Bonauentura in eius vita , frequenter secedebat in syluas , aut alia deserta loca , nocturno potissimum tempore ; atque ibi magnis vocibus deplorabat , quasi ante oculos suos positam Dominicam passionem ,

Cap. 10.

154 De gemitu columbæ

quod idem nobis esse faciendum, docet idem S. Bonaventura parte prima capitis secundi stimuli diuini amoris : & in Meditationibus de vita, & passione Christi seriò monet, illud etiam addens, vt ad hoc negocium magnam lacrymarum copiam adferamus. Atque hoc ipsum docent quicumque de passione Christi vtiliter contemplanda, vel tractatus, vel libros, vel meditationes scriptas nobis reliquerunt. Si quis autem huius rei rationem quærat, legat, vel audiat quæ sequuntur. Amor Dei præ omnibus rebus nobis quærendus est, tum quia Deus hoc requirit in primo, & maximo suo mandato, *Diliges Dominum Deum tuum ex toto corde tuo.* tum quia charitas Dei est Regina virtutum, qua præfente viuimus Deo, qua recedente morimur. Ipsa sola peccatum lethale secum non patitur, ipsa gignit merita, ipsa cum Deo nos ita coniungit, vt vnus spiritus simus cum Deo. Denique in ipsa perfectio

Matt. 22

ctio vitæ Christianæ posita est. Porro amor in hoc tempore accenditur potissimum ex consideratione beneficiorum: summum autem beneficium Dei erga homines Christi passio est, dicente ipso Domino, *Sic Deus dilexit mundum, Io. 3. ut filium suum unigenitum daret.* & Apostolo attestante, qui ad Romanos scribens dicit, *Commendat Rom 5. autem charitatem suam Deus in nobis, quoniam cum adhuc peccatores essemus, Christus pro nobis mortuus est.*

Quo modo autem fieri poterit, ut ex hoc tam singulari Dei beneficio amorem Dei vehementem, & ardentem concipiamus, si passionem Dominicam, ut simplicem historiam rei præteritæ, & quæ iam esse desijt, consideremus? Necessè igitur est, si quis velit thesaurum amoris Dei in agro passionis Dominicæ reperire, ut attentissima consideratione quasi præsentem Dominum cernat. nunc in horto agonizantem, &

156 De gemitu columbæ

luctantem cum tristitia, & mœro-
re, & non lacrymas solum, sed
etiam sudorem sanguineum toto
corpore fundentem: nunc in con-
uentu Sacerdotum, & Phariseo-
rum alapis cæsum; & sputis in fa-
ciem coniectis, turpiter conspur-
catum: nunc vinctum ad Pilatum
indignissimè tractum, & ab eo ad
Herodem transmissum, & rursum
ab Herode ad Pilatum remissum,
sed illusum, & veste alba per ludi-
brium indutum: nunc ad colum-
nam alligatum, feruli supplicio
flagellis cæsum, & paulò post cum
corona spinea, purpureo vesti-
mento, ac sceptro arundinco, vt
Regni affectatorem populo de-
monstratum: nunc ad mortem
damnatum sublata in humeros
cruce sua cum latronibus comiti-
bus procedentem: nunc denique
in crucem sublatum, & cum acer-
bissimo dolore sanguinem ex ma-
nibus, & pedibus vbertim fun-
dentem, & cum clamore valido, &
lacrymis morientem. Ad quæ
spe-

spectacula singula, non breuem moram trahat, sed diligenter scrutetur, quis est ille qui patitur, qualia sunt quæ patitur, qua de causa patitur, à quibus patitur: & statim aperientur ei quatuor fontes ad hauriendas aquas lacrymarum de vulneribus saluatoris.

Sed præter istas considerationes, quæ passim explicantur ab his, qui de passione Domini contemplanda libros conscribunt: occurrit mihi sententia illa B. Apostoli Pauli, quæ in mysterijs diuinis contemplandis iubet considerari longitudinem, latitudinem, altitudinem, & profundum. Secundum quas magnitudinum species in alio nostro libello explicauimus, vt potuimus, attributa essentia diuinæ. Sed cum ista verba satis apertè crucem designent, non erit admirandum, si per eas voces intelligamus quatuor prærogatiuas, quibus superat Christi passio omnes martyrum passionēs: & quatuor virtu-

Ephes. 3.

tes

158 De gemitu columbæ
tes principales, quæ in passione
Christi mirificè splendent. Fuit
igitur passio Christi longa, lata,
sublimis, & profunda, atque ad
eius longitudinem, latitudinem,
altitudinem, & profundum nulla
martyrum passio potuit perueni-
re. Quid enim est in passione
longitudo, nisi duratio; & latitu-
do nisi varietas; & altitudo nisi
eminentia, & profundum, nisi
puritas? Explicemus singula, ac
primum de longitudine dicamus.

Igitur Christi passio præcipua,
quæ dici potest supplicium crucis,
tribus horis duravit, ab hora vi-
delicet sexta, usque ad nonam.
Itaque Christi mors longissima
fuit. non enim vno ictu finita est,
ut illis contingit, qui plectuntur
capite, neque ad spacium paulo
longius peruenit, ut ijs accidere
solet, qui suspendio, vel incendio,
vel mersione in aquas, vel bestia-
rum morsibus, vel alijs consuetis
supplicijs moriuntur. Sed non
in sola cruci affixione Christi pas-
sio

Lib.II. Cap.III. 159

fio posita fuit, sed cæpit in horto
 gethesmani, vbi primum præ in-
 genti cordis anxietate, & tristi-
 tia, sudorem sanguineum copio-
 sissimum fudit: & peruenit vsque
 ad horam nonam sequentis diei.
 Itaque verè Christi passio sine vlla
 intermissione, horas octodecim,
 complexa est, videlicet nouem ab
 hora noctis tertia vsque ad duo-
 decimam, & nouem ab hora pri-
 ma diei vsque ad nonam. Sed ne-
 que his horis nouem nocturnis, &
 nouem diurnis Christi passio tota
 consummata est. nam tota eius vi-
 ta, perpetua passio, & crucis pas-
 sio dici potuit. Siquidem ab ipsa
 conceptionis hora cognouit, sibi
 crucem esse paratam; eamque li-
 bentissimè acceptauit pro honore
 patris, & salute hominum; &
 semper eam ante oculos mentis
 sic habuit, vt verè dici possit, to-
 to vitæ suæ tempore in cruce pe-
 pendisse. Hinc videlicet tam cre-
 bro de cruce sua, vel de pas-
 sionis calice loquebatur, vt apud

Mat-

160-De gemitu columbæ

Matthæum, *Qui non accipit crucem suam, & sequitur me, non est me dignus.* & rursum, *Qui vult venire post me abneget semet ipsum. & tollet crucem suam, & sequatur me.* & iterum, *Potestis bibere calicem, quem ego bibiturus sum.* & apud Lucam, *Qui non baiulat crucem suam, & venit post me, non potest meus esse discipulus.* Ergo anima Christiana ex hac tam continua crucis baiulatione, collige, Dominum tuum nullam quietis horam habuisse, sed assidue dies, & noctes in salute tua, operanda occupatum fuisse. & poteris sine lacrymis cogitare, te salutis tuæ oblitum, multas sæpe horas, in confabulatione, vel ludis, ociose consumpsisse, cum Dominus tuus semper in tua salute procuranda laborauerit? Sed pergamus ad cætera.

- Non solum longissima fuit, sed etiam latissima passio Salvatoris: siquidem non vno, aut altero peccatarum genere contenta, innume-

rabilia tormenta amplissimo sinu suo complexa est. Nam ut omit-
 tamus vincula, quibus arctissime
 alligatus fuit, cum primum com-
 prehenderetur, & colaphos, &
 sputa, & flagella, & spinas, &
 maledicta, & falsa testimo-
 nia, & irrisiones, ac ludibria,
 quæ nullo numero comprehen-
 di possunt; attende solum, quàm
 multas in vna cruce cruce
 pertulerit Dominus tuus. Prima
 fuit clauorum in manibus, ac pe-
 dibus fixorum dolor acutissimus.
 Deinde sequuta est eleuatio cru-
 cis in sublimem, ex qua factum est,
 ut ex pondere totius corporis vul-
 nera dilatata flumina sacri cruo-
 ris effunderent, & semper magis,
 ac magis in corpore sustentando
 laborarent. Accessit tertio nudi-
 tas corporis exhausti spiritibus,
 & sanguine, in aere frigido, ac
 sole per Ecclipsim inusitatam toto
 illo tempore cooperto, solares
 radios non emittente. Quarto
 numeranda venit incredibilis de-
 fati-

162 De gemitu columbæ
fatigatio. Siquidem à fine cœnæ
nouissimæ, vsque ad horam cruci-
fixionis multa itinera, eaque satis
longa, pedes, & sine cibo con-
fecerat Dominus. Primum enim
post cœnam profectus est ad hor-
tum Gethsemani extra ciuitatem
positum in monte oliueti: deinde
ab horto illo vinculis constrictus
reductus est in Hierusalem; vsque
ad domum Annæ; inde ad domum
Caiphæ; postea ad prætorium Pi-
lati satis longè positum; rursus
à domo Pilati ad domum Herodis,
& à domo Herodis iterum ad do-
mum Pilati: denique cruce oner-
atus extra ciuitatem ad Calua-
riæ montem. quæ omnia itinera
multa milliaria continent. O bo-
ne Iesu, tu aliquando quærens
animam vnā, fatigatus ex iti-
nere sedisti supra fontem: nunc
autem quærens me cum cæteris
conseruis meis, fatigatus ex lon-
giore itinere, & crudelissima fla-
gellatione, & crucis propriæ ge-
stione, sedisti, non vtique su-
pra

pra fontem, sed supra lignum, quod fatigationem non poterat minuere, sed augere. an non æquum esset, ut ego quoque in obsequio tuo assidue laborando defatigarer, aut certe laborarem in gemitu meo, donec fatigationis tuæ fructum, per verum poenitentiae atque indulgentiae donum, reportarem? Sed nondum finitus est numerus tormentorum. Quinta igitur numeranda est sitis, quæ in cruce Dominum vehementissime cruciauit. Non enim sine causa Dominus, tam multis suis supplicijs prætermiſſis de vna siti conquestus dixit, *Sito*. Sitis enim sine dubio ardentissima Dominum vexauit, tum ex longa fatigatione, tum ex copiosissima sanguinis effusione. Qui enim copiam magnam sanguinis effundunt, ita exarescunt, ut nullam poenam grauiorem experiantur, quam sitis. Tu vero anima mea, si quid sapias, sitienti Domino non acetum propinabis, sed lacrymas cordis

ex

164 De gemitu columbæ

ex dolore peccatorum, & amore
sponsi expressas . Ista enim est
aqua, quam vehementer Dominus
sitit. Iam vero sexta pœna in cruci-
fixo Domino, fuit carentia vsus
manuum, & pedum ob quam co-
gebatur in ligno crucis immotus
permanere, sic vt neque posset si-
tum mutare, neque sanguinem
abstergere, neque effusionem il-
lam prohibere . Quanta sit hæc
pœna, quæ fortè leuior videbitur
ijs, qui eam experti non sunt: te-
stari possunt illi, qui paralyti, vel
podagra simul & chiragra occu-
pati, se commouere non possunt .
Septima pœna numerari potest,
conspectus Virginis matris, & di-
scipuli, quem deligebat, quorum
dolor, & lacrymæ dolorem non pa-
uum Domino adferebant . Octa-
ua pœna nascebatur ex verbis
contumeliosis, & blasphemis, quæ
in ipsum Pharisei, & Scribæ, &
Sacerdotes iaciebant : hæc enim
pœna hominibus ingenuis grauior
esse solet, quam pœnæ corporales.

cum

Lib.II. Cap.III. 165

cum istæ carnem, illæ animum,
torqueant. Postrema fuit mors
amara, quam, ut ultimum terri-
bilium, gustare voluit Dominus
noster, ut eam in corpore suo oc-
cideret, & nos omnes ab eius im-
perio liberaret. Quæ cum ita
sint, nemini dubium esse potest,
quin passio Domini magnam
latitudinem pœnarum, & sup-
pliciorum sinu suo complexa
sit.

Sed non est maior longitudo, &
latitudo crucis dominicæ, ipsa al-
titudine, & profunditate. Ac ut
de altitudine primum dicamus;
illa dici potest passio alta, quæ su-
per eminet passionibus alijs, ita
ut sit maior, intensior, acerbior,
amarior cæteris. Eiusmodi autem
fuisse dominicam passionem facile
potest intelligi ex eo, quod passio
non improuisa Domino fuit, sed
à longo tempore præuisa, & ex-
pectata. Quod enim dici solet,
Iacula præuisa minus ladunt, ve-
rum est de illis iaculis, quæ auerti
pos-

166 De gemitu columbæ

possunt vel omnino, vel ex parte: non autem de illis, quæ nulla arte impediri queunt, qualia sunt cælestia fulmina. Certe enim si quis in opinato fulmine tangatur, minorem dolorem sentiet, quam is, cui prædictum fuerit, tali hora fulmine periturum, quique ea de causa, cum horrore, & timore magno fulminis ictum expectat. Quoniam igitur Dominus noster toto vitæ suæ tempore crucem suâ & tormenta singula, & eorum acerbicatem certissimè nouerat, in eo sine dubitatione vlla summum gradum acerbicatis, & vehementiæ habuerunt. Deinde addebat ad grauitatem dolorum perfectissima sanitas, & temperamentum corporis eius: quippè quod à Spiritu sancto, cuius opera compositum, & temperatum fuerat. Quò enim temperamentū est melius, eo sunt etiam sensus omnes viuaciores; ac per hoc, non solum voluptatem maiorem ex obiectis conuenientibus, sed etiam dolorem

rem acriorem ex obiectis contrarijs percipere solent. Accessit postremo, quòd amator hominum Christus, vt copiosa esset redemptio, noluit paulatim suas vires, & robur ad patiendum, ita diminui, vt in fine vitæ nullum remaneret; sed vsque ad exitum animæ de corpore retinuit tantum robur, vt ipse etiam dolor integrè sentiretur à principio passionis, vsque ad finem. Id esse verum testatur clamor ille magnus, quo edito expirauit. Sic enim loquitur sanctus Lucas, *Et clamans voce magna* Luc. 23. *Iesus ait, Pater in manus tuas commendo spiritum meum; & hac dicens expirauit.* Non solent moribundi exclamare; paulatim enim vires, & vocem amittunt. Christus autem, vt ostenderet, in potestate sua, se habere mori, & non mori, & mori quando vellet, & non mori quando non vellet: clamans voce magna expirauit. Et quia rem hanc insolitam Centurio animaduertit, inquit Euangelista, *Videns quia*

168 De gemitu columbæ
quia sic clamans expirasset, ait,
Verè hic homo filius Dei erat. Per-
fectum igitur fuit Domine Iesu
opus tuum, & sacrificium pingue,
& medullatum obtulisti Deo Pa-
tri; quandoquidem usque ad finem
integrîs sensibus, & viribus exhau-
rire voluisti calicem passionis, ut
nulla pars amaritudinis tibi deef-
set. Utinam & nos serui tui, tanto
proposito exêplo disceremus ope-
ra, quæ ad honorem tuum, vel salu-
tem animarum pertinent, integrè,
perfectèque complere. Vel certè
imperfectum nostrum coram te
largis profusis lacrymis plange-
remus, ut quod operi defuit, pœni-
tentia vera suppleret, & detrimen-
tum deuotionis, humilitas com-
pensaret.

Restat profunditas passionis,
quæ in eo posita est, quòd passio
Christi plena, solidaque fuit, id est,
tota, ac pura passio, non admixta
consolationibus ullis. Rara inue-
nitur hic in terris consolatio non
admixta desolationi, neque tristi-
tia

tia non admixta solatio . Sed passio Domini , pura passio fuit ; & ideo profunda , ac solida . Vnum solet esse magnum in aduersis rebus solatium, societas amicorum; Christum in ipso principio passionis discipuli, atque domestici omnes deseruerunt . sic enim scriptum est, *Tunc discipuli relicto eo omnes* Matt. 26. *fugerunt* . Vnus ex eis proditor inuentus est; alius cum iuramento negauit, sibi notum eum fuisse : & cum falsò accusaretur in multis ex tanta turba discipulorum, & amicorum, nemo inuentus est, qui verbum in eius defensionem loqui auderet . Itaque merito per Prophetam queritur dicēs, *Circumspexi,* Isa. 63. *& non erat auxiliator; quasi ui,* *& non fuit, qui adiuuaret* . Adfuit quidem in horto Angelus Domini confortans eum; sed apparitio illa Angeli facta est ante passionem, Luc. 22. vt fortiter eam aggrederetur . In ipsa verò passione nullū habuit confortantem, vel aliquo modo adiuuantem . Atque adeo hoc verum

H est,

170 De gemitu columbæ

est, ut ipse in Cruce clamauerit,

Matt. 28 *Deus meus, Deus meus, ut quid dereliquisti me?* quis enim eum, non dereliquit, quando ipse etiam Pater dereliquit? Ea vero derelictio, absit, ut significet, filium à Patre derelictum quo ad præsentiam, vel beneuolentiam. In eo igitur solum dereliquit Pater filium, quòd permisit eum pati dolores intolerabiles, sine aliqua consolatione. Hæc autem Dominus illo tempore exprimere uoluit, ne putaretur sine sensu doloris pœnas illas tolerare. Viderant enim, qui adstabant, eum tanta animi æquitate, & pace omnia perpeti, ut ne gemitum quidem, aut suspirium ederet. Igitur ut intelligeremus, eum verè pati, & acerbissima pati, vocem illam emisit doloris, & admirationis plenâ: quasi dicere voluisset, fieri ne potest, Deus meus, ut filium tuum dilectissimū in hanc doloris abyssum deuenire permiseris? Gratias tibi Domine, non quantas debe-

bemus, sed quantas possumus exsoluimus, quòd tanto labore. & dolore tuo nobis requiem, & lætitiā sempiternā parare volueris Sed adde ad beneficia tua, vt des nobis illuminatos oculos cordis, quibus gratiā istā cognoscentes, eam magnificāmus, & diligentissimè custodiamus. Infige animis nostris memoriā perpetuā dolorum tuorum; vt illi sint nobis frēnum fortissimū ab omni malo, & stimulus acutissimū ad omne bonum.

Sed iam ad alterā consideratiōem dimensionum crucis veniamus. Longitudo crucis patientia est, Latitudo charitas, Altitudo obedientia, Profunditas humilitas: atque hæ sunt virtutes, quæ instar lucidissimorum syderum in Christi passiōe refulserunt.

Longitudo patientia est, quoniā ad patientiā pertinet longanimitas. Refulsit autem patientia in passiōe Christi, quia in tot iniurijs à Iudā, à Iudæis, à Pilato, ab

172 De gemitu columbæ

Herode, à militibus, à turbis per noctem, & per diem ferè totum acceptis, nulla est audita vox eius, vel irascentis, vel comminantis, vel conuiciantis; sed planè vt Agnus innocens, qui portatur ad victimam, non aperuit os suum.

1. Pet. 2. Verissimè S. Petrus, *Christus*, inquit, *passus est pro nobis, vobis relinquens exemplum, vt sequamini vestigia eius; qui cum malediceretur, non maledicebat, cum pateretur, non comminabatur; tradebat autem iudicanti se iniuste.*

Psal. 118 Latitudo charitas est, quia *latum mandatum eius est nimis*, vt Propheta canit; & verè latissimū mandatum, quod extenditur vsque ad inimicos. Hec autem quanto fulgore micauerit in Christi passione, testes sunt illæ voces, *Pater dimitte illis, non enim sciunt, quid faciunt*. Quæ maior charitas excogitari potest, quàm non solum ignoscere inimicis, dum facinus eorum recens est, sed eos excusare, & Patri summo Iudici commen-

da-

dare, atque indulgentiam illis precari? Quis vnquam audiuit talem excessum charitatis? Crucifixus dum vulnera sunt recentia, dum dolor acerbissimus viget, quasi oblitus sui, recordatur inimicorum; & eis Iudicem placare nititur, dum illi coram ipso Domino crucifixo partiuntur inter se vestes eius. Hoc certè factum eiusmodi est, vt mirum sit, si non omnes læsi ab inimicis, ad exemplum Domini sui, continuo mitescant, & seriò statuunt acceptas iniurias condonare.

Porro Altitudo obedientia est; respicit enim semper obedientia Deum altissimum, cuius proprium est, imperare, & cuius auctoritate omnes Principes subditis suis imperant. Hæc vero virtus in passione Christi non minus, quam cæteræ fulgorem clarissimum dedit. Obediuit enim filius Patri in re omnium difficillima, dicente Apostolo, *Humiliauit semetipsum, factus obediens usque ad mortem*,

Philip. 2.

174 De gemitu columbæ

mortem autem crucis. Et quamvis in horto Gethsemani, horror crudelissimæ passionis, Christi humanitatem ita inuasit, ut precaretur Patrem, ac diceret, *Pater si vis transfer calicem istum a me*: tamen obedientiæ memor, statim subiunxit, *Verumtamen non mea voluntas, sed tua fiat*. O quam singulare obedientiæ documētum his verbis Dominus dedit. Hoc enim est verè abnegare se ipsum, hoc est voluntatem propriam mortificare: hoc est Deo sacrificium omnium nobilissimum, & gratissimum immolare*.

Denique profunditas, humilitas est, quæ semper in imo residet, & recumbit in nouissimo loco, & omnibus cedit, nullum sponte suo præcedit. Hæc autem virtus ita chara semper Christo fuit, ut ipse propriè Doctor humilitatis haberi voluerit. *Discite a me*, inquit, *quia mitis sum, & humilis corde*. In passione vero, non modo, non ægrè tulit, quòd Barabbæ latroni, & ho-

LUC. 22.

Mat. 10.

& homicidæ postpositus fuerit à populo Iudæorum : sed ipse semetipsum humiliavit factus obediens usque ad mortem . Quid hic dices anima Christiana, placebit ne, hoc tanto humilitatis exemplo proposito, aduersus vllum hominem superbire, vel de præcedentia cum aliquo litigare ? Sed hæc duo verba, *Humiliauit semetipsum*, quia videlicet nemo poterat eum cogere ad mortem crucis tolerandam, nisi ipse se humiliare voluisset : admonent me, vt ad alterum caput propositæ tractationis accedam .

Duo capita proposuimus ; ex quibus probandum erat deſcendā esse à nobis Christi passionem. Vnū caput erat, consideratio passionis Christi, non vt præteritæ, sed vt præſentis . Alterum consideratio eiusdem passionis, non vt est in se, sed vt effectus est scelerum nostrorum . Et quoniam de priore capite satis multa dicta sunt, veniendum est ad posterius caput; ac bre-

176 De gemitu columbæ

uiter demonstrandum, non fuisse
 ullam potestatem inter homines,
 quæ Christum passioni subijcere
 posset, nisi ipse voluisset. Atque
 hoc quidem non est difficile de-
 monstrare. Quis enim tantæ po-
 tentiæ fuit vnquam, vt posset filiũ
 Dei altissimi tot supplicijs, & ipsi
 morti subijcere? An cohors mi-
 litum, & ministri Iudæorum? At
 illi audita voce filij Dei, *Ego sum*,
 abierunt retrorsum, & ceciderunt
 in terram. An præses Iudææ Pi-
 latus? At ille pulvis, & cinis est,
 si ad Christum, qui virtus Dei est
 comparetur. An Imperator Ro-
 manus? At ille quoque vermicu-
 lus terræ erat. An potentia Dia-
 boli? At illos Christus verbo eij-
 ciebat. An iustitia Dei? At Chri-
 stus innocens erat, sanctus, impol-
 lutus, segregatus à peccatoribus,
 excelsior cælis, & purior Angelis.
 Quid igitur Dei filium flagellauit,
 cruci affixit, occidit? Impietas
 mea charitas Patris, & obediëntia fi-
 lij. *Propter scelus populi mei percus-*
si

sic cum, dixit Pater per Isaiam; & Apostolus subiunxit, *Humiliauit filius semetipsum, factus obediens usque ad mortem, mortem autem crucis*. Itaque peccata mea, peccata tua, peccata Adami, & omnium filiorum eius causa fuerunt passionis, & mortis filij Dei. Non spinæ, quamuis acutissimæ, potuissent caput illud tremendum potestatibus cæli, perforare, nisi superbia mea vires illis addidisset. Non flagella, quamuis plurima, carnem illam atterere potuissent, nisi carnales appetitiones meæ illa iuuissent. Non clavi ferrei, quamuis durissimi manus illas, ac pedes perfodere valuissent, nisi auaritia mea, & euagationes meæ illos adegissent. Denique neque mors ipsa ad vitam opprimendam accedere fuisset ausa, nisi iniquitas mea aditum illi aperuisset. Ergo nè peccata hominum tantas habent vires, ut in Dei filium præualuerint? Non ipsa peccata, sed odium Dei in peccata, & amor

Philip. 2.

178 De gemitu columbæ

Dei Patris in genus humanum, & obedientia filij Dei erga Patrem, hoc fecerunt. Sed peccatis hoc tribuimus, & meritò tribuimus, quia nisi illa fuissent, passio Dominica non fuisset. Proinde verè filius Dei peccatis nostris passionē suam imputare posset: sed quia dulcis, & pius est, non peccatis nostris, sed charitati, & misericordiæ suæ passionem imputat suam. Sic enim ipse loquitur in Euangelio,

Io. 14. *Nemo tollit animam meam à me, sed ego pono eam.* & Apostolus pro se, & pro nobis omnibus dicit,

Ephes. 5. *Christus dilexit nos, & tradidit semetipsum pro nobis oblationem, & hostiam Deo in odorem suavitatis.*

Quid ergo retribues anima mea Domino, pro omnibus, quæ retribuit tibi? nihil ne offeres tanto benefactori, qui ut deleret peccata tua, & mundaret te, tradidit semetipsum in mortem, ut esset mors eius hostia Deo pro te in odorem suavitatis? offeram omnino

nino cor contritum, & humiliatum offeram lacrymas penitentiae testimonium odij in peccatum, offeram denique promptam voluntatem ad omne, quod à me petere dignatus fuerit. Pete ergo Domine, quia nihil iam tibi negare poterimus, quia vulnerasti cor nostrum nimia charitate tua. Et quid putas anima Dominum petiturum, nisi salutem animae tuæ? hoc enim petijt, cum in Cruce dixit, *Sitio*. Ita ne bone Domine sic, sic superabundat charitas tua, ut qui pro nobis laborasti usque ad mortem, mortem autem crucis; non aliam mercedem requiras, nisi ut & nos cooperemur in salutem animarum nostrarum? Hoc planè est exemplar verissimae charitatis. Da ergo Domine, quod petis, & pete, quod vis. Sic enim adimplebitur voluntas tua, & obedientia nostra, in salutem nostram, & gloriam tuam.

*De quarto fonte lacrymarum ;
qui est consideratio per-
secutionum Ec-
clesiæ .*

CAP. IV.

ECCLESIA catholica, ut vera,
columba gemens, dum est in
exilio, & in via ad patriam, nun-
quam libera erit à persecutori-
bus, dicente Apostolo, *Omnes, qui
volunt pie vivere in Christo Iesu,
persecutionem patientur .* Et qui-
dem Ecclesiæ persecutiones aliæ
sunt manifestæ, aliæ occultæ .
Quando enim manifestæ cessant,
statim oriuntur occultæ, quæ gra-
uiiores esse videntur . nam de illis
exponit S. Bernardus illa verba,
*Facta est in pace amaritudo mea
amarissima.* Itaq; Ecclesia semper
gemitibus opus habet, & qui legi-
timi filij eius sunt, in hoc potissi-
mum

2. Tim. 3.

Serm. 33.
in Cant.

mum cognoscuntur, quòd matri
 compatientes ipsi quoque à gemitibus,
 & lacrymis non quiescunt. Percurramus,
 si placet, ætates Ecclesiæ. Prima ætas
 fuit ab aduenta Domini vsque ad tempora
 Neronis Imperatoris. In ea etate vi-
 guit persecutio Iudæorum, quæ Christum
 ipsum in crucem egit, ac deinde S. Stephanum
 lapidauit; S. Iacobum maiorem per Herodẽ
 occidit, S. Petrum carceri mancipauit,
 per se autem Apostolos omnes flagellauit;
 S. Iacobum minorem de pinnaculo templi
 deiecit; Apostolum Paulum quinquies
 flagellatum, interficere sæpe tentauit:
 & quod per se Iudæi non poterant,
 per gentiles efficere conabantur. *concitabant enim gentes*
aduersus fratres, vt S. Lucas in Actis
 testatur. Iudæis diuino iudicio seuerissimè
 castigatis, & partim occisis, partim disper-
 sis, euerfa ciuitate Hierosolyma, & Regno
 ab eis omnino sublato; successit persecutio
 paganorum, Domitiano in-

182 De gemitu columbæ
incohante, ac sequentibus Imperatoribus vsque ad Constantinum magnum, summa crudelitate in Christianos grassantibus. Primus quidem persecutor paganus Nero fuit: sed is adhuc durante persecutione iudaica, atque ante Hierosolymam euersam, iudæis exultantibus, christianos persequi cæpit. Sed quoniam pagnorum persecutio per interualla quædam nunc sæuiebat, nunc pacem aliquam Christianis dabat: S. Cyprianus, & Eusebius Cæsariensis obseruarunt in interuallis illis semper vigisse occultam persecutionem vitiorum, quæ iram Domini ita prouocabat, vt Dominus ipse nouam persecutionem in populum suum grassari permitteret. Sed verba ipsorum audiamus.

Sanctus Cyprianus in sermone de lapsis, *Dominus*, inquit, *probari familiam suam voluit; & quia traditam nobis diuinitus disciplinam pax longa corruperat, iacentem fidem, & penè dixerim,*
dor-

dormientem censura celestis crexit : cumque nos peccatis nostris amplius pati mereremur , clementissimus Deus sic cuncta moderatus est , ut hoc omne , quod gestum est , exploratio potius , quam persecutio videretur .

Eusebius Cæsariensis in histo- Lib. 8. c. 1.
*ria Verum , inquit , cum nos prænimia quadam licentia in molli-
 tiam delicatam , & dissolutam se-
 gnitiem essemus prolapsi , cumque
 alij alijs invidere , maledictis in-
 sectari , & propè nos ipsi inter nos
 petulantibus linguis , tanquam
 mutuis armis oppugnare , & ali-
 quando verborum contumelias ve-
 lut hastas unus in alium intorque-
 re , & Præsides Ecclesiarum al-
 ter alterius vires infringere , &
 populus in populum seditionem
 concitare inciperent : cumque
 ficta , & adumbrata sanctitatis
 species , quæ oratione nequit ex-
 primi , & simulatio fronte occul-
 tata ad immensam quandam
 prauitatem serpsisset diuina
 ultio*

184 De gemitu columbæ

ultio, dum permagna adhuc Christianorum ubique versabatur frequentia, parcius aliquāto, & remissius capit in nos animadvertere. Sed ubi velut sensibus orbiati nulla cura incubuimus, ut diuinum numen placaremus, tum demum iuxta Hieremiam obscurauit in ira sua Dominus filiam Sion, &c.

Postea vero quā persecutio paganorum magna ex parte cessauit, exorta est persecutio hæreticorum. Quamuis enim ab initio nascentis Ecclesiæ, nonnullæ hæreses, quasi zizania in medio tritici apparuissent: tanta fuit tamen rabies Arianorum, qui Constantini temporibus exorti sunt, ut priores hæretici vix persecutores Ecclesiæ dici potuerint. Itaque eiusdem Constantini tempore bella paganorum contra Ecclesiam, extincta, & bella hæreticorum, exorta dici possunt. Durat autem adhuc hoc bellum, & durabit vsque ad Antichristum. tunc enim exurget vltima persecutio, quæ,

Lib. II. Cap. IV. 185

quæ, vt erit omnium breuiffima :
 fic erit omnibus terribilior . Sed
 ego noſtra ſolùm tempora confi-
 derare inſtituo , vt videam an hoc
 tempore gemere nos oporteat ,
 ob aliquam perſecutionem ; an
 potius gaudere , & lætari ob tran-
 quillitatem , & pacem temporum
 noſtrorum . Niſi autem valdè de-
 cipior , video noſtri temporis Ec-
 cleſiam , non vna , vel altera ſed
 omnibus ſimul perſecutionibus
 flagellari , excepta illa vna , quam
 Antichriſtus nouiſſimus excita-
 bit .

Primum perſecutio Iudæorum
 nobis non deeſt . Nam & per uſuras
 hebræi vbique fidelibus nocent ,
 & ubi poſſunt Chriſtianis im-
 ponunt , eoſque decipiunt , & ali-
 cubi , ſub ſpecie Chriſtianiſmi , in-
 fidelitatem ſuam occultè propa-
 gant . perſecutio quoque pagano-
 rum in Turcis , & Saracenis re-
 nouata , multis in locis , non ſo-
 lum in Aſia , & Africa , ſed etiam
 in Europa graſſatur . Nec ſolum
 defle-

186 De gemitu columbæ

deflemus quotidie damna temporalia, sed etiam spiritualia, cum non pauci deficiant à Christo ad Maumethum. Accessit denique hoc nostro tempore, persecutio laponica, non semel renouata, quæ nouellam illam Ecclesiam paganico furore grassante, martyrum sâguine redundare fecit. Persecutio autem hæreticorum nescio an vnquam fuerit maior, & terribior, siue quo ad multitudinem Sectarum, siue quo ad sollicitudinem auertendi Catholicos à vera fide, siue quo ad crudelitatem in orthodoxis, præsertim Sacerdotibus inaudita sæuitia vexandis, atque trucidandis. In oriente, & meridie adhuc vigent hæreses antiquæ Nestorij, & Eutychetis, in occidente & septentrione præter nuper inuentas hæreses innumerabiles, non desunt, qui renouare pergant Arianismum, & Ebionis, & Cherinti dogmata ante annos mille trecentos extincta, atque sepulta. Itaque persecutio hæ-

hæreticorum, quæ nostra ætate
 viget, videtur ipsa sola omnes an-
 tiquas persecutiones superare.
 Quare si pij sumus, & si in mem-
 bris columbæ viuimus, & veris nu-
 meramur: certè necesse est, vt
 compassionis lacrymas, non par-
 cè, sed abundantissimè profunda-
 mus. Quid enim? an non multis
 lacrymis digna est tot milliū ani-
 m. rum cædes, quæ propter falsa
 dogmata quotidie ad inferos de-
 truduntur? & in tot prouincijs vel
 imminutus, vel omnino sublatus
 veri Dei cultus? Sed quid dice-
 mus de occulta persecutione vi-
 tiorum? hanc enim occultam di-
 co, quia mouetur à persecutori-
 bus, qui non videntur, id est, à
 spiritibus immundis, à principi-
 bus, & potestatibus aëris huius,
 quorum ignita iacula tanto gra-
 uius, & frequentius feriunt, quan-
 to magis incautos adoriuntur.

Antiquis Patrum nostrorum,
 temporibus, vt ex Cypriano, &
 Eusebio audiuius, quando vi-
 ge.

188 De gemitu columbæ
gebat persecutio vna, cessabat al-
tera, quoniam Deus, in cuius
manu sunt omnia, ad sedandam,
persecutionem vitiorum, excita-
bat, vel excitari patiebatur per-
secutionem paganorum. Nunc
autem omnes simul persecutiones
patimur, & tamen nondum exci-
tamur à somno, & nondum intel-
ligimus grauissimam Dei manum
esse, quæ nos premit, & flagellat.
Sed fortasse non viget hoc tempo-
re persecutio vitiorum. Utinam
id posset cum veritate dici. Ego
enim in hac nostra Europæ parte,
quæ per Dei gratiam libera est à
persecutione Turcarum, & Hæ-
reticorum; scio audiri non raro
blasphemias in Deum, & Sanctos,
quales nec inter Turcas audiun-
tur. Et quale crimen est blas-
phemia? tale est, vt grauitate,
omnia peccata superet, vt S. Tho-
mas verè affirmat; & in testamen-
to veteri, iussu Dei, ultimo sup-
plicio, sine vlla misericordia pu-
niebatur. In quibusdam locis per-
iu.

2.2 q. 13.
art. 3.

iuria , quæ non longe absunt à blasphemia , adeo sunt frequentia , & familiaria , vt multi non erubescant , etiam in rebus clarissimis , falsa testimonia cum iuramento affirmare . Horreo de carnalibus flagitijs aliquid dicere , de homicidijs , de furtis , de maledictis , in quibus omnibus impletur verbum Osee prophetæ , *Maledictum , & mendacium , & homicidium , & furtum , & adulterium inundauerunt , & sanguis sanguinem tetigit* . Vbi illa vox , *inundauerunt* , significat peccatorum omnis generis abundantiam tantam , quanta esse solet aquarum , quando in alueo fluminis non capitur , sed extra ripas effunditur , & campos vicinos inundat . Illud etiam , *sanguis sanguinem tetigit* , eandem multitudinem peccatorum designat . sanguis enim in scripturis , sæpe pro peccato accipitur , & tunc sanguis sanguinem tangere dicitur , quando non est hoc loco vna

Ose. 4.

gut-

190 De gemitu columbæ
gutta sanguinis, & altera in altero, sed riuus sanguinum vbique decurrunt, & coniuncti in vnum, quasi flumen, aut lacum efficiunt. Quid de luxu, & pompis, & vanitatibus dicam? an non quotidie ista crescunt, quasi in sacro baptismo nuncium non remiserimus Diabolo, & pompis eius? Quid de cupiditate cumulandi aurum, & argentum, & augendi patrimonium, & redditus, & coniungendi, vt loquitur Isaias, agros ad agros, & domos ad domos, quasi nulli sint in mundo pauperes, quibus superflua dari possint? Legant Episcopi S. Bernardum in Epistola ad Henricum Senonensem Archiepiscopum: legant Clerici eundem auctorem in Declamatione super illa verba, *Ecce nos reliquimus omnia*. Legant omnes tum clerici, tum laici sermonem tricesimum tertium eiusdem in Cantica, & tum iudicent, quid de nostri temporis Christianis existimare debeant.

Et

Isa. 5.

Epist. 42.

Et quoniam locus postremus breuissimus est, non grauabor ipsa eius verba ponere. *En*, inquit, *tempora ista libera quidem Deo miserante, ab utraque illa malitia, paganorum videlicet & hæreticorum, quos significari docuit per timorem nocturnum; & sagittam volantem per diem; sed planè fœda à negotio perambulante in tenebris. Væ generationi huic à fermento Phariseorum, quod est hypocrisis si tamen hypocrisis dici debet, quæ iam latere præ abundantia non valet. Serpit hodie putida tabes per omne corpus Ecclesiæ, & quo latius, eo desperatius, eoque periculosius, quo interius. Nam si insurgeret apertus inimicus hæreticus: mitteretur foras, & arefceret. nunc vero quem eijciet, aut quo abscondet se? Omnes amici, & omnes inimici; omnes necessarij, & omnes aduersarij; omnes domestici, & nulli pacifici; omnes proximi, & omnes, quæ sua sunt querunt. Ministri Christi sunt, &*
ser-

Serm. 35.
in Cant.

192 De gemitu columbæ

seruiunt Anticristo . honorati incedunt de bonis Domini, qui Domino honorem non deferunt . Inde is, quem quotidie vides, meretricius nator, histrionicus habitus, regius apparatus . Inde aurum in frænis, in sellis, & calcaribus, & plus calcaria, quam altaria fulgent . Inde splendida mensæ, & cibis, & scyphis . Inde commessationes, & ebrietates; inde cythara, & lyra, & tibia; inde redundantia torcularia, & promptuaria plena, eructantia ex hoc in illud; inde dolia pigmentaria; inde referta marsupia. Pro huiusmodi esse volunt Ecclesiarum præpositi, Decani, Archidiaconi, Episcopi, & Archiepiscopi . Olim prædictum est, & nunc tempus impletionis aduenit, Ecce in pace amaritudo mea amarissima . Amara prius in nece Martyrum, amarior in conflictu hereticorum, amarissima nunc in moribus domesticorum . hæc sanctus Bernardus, cui comitem addere placet sanctum Cyprianum .

Lib. II. Cap. IV. 193

Is in sermone de lapsis rationem reddere volens, cur Deus permisisset persecutionem, ait, *Studebant augendo patrimonio singuli, & obliti quid credentes, aut sub Apostolis ante fecissent, aut semper facere deberent insatiabili cupiditatis ardore ampliandis facultatibus incubabant. Non in Sacerdotibus religio deuota, non in ministris fides integra, non in operibus misericordia, non in moribus disciplina: corrupta barba in viris, in feminis forma fucata. Adulterati post Dei manus, oculi, capilli mendacio colorati ad decipienda corda simplicium, callidæ fraudes, circumueniendis fratribus subdolæ voluntates; non iurare tantum temerè; sed adhuc etiam peierare: Præpositos superbo tumore contemnere: venenato sibi ore maledicere: odijs pertinacibus inuicem dissidere: Episcopi plurimi, quos & hortamento esse oportet cæteris, & exemplo, diuina procuratione contempta, procuratores rerum secularium*

194 De gemitu columbæ
rium fieri, derelicta cathedra, ple-
be deserta, per alienas prouincias
oberrantes, negociationis quasuo-
se nundinas aucupari: esurienti-
bus in Ecclesia fratribus, non sub-
uenire; habere argentum largiter
velle, fundos insidiosis fraudibus
rapere, usuris multiplicantibus fœ-
nus augere. Quid non perpeti ta-
les pro peccatis eiusmodi merere-
mur? Hæc S. Cyprianus.

Perpendant igitur nostræ ætatis
homines, an ea, quæ deplorant
sacratissimi isti viri in moribus suo-
rum temporum, non sint omnino
similia peccatis temporum no-
strorum: ob quæ nos quoque luge-
re assiduè, ac gemere debeamus.
Adde, quod quemadmodum vete-
res illi populi habuerunt suos Cy-
prianos, suos Bernardos, qui cæ-
teris vita, & exemplo præluce-
bant, & propterea inexcusabiles
erant, qui ad illa lumina oculos
claudebant: sic & nos habuimus
diebus nostris, non paucos viros
sanctissimos, quorum mores, & vi-
ta

Lib. II. Cap. IV. 195

ta reliquis omnibus regula bene viuendi esse potuerunt. Sed nos potissimum, qui Ecclesiastici sumus, habuimus sanctum Carolum, quasi lucernam lucentem in caliginoso loco, eamque non sub modio, sed super candelabrum celsissimum, vnde lucebat omnibus, qui in domo Dei sunt.

Qualis autem fuerit ex comparatione eorum, quos sancti Patres Cyprianus, & Bernardus reprehendunt, facile cognosci poterit. Illi cathedram, id est, munus concionandi, Episcoporum proprium relinquebant: iste cathedram non reliquit, nisi cum vita eum reliquit. Illi plebem deferentes ad temporales nundinas in alijs prouincijs vagabantur: iste plebem, sibi à Deo creditam nunquam deseruit, nisi quando plebis suæ utilitas, vel necessitas compulit. Illi fratribus pauperibus non prouidebant, sed argentum largiter possidere gaudebant: iste patrimonium suum, vt haberet vnde

196 De gemitu columbæ

pauperibus largiter subueniret, cum gaudio distribuebat. Illi non erubescabant vsuris multiplicantibus fœnus augere: iste miserebatur inopum, vt Domino soli fœneraretur, sciens scriptum esse,

PRCII. 19.

Qui miseretur pauperum, fœneratur Deo. Illi non multum laborabant, quòd non esset in Sacerdotibus religio deuota, in ministris fides integra, in moribus disciplina: iste dies, ac noctes excubabat, vt restitueretur in Ecclesia sua pristina cleri, ac populi ecclesiastica disciplina. Inde tam multas habemus ab ipso posteris relictas constitutiones, ordinationes, admonitiones. Atque hæc ex Cypriano. Addamus pauca ex Bernardo. Episcopi, quos S. Bernardus corripit, honorati incedebant de bonis Domini, qui Domino non seruibant: iste in publico utebatur vestitu, quem dignitas exigebat, sed priuatim viles, & attritas vestes gerebat, Domino autem ita seruibat, vt verbo Dei, & oratio-

ni

ni semper intentus noctes infomnes non raro traduceret. Illi splendidas mensas, & cibis, & scyphis habere volebant: hic vulgarem mensam, & scyphis communibus, non aureis, vel argenteis utebatur. Illi comessationibus, & ebrietati operam dabant: hic sæpè ieiunans, & pane, & aqua, vt plurimum contentus erat. Illi cytharam, & lyram, & tibiam in conuiuijs adhibebant: istius ad mensam sola scripturarum sanctarum verba sonabant. Illi redundantia torcularia, & promptuaria plena, & dolia pigmentaria, & præcipuè referta marsupia habere gaudebant: iste modestiam, & paupertatem Christi amans, cum diues esset, egenus factus est, nec solum patrimonium in egenos consumpsit, sed etiam multa pingua beneficia ecclesiastica, quibus à Pontifice maximo auunculo suo ditatus fuerat, nouo exemplo spontè dimisit. O beatum Pontificem, ac verè Christi amantem, & imitantem disci-

198 De gemitu columbæ
pulum. O nos beatos si imitari
non pigeat, quem laudare dele-
tat. O nos verè miseros, & om-
ni lacrymarum fonte plangendos,
si tanto proposito ante oculos no-
stros exemplo, & quasi lucidissimo
vitæ perfectæ speculo, deformia
nostra non viderimus, neque emen-
dare diligentissimè studuerimus.

*De quinto fonte lacrymarum,
qui est consideratio ordi-
nis Sacerdotalis.*

CAPVT V.

QUAMVIS capite Superiore
generatim considerauerim
Ecclesiæ Catholicæ misérias, &
pauca quædam attigerim in par-
ticulari de Prælatís, & subditis:
quia tamen magna res agitur,
cùm Ecclesiæ morbi, & vulnera
considerantur, vt ad ea curanda
lacrymarum remedia, pro viri-
bus adhibeamus: visum est seor-
sim

Lib. II. Cap. V. 199

sim de singulis Ecclesiæ membris ea scribere, quæ Dominus inspirare dignabitur.

Tria sunt Ecclesiæ membra precipua. Primum eorum est, qui in statu perfectionis adeptæ esse dicuntur, qui sunt Episcopi Ecclesiarum Principes, & magistri, quibus adiungimus Præbyteros, qui sunt minores Sacerdotes; atq. eorum administratores. Alterum est eorum, qui sunt in statu perfectionis adipiscendæ; idest, qui relicto seculo, & secularibus curis, profitentur se ad perfectionem vitæ Christianæ velle tendere, quales sunt Regulares omnes, siue Eremitæ, siue Canobitæ, tam viri, quam feminae. Tertium est laicorum, qui suscipiunt curam familiæ, vxoris, liberorum, seruorum; vel etiam Rempublicam administrant, & ea quæ pertinent ad pacem, vel bella procurant. Ac ut à primo membro incipiamus, exponam breuiter, quid Magister gentium requirat in Episcopis,

200 De gemitu columbæ

qui sunt Apostolorum successores: ex qua doctrinâ vnus quisque per se dijudicare poterit an hoc membrum ita laboret vt lacrymarum fomenta requirat. Qualis autem debeat esse Prælatus Ecclesiasticus docet Apostolus in primis illis verbis Epistolæ ad Romanos, *Paulus seruus Iesu Christi, vocatus Apostolus, segregatus in Euangelium Dei*. In his enim verbis continentur tres qualitates Apostolorum, & eorum, qui illis succedunt, videlicet Episcoporum, & aliorum, qui Episcopis vel pares sunt, vel maiores; & suo etiam modo præsbyterorum. Hæc enim ratio est cur idem Apostolus erudiens Ecclesiasticos, primùm alloquitur Episcopum, deinde transit ad Diaconos de alijs nihil dicit, quia in Episcopis erudiebat etiam præsbyteros, qui sunt secundî ordinis Sacerdotes: & in Diaconis, qui sunt principes ministrorum, erudiebat etiã subdiaconos, & cæteros omnes ministros.

Pri-

1. Tim. 3.

Lib. II. Cap. V. 201

Prima igitur qualitas Episcoporum, & omnium aliorum Ecclesiasticorum, est, ut sint serui Christi, & serui Christi non quocunque modo, sed propriè, id est, toti addicti obsequio Christi, ut spoliatis omni alia cura, & sollicitudine, vnum negotium sit, Christo famulari in lucro animarum. Seruus enim quicquid est, Domini sui est; quicquid habet, Domino suo habet; quicquid potest, Dño suo potest. Tales fuisse Apostolos perspicuum est ex illis verbis B. Petri.

Ecce nos reliquimus omnia, & secuti sumus te. & ex illis B. Pauli.

Matt. 19.

Labora sicut bonus miles Christi 2. Tim. 2.

Iesu. Nemo militans Deo implicat se negocijs secularibus, ut ei placeat cui se probauit. Denique ex vita & rebus gestis ipsorum.

Scimus enim Apostolos non fuisse occupatos in vllis rebus temporalibus acquirendis, vel agendis, sed in sola Christi gloria, & animarum salute quærenda laborem, & studium, & vitam ipsam impen-

I s disse.

202 De gemitu columbæ

disse . Scimus etiam Apostolos rerum temporalium, quas Ecclesia possidebat curam alijs demandasse, vt ipsi rebus spiritualibus, quæ ad officium ipsorum potissimum pertinebant, possent incumbere . *Non est æquum*, inquit

AA. 6. Apostoli, *nos derelinquere verbum Dei, & ministrare mensis.*

Cartag.
4. c. 20.

Quod ipsum faciendum esse Episcopis Apostolorum successoribus, docet Concilium Carthaginense quartum . his verbis, *Episcopi nullam rei familiaris curam ad se reuocent, sed lectioni, & orationi, & verbi Dei prædicationi solummodo vacent.* De qua re S. Bernardus ita loquitur in libro de

Lib. 4. c.
9.

consideratione, *Quid*, inquit, *Episcopo turpius, quàm incumbere suppellectili, & substantiolarum suarum scrutari omnia, sciscitari de singulis, morderi suspicionibus, moueri ad quacunque perditam, vel neglectam? Non sic ille Aegyptius, qui Iosepho omnibus traditis, ignorabat quid haberet in domo sua.*

Eru.

Erubescat Christianus Christiano sua non credens. Homo sine fide, fidem tamen habuit seruo, super omnia bona sua constituens eum, & hic erat alienigena. Mira res, satis superque ad manus habent Episcopi, quibus animas credant: & cui suas committant facultates, non inueniunt. Optimi videlicet aestimatores rerum, qui magnam de minimis, paruum aut nullam de maximis curam gerant. Sed ut liquido datur intelligi, patientius ferimus Christi iacturam, quam nostram. Quotidianas expensas, quotidiano reciprocamus scrutinio; & continua Domini gregis detrimenta nescimus. De pretio escarum, & numero panum cum ministris quotidiana discussio est; rara admodum cum presbyteris celebratur collatio de peccatis populorum. Cadit Asina, & est, qui subleuet eam; perit anima, & nemo qui reputet. Nec mirum, cum ne nostros quidem assiduos sentiamus defectus. hæc S. Bernardus.

204 De gemitu columbæ

Porro cur pauci ex Prælatiſ ve-
 ri ſervi Ieſu Chriſti dici poſſint,
 vna ex præcipuiſ cauſa eſt, quia
 non expectant vocationem Dei,
 quæ eſt ſecunda qualitas Episcopii,
 vt cùm B. Paulo dicere poſſint, *Vo-*
catus Apoftolus, id eſt, vocatus à
 Deo ad Apoftolatũ. qui enim,
 ſe ipſi intrudunt, aut certè quæ-
 runt, & petunt Eccleſiis præfici;
 mirum eſſet, ſi quærerent, quæ ſunt
 Ieſu Chriſti, & non potius, quæ ſua
 ſunt. qui autem quærunt, quæ ſua
 ſunt, certè non ſervi Ieſu Chriſti,
 ſed ſuarum cupiditatum mancipia
 ſunt. Et illi quoque qui non per ſe
 quærunt Episcopatũ, ſed ab alio
 accipiunt, non quòd ſint cæteriſ
 aptiores, & digniores, & Eccleſiæ
 vtiliores; ſed quòd ſint propinqui
 ſanguine, vel quòd magnos viros
 fautores habeant, non vocantur à
 Deo, ſed à carne, & ſanguine; nec
 Ieſu Chriſti, ſed hominum ſervi
 fiunt: ac per hoc mirum non eſt, ſi
 non ſe totos Chriſti obſequio im-
 pendunt, cùm non propter Chri-
 ſtum

stum vocati sint, sed propter opes
augendas, vel familias nobilitan-
das. Rectè igitur S. Bernardus
admonet Eugenium Papam in 4.
libro de consideratione, *Alius,*
inquiens, *pro alio, alius fortasse,*
& pro se rogat. pro quo rogaris,
suspectus sit: qui ipse rogat pro se,
iam iudicatus est. & infra, *Itaque*
non volentes, neque currentes assu-
mito, sed cunctantes, sed renuen-
tes, etiam coge illos, & compelle
intrare.

Quod autem sit officium voca-
torum à Deo, explicat Apostolus
in sequentibus verbis, *Segregatus*
in Euangelium Dei, quæ est ter-
tia qualitas, siue conditio. Siqui-
dem primarium Episcopi munus
est Euangelij prædicatio. Id con-
stat primum ex eo, quòd Dominus Io. 20.
Apostolis ait, *Sicut misit me Pa-*
ter, & ego mitto vos. Quorsum,
autem miserit filium suum Pater,
ex prophetia Isaia declarauit ipse Luc. 4.
idem filius dicens, *Spiritus Domi-*
ni super me: propter quod unxit
me,

206 De gemitu columbæ

me, euangelizare pauperibus misit me. Ecce officium Christi: ecce officium eorum, qui legatione funguntur pro Christo. Et quidem, hoc officio ita diligenter, ita accurate, ita assidue perfunctus est Christus, ut perpetuo discurreret per ciuitates, & castella prædicans Regnum Dei. Nec solum in templo, & synagogis, sed in campis, in desertis, in montibus, in mari, in priuatis domibus, discumbens in mensa, deambulans in via, denique semper, & ubique meminerit se missum ad Euangelium prædicandum. Deinde Apostoli, quibus Episcopi succedunt, munus suum proprium declarauerunt, cum dicerent, *Nos orationi, & ministerio verbi instantes erimus.* & Apostolus Paulus in priore ad

AA. 6. *Corinthios, Non misit me Christus, inquit, baptizare, sed euangelizare.* & rursus, *Si euangelizauero non est mihi gloria: necessitas enim mihi incumbit. Va enim mihi si non euangelizauero.* & Timo-

AA. 6.

1. Cor. 1.

1. Cor. 9.

mo-

motheum Episcopum admonens ait, *Pradica verbum, inſta opportune, importune, argue, obſecra, increpa in omni patientia, & doctrina*. Quid iam de beatiffimo Ioanne dicam? Is adeo neceſſariū ſibi eſſe duxit officium prædicandi, vt cū iam in decrepita ætate ad Eccleſiam per manus diſcipulorum vix deferretur, & non poſſet in plura vocem verba contexere, nihil aliud ſoleret per ſingulas proferre collectas, niſi, *Filii diligite alterutrum*. cuius rei teſtis eſt ſanctus Hieronymus lib. 3. commentariorum Epistolæ ad Galatas. Itaque dilectus Domini diſcipulus, & Magiſtri ſui diligens imitator, ad vltimum uſque ſpiritus, eo modo, quo potuit, prædicationis munere fungi voluit. Hoc ipſum declarauit Concilium Carthaginense quartum docens, Episcopum lectioni, & orationi, & prædicationi verbi Dei tantummodo vacare debere. Cui conſonat ſanctus Gregorius cū ait,

Epi-

1. Tim. 3.

Can. 17.
& 20.

I. ib. 2.

Epi. 32.

Episcopi est, de prædicationis ministerio semper cogitare. Denique Episcopos veteres per multa secula hoc ipsum probè intellexisse, ipsorum scripta testantur. Maxima enim pars scriptorum Cypriani, Athanasij, Basilij, Nazianzeni, Chrysostomi, Ambrosij, Cyrilli, Augustini, Maximi, Leonis, Gregorij, & aliorum, nihil sunt aliud, nisi ad populum habitæ conciones. Sed, inquiunt, alia nunc sunt tempora, alij mores. Ita est, alia sunt tempora, alij mores, sed non alia obligatio. Cur enim in consecratione Episcoporum, nunc etiam, dicitur, *Accipe euangelium vade prædica populo tibi commisso?*

Trid. sess.
5. & 24.

An non timere debent Episcopi sic ordinati, ne in iudicio audiant, Cur prædicationis officium suscepisti, si illud adimplere nolebas? Et si alia nunc obligatio esset, cur in ipso Concilio generali, nostro tempore celebrato, disertis verbis diceretur, prædicationis munus præcipuum esse inter Episcopalia

Lib. II. Cap. V. 209

palia munera? Et cur adhuc in Ecclesijs cathedra sublimis Episcopis erigitur, nisi, ut ex edito loco populum doceant. Non dedimus, inquiunt, operam sacris literis, sed iuris prudentiæ, neque in prædicatione, sed in iudicijs versati sumus. At neque sanctus Ambrosius, neque sanctus Gregorius prædicationi operam dederant, sed forensibus iudicijs. Et tamen vocati ad præfecturam Ecclesiæ, continuò lectioni scripturarum, & prædicationi verbi Dei operam dare cœperunt. Quod idem fecit nostro tempore sanctus Carolus Cardinalis, qui cùm iurisprudentiæ operam dedisset, & vsum concionandi non haberet, & linguæ quoque impedimentum pateretur: omnes tamen difficultates Christi amore, & officij sui ad implendi desiderio, superavit, & assidue vberissimo cum fructu usque ad mortem Euangelium prædica-
uit. Denique, inquiunt, multi sunt hoc tempore prædicatores verbi
Dei

210 De gemitu columbæ

Dei ex ordinibus religiosis. Verū est id quidem: sed illi vocati sunt in adiutorium Episcoporum, non vt proprium munus ipsorum impediant; neque adiuuari dicitur, qui nihil facit: & Christus ipse Apostolos duodecim, & septuaginta duos discipulos misit ad prædicandum, vt se in eo munere quodammodo inuarent: & tamen non ideo intermisit ipse assidue prædicare. & de Pastore ait, *Vocem eius audiunt, & eum sequuntur*. Itaque si Episcopi pastores sunt, vt omnino esse debent, id quoque eos præstare necesse est, vt oues vocem eorum audiant, ipsorumque vitam, & exempla sequantur.

Io. 10.

Ex quo etiam manifestè sequitur, vt omnino residere apud gregem suum teneantur. Quomodo enim oues audient pastorem absentem? & quomodo eum sequentur, si eum non vident? Sed est præterea alia diligentia adhibenda pastori, vt non cito manus imponat, de qua re idem Apostolus
ad-

admonuit Timotheum. Quemadmodum enim ipse vocatus est ad munus pastoritium, sic debet ipse vocare ministros, quos idoneos censeret: & non facile manus imponere. Ex facilitate enim manus imponendi factum est, ut hoc tempore sit propè infinita turba clericorum, quorum plurimi non aspirant ad sacros ordines, ut sit Dominus pars eorum, sed vel ut subtrahant se à foro seculari, vel ut subsidium quærant vitæ temporalis, vel ut ad honores Ecclesiasticos aliquando conscendant. Atque hinc fit, ut multi circumeant cum magna iactura Ecclesiasticæ dignitatis sordidi, ac penè nudi stipem ostiatim mendicantes: Alij vero, quod multo gravius est, culpa sua etiam Sacerdotes inveniuntur in publicis carceribus, vel catenis alligati in triremibus, cum vltima hominum face ad remos trahendos, assidua fustigatione cogantur. *Imploremus*, inquit, S. Gregorius, *Hieremias* la-

cry-

212 De gemitu columbæ

Hom. 17.
in Euan-
gelia.
Thren. 4

*crymas, & dicamus, Quomodo ob-
scuratum est aurum, mutatus est
color optimus?* Olim non licebat
sacerdotibus publicam pœniten-
tiam agere ob reuerentiam ordi-
nis sacri, & si grauius castigandi
erant, in monasterijs ad pœniten-
tiam agendam mittebantur: &
nunc licet eos cum facinorosis, &
scelestis in carceribus publicis de-
tinere, vel etiam ad triremes
amandare. Neque hæc dico, vt
Iudices reprehendam, sed, vt
temporum nostrorum calamita-
tem deplorem, quæ non paucos
tam perditos naçta est Sacerdotes,
vt opus sit, publica, & grauissima
ignominia cum summo dolore co-
niuncta eos notare.

Sed aliud est etiam lacrymis
vberrimis dignum, quod ob non
nullorum Sacerdotum incuriam,
aut impietatem sacrosancta my-
steria tam indecorè tractentur, vt
qui illa tractant, videantur non
credere Maiestatem Domini esse
præsentem. Sic enim aliqui sine
spi.

spiritu, sine affectu, sine timore, & tremore, festinatione incredibili sacrum perficiunt, quasi fide Christum Dominum non viderent aut ab eo se videri non crederent. Omitto quod alicubi vasa sacra, & vestes, quibus mysteria celebrantur, vilia, & sordida inueniantur, indigna prorsus, quæ ad tremenda mysteria adhibeantur. At fortè, qui hæc adhibent, pauperes sunt. Id quidem fieri potest, sed si pretiosa non possunt, saltem munda, & nitida procurarent. Ego tamen cum aliquando ex itinere apud Episcopum nobilem, & prædiutem hospitarer, vidi aulam, vasis argenteis splendidam, & mensam omni genere præstantium ciborum refertam: mappas quoque, & reliqua omnia nitida, & odorem suauem spirantia. Sed cum die sequente summo mane, ad Ecclesiam Palatio contiguam descendissem, vt sacris operarer, inueni omnia contraria, id est, vilia, & sordida, vt vix auderem

214 De gemitu columbæ
in tali loco, & cum tali apparatu
diuina myſteria celebrare. Scio
non deſſe in Eccleſia Dei multos
optimos, & religioſiſſimos Sacer-
dotes, qui cordè mundo; & niti-
diſſimo apparatu, diuina myſteria
celebrant, pro quibus gratiæ Deo
ab omnibus agenda ſunt: ſed ſi-
mul etiam fontibus lacrymarum
plangendi ſunt, non pauciores,
qui exteriore turpitudine, & ſor-
dibus, animi ſui impuritatem,
ſorde ſque teſtantur.

*De ſexto fonte lacrymarum,
qui eſt conſideratio ordi-
num Religioſo-
rum.*

C A P. VI.

ORDINES religioſi quemad-
modum in ſuis bonis mem-
bris materiam præbent fidelibus
omnibus gloriandi, & Deum lau-
dan-

Lib. II. Cap. V. 215

dandi : sic etiam contra , in suis membris malis fontem nobis aperiunt inconsolebilibus lacrymarum . Verè enim scripsit S. Augustinus , non se vidisse meliores Ef. 137. ijs , qui in monasterijs profecerunt , neque deteriores ijs , qui in monasterijs defecerunt . Regulares enim similes esse videntur , sicut Hieremiæ , inter quas , Hier. 4. quæ bonæ erant , erant bonæ valde , & quæ malæ , malæ valdè . Referam paucis ex testimonijs quatuor insignium Doctorum , quales fuerint olim Monachi ; deinde veniam ad multorum ruinam , & casum miserabilem deplorandum .

Sanctus Gregorius Nazianzenus in Apologia de fuga sua , cum descripsisset bona monachorum , sui temporis *Talis , inquit , est Christi pars , talis passionum Christi fructus , quem ipse de terra ad patrem defert . Religionis , inquam , Christiana columen , populi decus , Mundi fundamentum , cum celestibus pulchritudinibus*
ele-

216 De gemitu columbæ
elegantia propemodum certans.

Hom. 8.
in Matt.

S. Ioannes Chrysostomus, sic loquitur, *Si quis nunc ad Aegypti veniat solitudinem; paradiso prorsus omnem illam eremum videbit digniorem, & innumeros Angelorum choros in corporibus fulgere mortalibus. Est enim cernere tota illa regione diffusum exercitum Christi, & admirabilem illum regium gregem, virtutumq. celestium conversationem in terris micantem.*

S. Hieronymus in Epistola ad Heliodorum, *O desertum, inquit, Christi floribus vernans, o solitudo in qua illi nascuntur lapides, de quibus in Apocalypsi ciuitas magni Regis extruitur. O Eremus familiaris Deo gaudens.*

Lib. 1. c.
31.

S. Augustinus in libro de moribus Ecclesiæ, *Nihil, inquit, de ijs dicam, qui secretissimi penitus ab omni hominum conspectu pane solo, & aqua contenti desertissimas terras incolunt, perfruentes colloquio Dei, cui puris mentibus inhaerunt, & eius pulchritudinis contem-*

templatione beatissimi, quæ nisi sanctorum intellectu percipi non potest, & paulo post, Hoc tam excellens fastigium sanctitatis, cui non sua sponte mirandum, & honorandum videtur, oratione nostra videri qui potest? hæc de sanctitate Anacoretarum.

Sed ne videantur soli Anacoretæ omni laude dignissimi esse iudicandi, addam duo testimonia pro Cœnobitis. Sanctus Hieronymus in Epistola ad Eustochium de custodia virginitatis, scribit totum ordinem vitæ Cœnobitarum, ex quo apparet angelicam, planè fuisse conuersationem Monachorum illius temporis: Non adscribo verba, quia longissima oratio est. Sanctus quoque Augustinus in libro de moribus Ecclesiæ, postquam de Eremitis narrauit, quæ paulo ante retulimus, de Cœnobitis ita subiungit, *Sed si hoc (vita solitaria) excedit nostram tolerantiam: quis non illos miretur, & prædicet, qui contemptis,*

K

atque

218 De gemitu columbæ

atque desertis mundi huius illecebris, in communem vitam castissimam, sanctissimamque congregati simul ætatem agunt, viuentes in orationibus, in lectionibus, in disputationibus: nulla superbia tumidi, nulla peruicacia turbulenti, nulla inuidentia liuidi, sed modesti, verecundi, pacati, concordissimam vitam, & intentissimam in Deum, gratissimum ipsi munus offerunt, à quo ista posse meruerunt. Nemo quicquam possidet proprium, nemo cuiquam onerosus est. Patres vero non solum sanctissimi moribus, sed etiam diuina doctrina excellentissimi, nulla superbia consulunt his, quos filios vocant, magna sua in iubendo auctoritate, magna eorum in obediendo voluntate. Denique post multa alia, quæ nimis longum esset hic ponere, inter quæ illud est, quòd sub vno Patre conueniunt, vt minimum monachorum tria millia, ita concludit: *Hos mores, hanc vitam, hunc ordinem, hoc institutum*

*tum si laudare velim, nec dignè
valeo, & vereor ne iudicare videar,
per se ipsum tantummodo exposi-
tum placere non posse, si super nar-
ratoris simplicitatem, colburnum
etiam laudatoris addendum puta-
vero.*

Quæ autem sancti Patres Na-
zianzenus, Chrysostomus, Hiero-
nymus, & Augustinus de Mona-
chis sui temporis dicunt: possu-
mus nos etiam dicere de primor-
dijs omnium ordinum Religioso-
rum. Nam & sancti Benedicti, &
sancti Dominici, & sancti Franci-
sci, & omnium aliorum sanctorum,
qui religiosos ordines institue-
runt, filij, & nipotes per multos
annos ita sanctè, piè, perfectèque
vixerunt, vt vel omnes, vel eorum
pars maxima insigni sanctitate
floruerint. Postea tamen multi-
plicari cœperunt regulares sine
numero, & multi non à Deo voca-
ti ad statum perfectionis, sed alijs
rationibus adducti monasteria
repleuerunt: & impletum est illud

220 De gemitu columbæ

Isa. 9.

Isaia, Multiplicasti gentem, non magnificasti letitiam. Inde nata sunt scandala grauia, & multiplicia, omnibus nota, quæ materiam vberem præbent columbæ gemen- di, & plangendi relaxationem, ne dicam corruptionem ordinum, religiosorum. Quamuis enim nullus sit ordo religiosus, in quo non aliqui verè pij, sanctique re- periantur; tamen negari non po- test, quin magna inueniatur, in quibusdam ordinibus multitudo relaxatorum. Et fortasse imple- tur nostris temporibus, quod ac- cidit ordini sancti Pachomij.

Et quia res est tremèdavalde, eā- que ego sine magno horrore refer- re non possum, verba ipsa auctoris adducam. Auctor autem est Dio- nysius Exiguus Abbas Romanus, scriptor egregius, qui vitam sancti Pachomij ex Græco auctore fide- liter latinitatè donauit. Is ergo in ea historia cap. 45. sic loquitur, *Monachis ad vescendum conue- nientibus, venerabilis senex, Pa-*
cho-

chomius, in cellulam, ubi consue-
uerat supplicare Domino, se rece-
pit: & obserans ostium orabat in-
tentè, & obsecrabat Dominum,
quatenus ei declararet statum Mo-
nachorum, qui futurus esset, vel
quid post eius obitum, in tanta
congregatione contingeret. & ab
hora nona usque ad illud tempus,
quo frater, qui nocturnis orationi-
bus præerat vocem mitteret, & ad
preces solitas excitaret, instantiam
sua supplicationis extendit. Cumq.
precaretur attentius, subitò circa
mediam noctem visionem cernit,
quæ eum iuxta petitionem propriâ
de statu posterorum suorum ple-
nius edoceret. Nam monasteria
sua uehementius dilatanda, non
nullosq; piè victuros, & continen-
ter agnouit: neglectores etiam plu-
rimos didicit, suamque salutem
penitus esse perdituros. hæc ille,
qui satis apertè denūciat ex maxi-
ma monachorum multitudine, non
nullos, id est, paucissimos piè vi-
cturos, & saluandos; plurimos au-

222 De gemitu columbæ
tem neglecturos, & salutem per-
dituros.

Pergit deinde auctor, & visio-
nem ipsam explicat, *Vidit, inquit,
sicut ipse narrauit, multitudinem
monachorum in valle quadam pro-
funda satis, atque caliginosa consi-
stere: & alios exinde velle conscen-
dere, nec valere, quia occurrebant
ex aduerso sibi, nec inuicem digno-
scere poterant, nec de profundo il-
lo, & tenebroso loco prorsus emer-
gere. Alios autem frustra conatos
præ lassitudine ruere, atque ad in-
feros peruenire: alios autem iacen-
tes miserabili, ac lacrymosa voce
deflere: non nullos vero cum ma-
ximo labore conscendere, quibus
ascensu ipso lux protinus occurre-
bat, in qua constituti referebant
Deo gratias, quòd euadere potu-
sent. hæc est visio sancti Pachomij.
Ex qua colligitur primum princi-
pium relaxationis Regularium
esse cœcitatem mentis, vt idem
Pachomius interpretatur. Ideo
enim dicitur multitudo Monacho-
rum*

rum visa esse in valle profunda, tenebrosa, & caliginosa; quia multitudo ex monte perfectionis cecidit ad vallem profundam nimiae relaxationis, comitante eos caligine mentis: non enim duxit eos stella ad Præsepium Christi, id est, non traxit eos diuina vocatio ad humilitatem Christi sectandam, sed carnalis sensus, qui mentem excæcat, duxit illos, vel ad vitam commodiorem, cum essent pauperes, vel ad honores ambiendos in Religione, cum in seculo non inuenirent, qua via possent ascendere: vel alio, aliquo humano consilio vestem sanctam induerunt, sed mores non mutauerunt. Et quid mirum, si multi vestem religiosam induunt, & mores religiosos non induunt, cum non spiritus Domini, sed carnalis sensus eos ad ordinem religiosum duxerit? Et unde contentiones, pro præfecturis, & inimicitiae, ac rixae in domo Dei, quæ est domus pacis, nisi quia pluri non missi sunt ab eo, qui dixit,

224 De gemitu columbæ

Matt. 11. *Tollite iugum meum super vos; & discite à me, quia mitis sum, & humilis corde?* Quare si ij, qui præfunt ordinibus religiosis velint ordinem suum reformare, & ex valle ad montem ducere; oportet eos diligentissimè vigilare in exploranda vocatione eorum, qui habitum petunt, nec tantum verbis explorare interrogando, sed etiam factis exercendo novitios suos longo tempore in mortificatione passionum. Sed pergamus in explicanda visione Pachomij. In valle illa profunda quatuor monachorum genera sanctus Pachomius vidit: primum est eorum, qui conabantur ascendere, sed impediabantur ab ijs, qui illis occurrebant, qui inter se non nouerant. Hoc significat, non deesse in ordinibus relaxatis, qui cupiant ascendere ad montem perfectionis: sed impediuntur malis exemplis aliorum, qui verbis, & factis à bono proposito resilire quodammodo cogunt. Dicuntur autem isti, non
fe

se inuicem cognoscere, quia putantur amici, & frâtres, & sunt hostes, & inimici.

Alterum genus est eorum, qui multum laborant in ascendendo, sed breui fatigantur, & coruunt vsque ad inferos. Id vero significat, inueniri etiam in ordinibus relaxatis, qui non solum cupiant ascendere ad perfectionem, ac plenam regulæ obseruantiam; sed etiam incipiunt laborare in superandis tentationibus, & extinguendis concupiscentijs: sed victi antiqua consuetudine, tandem resiliunt à bono proposito, & ad sempiternum interitum ruunt.

Tertium est eorum, qui iacentes gemunt, ac plorant, idest, qui ne conantur quidem ad montem ascendere, & cum exultatione cantare canticum graduum; sed iacent in sterquilinio suo torpentes, & assidue gemunt, ac plorant, non peccata sua, sed paupertatem, vel ignominiam, vel labores ad quos inuiti à Præfecto

226 De gemitu columbæ
coguntur. O vitæ genus misera-
bile: Iſti ſine diuina conſolatione
affliguntur, & ſine bono merito
laborant, & ſic tranſeunt à labore
ad dolorem, & à mortificatione
temporali ad mortem ſempiter-
nam; qui ſi vellent ea, quæ patien-
tur inuiti, libenter pro Chriſto
pati: iugum ſuaue, & onus leue
experirentur in terris, & ingens
præmium lucrarentur in cælis.

Quartum genus eorum eſt, qui
ſerio, & inuicto animo aggre-
diuntur aſcenſionem de valle lacryma-
rum ad montem diuinæ conſola-
tionis; & omnes difficultates for-
ti animo ſuperant; ac tandem ad
mortem uſque, perfectionem vitæ
ſectando perſeuerant. Iſtis oc-
currit lux copioſa, quia paulatim
purificatur cor eorum à nebulis
errorum, & cognoscitur veritas,
& veritas liberat. Sic enim lo-
quitur Dominus, *Cognoſcetis ve-
ritatem, & veritas liberabit vos.*
qui enim purificante, & illumi-
nante Domino, incipit intellige-
re

re, nihil esse verè magnum, nihil verè suaue, nihil verè vtile hominibus, nisi gratiam Dei, in hac mortali vita, & in futura vitam æternam; liberatur facile ab amore, & timore mundano, & ingreditur viam pacis, per quam ambulat securus, & gaudens, donec perueniat ad ciuitatem sanctam, Hierusalem cælestem. Et quoniam in ore duorum testium, præsertim omni exceptione maiorum, stat omne verbum, placet addere visionem S. Francisci, quam de progressu ordinis sui, aliquando vidit, similem illi, quæ demonstrata fuit Regi Nabuchodonosor per similitudinem statuæ grandis, cuius caput erat aureum, pectus argenteum, venter æreus, tibiæ ferreæ, pedes partim ferrei, partim fictiles. In qua visione multa leguntur de insigni perfectione primorum Patrum illius ordinis, & de magna relaxatione posterorum. Consulat lector Chronicum fratrum minorum. Ex quibus

Par. I. c.
28. & 29.

228 De gemitu columbæ
omnibus colligitur, agendas esse
gratias Deo, cum ingenti lætitia
pro tot sanctis hominibus, quos
ordines religiosi Ecclesiæ Catho-
licæ pepererunt, & in dies pa-
riunt; & simul etiam fundendas la-
crymas copiosas pro deformatio-
ne, quam passa est tam illustris
portio gregis Christi: & simul
orandū assidue Deum, vt couer-
tat corda patrum in filios & rela-
xatos filios ad prudentiam spiri-
tualem, & feruorem cordis pa-
trum iustorum.

*De septimo fonte lacrymarum,
qui est consideratio sta-
tus secularium.*

CAP. VII.

RESTAT consideratio status
secularis; ex qua considera-
tione fons non exiguus lacryma-
rum erumpet, si attente cogite-
mus, quales esse debeant omnes
Chri-

Christiani, & quales hoc tempore sint. Quales esse debeant omnes Christiani, etiam si laici sint, scriptura docet cum affirmat, eos sanctos esse debere, idest, puros, & immaculatos. quod enim seculares Clericis, & Regularibus dicunt, nos in mundo sumus, & secularibus negocijs implicamur, ideo sancti, esse non possumus: ad vos pertinet vita spiritualis, & sancta, qui de mundo ad seruiendum Deo vocati estis; in aliquo sensu verum est. Debent enim Clerici, & Regulares maiore sanctitatis perfectione præditi esse, quam Laici, qui coniugum, filiorum, & Reipub. curam suscipiunt. Sed tamen ipsi quoque seculares, & Laici sancti esse debent, si partem velint habere in Regno Christi, & Dei.

Primum enim Apostolus Paulus in ipso principio epistolæ ad Romanos, ita scribit, *Paulus servus Iesu Christi, vocatus Apostolus, omnibus, qui sunt Roma dilectis Dei,*

Rom. 1.

230 De gemitu columbæ

Dei, vocatis sanctis, &c. Itaque sicut de se dixerat, *vocatus Apostolus*, idest, vocatione Apostolus, siue vocatus ad Apostolatum: sic de alijs Christianis dicit, *vocatis sanctis*, idest, vocatis ad sanctitatem. Id quod explicat clarius in epistola ad Ephesios, *Elegit*, inquit, *nos in ipso ante mundi constitutionem, ut essemus sancti, & immaculati*. & infra, *Fornicatio*, inquit, *& omnis immunditia, aut auaritia, nec nominetur in vobis, sicut decet sanctos; aut turpitudine, aut stulti loquium, aut scurrilitas, quæ ad rem non pertinet*. Hic certè Apostolus non alloquitur solos clericos, aut monachos, sed omnes Christianos, quos tam, sanctos esse debere docet, ut non solum caueant à fornicatione, & omni immunditia, & auaritia, sed etiam ignorent vocabula talium scelerum, vel flagitiorum.

Similia præcipit Princeps Apostolorum Petrus cum ait, *Secundum*

Ephes. 1.

Ephes. 5.

1. Pet. 1.

dum eum, qui vocauit vos, sanctum, & vos in omni conuersatione sancti sitis, sicut scriptum est, sancti eritis, quoniam ego sanctus sum. Deinde non soli clerici, & Regulares debent exire de Mundo, & non esse de Mundo, nec diligere mundum. Scribit enim B. Paulus omnibus Corinthijs, quorum pars maxima laicorum erat, *Debueratis de hoc mundo exisse.* 1. Cor. 5. Et S. Iacobus, *Nescitis, inquit, quia amicitia huius mundi inimica est Dei. quicumque ergo voluerit amicus esse seculi huius, inimicus Dei constituitur.* Iac. 4. Sanctus quoque Ioannes non excipit laicos, vel seculares, cum ait, *No-* 1. Io. 2. *lite diligere mundum, neque ea, quæ in Mundo sunt. Si quis diligit mundum, non est charitas Patris in eo.*

Denique Christus Dominus omnibus loquitur, cum ait, *Si quis venit ad me, & non odit patrem suum, & matrem, & uxorem, & filios, & fratres, & sorores, ad-* Luc. 14. *buc*

232 De gemitu columbæ

buc autem & animam suam, non potest meus esse discipulus. Odisse autem patrem, & matrem, & uxorem, & filios, & fratres, & ipsam etiam animam, id est, vitam; ad perfectam charitatem, pertinet. Illa enim sola charitas est, quæ potest hoc efficere, ut homo paratus sit ea alacritate vitam amittere suam, & suorum, ac si eos odisset. Quod explicat Apostolus, cum ait ad Corinthios,

1. Cor. 7. *Tempus breue est, reliquum est ut qui habent uxores, tanquam non habentes sint; & qui flent, tanquam non flentes; & qui gaudent, tanquam non gaudentes; & qui emunt, tanquam non possidentes; & qui utuntur hoc mundo, tanquam non utantur. præterit enim figura huius mundi. Hæc enim verba eò tendunt, ut hominem expediant ab omni amore minus ordinato erga uxores, & filios, & res omnes mundi huius, tanquam res caducas & fluxas, quas non decet possessorem suum impedire*

quo

quo minus promptissimus sit, omnia perdere, ut vitam æternam lucrificiat.

Habemus igitur ex doctrina Spiritus sancti per os Christi, & Apostolorum nobis prædicata, non solum clericos, & monachos, sed etiam laicos ad hanc perfectionem obligari, ut sancti sint, & de mundo exierint, & mundo, & concupiscentijs eius nuncium remiserint, & denique tam ardenti charitate ferueant, ut parati sint propter Deum, personas coniunctas, & fortunas omnes, & ipsam vitam libenter exponere, ac si ista, vel sua non essent, vel odio prosequerentur.

At quot sunt homines seculares, & laici, qui ista intelligant, vel de istis seriò cogitent, ne dicam opere compleant? Vix probati Sacerdotes, & Monachi ad ista pertingunt. quid igitur à populo, à mercatoribus, ab opificibus, à rusticis expectabimus? Apostolorum tempore multi erant infir-

234 De gemitu columbæ

1. Cor. 11. firmi, multi imbecilles, multi,
 quibus lacte opus erat non solido
 1. Cor. 3. cibo, & tamen pane vitæ aleban-
 tur quotidie, & intuebantur heroi-
 ca exempla sanctorum. Quid er-
 go de temporibus nostris dicere
 poterimus, quando magna pars
 populi, semel per annum corporis
 sacri aluntur cibo, & rarissima
 cernunt exempla sanctorum? Sed
 quid opus est argumenta conqui-
 rere, ut probemus, vitam multo-
 rum secularium hoc tempore la-
 crymarum fontibus, esse plangen-
 dam? An non, cernimus quotidie
 homicidia, furta, sacrilegia, adul-
 teria, periuria, detractiones, do-
 los, fraudes? Quid dicam de lu-
 xu, de pompis, de operibus dia-
 boli, quibus renunciauimus in ba-
 ptismo? Quid de multitudine scor-
 torum, siue meretricum, quibus
 plenus est mundus? Certè in lege
 veteri dictum erat, *Non erit me-*
 Deut. 23. *retrix de filiabus Israel, neque*
scortator, de filiis Israel. & Apo-
 1. Cor. 6. stolus clamat, *Tollam ergo mem-*
 brum

brum Christi, & faciam membrum meretricis? absit. & tamen istæ sordes, ista turpitudine, iste teterimus fœtor in medio Christiani populi, longè, latèque occupat omnia.

Ex Episcopis, & Sacerdotibus multos nouimus ad eam vitæ sanctitatem peruenisse, vt mererentur publico Ecclesiæ testimonio in sanctis numerari, nec pauciores sci-
mus ex Regularibus diuersorum ordinum ad eandem gloriam peruenisse. Ex laicis tam raros nouimus publico Ecclesiæ iudicio sanctos declaratos, vt vix vnum, aut alterum, in singulis maioribus prouincijs, demptis martyribus, in historijs legamus. Nostris certè temporibus partim ex Episcopis, partim ex Regularibus numeramus non paucos Catalogo Sanctorum adscriptos; & non pauciores, ita miraculis florent, vt sperandum sit breui gloriam eandem assecuturos. De secularibus, & laicis mirum silentium. Vtinam
ista

236 De gemitu columbæ

ista consideratio impelleret Reges, & Principes, ut sanctum Ludouicum Francorum Regem, sanctum Casimirum Regem Poloniæ, sanctum Eduardum Regem Anglorum, & sanctum Stephanum Regem Hungariæ, & alios similes imitari cuperent, atque ad celsitudinem gloriæ, omnium longè maximam aspirarent. Utinam priuati homines laici vitam legerent, & mores imitarentur sancti Homoboni Cremonensis, qui cum esset alligatus vxori, & paterfamilias, sic tamen vitam integrè, pièq. traduxit, ut ab Innocentio III. Pontifice sapientissimo, inusitato more, statim ab obitu, beatus, & sanctus declaratus fuerit. Sed ista magis optanda, quàm speranda sunt.

Proinde Ecclesia instar columbæ pro omnibus gemit, & ad exemplum Annæ matris Samuelis, sterilitatem suam, præsertim, quoad laicos largissimo fletu omnipotentis Deo commendet: potens enim
est

est Dominus, non solum facere, ut
sterilis pariat plurimos, sed etiam,
ut filij Abrahæ ex lapidibus susci-
tentur.

1. Reg. 2.
Luc. 3.

*De octauo fonte lacrymarum ,
qui est consideratio mi-
seriarum generis
humani .*

C A P. VIII.

DEPLORAVIMVS hætenus mi-
serias spirituales Ecclesiæ ,
& præcipuarum eius partium .
Sequitur nunc , ut consideremus
miserias temporales generis hu-
mani , quæ communes sunt Eccle-
siæ , cum alijs hominum congre-
gationibus .

Tres esse videntur miseriæ toti
humano generi communes omni-
bus notæ , morbus , paupertas ,
& seruitus , siue subiectio . Sed
aliæ tres sunt miseriæ maiores ,
quas

238 De gemitu columbæ
quas pauci arbitrantur esse miseria-
rias , bona valetudo , vbertas
opum , & imperium , siue splendor
honoris , & dignitatis . Ex his
omnibus , si attentè consideren-
tur , copiosus fons lacrymarum ,
compassionis erga proximum ,
aperietur .

Morbus , res est omnibus nota,
vel proprio experimento , vel
alieno . Sedes morborum sunt
omnia membra corporis humani.
temperamentum enim humani
corporis tam est à summo opifi-
ce varijs instrumentis , & quasi
machinis instructum , & ornatum ,
ad multa , & varia opera exercen-
da , vt difficile sit illud diutius in-
tegrum , & incolume conseruare .
Et quidem Deus initio conditio-
nis humanæ , adiunxit naturali
operi suo supernaturale quoddam
præsidium , quo manente , dissol-
ui non poterat , imo etiam neque
lædi naturale temperamentum ,
corporis humani : sed meritò pri-
mi peccati , sublatum est admira-
bile

Lib. II. Cap. VIII. 239

bile illud præsidium, quo mors,
& morbus arcebatur, & rediit
corpus humanum ad naturalem
suam conditionem, & sic aperta
est ianua morti, & morbis innu-
merabilibus. Sic enim Deus ho-
mini recens formato comminatus
est, *Quacunque die comederis*, de Gen. 3.
vetito pomo, morte moreris: ac
deinde cum comedisset, *Memen-
to*, inquit, *quia pulvis es, & in
pulverem reverteris*. Hinc cape-
runt omnia elementa, & omnia
animantia hominem vulnerare.
Sol ipse, qui datus erat ad vitam
non solum hominum, sed omnium
viventium, quàm multos, nimio
suo calore, sæpe lædit in parte no-
bilissima, quæ dicitur caput? Aer
elementum mollissimum, quot no-
xios vapores, siue exhalatio-
nes admittit, ex quibus exor-
ti multiplices morbi humana
corpora turmatim inuadunt?
Aqua non paucos homines, vel
absorbet, & suffocat, vel ni-
mio humore corrumpit.

Ter-

240 De gemitu columbæ

Terra ipsa, iam non mater, sed nouerca spinas, & tribulos gignit, qui punctiōibus multos lædunt; herbas venenatas producit, quæ humore noxio plurimos interficiunt. Animantia vero, quamuis hominis imperio subiecta, sæpe rebellant, & aut unguibus, aut cornibus, aut dentibus, aut calcibus, aut etiam solo flatu homines multos vel grauiter ægrotare, vel etiam vitam cum morte commutare compellunt. Ipsi etiam homines inter se bella gerunt, vulnerant, occidunt. Nec solum hostes ab hostibus, sed etiam amici ab amicis grauissima tormenta pati coguntur. Indices enim, cum sceleratos, siue flagitiosos, siue facinorosos membrorum distorsione, vel distractione, vitionibus, flagellis, linguæ, vel manuum præcisione, alijsque tormentis puniunt; id quod faciunt, non vt hostes, aut inimici hominum; sed vt hostes, & inimici vitiorum, vt emendantur, si emendari

dari possunt, sin minus, vt desinant nocere innocentibus. Itaque non odio personarum, sed amore boni communis ista faciunt. Denique Medici quot tormentis vexant ægrotos, quos tamen diligunt, & saluos esse cupiunt? Certè remedia, quæ medici adhibent ad morbos curandos, sæpe sunt ægrotis magis molesta, quàm morbi.

Ex his intelligi potest, quanta sit multitudo in hac lacrymarum valle ægrotorum, languentium, eiulantium, vociferantium. Multi laborant pedibus, multi capite, multi ex oculis, multi ex auribus, multi ex pectore, multi ex stomacho, multi ex renibus, multi ex tibijs, multi toto corpore malè affecti iacent in Xenodochijs, vel in plateis, vel in campis; quorum cōparatione, pauci sunt, qui iacent in proprijs domibus, & lectis. Itaque videtur mihi magna pars orbis terrarum similis esse probaticæ piscinæ, in cuius porticibus iacebat multitudo magna languen-

L tium,

242 De gemitu columbæ

Io. 5.

tium, cæcorum, aridorum, expectantium aquæ motum. Quid enim expectare potest aliud tam ingens languentium multitudo, nisi motum lacrymarum ex compassione fraterna? Nam si verè omnis

Luc. 10.

homo proximus noster est, ex sententia Saluatoris; imo & frater, ex eodem patre Deo, & eadem

Matth. 6.

terra matre, vnde inuocamus, & dicimus, *Pater noster, qui es in celis*: an non deberet vnusquisque nostrum aliquando cogitatione lustrare multitudinē proximorum, & fratrum nostrorum languentium, & eiulantium, ac misericordiam implorantium: & ex corde commendare cum intimo gemitu Deo omnes, qui eiusmodi sunt? Profecto exaudiret pius Dominus lacrymas filiorum suorum, ex fonte charitatis profluentes, & illis quidem refrigerium aliquod largiretur, & nobis etiam boni

Matth. 10.

operis merces nō deesset. Si enim, qui dederit calicem aquæ frigidæ proximo suo, non perdet merce-

dem

Lib.II. Cap.VIII. 243

dem suam; multo magis, qui dederit calicem aquæ calidæ, id est, lacrymarum, ex fornace charitatis prodeuntium, non perdet mercedem suam. Neque hoc dico, quasi lacrymæ sufficiant, quando possumus visitatione, exhortatione, eleemosynis miseros adiuuare. De multitudine tantum absentium locuti sumus, quibus nisi oratione, & lacrymis adesse non possumus.

Veniamus ad alteram calamitatem. Paupertas non minor fortasse calamitas est, quàm ægritudo. Certè Sapiens à Deo petebat, *Prou. 30.*
Mendicitatem, & diuitias ne dederis mihi, sed tantum tribue victui meo necessaria. Durissima res est, cùm adest necessitas cibum capiendi, aut nuditatem cooperiendi, aut sub tectum ob iniurias cæli, aut alia imminencia pericula secedendi, ab aliorum misericordia, & voluntate pendere. Et quot sunt eiusmodi homines miserabiles super terram? planè

244 De gemitu columbæ
innumerabiles. Id vero tribus de
causis accidere solet.

Primum ex avaritia, vel effusione diuitum: deinde ex vanitate, & incuria pauperum: postremo ex modica, vel nulla fiducia tum pauperum, tum diuitum in prouidentia, & charitate Dei. Ac primum diuites auari immemores præceptorum Domini, atque illius præcipuè, quo iubemur diligere proximum, sicut nos ipsos, recondunt, quæ pauperibus distribuenda fuerant: diuites autem prodigi dilapidant bona sibi à Deo credita, & effundunt in metretices, in comestationes, in vanitates, in pompas huius mundi, quibus in baptismo renunciauerant; in vestes pretiosas, & plurimas, ac per hoc superuacaneas. Vnde fit, vt nihil relinquatur pauperum necessitatibus. Deus enim prouidentia sua, semper producit ex terra fructus tantos, quanti hominibus omnibus, & cunctis bestiis abundè sufficiunt. Sed avaritia, vel effusio
pau-

paucorum facit, vt pluribus defit, vnde sustentari, ac viuere commode queant. Sed audiamus quid sancti Patres de hac diuitum auaritia, vel effusione dicant. Sanctus Basilius oratione ad diuites in illud Euangelij, *Destruam horrea mea; At tu, inquit, non ne spoliatores, qui, quæ dispensanda accepisti, propria reputas? est panis famelici, quem tu tenes: nudi tunica, quam tu in conclauis conseruas: discalceati calceus, qui apud te marcescit: indigentis argentum, quod possides inbumatum. quo circa tot pauperibus iniuriam facis, quot dare valeres.*

Sanctus Ambrosius ferm. octogesimo primo, *Sed ais, inquit, quid iniustum est, si cum aliena non inuadam, propria diligenter seruem? O impudens dictum, propria dicis? quæ? ex quibus reconditis in hunc mundum detulisti? & infra, Non minus est criminis habenti tollere, quam cum possis, & abundes, indigentibus denegare.*

246 De gemitu columbæ

Sanctus Hieronymus in Epistola ad Hedibiam quæstione prima, *Si plus, inquit, habes, quàm tibi ad victum, vestitumque necessarium est, illud eroga, & in illo debitricem esse te noueris.*

Sanctus Ioannes Chrysostomus hom. 34. ad populum Antiochenum, *Nunquid, inquit, graue quidpiam, & onerosum à nobis requirit? necessitatem excedentia, vult nos facere necessaria; & que nequicquam, & inutiliter reposita sunt, hac vult benè distribui. & infra, Tuarum, inquit, rerum es, o homo dispensator, non minus quàm qui Ecclesia bona dispensat. & infra, Non ad hoc accepisti, vt in delicias absumeres, sed vt in eleemosynam erogares; nunquid enim, tua possides? res pauperum tibi sunt credite, siue ex laboribus iustis, siue ex hereditate paterna possideas. hæc ille, qui de superfluis loquitur, non de ijs, quæ ad personam, vel familiam necessaria sunt.*

San-

Lib.II. Cap.VIII. 247

S. August. in psal. 147. *Superflua*, inquit, *diuiti, necessaria sūt pauperi: res alienæ possidentur cum superflua possidentur*. Idem auctor in homilia 8. ex lib. 50. homiliarum sic loquitur, *Defert tibi Deus honorem, & quasi tibi dicit, Prior de communi tolle, quod sufficit necessitatibus domus tuæ, quod reliquū est, da Christo*. Denique idem in tractatu quinquagesimo in Ioannem, *Tibi, inquit, superflua sunt, sed Domini pedibus (pauperibus) necessaria sunt*.

Sanctus Leo sermone quinto de collectis, sic ait, *Etiam terrena, & corporea facultates ex Dei largitate proueniunt, ut meritò rationem eorum quasiturus sit, quæ non magis possidenda, quàm dispensanda commisit*.

Sanctus Gregorius tertia parte Pastoralis curæ, admonitione vicesima secunda, *Admonendi sunt*, inquit, *qui nec aliena appetunt, nec sua largiuntur, ut sciant sollicitè, quòd ea de qua sumpti sumus cura-*

248 De gemitu columbæ

Etis hominibus terra communis est, & idcirco alimenta quoque omnibus communiter profert, & incassum se innocentes putant, qui commune Dei munus sibi priuatim vindicant.

Sanctus Bernardus in Epistola quadragesima secunda ad Henricum Archiepiscopum Senonensem, sic ait, *Nostrum est, pauperes clamant, quod effunditis, nobis crudeliter subtrahitur, quod vos inaniter expenditis.* Hæc ille. Neq; diuersam doctrinā tradunt Doctores scholastici meliores in scholis.

Sanctus enim Thomas, qui omnibus eminet, sic loquitur, *Res, quas aliqui superabundanter habent, ex naturali iure debentur pauperum sustentationi.* Item infra, *Dominus, inquit, non solum decimam partem, sed omnia superflua pauperibus iubet exhiberi.* Denique in quartum sententiarum, hanc eandem esse testatur communem Theologorum sententiam. Hæc breuiter adducere placuit

ex

2.2.q.66
art.7.

2.2.q.87.
art.1. ad
4.

4.sent.d.
15.q.2.
q.4.

ex doctrina sanctorum, doctissimorumque Patrum, ne quis existimaret, me nimis rigidè, ac seuerè de communicandis opibus cum pauperibus esse locutum.

Sed non minus pauperes ipsi, sæpe causa sunt egestatis suæ, & suorum. quod enim lucrantur per hebdomadam laborando manibus, interdum festis diebus totum consumunt ludendo, & bibendo in tabernis. Deinde, quasi pudeat eos conditionis suæ, & dedignantur Christum pauperem imitari, qui *propter nos egenus factus est, cum esset dives*; coniuges suas sericis vestibus induunt, & quod satis esse potuisset victui moderato, & simplici amictui; totum consumitur in vestibus pretiosis, & ostentatione vanissima. 2. Cor. 3.

Sed causa præcipua cur multi pauperes misera necessitate cōficiantur, & multi diuites pecunias suas recondant, & malint fame, sitiq. cruciari, quàm cumulum pecuniarum diminuerè; illa est, quia

250 De gemitu columbæ
non confidunt in Domino, qui *di-*
zes est in misericordia. Et verè
mirabile est, quod Dominus apud
Matthæum, certissimis, & clarif-
simis rationibus, & similitudini-
bus demonstrauit, Deo Patri cu-
ram esse de nobis, & nihil nobis
neque ad victum, neque ad vesti-
tum posse deficere, si confidamus
in eo; & tamen tam paucis per-
suaserit, quibus dogmata altissi-
ma, & difficillima persuasit. Quid
certius, aut euidentius argumento
illo Domini, Si Deus pascit vola-
tilia cæli, quæ non serunt, neque
metunt, & vestit lilia agri, quæ
non laborant, neque nent: quo
modo non magis hominibus iis,
quos ad imaginem suam creauit,
& per Spiritum sanctum in filios
adoptauit omnia ad vitam, & vi-
ctum, atque amictum necessaria
suppeditabit? Et si Deus istis Re-
gnum cælorum præparauit, quo
modo interim necessaria ad vi-
tam transigendam denegabit?
Denique veritas explorata est,
posse

Eph. 2.
Matth. 6

Luc. 12.

Lib. II. Cap. VIII. 251

posse Deum, si velit, in momento
 non solum necessaria providere,
 sed etiam locupletare mendicum.
 id enim disertis verbis docet Spi-
 ritus sanctus per Ecclesiasticum,
 cum ait, *Facile est in oculis Dei* Eccl. 21.
subito honestare pauperem. Vbi
 per honestare, intelligitur, locu-
 pletare, ut habet vox græca.
 nam in eodem capite legimus, a
 Deo esse vitam, & mortem, bo-
 num, & malum, honestatem, &
 paupertatem. ubi opponuntur
 tanquam contraria honestas, &
 paupertas, ut vita, & mors; &
 bonum, & malum. Significantur
 autem diuitiæ nomine honestatis,
 quia honoratum, & splendidum,
 faciunt hominem diuitiæ; vilem,
 & despectum inopia. Rursum ve-
 ritas explorata est, velle Deum,
 amicis suis, in se confidentibus
 saltem necessaria providere, cum
 scriptum sit, *Non est inopia ti-* Psal. 33.
mentibus eum. & *Non vidi iu-* Psal. 34.
stum derelictum, nec semen eius
quærens panem. & *Scitote, quia* Eccl. 2.

252 De gemitu columbæ

nullus confidit in Domino, & confusus est. Ex quibus duabus sententijs manifestè colligitur, præcipuam causam, cur tam multi pauperes miserè pereant, esse, quia non confidunt in Deo, sed in astutia sua. Verùm non ideo fraterna charitas continere debet aut manus à largiendo quibus potest, aut oculos à lacrymis, apud Deum fundendis pro quibus non potest. tanto enim magis multitudo propè infinita mendicorum misericordia digna est, quanto plurimi eorum, non solum laborant penuria corporalium bonorum, sed etiam penuria fidei, & fiduciæ, & cognitionis Dei, Patris optimi, & amantissimi, & sapientissimi, & omnipotentissimi. hæc enim spiritualis inopia digna est lacrymis compassionis multò magis, quàm omnis summa, & extrema mendicitas corporalis.

Restat miseria tertia, quæ est abiectio servitutis, præsertim illa, quæ est mancipiorum, quæ pa-

rum

Lib. II. Cap. VIII. 253

rum differunt à iumentis . omnis
quidem seruitus miserabilis est,
cùm omnis homo nascatur liber ,
& libertatem rebus omnibus an-
teponat : sed mancipiorum , quæ
damnantur ad triremes , vel ad
metalla , vel ad molam verten-
dam , vel ad pugnandum ad be-
stias , vel ad alios eiusdem generis
labores , infinita propèmodum
misericordia est . nam instar iumento-
rum omni requie , ac refrigerio
carent , & ad continuos , grauissi-
mosque labores verberibus adi-
guntur ; & interim pascuntur pa-
ne angustia , & aqua tribulatio-
nis ; ac demum adhuc viuentes
quondam quasi gehennam , non
apud inferos , sed apud superos
patiuntur . Et tamen homines
sunt , & sæpe innoxij sunt , & no-
xijs tamen seruire coguntur . Cer-
tè si quis mentis consideratione
orbem terrarum lustrare volue-
rit , & attentè tam intolerabilem
infelicitatem fratrum suorum per-
pendere cæperit ; non poterit ,
etiamsi

254 De genitu columbæ
etiamsi voluerit lacrymas conti-
nere; sed nec velle debebit, si pius
sit, & communi Domino tam in-
gentem ærumnam, & calamita-
tem commendare, & sacrificium
compassionis immolare voluerit.

Venio nunc ad alias tres ærum-
nas contrarias superioribus, vale-
tudinem bonam, diuitiarum co-
piam, & Imperij potestatem. Et
quidem non ambigo, tria ista,
bona esse, addo etiam esse dona
Dei, & posse cum pietate consiste-
re, & ad sempiterna bona prome-
renda vtilia esse posse non nego.
Sed ea de causa inter miseras nu-
meranda esse censui, & miseras
tribus superioribus grauiores, &
maiores affirmare non timui,
nec timeo; quoniam ad vitam
æternam, quæ summum bonum
est, & finis ad quem creati su-
mus obtinendam, & assequen-
dam, magis impedit aliquando
sanitas, quàm ægrotatio; di-
nitia, quàm egestas, & imperij
potestas, quàm seruitutis abie-
ctio.

&io . Confer sanitatem cum
 ægrotatione ; qui benè valet rarò
 meminit Domini sui , vt quo non
 multum egere videtur ; promptus
 est ad peccata , præsertim carnalia
 perpetranda ; exultat , ludit , io-
 catur , tripudiat , dulce illi est co-
 medere , bibere , & dormire ; gra-
 ue , & amarum orare , ieiunare ,
 & vigilare : contra ægrotus , qui
 vel decumbit in lecto debilis , &
 dolens , vel cum doloribus , &
 mœroribus luctatur , non cogitat
 de voluptatibus , neque de conui-
 uijs , ac multo minus de ludis , &
 iocis ; sed de miseria vitæ præsen-
 tis , & de gloria vitæ futuræ , de
 vicina morte , de ratione redden-
 da Deo , etiam de verbo ocioso .
 proinde non solum multa peccata
 non committit , quæ sanus fortè
 committeret ; sed etiam multa
 bona opera facit , quæ sanus for-
 tasse non faceret . Scribit S. Gre-
 gorius in libro quarto dialogo-
 rum , suo tempore fuisse Romæ
 quèdam virum nomine Seruulum

toto

4. Dial.
c. 14. & 15

256 De gemitu columbæ

toto corpore paralyticum; & quandam piam feminam nomine Romulam, simili morbo ad multos annos laborantem. De Seruulo dicit, eum sic paralyti vsq. ad mortem laborasse, vt nunquam posset vel ex lectulo surgere, vel manum ad os ducere, vel in latus aliud declinare. De Romula pariter affirmat, eam in lectulo omnium membrorum officio destitutam longo tempore iacuisse. Quantam autem segetem virtutum, & meritorum vtrique attulerit tam diuturna, & tam vehemens ægrotatio, idem Gregorius demonstrat ex diuinis signis, quæ in vtriusque morte claruerunt. Nam in obitu Seruuli scribit, Angelorum cantus in eius morte auditos, & statim à morte fragrantiam miri odoris subsequutam. Sic etiam in morte Romulæ, refert, primum apparuisse in eius cubiculo candidissimam lucem, & simul odoris suauissimi fragrantiam cælitus emissam, ac deni-

denique duos Angelorum choros alternatim canentium ante fores cubiculi auditos. Et vnde obsecro tam singularia priuilegia paralyticis istis exhibita? certè non aliunde, nisi quia diuturna, & continua illa paralyfis procul arcebat omnem peccandi occasionem, & simul præbebat materiam vberem exercendæ pœnitentiæ, & vacandi per iugem orationem Deo, & sibi. *Ipsa*, inquit S. Gregorius, *detrimenta membrorum facta fuerunt incrementa virtutum. quia tanto sollicitius ad usum orationis exercuerant, quanto & aliud quidlibet agere nequaquam valebant.* Quod si narrare inciperem eorum exempla, qui per occasionem ægrotationis ad cor suum redierunt, & de mundi amatoribus, amatores Dei, & de peccatoribus sancti facti sunt, nullum finem narratio inueniret. Est enim corporalis morbus, quasi flagellum salutare, quo Deus vti solet ad conuertendos peccatores, iuxta
 illud

258 De gemitu columbæ

Pfal. 77. illud psalmographi, *Cùm occide-*
ret eos, quarebant eum, & reuer-
tebantur, & diluculo veniebant
 Isa. 28. *ad eum.* & illud Isaia, *Verunta-*
men sola vexatio dabit intellectum
auditui. Siquidem, vt plurimum,
 qui sani, & vegeti sunt, audiunt
 sæpe à concionatoribus multa de
 morte, de iudicio, de gehenna; sed
 non videntur intelligere quid sit,
 quod dicitur, cùm nulla subsequa-
 tur morum emendatio. Sed cùm
 Deus vexare hominem morbo ali-
 quo graui, aut lethali vulnere in-
 cipit, tùm vexatio dat intellectum
 auditui. Incipit enim ægrotus se-
 riò cogitare de morte, de iudicio,
 de gehenna; & sæpe corporis æ-
 grotatio parit animæ sanitatem.

Quid iam de diuitijs dicam? di-
 cuntur illæ quidem ab hominibus
 bonæ, & expetendæ, & augendæ.
 Sed Spiritus sanctus, qui est spiri-
 tus sapientiæ, & intellectus, tam
 grauem sententiam in libro Dei
 verissimo, atque certissimo, contra
 diuites, & diuitias protulit, vt hor-
 rori

rori mihi sit eam referre .

In libro Prouerbiorum, sic legimus, *Duo rogavi te, ne deneges mihi antequam moriar, mendicitatem, & diuitias ne dederis mihi, sed tantum tribue victui meo necessaria.* qui hæc loquitur, de se dixit paulo ante, *Visio quam locutus est vir, cum quo est Deus, & qui Deo secum morante ait.* Itaque qui loquitur verba illa, & qui obnixè rogat, vt diuitiæ sibi non affluant, non est aliquis stultus, vel imperitus, sed vir illuminatus à Deo, & sapientissimus. Quis ergo sapiens audeat petere à Deo diuitias, aut eas magno labore conquirere, ne dicam per fraudes, aut iniustitiam eas sibi comparare? Ecclesiasticus scriptor etiam sapientissimus, & spiritum Dei in scribendo habens ita pronunciat, *Si fueris diues non eris immunis à delicto.* Quàm grauis, & quàm tremenda hæc sententia est? quis cupiat diuitias, quæ tantam habent cum delicto, id est,

cum

Prou. 30.

Eccl. 11.

260 De gemitu columbæ
 cum inimicitia Dei, coniunctio-
 nem? poterit quidem aliquis di-
 ues esse, & simul Dei amicus esse,
 vt fuit Abraham, & Isaac, & Ioseph
 & David: sed tanta est procliuitas
 diuiti ad delictum, vt sapiens ab-
 solutè pronunciauerit, *Si fueris*
diues non eris immunis à delicto.
 quia videlicet diuites facilè super-
 biunt, facilè contemnunt paupe-
 res, quamuis se meliores; facilè
 negligunt dare, quod superest, ege-
 nis; facilè consumunt diuitias in-
 explendis cupiditatibus suis; fa-
 cilè cupiunt insano ardore fieri
 ditiores, & per phas, & nephas,
 congregare diuitias. Dominus in
 Euangelio miraculo comparauit
 diuitum salutem, cùm ait, *Faci-*
lius est camelum per foramen acus
transire, quàm diuitem intrare in
Regnum calorum. Atque huius
 sententiæ tremendæ tres testes ha-
 bemus omni exceptione maiores
 Matthæum, Marcum, & Lucam,
 scriptores Spiritu sancto plenos.
 Erit igitur aliquis vir prudens, qui
 tan-

Matt. 19.
 Marc. 10
 Luc. 18.

Lib.II. Cap.VIII. 261

tanto periculo salutem æternam suam exponere audeat? At, in-
 quies, diuites Dominus vocat eos,
 qui amant diuitias, & qui habent
 ad fruendum eis, non ad erogan-
 das in vsus necessarios, & pios? Ita
 est, sed quàm pauci sunt huiusmo-
 di? Ideo saltem ob raritatem, re-
 ctè comparata est miraculo salus
 locupletum. Idem Dominus, san-
 cto Luca teste, miseros diuites ap-
 pellauit, cùm ait, *Veruntamen va* Luc. 6.
vobis diuitibus, qui habetis conso-
lationem vestram. illud enim, *va*,
 miseriam, calamitatemque desi-
 gnat, & opponitur voci, *beatus*,
 quæ felicitatem significat. Et quo-
 niam diuites saturari solent cibis
 delicatis, & inde iucundam, ac læ-
 tam vitam ducere: subiunxit Do-
 minus, *Va vobis, qui saturati estis,*
quia esurietis: Va vobis, qui ri-
detis nunc, quia lugebitis, & fle-
bitis. En quid sentiat Magister
 Deus de bono diuitiarum. Is, qui
 diuitias fecit, & qui scit omnium
 optimè quid in se habeant, ege-
 nus,

262 De gemitu columbæ
nus, & pauper esse voluit, & pronun-
ciauit per secretarium suum,
væ diuitibus : & per eundem, *Beati pauperes*. Et erit adhuc homo
Christianus, qui perditè diuitias
amet? & erunt homines Christia-
ni, qui diuites beatos esse iudicēt,
& non potius eorū sorti miserean-
tur, & pericula ipsorum defleant?

Sed audiamus Paulum Apostolū,
qui raptus in tertium cælum, nouit
omnium optimè, quæ sint vera
bona, & vtrum diuitiæ magis con-
ferant ad salutem, quàm impe-
diant iter salutis. Hic in Epistola
priori ad Timotheum, ita scripsit,
1. Tim. 6 *Qui volunt diuites fieri, incidunt
in tentationem, & laqueum Dia-
boli, & desideria multa inutilia,
& nocua, quæ mergunt hominem
in interitum, & perditionem.* Non
loquitur de illis, qui diuitias ha-
bent, & illis imperant, easque sibi
subijciunt, ac insumunt in operi-
bus Deo placitis, qui pauci sunt;
sed de ijs, qui volunt diuites fieri,
id est, qui diuitias amant, & ideo
sem-

Lib. II. Cap. VIII. 263

semper eas conseruare , & augere desiderant , & quasi serui , & mancipia sunt diuitiarum . De his Apostolus pronunciat , quod incidant in tentationem , id est , quòd sint expositi magnis tentationibus ambitionis , luxuriæ , vindicandi iniurias , deprimendi aduersarios , per phas , & nephas obtinendi quod libet , quamuis non liceat . ad hæc enim omnia aptissima instrumenta sunt pecuniæ : Et quoniam nimis difficile est , tam graues tentationes superare : pronunciat secundo Apostolus , quòd diuites incidant in laqueum Diaboli ; quicumque enim tentationi cedunt , hoc ipso captiui efficiuntur Diaboli , atque ad eius imperium mouentur , vt canes illigati catenis . Et quid miserabilius , quàm Diaboli , hostis crudelissimi , & nunquam mitescentis esse mancipium ? Tertio addit Apostolus , diuitem sic à Diabolo illigatum , & laqueo eius , ac rete constrictum ,
non

264 De gemitu columbæ
non solum permanere in præsentibus sceleribus, sed quotidie concipere nova desideria scelerum, grauiorum, partim inutilium, partim noxiorum. Inutilia enim sunt desideria vanitatum, pomparum, ludorum; noxia verò desideria adulteriorum, homicidiorum, defectionum, rapinarum, & aliorum id genus scelerum, & flagitiorum, quæ sine rubore, & sine timore ab his Daboli mancipijs perpetrantur. Vnde postremo ex Apostoli sententia, demerguntur, qui eiusmodi sunt, in interitum, & perditionem: in interitum, videlicet sempiternum, per quem perduntur omnia bona præterita, præsentia, & futura.

Quæ cum ita sint, manifestum est, abundantiam diuitiarum similem esse non flatibus prosperis ventorum, qui ducunt ad portum; sed ventis contrarijs, & furentibus, qui tempestates excitant, & longè abducunt à portu, & facto naufragio demergunt nauem cum

ve-

vectoribus in abyssum, & perditionem. Quis igitur negauerit diuites miseros esse, & misericordiæ lacrymis deplorandos, & Domino Deo nostro cum gemitibus assiduè commendandos?

Restat imperium, & potestas, qua vna re maximè se iactant, & efferunt homines, quasi iam supra sortem mortalium ascenderint. Sed ista ipsa potentia, quo altius euehit, eo periculosius minatur præcipitium: sic loquitur S. Bernardus ad Eugenium suum, cum ex humili monacho summus Pontifex factus esset, *Considero gradum, & casum vereor: considero fastigium dignitatis, & intueor faciem abyssi, iacentis deorsum.*

Attendo celsitudinem honoris, & è vicino periculum reformido. & infra, Altiozem locum sortitus es, sed non tutiorem; sublimiorem, non securiorem. Atque hoc idem de omnibus gradibus siue ecclesiasticis, siue temporalibus dici potest. Omnes enim, qui præ-

Epist. 237

M sunt

266 De gemitu columbæ

sunt alijs, in periculo magno versantur, & dignissimi sunt, ut omnes eorum subditi, serio, & non sine magno gemitu diuinum eis implorent auxilium. Audi enim quàm terribiliter aduersus eos intonet Spiritus sancti tuba, *Horrendè, & cito apparebit vobis, quoniam iudicium durissimum his, qui præsunt, fiet. Exiguo enim conceditur misericordia: potentes autem potenter tormenta patientur. Non enim subtrahet personam cuiusquam Deus, nec verebitur magnitudinem cuiusquam: quoniam pusillum, & magnum ipse fecit, & aqualiter cura est illi de omnibus, Fortioribus autem fortior instat cruciatio. O si ista perpenderent homines, non tam ardentem inhiarent ad Regna, & præfecturas. Sed quæ causa est, cur tam graue iudicium potenti- bus comminetur Deus? Illa potissimum esse videtur, quòd peccata Principum soleant esse sine com- paratione maiora, quàm priua- torum.*

Lib.II. Cap.VIII. 267

torum . Priuati homines furantur obolos; Principes furantur castra, ciuitates, Regna: Priuati habēt for- tasse concubinā vnā; Principes ma- gni plurimas habere volunt: Salo- mon habebat trecētas, prāter vxo- res septīngentas: & Imperator Ma- xentius nullius matronæ Romanæ, quamuis nobilissimæ honorī par- cebat: Priuati singulari certamine cum inimico depugnant; Principes magni exercitus magnos in hostes ducunt . Et si fortē causa belli iniusta sit, quis numeret peccata, quæ secum trahit bellum iniustum? Certē cædes, rapinæ, depopu- lationes vrbiū, deuastationes agrorum, & vinearum, incendia domorum, & templorum, sacri- legia horribilia, violationes vir- ginum, & matronarum, & sancti- monialium, & alia grauissima scelera sine vllō numero, quæ ex iniusto bello sequuntur, omnia in caput eius recidunt, qui sine iusta causa bellum mouit. Et quia nun- quam poterit eiusmodi Princeps

3. Reg. 11

Eusebius
li. 8. hist.
Eccles. 6.
22.

M 2 tam

268 De gemitu columbæ
tam ingentia damna refarcire;
repetet ab illo pœnas iustissimas
Deus, qui solus potest inuenire
supplicia sceleribus omnibus pa-
ria: Ergo non mirum est, quòd
Spiritus sanctus clamet, & dicat,
durissimum iudicium his, qui præ-
sunt fiet. Sed mirum est, quod ij,
qui præsent, non contremiscant;
& magis mirum est, quòd vlli sint,
qui perfecturas ambient. Et si
Deus tam grauitè animaduertit
in peccata Principum tempora-
lium, multo grauius animaduer-
tet in peccata Principum spiritua-
lium, quanto pretiosior est coram
Deo anima, quàm corpus, & vi-
ta æterna, quàm vita temporalis.
Quæ omnia si quis attentè confi-
deret, non poterit, non vehemen-
ter compati Principibus omnibus
tum spiritualibus, tum temporali-
bus; ac pro eis sacrificium precum
cum adipe lacrymarum offerre.
Quod autem nos diximus, esse cõ-
patiendum magis Principibus,
quam priuatis, confirmari potest
ex

Lib. II. Cap. IX. 269

ex Augustini sententia, qui in libris de ciuitate Dei apertè scribit, magis tolerare debere Patres, quod imperent, quam seruos tolerare, quod seruiunt.

Lib 19. c.
16. de ci-
uit. Dei.

*De nono fonte lacrymarum,
qui est consideratio
Purgatorij.*

C A P V T I X.

ANIMAE illæ, quæ in Purgatorio degunt, non parum nobis adhuc viuentibus super terram, lacrymarum materiam præbent; vt meritò consideratio Purgatorij dici possit lacrymarum fons vberimus.

Porrò in pœnis Purgatorij quatuor capita considerari possunt, ex quibus coniecturam facere licebit de magnitudine pœnarum illarum, vt ex ea magnitudine colligi possit, meritò debere fideles, lacrymas fundere ob commiseram-

270 De gemitu columbæ
tionem fratrum nostrorum, qui
pœnis illis interim cruciantur.

Primum est, pœnas Purgatorij
acerbiores esse pœnis omnibus,
quas in hac vita experimur: al-
terum, pœnas Purgatorij, vt
plurimum diutius durare, quàm
pœnæ huius vitæ durent: ter-
tium, animas, quæ in Purgato-
rio degunt seipsas iuuare non
posse: postremum animas illas
esse plurimas, ac pœnè innume-
rabiles. Ex his planè constat, val-
de miserabiles esse animas illas, &
per hoc omni miseratione dignif-
simas: & stultissimos esse, qui in
hoc tempore pro culpis suis satis-
facere negligunt, & malunt ad lo-
ca illa pœnalia descendere, quàm
in hoc tempore aliqua delectatio-
ne priuari.

Primum igitur pro comperto
habere debemus, pœnas Purgato-
rij acerbiores esse pœnis omnibus,
quas in hac vita experimur. Id
enim disertis verbis docet S. Au-
gustinus in explicatione Psalmi
tri-

Lib. II. Cap. IX. 271

tricesimiseptimi, cùm sic loquitur,
*Dñe ne in indignatione tua arguas
 me. non sim inter illos, quibus di-
 cturus es, Ite in ignem æternum.
 Neque in ira tua emendes me, ut
 in hac vita purges me; & talem
 me reddas, cui iam emendatorio
 igne opus non sit; propter illos, qui
 salui erunt, sic tamen quasi per
 ignem. & paulo infra, Et quia
 dicitur, Saluus erit, contemnitur
 ille ignis. Ita planè, quamuis sal-
 ui per ignem, grauior tamen erit
 ille ignis, quàm quicquid potest ho-
 mo pati in hac vita. Et notis,
 quanta hic passi sunt mali, & pos-
 sint pati, tanta tamen passi sunt,
 quanta potuerunt pati & boni.
 quid enim quisque maleficus, latro,
 adulter, sceleratus, sacrilegus per-
 tulit legibus, quod non pertulit
 Martyr in confessione Christi. Ista
 ergo, quæ hic sunt mala, multo fa-
 cilia sunt: & tamen videte
 quemadmodum ea homines ne pa-
 tiantur, quicquid iusserint faciunt.
 quanto melius faciunt, quod iubet*

M 4 Deus,

272 De gemitu columbæ

Deus. ne illa grauiora patiantur? hæc sanctus Augustinus, quem in hac sententia sequuntur multi Patres. Sanctus Gregorius in explicatione Psalmi tertij penitentialis, *Domine ne in furore tuo arguas me, neque in ira tua corripas me; quasi dicat, scio futurum esse, ut post huius vitæ exitum alij flammis expientur purgatorijs, alij sententiam subeant æternæ damnationis. Sed quia illum transitorium ignem omni tribulatione æstimo præfenti intolerabiliorem, non solum in furore æternæ damnationis opto non argui, sed etiam in ira transeuntis timeo correctionis purgari.* Idem habent venerabilis Beda in explicatione verborum eorundem; & sanctus Anselmus in explicatione tertij capitis. epistolæ prioris ad Corinthios, & S. Bernardus in sermone de obitu Humberti.

Hos vero sanctos Patres non sequitur tantum sanctus Thomas Aquinas scribens in quartum librum sententiarum dist. 30. quæst.

I. art.

LIB. II. Cap. IX. 273

1. art. 2. Sed addit minimam pēnam purgatorij grauiorem esse acerbissima quacunque pēna huius mundi. Et tamen audent homines contemnere illam pēnam, qui præsentes dolores tolerare non possunt. Sed hæc est cecitas plangenda præter cæteras in hac valle lacrymarum.

Probat autem S. Thomas sententiam suam, quoniam veritas certa, & explorata est, pēnam damni grauiorem esse qualibet pēna sensus: & non minus certum, & exploratum est, eos omnes, qui in Purgatorio sunt, pēnam damni sustinere. Sed aliquis fortè obijciat, pēnam damni perpetuam, qualis est in gehenna, esse verè pēnam, & pēnarum grauissimam; sed in Purgatorio carentiam visionis diuinæ, non videri propriè pēnam, aut certè non esse pēnam grauiorem ijs, quas in hac vita patiuntur martyres. Nam & nos dum hic in terris vivimus, Deum non videmus, & tamen non dici-

274 De gemitu columbæ

mur sustinere penam damni, quia suo tempore Deum videbimus, si cordi purgando, & mundando, ut par est operam demus. Imo etiam veteres sancti Patres, Patriarchæ, & Prophetæ, qui in Limbo Salvatorem expectabant, Deum non videbant, nec tamen cruciabantur pœna damni, quia visuri erant tempore designato à Deo. Sic enim Abraham respondit Epuloni, *Memento fili, quia recepisti bona in vita tua, Lazarus autem mala: nunc igitur ille consolatur, tu vero cruciaris*. Vbi non dixit Abraham, Lazarus cruciatur pœna damni; sed, consolatur, ac per hoc non torquetur. Et sanctus ille Simeon, cum ait, *Nunc dimittis seruum tuum in pace*: non existimavit per mortem se pergere ad pœnam gravissimam, sed ad pacem lætissimam. Denique sanctus Gregorius in libro tertio decimo Moralium affirmat, veteres Patres in Limbo, non tormenta vlla pertulisse, sed requiem inuenisse.

Luc. 2.

1. 3. mor.
c. 22.

Ad

Lib. II. Cap. IX. 275

Ad hanc obiectionem facile responderi potest : Nos enim hic in terris non plenè cognoscimus , quàm graue sit Deum non videre , tum quia per phantasmata corporalia , & sensuum ministerium obscure intelligimus quicquid intelligimus : tum quia deliniti corporalibus oblectationibus in his acquiescimus , nec de spiritualibus multum solliciti sumus . Veteres quoque Patres non cruciabantur pœna damni, quamuis Deum non viderent, quia sciebant non differri se, culpa aliqua sua propria, à visione Dei, sed quia tempus illius magni boni nondum aduenerat. At, qui post Christi aduentum damnantur ad purgatorium, ij non possunt non grauissime cruciari, quòd Deum videre nequeant. nam cum corpore, & sensibus corporalibus careant, non amplius oblectari possunt in obiectis sensibilibus, in cibo, & potu, in diuitijs, & honoribus, in explenda carnali concupiscentia :

276 De gemitu columbæ
sed toti aspirant ad contemplan-
dam veritatem primam ; & ad
fruendum summo bono , ad quod ,
vt ad finem vltimum , se creatos
fuisse intelligunt . Accedit , quòd
optimè nouerunt , iam fidelibus
aperta esse Regna cælorû , & nihil
esse , quod impediat , nisi reatum
pœnæ per ipsorû propria peccata
contractum . vnde sine dubio si-
bi ipsæ irascuntur animæ , & do-
lent , ac torquentur , quòd ipsæ si-
bi causa sint dilationis tanti boni ,
Similes mihi esse videntur homini
valdè esurienti , & sitienti , qui
ante se habeat mensam cibis opti-
mis instructam , & vinis optimis ,
ac limpidissima aqua refertam ; &
tamen nihil attingere possit , non
alia causa prohibente , nisi quia
ipse sibi hanc dilationem prome-
ritus sit . Adde , quod Sancti Pa-
tres Augustinus , Gregorius Be-
da , Anselmus , & Bernardus non
de pœna damni loquuntur , quam
omnes fatentur esse maximam ,
sed de pœna ignis ; ac de ista pœ-
na

na plane affirmant, eam esse atrociorē; quā sit vlla pœna huius vitæ: Quamvis enim non desit hic in terris pœna ignis, tamen ille ignis, qui non lignis, aut oleo nutritur, sed vt instrumentum iustitiæ Dei semper ardet & torquet animas, sine vlla dubitatione acerrimus est. Quare si non concederemus, pœnam damni temporariam, qualis est in purgatorio, esse grauiorē omnibus pœnis huius vitæ: id tamen de pœna ignis ex tot Patrum auctoritate concedi deberet.

Et quoniam multi non facile adducuntur, vt credant quæ nunquam viderunt, placuit Deo aliquando seruos aliquos suos à mortuis excitare, ac eis mandare, vt viuentibus annuncient, quod viderunt. Ex multis autem eiusmodi testibus, vt sic loquar, oculatis, qui pœnas purgatorij viderunt, duos eligere visum est, vnum, & vnā, de quibus testes habemus omni exceptione maiores. Vnus

igi-

278 De gemitu columbæ

igitur sit Drithelmus Anglus, cuius viri historiam scribit Venerabilis Beda, qui rem narrat sibi notissimam, & quæ tempore suo obstupescendentibus omnibus euenit. Sic igitur scribit in libro quinto historię gentis Angelorum, *His temporibus miraculum memorabile, & antiquorum simile in Britannia factum est. Namque ad excitationem viuientium de morte animæ, quidam aliquandiu mortuus ad vitam resurrexit corporis, & multa memoratu digna, quæ viderat narrauit, è quibus hic aliqua breuiter perstringenda esse putauit. Erat quidam paterfamilias in regione Nordam bumborum, religiosam cum domo sua vitam gerens. qui infirmitate corporis tactus, & hac crescente per dies, ad extrema perductus, primo tempore noctis defunctus est. Sed diluculo reuiuiscens, ac repente residens, omnes, qui corpori flentes assederant, timore immenso perculsos, in fugam conuertit. Vxor tantum,*

tum , quæ cum plus amabat ,
 quamuis multum tremens , & pa-
 uida , remansit . quam ille consola-
 tus , noli , inquit , timere , quia
 verè resurrexi à morte , quæ tene-
 bar ; & apud homines sum iterum
 viuere permissus ; non tamen ea
 mihi , quæ antea consueueram ,
 consuetudine , sed multum dissimi-
 li ex hoc tempore viuendum est .
 Statimque surrexit , & abiit ad
 villulæ oratorium , & vsque ad
 diem in oratione persistens , mox
 omnem , quam possederat , substan-
 tiam , in tres diuisit portiones : e-
 quibus vnâ coniugi , alteram
 filiis tradidit ; tertiam sibi reten-
 tam , statim pauperibus distribuit .
 nec multo post seculi curis absolu-
 tus ad monasterium Mailros per-
 uenit . acceptaque tonsurâ locum
 secretæ mansionis , quam prauide-
 rat Abbas , intrauit ; & ibi vsque
 ad diem mortis in tanta mentis , &
 corporis contritione durauit , ut
 multa illum , quæ alios laterent ,
 vel horrenda , vel desideranda vi-
 disse ,

280 De gemitu columbæ
disse, etiamsi lingua sileret, vitâ
loqueretur. Narrabat enim hoc
modo, quod viderat. Lucidus,
inquit, aspectu & clarus erat in-
dumento, qui me ducebat. deue-
nimus autem ad vallem multâ la-
titudinis, & profunditatis, infi-
nita autem longitudinis, quæ ad
lauam nobis sita vnum latus flam-
mis feruentibus nimium terribile,
alterum furenti grandine, ac fri-
gore niuium omnia perflante, atq.
verrente non minus intolerabile
præferebat. Vtrunque autem erat
animabus hominum plenum, quæ
vicissim hinc inde videbantur qua-
si tempestatis impetu iactari. Cum
enim vim feruoris immensi tolera-
re non possent, profliebant misera
in medium frigoris infesti: & cum
neque ibi quippiam requiei inueni-
re valerent, resiliebat rursus in
medium flammarum inextingui-
bilibium. Cumque hac infelici vicif-
situdine longè lateque, prout aspi-
cere poteram sine vlla quietis in-
tercapedine innumerabilis spirituum
de-

deformium multitudo torqueretur; cogitare capi, quod hic fortè esset infernus, de cuius tormentis intolerabilibus narrare sapius audiui. Respondit cogitationi meæ ductor, qui me præcedebat, Non hoc, in-quiens, suspiceris, non enim hic infernus est ille, quem putas.

Ac deinde explicata visione inferni, & paradisi, quam causa vitandæ prolixitatis omitto; subdit, Scis, inquit, quæ sint ista omnia, quæ vidisti? respondi ego, non; & ait, Vallis illa, quam aspexisti flammis feruentibus, & frigoribus horrenda rigidis, ipse est locus, in quo examinandæ, & castigandæ sunt animæ illorum, qui differentes confiteri, & emendare scelera sua, quæ fecerunt, in ipso tandem mortis articulo ad pœnitentiam confugiunt, & sic de corpore exeunt. qui tamen, quia confessionem, & pœnitentiam, vel in morte habuerunt, omnes in die Iudicij ad Regnum cælorum peruenient. Multos autem preces viuentium, & ele-
mo-

282 De gemitu columbæ

mosyna, & ieiunia, & maxime celebratio Missarum, ut etiam ante diem Iudicij liberentur, adiuuant. His addit venerabilis Beda, quòd cum ille incredibili austeritate corpus suum vexaret, & in fleminibus gelu concretis, oraret, & psalleret, dicentibus socijs, Mirum frater Drihtelme, quòd tantam frigoris asperitatem vlla ratione tolerare prauales: respondebat ille, frigidiora ego vidi. Et cum dicerent, Mirum quòd tam austeram tenere continentiam velis: respondebat, austeriora ego vidi. Sic usque ad diem sue vocationis in fatigabili celestium bonorum desiderio corpus senile inter quotidiana ieiunia domabat, multisque verbo, & conuersatione saluti fuit.

Hanc historiam ego verissimam esse non dubito, tum quia consentanea est scripturæ dicenti in libro Iob, *Ad nimium calorem transeunt ab aquis niuium.* Deinde, quia testem habemus Bedam virum optimum, & qui rem gestam suo tempore

Lib. II. Cap. IX. 283

pore narrat. Denique quia secutus est ex ea visione fructus, quem Deus requirere ex huiusmodi solet, non curiositas, non vanitas, sed salus animarum multarum, per conuersionem ad pœnitentiam.

Venio ad testimoniũ feminæ mirabilis, quæ Christina dicta est, cuius vitam scripsit Thomas Cantipratensis, ex ordine sancti Dominici, vir fide dignissimus, qui eius tempore vixit. Cui contestis accedit venerabilis Iacobus de Vitriaco Cardinalis pius, & doctus, qui in præfatione ad libros suos de vita, & rebus gestis Beatæ Mariæ de Oegnies, meminit plurimum sanctarum mulierum, ac præcipuè Christinæ mirabilis, cuius res gestas compendio ac breuissimè refert. Hæc igitur Virgo de se ita loquitur, cùm primum à morte videntibus multis surrexit.

Statim, inquit, ut è corpore excessi, animam meam exceperunt lucis ministri Angeli Dei, deduxeruntq; illam in locum quendam obscurum, & hor-

Apud Surium c. 3. vita.

284 De gemitu columbæ

& horridum, animabus hominum refertum. Quæ vero tormenta eo in loco conspexi, ea tam immania, & acerba fuerunt, ut nullus possit sermone id explicare. Vidi illis non paucos vita functos mihi, cum viuerent, non ignotos. Valde autem miserata ego animas illas miserabiles, quærebam, quis esset ille locus, suspicabar enim tartarum esse. Responderunt mihi duces mei, locum esse Purgatorij, ubi peccatores, quos in vita quidem peccasse pœnituiisset, sed non satis scelerum suorum meritis pœnas dedisset. Inde perduxerunt me ad inferorum supplicia, in quibus itidem agnoui quosdam mihi olim in vita notos. Postea vero translata sum in paradysum, usque ad Thronum Diuinæ Maiestatis, ubi cum viderem gratulantem mihi Dominum, ultra omnem modum letabar, quod arbitrarer illic me deinceps cum Domino in omnem aeternitatem perman-suram. At ille mox respondens desiderio meo, Re vera, inquit, dulcissi-

Lib. II. Cap. IX. 285

cissima filia hic mecum eris; sed nunc utrum è duobus malis optionem tibi facio, vel æternum hic nunc apud me manere, vel redire à terris, ibique in mortali corpore absque illius detrimento pœnas perferre, ijsque omnes illas animas, quas in locis Purgatorijs miserabaris liberare, & eripere; efficereq; ut homines adhuc in corpore manentes tua pœnitentia, & vite exemplis ad me conuersi à suis facinoribus abstineant, & resipiscant, peractis omnibus, ad me tandem, multis aucta meritorum cumulis reuerti. Ego vero absque ulla cunctatione sub conditione mihi proposita, dixi, me velie ad corpus redire, & pius Dominus gratulans, quòd me prompta obtulissem, iubet animam suo corpori restitui. Qua in re exequenda admirari licet beatorum spirituum incredibilem celeritatem: ea enim hora, cum in Missa sacrificio, quod pro me fiebat, diceretur, primo, Agnus Dei, anima mea sistebatur coram thro-

286 De gemitu columbæ

no diuinæ Maiestatis : cùmq; tertio id repetiretur, illi me corpori reddidere . Ita se habet & excessus meus, & vita, & ad vitam reditus : propter hominum correctionem, & emendationem ad vitam reuocata sum . Itaque deinceps oro, ne vos perturbent ea, quæ visuri estis in me . Excedent enim mentis humanæ captum, quæ, Domino volente, fient in me, nec talia inter mortales quandoq; comperta sunt . hæc illa, subiungit postea auctor vitæ c. 6. Tum vero, inquit, cœpit illa exercere quorum causa à Domino missa fuerat : ingrediebatur in arduos clibanos, & in illis incendijs cruciabatur, ita ut præ angustia, & dolore, horrendos cderet clamores . Postquam autem inde egressa fuit, vestigium nullum, alicuius uestionis in eius corpore visebatur . & cap. 7. sic pergit, Sub aquis Moyses fluminis hyberno tempore, cùm rigerent omnia gelu, crebro, & diu morabatur, sex & amplius diebus in eo perdurans . & pau

lo post, *Interdum in aquis orans, simul cum illis ferebatur in rotam molendini, atque ita horrendum in modum circum acta cum ipsa rota, membris omnibus mansit incolumis.* & c. 9. Surgebat, inquit auctor, quandoq; medijs noctibus, & totius oppidi Trudonensis canes in se concitans, ante illos ipsam insectantes instar fera cuiusdam cursitabat; sicq; per devia, & per densos vepres, & spineta agitata, adeo ab illis compungebatur, & lacerabatur, ut nulla corporis eius pars vulneris esset expers; & tamen multo sanguine fuso, nulla plagarum, aut vulnerum vestigia conspiciantur in eius corpore.

Hæc ille, qui quàm vera, & certa narrauerit, perspicuum est, tum quia contestem habet, ut supra dixi, virum grauissimum Iacobum Episcopum & Cardinalem de Vitriaco: tum quia narrat res gestas suo tempore, & in eadem Prouincia, quam ipse quoque incolebat, cum esset ipse quoque Episcopo.

288 De gemitu columbæ

scopus , & suffraganeus Archiepiscopi Cameracensis . tum etiam quia res ipsa publicè clamabat , eam habere corpus diuina virtute ita conformatum , vt dolorem pateretur ab igne , & non dissolueretur , & vulnera acciperet , & sanguinem funderet , & mox vulnerum vestigia non apparerent , & non paucos dies ita vixit , sed annos duos & quadraginta post resurrectionem : tum denique quia multos conuertit ad pœnitentiam , & post mortem miraculis euidentibus claruit . Itaque voluit Deus ora obstruere incredulorum , qui non verentur aliquando dicere , Quis redijt ab inferis ? Quis tormenta gehennæ , vel purgatorij vidit ? Ecce enim habemus testes fideles , marem , & feminam , qui viderunt gehennæ & purgatorij supplicia acerbissima , & maxima ; vt planè inexcusabiles sint , qui ista non credunt , & magis inexcusabiles , qui credunt , & contemnunt , & pro
de-

Lib.II. Cap.IX. 289

delictis suis in ieiunio , fletu , & planctu Deo satis facere negligunt . Sed pergamus ad alia capita .

Alterum caput erat diuturna duratio suppliciorum purgatorij . Quamvis enim non defuerit aliquis scriptor , alioqui egregius , & magni nominis , qui opinatus sit , neminem in purgatorio cruciari ultra viginti annos , vel ultra decennium : tamen contrarium docet usus Ecclesiæ , quæ anniuersaria sacra celebrare solet pro animabus defunctorum non solum ad annos decem , sed etiam ad annos centum , & eo amplius . Deinde in ea visione , quam ex venerabili Beda retulimus , satis apertè indicatur , multas animas in purgatorio cruciari usque ad diem Iudicij . Quod confirmari potest ex verbis Tertulliani auctoris antiquissimi , qui in libro de anima capite septimodecimo , de purgatorio loquens sub inferni nomine , ait , *In carcerem te man-*

N det

290 De gemitu columbæ

*det infernum, unde non dimittaris, nisi modico quoque delicto mora resurrectionis expenso. & clarius S. Cyprianus de diuturnitate pœnæ purgatorij loquens, in epistola secunda libri quarti, sic ait, Aliud est, pro peccatis longo tempore cruciatum purgari diu igne: aliud peccata omnia passione purgasse. Quod etiam confirmatur ex visione B. Ludgardis Virginis sanctissimæ, & celeberrimæ, cuius vitam scripsit ille idem Thomas Cantipratensis, qui scripsit vitam Christinæ mirabilis. Et quoniam res est magna, & ad exemplum Prælatorum Ecclesiæ prodesse potest, adscribam hoc loco verba ipsa auctoris, quæ habentur libro secundo vitæ S. Ludgardis apud Surium tomo tertio, ad diem Iunij sextumdecimum. Hoc ferè tempore, inquit auctor, Dominus Innocentius Papa Tertius, post celebratum Lateranense Concilium ab hac vita migravit: moxq. apparuit visibiliter Ludgar-
di.*

di. Illa autem, ut vidit eum ingenti flamma cinctum, quis nam sit perconctatur: respondit se esse Innocentium Papam: & illa cum gemitu, Quid hoc est, inquit, communem omnium nostrum Patrem, tam dirè cruciari? Respondit ille, tres ob causas, ita crucior, quæ etiã aternis supplicijs me iustissimè addixissent, nisi per intercessionem pijsimæ Matris Dei, cui Monasterium condidi, in extremis me pœnituisset. Et aternam quidem mortem euasi, sed pœnis atrocissimis usque ad Iudicij diem cruciabor. Quod autem ad te suffragia petiturus venire potui, mihi à suo filio Mater misericordiæ impetrauit. His dictis confestim disparuit. Ludgardis vero eius necessitatem sororibus, ut ei succurrerent, indicauit. Porro admodum dolens vicem eius, mirabili se cruciatu illius causa affecit. Nouerit lector, nos reuelante Ludgarde, tres illas causas non ignorare; sed pro tanti Pontificis reuerentia referre.

292 De gemitu columbæ

noluisse. hæc ille. quod exemplū me quidem sæpe maximo timore, & tremore afficere solet. Si enim tam laudabilis Pontifex, & qui in oculis hominum, non probus, & prudens solum, sed etiam sanctus, & imitatione dignissimus habitus est, tam parum absuit à gehenna, & vsque ad diem Iudicij purgatorij incendijs atrocissimis puniendus est, quis Prælatus non trepidet? Quis non accuratissimè conscientia suæ secreta rime-
tur? Ego enim facile mihi persuadeo, tantum Pontificem non potuisse lethalia peccata committere, nisi sub specie boni deceptū ab adulatoribus, & domesticis, de quibus in Euangelio dicitur, *Inimici hominis domestici eius*. Itaque hoc tam magno exemplo, discamus omnes sollicitè scrutari conscientiam nostram, nè fortè erronea sit, cum nobis recta, & sana esse videatur. Sed ad institutum, vnde digressi sumus reuertamur. Purgatorij pœnas ultra decem,

aut

Matt. 10.

Lib. II. Cap. IX. 293

aut viginti annos extendi, & fortasse ultra centum, & ultra mille annos propagari posse, non dubiū est. Sed esto intra decem, aut viginti annos terminetur pœna purgatorij; quis pœnam atrocissimā sine vlla intermissione, ac sine requie viginti annis tolerare posset? Nam pœnam illam sine intermissione, & requie cruciari intelligi potest ex visione, quam ex Beda venerabili paulo ante retulimus. Sanè si quis certus esset, se pedū, aut stomachi, vel capitis, aut dentium, aut calculi dolore continuos viginti annos sine vlla intermissione laboraturum sic, vt neque somnum capere, neque requiescere posset, mallet ille mori potius, quàm sic viuere: & si optio daretur, an vellet sic tot annos viuere, an iacturam facere omnium fortunarum, promptissimo animo, omnes fortunas abijceret, vt à tam immani, & tam continuo dolore liberaretur. Quanto igitur magis deberet omnis homo sa-

294 De gemitu columbæ
piens, eligere penitentiam cum
fructibus suis, qui sunt vigiliæ,
orationes, ieiunia, eleemosynæ, ac
potissimum lacrymæ, quæ sunt si-
gna verissimæ penitentia?

Quod si ad acerbitatem dolo-
rum, & diurnitatem penarum,
accedat tertia calamitas, quod
animæ in purgatorio se ipsæ iuua-
re non possunt: profecto non pa-
rum excreſcet infelicitas anima-
rum earundem. hic enim in ter-
ris vix quisquam est, tam misera-
bilis, qui non possit, vel fugiendo,
vel resistendo, vel amicos requi-
rendo, vel appellando ad aliud Iu-
dicium, vel misericordiam Iudi-
cis implorando, vel aliqua alia
ratione se à cruciatibus aliqua ex
parte liberare. At in purgatorio
nihil omnino possunt, nisi patien-
ter supplicia tolerare. Possunt
quidem viuentes in carne sancti
homines pro defunctis orare, &
eleemosynas, atque alia satisfac-
toria opera pro eis offerre Do-
mino: sed illis non licet, nisi ex
pri-

priuilegio particulari , quod paucis, & raro conceditur , hominibus apparere , atque ab eis auxilium postulare .

Miserrima igitur illarum animarum conditio est , quæ in tantis tormentis, neque ipse se, neque patris , aut filij, aut fratris, aut matris, aut sororis aut coniugis, aut amici animam in purgatorijs locis, vlla ratione iuuare possunt. Sed fortasse paucæ sunt animæ, quæ in purgatorio degunt : proinde non magnificienda sunt eorum supplicia . Imo vero innumerabiles sunt animæ illæ, vt solus numerus tam ingens sufficiat ad misericordiam commouendam, etiam si essent supplicia leuiora . Nam paulo ante ex historia venerabilis Bedæ, cognouimus innumerabilem animarum multitudine misuisse in purgatorio à Drithe mo visam : & ex vita B. Christinæ pariter accepimus purgatorij locum, vastissimum refertum animarum fuisse . Neque potest aliter fieri,

296 De gemitu columbæ
cùm nihil coinquinatum in Re-
gnum cælorum admittatur, sed so-
li illi penetrare valeant ad con-
spectum Dei, qui lux est, in qua te-
nebræ non sunt ullæ, atque ad lo-
cum infinitæ puritatis, nisi illi, qui
vere sancti, & immaculati sunt, &
Ephes. 5. ad gloriosam illam Ecclesiam per-
tinent, in qua non est macula, neq;
ruga. Qui autem eiusmodi sunt,
rarissimi sunt: proinde ceteri om-
nes, qui ad electorum numerum
pertinent, per ignem purgatorij
transeunt. Quæ cùm ita sint ne-
cesse est, vt columba assiduè ge-
mat pro tam multis membris suis;
quæ ad patriam cælestem immen-
so ardore suspirant, & si-
mul in igne intolerabi-
li detinentur, &
penis acer-
bis-
simis crucian-
tur.



*De decimo fonte lacrymarum,
quī est consideratio amo-
ris Dei .*

C A P. X.

AMOR Dei est irriguum supe-
rius, vnde fluunt dulces la-
crymæ, quæ producunt in hortulo
cordis humani germina omnium
virtutum. De his lacrymis dicit
S. Aug. in explicatione Psalmi cēte-
simi vicesimiseptimi, *Dulciores sūt
lacrymæ orantium, quàm gaudia
Theatrorum*. Diuiditur autem,
hic cælestis fons in tres quasi ri-
uos, quæ sunt desideria tria pro-
cedentia ex amore Dei; desiderium
videlicet gloriæ Dei; desiderium
beatitudinis nostræ, & desiderium
gratiæ, per quam acquiritur bea-
tudo : quæ tria desideria satis
apertè videntur expressa in pri-
mis tribus petitionibus orationis
dominicæ. Si quidem, qui orat, ut

N 5 san-

298 De gemitu columbæ
sanctificetur nomen Dei, id postulat, vt Deus glorificetur, & benedicatur, & sanctificetur ab omnibus Angelis, & hominibus, & modo quodam suo, ab omnibus rebus creatis. Et qui postulat, vt adueniat Règnum Dei, id petit, vt Regnum Dei, quod commune erit Christo cum omnibus sanctis, citò manifestetur, quod fiet in die nouissimo, quando complebitur beatitudo sanctorum, adiunctis corporibus gloriosis ad animas beatas. Denique qui petit, vt fiat voluntas Dei, sicut in cælo, & in terra, id petit, vt gratia nobis detur implendi mandata dominica, quo modo Angeli sancti in cælo semper faciunt voluntatem Dei.

Incipiamus à primo desiderio; quo flagrant omnes veri amici Dei. Deus noster bonorum nostrorum non indiget, quia in se habet omnia bona, & ipse est summum, & infinitum bonum. Placuit tamen bonitati eius Mundum creare, vt bonitatem suam extra se

se quodammodo effunderet, non eam amittens, sed cum alijs communicans, quo modo fons aquæ flumen producit, nihil ipse perdens. Quid ergo par erat, vt res creatæ, quæ paulo ante nihil erant, tam benefico donatori tribuerent, nisi vt totæ conuerterentur in laudes creatoris? & quidem res inanimæ, vel vita, & sensu præditæ, sed absque intelligentia, & libero voluntatis arbitrio, munus suum perpetuo explent. Semper enim Cæli enarrant gloriam Dei, & montes, & colles iubilant coram Deo, & reliqua omnia seruiunt ei, & faciunt verbum eius. In Angelis, & hominibus, qui soli mentis intelligentia, & libero arbitrio præditi creatorem cognoscere, & amare poterant, ostendere voluit Deus, primo quid posset eorum liberum arbitrium, deinde quid posset gratiæ suæ beneficium, iustitiæq. iudicium; vt S. Augustinus sapienter docet in libro de corre-

De cor-
rep. &
gratia.
c. 10.

300 De gemitu columbæ
ptione & gratia. Et quoniam in-
ter Angelos, non pauci cum
Principe suo Diabolo in super-
biam elati, libertate arbitrij abusi
Deum non glorificauerunt, iusto
Dei iudicio damnationis æternæ
sententiã non effugerunt. Reli-
qui Domino Deo humiliter subie-
cti & pia charitate coniuncti, bea-
titudinis gloriam adepti, per-
petuo eum laudant, atque san-
ctificant dicentes, *Sanctus, san-*
ctus, sanctus Dominus Deus exer-
cituum. Soli restant homines,
quorum pars longè maxima liber-
tate arbitrij non benè vtentes,
non agunt ad quod creati sunt; &
quamuis non desit gratia Dei ex-
citando, adiuuando, illuminan-
do, tamen iusto Dei iudicio tra-
diti in reprobum sensum seruiunt
creaturæ potius, quàm creatori;
nec desunt qui cùm Deum cogno-
scant, non sicut Deum glorificant:
neque etiam desunt, qui dicunt se
nosse Deum, factis autem negant.
Horum igitur causa, pauci illi,
qui

Isa. 6.

Lib. II. Cap. X. 301

qui Deum ardentè diligunt, cùm
ferre non possint æquo animo tan-
tam iniuriam Dei, tantam ingra-
titudinem, tantam iniquitatem:
fremunt præ zelo intra se, & co-
piosis lacrymis desiderium gloriæ
Dei, quo flagrant, aliquo modo
mitigare, ac lenire student. Vnus
ex eis Propheta David, *Tabescere*, Psal. 118
inquit, *me fecit zelus meus, quia*
obliti sunt verba tua inimici mei.
& paulo post, *Vidi prævaricantes,*
& tabescam, quia eloquia tua non
custodierunt. & alibi, *Non ne*, Psal. 138
qui oderunt te Domine oderam, &
super inimicos tuos tabescebam.
Et verè, si quis attentè confide-
ret, quantis blasphemijs, periurijs,
maledictis, quotidie ab ho-
minibus offendatur Deus; & quàm
multi legem eius immaculatam,
& saluberrimam, & desiderabi-
lem super aurum, & dulciorem
super mellis fauim, lacerent, vio-
lent, transgrediantur sine vllò ti-
more, aut ruborè: & quot sint
adhuc pagani, vel hæretici, qui
Deum

302 De gemitu columbæ

Deum verum non agnoscunt, sed vel saxa, aut ligna, vel capitis sui chimeras pro Deo venerantur, & colunt; is nullo modo poterit, si verè Deum amat, animo conquiescere, sed clamabit, & dicet cum

Hiere.9. Hieremia, *Quis dabit capiti meo aquas, & oculis meis fontem lacrymarum*, vt iniurias Domini creatoris mei, cui debetur omnis honor, & gloria, lamenter & defleam, donec lacrymæ deficiant.

1. Mac.2. Si enim Matathias, & filij eius (vt est in priore libro Machabæorum) sciderunt vestimenta sua, & operiti sunt cilicijs, & planxerunt valde, quia gentes prophanauerant templum Domini, & mysteria illa polluerant, quæ erant vmbæræ rerum futurarum: quid agere deberet pius Christianus, hoc tempore, quo Maumethani & lutherani & Calvinistæ, ac cæteri hostes Dei, & Ecclesiæ, multis in locis, non solum Ecclesias euertunt, sed omnem cultum diuinum sustulerunt, & sacrosancta myste-

ria

ria publicè prophanauerunt?

Iam verò diuinus amor excitat ardentissimum desiderium videntium Deum, & assidue, & cum multis lacrymis orandi, ac dicendi, *Adueniat Regnum tuum*. Et quidem Regnum Dei tribus modis in scripturis sanctis accipi solet, pro Regno, ut sic loquar, naturali, pro Regno gratiæ, & pro Regno gloriæ. Regnum naturæ dicitur dominium, quod naturaliter habet Deus in omnes res creatas, quas semper regit, & gubernat pro arbitrio suo: neque vlla res ei resistere potest. De hoc Regno loquitur David, cum ait, *Regnum tuum Regnum omnium seculorum*. De hoc autem Regno non potest intelligi illa petitio, *Adueniat Regnum tuum*, quoniam hoc Regnum semper fuit, & erit. neque opus est à Deo petere ut veniat, quod ab exordio mundi venit. Regnum gratiæ illud est, quo Deus per gratiam regnat in cordibus piorum, eaque re-

Psal. 144

304 De gemitu columbæ

regit, ac moderatur, ac suæ diuinæ voluntati suauiter subijcit. de quo Regno loquitur Apostolus

Celoss. 1. cum ait, *Eripuit nos de potestate tenebrarum, & transfudit in Regnum filij dilectionis suæ.* Neque de hoc Regno videtur intelligi posse illud, Adueniat Regnum tuum. Siquidem hoc Regnum,

Apoc. 13 gratiæ cœpit ab origine mundi, sicut & Christus dicitur Agnus occisus ab origine mundi, quia per mortem eius præuisam, data est gratia omnibus, qui in omnibus ætatibus iusti fuerunt.

Regnum gloriæ est æterna beatitudo, quæ inchoata est in animabus iustis à Christi morte, qui moriens latroni dixit, *Hodie mecum eris in paradiso;* Sed complebitur in die nouissimo, quando Beati spiritus recipient gloriosa corpora,

Luc. 23. & à Rege gloriæ audient, *Venite benedicti, possidete paratum vobis Regnum.* tunc enim vere adueniet Regnum Dei, quando sublata omni potestate mortalium

& spi-

& spirituum immundorum, solus Deus regnabit, & electi eius cum illo. Atque hæc est communior expositio Patrum, Tertulliani, & Cypriani in libro de oratione dominica; Chrysostomi; & Hieronymi in caput sextum Matthæi, Cyrilli catechesi quinta mystagogica, Augustini in libro secundo de sermone Domini in monte, Ioannis Cassiani collatione nona, & aliorum.

Obseruat autem S. Augustinus concione vicesima in psalmum, centesimum decimum octauum, ante aduentum Christi omnium, sanctorum desideria fuisse in ipsius Christi incarnationem: post Christi incarnationem, passionem, resurrectionem, ascensionem; omnium sanctorum desideria esse in aduentum Christi gloriosum, in quo sancti omnes ad perfectam, atque æternam peruenient felicitatem. sic enim implebitur illud, *Et veniet desideratus cunctis gentibus.* De priorum sanctorum desider-

306 De gemitu columbæ

- Luc. 10. derio fune illa, *Multi Reges,*
& prophetae voluerunt videre qua
vos videtis, & non viderunt. &
 Luc. 2. illa, *Nunc dimittis seruum tuum*
Domine, quia viderunt oculi mei
 Isa. 64. *salutare tuum.* & illa, *Vtinam*
disrumperes celos, & descenderes.
 De posteriore desiderio sunt illa,
 2. Tim. 4. *Reposita est mihi corona iustitiæ;*
quam reddet mihi Dominus iustus
iudex: non solum autem mihi, sed
& ijs, qui diligunt aduentum eius,
 id est, ijs, qui timore casto dili-
 gunt sponsum, & ideo cupiunt vt
 cito veniat, & non tardet gloriosũ
 aduentum suum. Sed adultera, quæ
 non diligit sponsum suum, timet
 aduentum eius; & vellet, si fieri
 posset, vt nunquam veniret. Sponsa
 autem in extrema Apocalypsi di-
 cit, *Veni,* & Sponsus respondet,
 Apoc. 22 *Etiam venio cito.* & rursus spon-
 sa, *Veni Domine Iesu.* Porro
 David Propheta sanctus vtrunque
 aduentum ardenter sitiens, & præ-
 fertim illum, in quo Deus vide-
 bitur facie ad faciem clamat,
 Quem-

Quemadmodum desiderat Cervus Psal. 41
ad fontes aquarum, ita desiderat
anima mea ad te Deus. Sitiuit ani-
ma mea ad Deum fontem vivum:
quando veniam, & apparebo ante
faciem Dei? Fuerunt lacrymæ meæ
panes die, ac nocte, dum dicitur
mibi quotidie, Vbi es? Deus? Et
alibi, Vnam petij, hanc requiram, Psal. 26.
ut in habitem in domo Domini om-
nibus diebus vitæ meæ, & videam
voluptatem Domini. Qui enim,
verè, & ex corde diligit, non po-
test patienter tolerare absentiam
dilecti; sed siue comedat, siue
bibat, siue quid aliud agat, semper
dilectum cogitat, & cogitando su-
spirat, & plorat. Et si fortè dor-
miat, illum quoque somniando vi-
det, & cum eo confabulatur. Et si
hæc accidunt ijs, qui amore capti
sunt rerum mortalium, & fræda-
rum; quid illi facient, qui amore
capti sunt pulchritudinis infinitæ,
& sempiternæ? illis verè lacrymæ
solæ sunt panes die, ac nocte, quia
solis lacrymis reficiuntur, & in-
illis

308 De gemitu columbæ

Job. 16.

Rom. 7.

Philip. 1.

Jo. 12.

Luc. 7.

illis conquiescunt; cætera omnia
 consolatores onerosi sunt, vt lo-
 quitur sanctus Iob. Hinc B. Pau-
 lus, qui raptus in paradysum vidit,
 saltem ex parte, pulchritudinem
 Domini, & intelligebat se sola cor-
 poris maceria retineri ne Christo
 frueretur, clamabat dicens, *Quis*
me liberabit de corpore mortis hu-
ius? & apertius, *Cupio dissolui,*
& esse cum Christo. & Beatus Mar-
 tyr Ignatius in Epistola ad Roma-
 nos, *Omnia tormenta Diaboli in-*
me veniant, dummodo Christo fruar.
 Quid de Maria Magdalena dice-
 mus? quæ in cena nouissima in
 Bethania, cum Christum à se tol-
 lendum cognouisset, lacrymis ri-
 gavit pedes eius, & capillis suis
 terfit. Longè aliæ fuerunt istæ la-
 crymæ ab illis, quibus in domo Si-
 monis lacrymis cepit lauare pe-
 des eius, & capillis suis tergere.
 Istæ enim ex recordatione pecca-
 torum, & amarissima contritione
 fluebant; illæ ex desiderio reti-
 nendi dilectum; quales etiam illæ
 erant,

Lib.II. Cap.X. 309

erant, quibus ad sepulchrum plorabat, quasi absentem, quem sublatum arbitrabatur . Et quales illæ, quàm assiduæ , quàm ardentes, quàm suaues , quas in solitudine illa fundebat, cum in sola contemplatione dilecti occupata dies iungebat cum noctibus ? O si quis lacrymas desiderij diuinæ pulchritudinis cum Dauide , cum Paulo , cum Magdalena, addo etiam cum Augustino, cum Bernardo , cum Francisco aliquando gustaret, sine dubio omnia huius mundi gaudia, omnesq. voluptates, & omnia oblectamenta contemneret. Sed quia esurimus, & sitimus, & panem, ac potum lacrymarum cælestium ignoramus, ideo ad carnalia desideria, & mundi huius oblectamenta conuertimur .

Restat desiderium tertium ex amore diuino procedens , cuius desiderij impulsu, petimus, ac dicimus, *Fiat voluntas tua, sicut in celo, & in terra* . Qua petitione gratiam Dei poscimus , qua mandata

310 De gemitu columbæ

Ma. 19.

data Dei observare possimus. Scriptum est enim, *Si vis ad vitam ingredi, serva mandata*. Amor igitur ille, qui nos desiderare facit visionem Dei, quæ est vita æterna, & continenter gemere, donec ad eam perveniamus: ille idem cogit nos desiderare perfectam legis divinæ obedientiam: perfectam autem obedientiam Deo præstant Angeli in cælo, de quibus canit sanctus

Psal. 102

David, *Benedicite Domino omnes Angeli eius: potentes virtute, facientes verbum illius, ad audiendam vocem sermonum eius: Benedicite Domino omnes virtutes eius: ministri eius, qui facitis voluntatem eius*. Declarat autem hoc loco Propheta perfectam obedientiam, quam Angeli exhibent Deo. Nam cum dicit, *potentes virtute, facientes verbum illius*, significat, ut sunt verè potentissimi, sic etiam efficaciter, & celeriter facere, quæ Deus iubet. Et cum addit, *ad audiendam vocem sermonum eius*, significat, Angelos obedire Deo

non

Lib. II. Cap. X. 311

non alia de causa, quàm vt obedi-
ant, & se verè seruos obsequen-
tes exhibeant Domino. Sæpe enim
homines alacriter, & diligenter
obediunt Dominis suis, non tam,
vt obediant, quàm vt aliquid com-
modi, aut honoris, aut voluptatis
inde lucrentur: & propterea ne-
gligentes, & tardi sunt ad obse-
quium, quando nihil inde lucri
proprii ipsi referunt. Procul om-
nino ab ista imperfecta obedi-
tia, & ab amore proprio extorta,
absunt Angeli sancti. Et ne forte
existimaremus, solos Angelos vl-
timi chori, qui propriè dicuntur
Angeli, sollicitè, & velociter im-
plere voluntatem Dei, addit Pro-
pheta; *Benedicite Domino omnes
virtutes eius*. Vbi per, virtutes,
intelliguntur omnes Hierarchiæ,
& omnes ordines, ac denique om-
nes exercitus eius. Sic enim ha-
betur in codice Hebraico, & sic
vertit sanctus Hieronymus, *Bene-
dicite Domino omnes exercitus
eius*. Hanc igitur perfectam obe-
dien-

312 De gemitu columbæ
dientiam, quæ omne peccatum
excludit, & quæ præ omnibus sa-
crificijs Domino placet, æmulari
desiderant homines, qui verè dili-
gunt; & quia vident, id per se asse-
qui non posse, cum gemitu dicunt,
Fiat voluntas tua, sicut in cælo, &
in terra. Desiderio desideramus
tibi Domino diligenter, velociter,
ac sine vlla imperfectione seruire,
& obedire hic in terris, quo modo
ab Angelis sanctis tibi setuitur, &
obeditur in cælo: sed quia multa
nos impediunt, cum seruo tuo Au-
gustino clamamus, *Dà, quod iu-*
bes, & iube quod vis. Et si status
exilij nostri tantam perfectionem
non admittit, accipe sacrificium
orationis, & desiderij nostri cla-
mantis in auribus tuis, *Fiat volun-*
tas tua, sicut sicut in cælo, & in
terra; & si ipsum quoque deside-
rium imperfectum est nimis, audi
gemitum desiderantis desiderium
ardens, & cum Propheta lamen-
tantis, & dicentis, *Concupiuit ani-*
ma mea desiderare justificationes
tuas

Lib. II. Cap. X. 313

tuas in omni tempore. Qui enim concupiscit desiderare veram, & plenam obedientiam mandatorum, iam desiderat, sed desiderio imperfecto, ipsam obedientiam mandatorum: & si non fatigetur orando, & petendo cum gemitu utique, exaudietur. & impetrabit desiderium perfectum, ad quod etiam, consequetur perfecta obedientia mandatorum, qualis haberi potest in terris. Vnde etiam fiet, ut ad patriam caelestem perueniat, & cum Angelis sanctis, potenter, & diligenter in omnibus, & per omnia faciat verbum Domini, & adimpleat omnes voluntates eius.

+



O De

De undecimo fonte lacrymarum, qui est consideratio incertitudinis salutis..

C A P. XI.

MAGNITUDO bonorum, quæ complectitur in se felicitas sempiterna, tanta est, ut quemadmodum spes eius acquirendæ lætitiâ maximam gignit: sic etiam timor amittendæ dolorem tantum adferat, ut qui serio de ea re cogitat, lacrymas continere non possit. Certè enim, si quis reus capitis factus, dum apud Principem causa eius agitur, inter spem, & metum constitutus hæret, non posset omnino lætari, nec fletum comprimere, donec certior de iustitiâ causæ suæ, aut saltem de indulgentia Principis fieret. Quis igitur cessare à metu,

Lib. II. Cap. XI. 315

tu, & gemitu poterit, si cogitet, adhuc pendere Iudicium æternæ salutis suæ, aut mortis & infelicitatis æternæ? quamvis enim aliquis nihil sibi conscius sit, unde timere debeat damnationem æternam, tamen dum cogitat, Deum esse, qui nos iudicaturus est, qui multa videre potest in nobis, quæ nos ipsi non videmus: quomodo potest securitatem sibi polliceri? Apostolus Christi est, & vas electionis, qui de se scripsit, *1. Cor. 4.*
Nibil mihi conscius sum, sed non in hoc iustificatus sum. qui enim iudicat me Dominus est. & Iob testimonio Spiritus sancti *Iob. 1.*
vir erat simplex, & rectus, ac timens Deum: & de se ipse scripsit, *Iob. 17.*
Non reprehendit me cor meum in omni vita mea. & tamen iudicium Dei ita formidabat, ut diceret. *Iob. 31.*
Quid faciam cum surrexerit ad iudicandum Deus? & cum quaesierit, quid respondebo illi? Ac ut exemplum vnum nostri temporis adducamus. Beatus Aloysius Ber-

316 De gemitu columbæ

trandus vir notæ sanctitatis, non semel inuentus est plenus singultuum, & lacrymarum: & cum

Vide vitam eius scriptâ à F. M. Iustiniâno. cap. 4.

ab eo quæreretur, quæ nam esset causa tanti mœroris, & tam ingentis profluuij lacrymarum, respondebat, *cur non amarissime fleam, cum non certo sciam, an æterna salutis compos sim futurus?*

Porro causæ huius incertitudinis, quæ pios homines valde sollicitos habere solet, duæ sunt. Vna est, quia nemo certus esse potest, nisi ex diuina reuelatione, quæ rarissimè haberi solet, sit ne gratus Deo, & verè iustus, quamuis in oculis hominum sanctus, ac iustus appareat; & quamuis ipse quoque nihil in se inueniat, vnde à corde suo, siue à conscientia reprehendatur: clarissima enim sunt verba Salomonis in libro Prouerbiorum.

Prou. 20. *Quis potest dicere, mundum est cor meum, purus sum à peccato? &*

Ecccl. 9. *apertius in Ecclesiaste, Sunt iusti, atque sapientes, & opera eorum in manu Dei, & tamen nescit homo, utrum*

utrum odio, vel amore dignus sit: sed omnia in futurum seruantur incerta. In quem locum Salomonis ita scribit sanctus Hieronymus: *Sensus, inquit, est, Inueni iustorum quidem opera in manu Dei essi; & tamen utrum amentur à Deo, an non, nunc eos scire non posse, & ambiguos fluctuare, utrum ad probationem sustineant, an ad supplicium. In futuro igitur scient.* Itaque cum dicitur, *nescit homo, utrum odio, an amore dignus sit,* non est sermo de hominibus manifestè impijs: illi enim facile scire possunt, se odio dignissimos esse; sed de hominibus, qui iusti, sapientesque esse videntur; id est, de ijs, quorum opera laudabilia sunt: de his ambiguum est, an odio, vel amore digni sint, cum ignoretur, an opera illa ex vera charitate prodeant. Quàm sit hominibus verè pijs hæc incertitudo molesta, vel ex eo cognosci potest, quòd cum sancto Francisco, sub initium conuersionis, recogitanti annos

318 De gemitu columbæ
suos in amaritudine animæ suæ,
& culpas suas præteritas deplo-
ranti, reuelata esset certitudo re-
missionis omnium peccatorum; :
incredibili lætitia subito idem
Franciscus repletus est, vt sanctus
Cap. 3. Bonauentura in eius vita testatur.
& apertius id ipsum narratur in
Chronico. Quamuis autem hæc
incertitudo acerba sit amatoribus
Dei; tamen non sine magna sa-
pientia Dei, & vtilitate hominum
à diuina prouidentia procurata
est. Hinc enim fit, vt iusti semper
vigilent, & cum timore, ac tremo-
re salutem suam operentur, neque
vnquam superbire audeant aduer-
sus impios; & contra, ne peccato-
res desperent salutem, seque scele-
ribus sine vlllo freno, & considera-
tione tradant. Altera causa, cur
in hac vita certi esse non possimus
de vita æterna obtinenda, est in-
certitudo perseuerantiæ, quamuis
enim pro comperto haberemus,
nos hodie iustos, & gratos esse
Deo; tamen non scimus, neque
scire

scire possumus, nisi ex diuina reuelatione, quid crastina paritura sit dies: quotidie enim videmus deficere homines à sancta conuersatione ad flagitia, & peccata grauissima. Atque vt ab alto incipiamus, primus Angelus in ipsa sua creatione gratiam Dei cum sapientia, alijsque donis plurimis sine dubitatione percepit. De ipso secundum expositionem S. Gregorij scribit Ezechiel, *Tu signaculum similitudinis, plenus sapientia, & perfectus decore, in delicijs paradisi Dei fuisti. Omnis lapis pretiosus operimentum tuum, & infra, Perfectus in vijs tuis à die conditionis tue, donec inuenta est iniquitas in te.* & de omnibus Angelis sanctus Augustinus apertissime scribit, in eis Deum simul condidisse naturam, & infudisse gratiam. Neque dubium est, quin Angeli, atque in primis Angelorum princeps nouerint, se vera Dei gratia, & vera charitate præditos fuisse. Angeli enim se ipsi

Ezcc. 1. 8.

13. Ciuit.
C. 1.

320 De gemitu columbæ
vident , & omnia, quæ in ipsis sunt
Dei dona , ex diuina illustratione
cognoscunt. Iste igitur Angelo-
rum princeps, sapientia , & gratia
Dei præditus, in veritate non ste-
tit, ac per hoc in accepta gratia
non perseverauit, & tanquam ful-
gur , vt Dominus loquitur, id est,
summa velocitate de cælo cecidit,
& ex Angelo lucis in principem
tenebrarum conuersus est. Hunc
imitatus est primus homo, qui
gratiam Dei in ipsa sua conditio-
ne cum originali iustitia conse-
quutus, paulo post eandem ami-
sit; Scribunt enim sanctus Gre-
gorius Nazianzenus, & sanctus
Ioannes Chrysostomus, Adamum
dici potuisse Angelum terrestrem,
ex spiritu, & carne constantem, ex
spiritu propter gratiam, & carne
propter naturam. Quòd si primus
Angelus, & primus homo incerti
de perseverantia sua fuerunt, & re
ipsa ex gratia, eaque magna gra-
tia exciderunt: quis mirabitur, si
& nos post lapsum Adami, cēritu-
dine

Io. 8.

Luc. 10.

Orat. de
Pascha.
hom. 16.
in Gen.

Lib. II. Cap. XI. 321

dine perseuerantiæ careamus? Ad hæc Saul Rex primus Israelitarū, electus à Deo, cū esset humilis in oculis suis, & tam bonus, vt in 1. Reg. 9. toto populo non esset melior illo; tamen paulo post reprobus factus est. Quid Salomon? hic verè fuit sapientissimus, & ab adolescentia ita gratus Deo, vt de eo Deus dixerit Dauidi, *Ego ero illi in patrē, & ipse erit mihi in filium.* & sanctus Hieronymus in Epistola ad Paulinum de studio scripturarum, vocat Salomonem *amabilem Domini*. Et tamen adeo non perseuerauit, vt in senectute deprauatus à mulieribus, adorauerit omnia illarum idola, & à non paucis auctoribus grauissimis reprobis fuisse credatur. Id quod ei discretis verbis prædixit Dauid Pater eius in priore libro Paralipomenon his verbis, *Tu autem Salomon, fili mi, scito Deum patris tui, & seruito ei corde perfectō, & animo voluntario.* Omnia enim 1. Par. 28 corda scrutatur Deus, & vniuer-

322 De gemitu columbæ
fas mentium cogitationes intelligit.
Si quaſieris eum, inuenies : ſi au-
tem dereliqueris eum, proijciet te
in æternum. horrenda commina-
tio, & ad verbum adimpleta: de-
reliquit enim Salomon Deum, &
Deus proiecit eum in æternum.

Quid dicam de Iuda proditore?
Non ne ille quoque electus fuit à
Chriſto, cùm eſſet bonus, aut cer-
tè vocatione ipſa factus eſt bonus,
& dignus ampliffimo gradu: &
tamen breui corruptus amore pe-
cuniæ, ab ipſo eodem Domino
Diabolus meruit appellari? *Non*
ne ego, inquit, vos duodecim elegi,
& vnus ex vobis diabolus eſt? &
alibi, Bonum erat illi ſi natus non
 fuiſſet. His accedunt duo doctif-
ſimi, & optimi quondam Eccleſiæ
Doctores, vnus græcus, Origenes;
alter latinus, Tertullianus. Vterq;
in iuuentute cupidiffimus marty-
rij, vterque abſtinentiæ, & conti-
nentiæ amator, vterque ſcriptor
egregius non ſolum aduerſus gen-
tes, ſed etiam aduerſus hæreticos:

& ta-

Lib.II. Cap.XI. 323

& tamen vterque in senectute lapsus est, & nouas hæreses excogitauit, & inter hæreticos numerari meruit. Quis igitur perseuerantiam sibi certo polliceri audeat, quando turres eiusmodi ceciderunt? Omitto innumerabiles alios. Vnum prætermittere non possum. Is est Heron eremita, qui annis quinquaginta vixit in eremo, in summa abstinencia, & continentia, & silentio, & vitæ perfectæ exercitatione: & postea tamen illus a Diabolo, se met in altissimum puteum præcipitauit: quasi pro merito virtutum, ac laborum non posset vlli discrimini subiacere: & semimortuus inde erutus a fratribus, ne sic quidem resipiscere voluit, & in sua obstinatione vitam finiuit. Testatur hoc factum Ioannes Cassianus collatione secunda, quæ est de discretionem; qui Cassianus tempore suo rem gestam, & plurimis notam fuisse confirmat. His exemplis satis probatum est, viros etiam

324 De gemitu columbæ

probos, & sanctos non esse certos de perseverantia, ac per hoc posse etiam iacturam facere felicitatis æternæ post multa merita, & labores.

Quæ cum ita sint, nimis omnino parui æstimant vitam æternam, & sempiterna supplicia, qui in incertitudine tanti discriminis positi, adhuc rident, & ludunt, vel etiam stertunt in lectis, vel comescantur in mensis: quomodo enim si periculum tam grande non vident, sani sunt cerebro, aut verè homines sunt, non belluæ? Si vero cognoscunt, quomodo non toto corpore horrescunt, & non toto animo contremiscunt? quomodo non plorant? non eiulant? non plangunt? quomodo non satagunt, ut Apostolus Petrus monet, certam facere vocationem, & electionem suam? Cur tanto pendente iudicio, in quo de summa rei, id est, de fortunis omnibus, de existimatione, de capite, imo de vita sempiterna, & felicissima, vel de

mor-

2. Petr. 1

Lib. II. Cap. XI. 325

morte perpetua , atque æternis cruciatibus agitur; non curant adire amicos , sollicitare aduocatos , ipsum Iudicem suspirijs , & lacrymis implorare ? In hoc enim discrimine plus valet humilis, & lacrymosa oratio , & reatus nostri aperta confessio, & detestatio, quàm vlla , quantumuis diserta, & accurata defensio . Oportet frequenter ex corde toto , & non sine gemitu inenarrabili petere à Deo gratiam verissimæ , & ardentissimæ charitatis in ipsum Deum , & proximum : & simul gratiam perseverandi in bonis operibus vsque ad finem: perseverantia enim quæ perficit opus , & finem laboribus imponit, donum Dei est, sed non negatur ijs, qui petunt, sicut oportet . Vtilissimum documentum ad donum perseverantiæ impetrandum tradit sanctus Augustinus exponens illa verba Psalmi sexagesimiquinti, *Benedictus Deus , qui non amovit orationem meam , & misericordiam suam à me : Cum*

326 De gemitu columbæ

videris, inquit, non à te amotam deprecationem tuam, securus esto, quia non est à te amota misericordia eius. hæc ille, qui verissimè docet, donum orationis esse optimum, & infallibile signum doni misericordiæ. Quibus enim Deus mandat, vt semper orent, & simul dat spiritum semper orandi, & petendi perseverantiam misericordiæ diuinæ vsque in finem: sine dubio non amouet ab illis misericordiam suam vsque in finem, & misericorditer facit eos perseverare vsque in finem. Quemadmodum enim si quis ex nobis iuberet homini pauperi, vt à se quotidie peteret eleemosynam; non posset iustè negare petenti quotidianam eleemosynam: sic omnino liberalissimus Dominus, qui dixit, *Oportet semper orare, & nunquam deficere;* & qui donat amicis suis voluntatem semper orandi, & orandi sicut oportet: sine dubio exaudiet eos, & conseruabit illis misericordiam suam, donec in caelesti patria

Luc. 18.

tria coronet eos in misericordia,
& miserationibus; & repleat in
bonis desiderium eorum. Psal. 102

*De duodecimo fonte lacrymarum, qui est consideratio
tentationum, impedientium
iter ad vitam.*

C A P. XII.

RESTAT consideratio tenta-
tionum, ex qua considera-
tione tanquam ex fonte non exi-
guus emanat lacrymarum riuus.
Qui enim ardens amat Deum,
& eum videre desiderat, molestis-
simè fert tentationes varias, quæ
impediunt cursum ad vitam æter-
nam; & ideo cum assiduo gemitu
laborat in ijs repellendis, & quasi
vim patiens cruciatur, & clamat
ad Deum, *Ne nos inducas in ten-
tationem, sed libera nos à malo*, Sed
ut de hoc ingenti periculo per or-
di-

328 De gemitu columbæ
 dinem pauca dicamus, primùm de
 tentationibus, deinde de instru-
 mentis, id est, retibus, & laqueis
 tentationum breuiter differemus.
 Tentatores præcipui, diaboli sunt
 nec solum tentatores, sed etiam
 accusatores sunt. Primum enim
 inducunt ad perpetranda peccata:
 deinde apud Iudicem de peccatis
 perpetratis reos nos faciunt:
 proinde hostes nostri sunt acer-
 bissimi, & crudelissimi. Quod ip-
 si propriè tentatores nostri sint,
 testatur Euangelium, cùm ait, *Ac-
 cessit tentator*. testatur Apostolus
 Paulus, *Ne forte tentauerit vos*,
 inquit, *is qui tentat*. id est, cuius
 est officium proprium, tentare.
 testatur Apostolus Petrus, *Cur
 tentauit Satbanas cor tuum?* te-
 statur Apostolus Ioannes, *Missu-
 rus est diabolus aliquos ex vobis in
 carcere, ut tentemini*. Quòd ij-
 dem ipsi accusatores nostri sint,
 testatur idem Apostolus, cùm in
 Apocalypsi dicit, *Proiectus est ac-
 cusator fratrum nostrorum, qui*
 ac-

Matth. 4.

1. Thef. 3

Act. 5.

Apoc. 2.

Apoc. 12

*accusabat illos ante conspectum
 Dei nostri die, ac nocte. quæ ver-
 ba exponens S. Gregorius libro
 secundo moralium ait, In die ac-
 cusat, cum prosperis malè nos uti* 2. mor. 5.
*insinuat: in nocte accusat, cum in
 aduersis nos non habere patientiam
 demonstrat. sic accusauit S. Iob,* Iob. 1.
*cum dixit, Numquid Iob frustra
 timet Deum? non ne tu vallaſti
 eum, ac domum eius, vniuersam-
 que substantiam per circuitum.
 Operibus manuum eius benedixi-
 ſti, & possessio eius creuit in terra?
 Sed extende paululum manum
 tuam, & tange cuncta qua possi-
 det, nisi in faciem benedicat tibi.*
 quo loco vox, *benedicere*, in con-
 traria significatione, in toto illo
 capite, & sequenti accipitur. Ac
 vt omittam visiones plurimas, in
 quibus visus est Diabolus conten-
 dere, cum Angelo sancto, & ac-
 cusare hominem iam morientem
 in multis, notissima est apud S.
 Athanasium in vita Beati Anto-
 nij, accusatio acerrima demonum
 ad-

330 De gemitu columbæ

aduersus S. Antonium, & defensio Angelorum pro eodem Antonio. summa est, Diabolum, & satellites eius humano generi hostes irreconciliabiles esse, & tunc grauius nocere, quando familiaritatem simulantes, vel thesauros occultos demonstrare, vel amoribus impudicorum hominum seruire velle videntur. Isti igitur tentatores, & accusatores nostri quales, & quot sunt? primum astutissimi, & callidissimi sunt, vt nobiscum comparati, vulpes dici possint comparatæ ad columbas: siuè consideres naturæ nobilitatem, & subtilitatem, siue vsum, & exercitationem longissimam. Quare Beatus Paulus, qui non ignorabat astutias eorum in epistola ad Ephesios, non vocat eos astutos, aut nequam, sed spirituales nequitias in cælestibus, id est; ipsam nequitiam, ipsam astutiam spirituum immundorum habitantium in cælo aereo, vnde commo-
dius speculentur quæ fiunt ab homi-

Ephes. 6.

minibus in terra. Præterea sunt spiritus isti tartarei potentes viribus, ut si Deus permiserit, possint maxima detrimenta ferè in momento hominibus adferre. Ideo enim Apostolus loco notato vocat eos principes, & potestates, ac mundi rectores. & S. Petrus vocat eos Leones rugientes, & S. Ioannes in Apocalypsi Draconem magnum nominat. Nullæ sunt autem bestię ferociores, & fortiores leone, & Dracone. Deniq. in libro Iob, de diabolo dicitur, *Non est potestas super terram*, *qua comparetur ei, qui factus est, ut nullum timeat.* At quot sunt quæso isti potentissimi, & callidissimi tentatores? plane innumerabiles, plenus enim est aer iste terræ vicinus dæmonibus, sic ut si corpora gererent, solem in meridie obscurarent. Audi S. Hieronymum in commentario ad caput sextum epistolæ ad Ephesios. *Hac, inquit, omnium Doctorem opinio est, quod aer iste, qui caelum,*

Ephes. 6.

1. Petr. 5.

Apoc. 12.

Iob. 42.

332 De gemitu columbæ
lum, & terram medius diuidens,
inane vocatur, plenus fit contra-
rijs fortitudinibus. Atque huic
veterum sentientiæ, Beati Antonij,
quas Athanasius narrat, visiones
mirificè consentiunt. Quæ cum
ita sint, si daretur nobis oculis
corporalibus terrifica illa mon-
stra, pessimè in nos animata con-
spicere, quis nostrum non treme-
ret? non expallescere? non à lu-
dis, & iocis omnino cessaret? quis
non orationi, & lacrymis serio
operam daret? Quid autem si præ-
ter ista monstra, conspiceremus ter-
ram laqueis, vel retibus plenam,
ut eam aliquando sanctus vidit
Antonius: an non cresceret in im-
mensum timor, & tremor? an non
clamores, & planctus in cælum,
ad Deum, qui solus de tantis pe-
riculis nos eruere potest, ex omni
parte conscenderent? Sed non
ideo, quia oculis corporis ista
non videmus, minus vera, aut
minus credibilia sunt.

Sed quoniam de tentationibus
ali-

Lib. II. Cap. XII. 333

aliquid diximus, dicamus iam de instrumentis, id est, de laqueis, quibus nos, quasi feras, aut auculas capiunt, aut certè capere, & illaqueare nos tentant. Tot omnino sunt genera laqueorum, quot sunt in nobis potentiæ sentientes, & intelligentes. Sed numerus laqueorum in particulari, ut supra diximus, est prope infinitus. *Omnes enim creatura, ut loquitur sapiens, facta sunt in* Sap. 14. *tentationem animabus hominum, & in muscipulam pedibus insipientium.* & Ecclesiasticus admonet dicens, *In medio laqueorum ingredieris.* Prima potentia in homine est Intelligentia, quam sequitur voluntas rationalis. Laqueus huius potentiæ, Honor est, neque enim bestia, quæ intelligentia carent, honore tanguntur. Qualis quæso laqueus est honor? & quàm ingens malum est superbia, quæ honorem pro idolo colit? Audi Ecclesiasticum, *Sicut perdix* Eccl. 11. *inducitur in caueam, & ut caprea*
in

334 De gemitu columbæ

*in laqueum , sic & cor superbo-
rum .* & Apostolus in priore ad
Timothæum , sollicitè illum ad-
monet, ne ad Episcopatus hono-
rem promoueat neophitum ,

1. Tim. 3

*ne in superbiam , inquit , elatus in
iudicium , & in laqueum incidat
Diaboli .* Hoc laqueo primus om-
nium captus est Diabolus, & pro-
pterea vt multos habeat penæ suæ
socios, quoscunque potest, eo-
dem ipso laqueo irretire conatur.
Sed quid sapientes faciunt? fugiunt
hunc laqueum, vt verè fugerunt, quā-
tum potuerunt SS. Patres, Ambro-
sius , Augustinus , Chrysostomus,
Gregorius , quibus honor ille non
fuit laqueus, sed crux, quā non am-
biendo, sed obediendo susceperūt.
Insipientes autem. & stulti, quorū
nō est numerus, nō fugiunt laqueum
sed quærunt , & cum competitori-
bus contendunt, quis eorum prior
possit laqueum induere . O cēci-
tas humana, & omni lacryma-
rum fonte plangenda . Vere enim
prælatūra , muscipula est pe dibus

in-

Lib. II. Cap. XII. 335

insipientium, qui cum se ipsi regere nequeant, ad multitudines regendas anhelant, ut cæcus cæcis ducatum præstans, cum ijs in foveam cadat.

Nec minus perniciosus est laqueus, pecunia, quæ avaritiæ fomentum præbet; & ad intelligentiam pertinet non minus, quam honor. bestię siquidem contentæ cibo, & potu, pecunias, & quæ pecunijs emuntur, palatia, agros, vestes, & cætera generis eiusdem omnino contemnunt. porrò pecunias, laqueos esse diaboli, Apostolus confirmat in priorē epistola ad Timotheum, dicens, *Qui volunt diuites fieri, incidunt in tentationem, & in laqueum diaboli*, & eo usque procedere solet amor pecuniæ, ut pecunia pro Deo colatur, vnde ab Apostolo non semel avaritia dicta est, *idolorum servitus*. Hunc porrò laqueum adeo non fugiunt homines, ut diligentissimè illum quærant, & illi feliciores existimentur, qui plu-

1. Tim. 6.

Ephes. 5.
Coloss. 3.

336 De gemitu columbæ
pluribus eiusmodi laqueis circun-
dati sunt. Vtinam persuaderi pos-
set hominibus, qui quæstum ma-
gnum desiderant, id quod Aposto-
lus monet, cum ait, *Est autem*
quæstus magnus pietas cum suffi-
cientia; id est pietas cum opinio-
ne, quod sibi sufficiat id quod
habet, siue multum, siue parum
sit. id enim significat vox græca
αὐταρξεία, qua Beatus Paulus usus
est. Itaque ille valde diues est, &
quæstum magnum fecit, qui pie-
tatem possidet, id est, amorem ve-
rè filialem erga Deum. Qui enim
intelligit, quid sit, filium esse
Dei, Regis Regum omnium, &
filiali dilectione illi adhæret, eius
præcepta adimplet, in illo confi-
dit, in eius voluntate acquiescit:
is quidquid habet, siue multum,
siue parum, sibi sufficere certo
credit, quia non dubitat sibi ab
amantissimo Patre semper tribui,
quod pro tempore sufficit, & sibi
non expedire, ut vel plus, vel mi-
nus habeat. O quæstus verè ma-
gnus

1 Tim. 6.

Lib.II. Cap.XII. 337

gnus, sed paucis notus. quis est enim verè diues, etiam opinione gentilium, nisi qui nihil desiderat? Quis autem nihil desiderat, nisi qui scit se Patrem habere ditissimum, & amantissimum, & qui tribuit quantum satis est, in hoc exilio, & hæreditatem plenam, conseruat pro eo tempore, quo nihil amitti poterit, aut corrumpi: & pro eo loco, *quo fur non appropriat, neque tinea corrumpit?* Sed pergamus ad laqueos, qui supersunt, explicandos. Tertius laqueus est delectatio vehemens carnalium voluptatum, per imaginationem apprehensa. Diabolus enim hoc laqueo capere nititur illos etiam, qui procul à mundo dissiati in desertis locis habitant, vbi nullos homines cernunt, neque delicias, aut oblectamenta vlla experiuntur. Et tamen tanta arte diabolus ista representare nouit, vt pulchriora, & dulciora appareant, quàm re vera sint, & sæpe magis moueant imagines il-

338 De gemitu columbæ

læ rerum, quàm res ipse mouerent
 si coram adessent: res enim quan-
 tumuis pulchræ, & suauēs, semper
 admistam habent aliquam fedita-
 tem, vel amaritudinem: sed ima-
 gines artificio diaboli imagina-
 tioni oblatae, nihil fœdum, nihil in
 suaue præferunt, sed totæ iucun-
 dæ imaginationi obijciuntur. Vn-
 de mirum non est, si appétitionem
 vehementissimè afficiunt. Hoc ge-
 nus laquei adhibuit tentator sem-
 per ad viros fortissimos capien-
 dos: qui nec laqueo honoris, nec
 retibus pecuniarum capi potue-
 runt: hunc laqueum Apostolo Pau-
 lo, posteaquàm is raptus fuerat in
 tertium cælum, tetendit Satanæ,
 Deo permittente ad eius conser-
 uandam humilitatem: sic enim,
 2. Cor. 12 ipse loquitur, *Et ne magnitudo
 reuelationum extollat me, datus
 est mihi stimulus carnis meæ Angelus satanæ, qui me colaphizet:
 propter quod ter Dominum roga-
 ui, ut auferretur à me. Hunc la-
 queum tetendit Antonio magno,*
 & pro-

& probatissimo omnium monachorum, de quo sic loquitur sanctus Athanasius in eius vita, *Posteaquam diabolus orationibus Antonij ad Deum per passionis fidem se intellexit elidi, consueta aduersus omnes adolescentes arma arripens, nocturnis eum inquietabat illecebris. Nam & ille cogitationes sordidas conabatur inferere, & hic eas oratu submouebat assiduo; ille titillabat sensus naturalis carnis ardore: hic fide, vigilijs & ieiunijs corpus omne vallabat. Ille per noctem in pulchra mulieris vertebatur ornatum, nulla omit- tens figmenta lasciuia: hic vlti- ces gehenna flammam, & dolorem vermium recordans, ingesta sibi libidini opponebat. Eundem, hunc laqueum sancto tetendit Hilarioni, de quo sic scribit sanctus Hieronymus in eius vita. Titilla- bat sensus eius, & pubescenti cor- pori solita voluptatem incendia suggerebat. Cogebatur Tyruncu- lus Christi cogitare, quod nescie-*

340 De gemitu columbæ
bat, & eius rei animo pompam vol-
uere, cuius experimenta non no-
uerat. Iratus itaque sibi, & pe-
ctus pugnīs verberans, quasi cogi-
tationes eade manus posset exclu-
dere: Ego, inquit, aselle, faciam,
ut non calcitres: nec te bordeo alam,
sed paleis, fame te conficiam, & si-
ti: graui onerabo pondere, per-
estus indagabo, & frigora, ut ci-
bum potius, quàm lasciuiam cogi-
tes. Hæc sanctus Hieronymus, cui
quoque diabolus non pepercit, sed
laqueum illi tetendit similem illis,
quos Antonio, & Hilarioni teten-
dit: sit enim ipse de se loquitur in
Epistola ad Eustochium de custo-
dia virginitatis, O quoties ego ipse
in eremo constitutus, & in vasta
illa solitudine, quæ exusta solis ar-
doribus horridum monachis præ-
stat habitaculum, putabam me Ro-
manis interesse delicijs. Sedebam
solus, quia amaritudine repletus
eram: horrebant sacco membra
deformia, & squallida cutis situm
æthiopica carnis obduxerat. quoti-
die

die lacryma, quotidie gemitus: & si quando repugnantem somnus imminens oppressisset, nuda humo vix ossa haerentia collidebam. De cibis vero, & potu taceo, cum etiam languentes aqua frigida utantur, & coctum aliquid accepisse luxuria sit. Ille igitur ego, qui ob gebenna metum tali me carcere ipse damnaueram, scorpionum tantum socius, & ferarum, saepe choris intereram puellarum: pallebant ora ieiunijs, & mens desiderijs aestuabat in frigido corpore, & ante hominem suum iam carne praemortua, sola libidinum incendia bulliebant. Itaque omni auxilio destitutus, ad Iesu iacebam pedes, rigabam lacrymis, crine tergebam, & repugnantem carnem hebdomadarum inedia subiugabam. haec ille. Similia possem adferre de sancto Benedicto, qui teste sancto Gregorio, sordidas cogitationes a diabolo immissas, ut eijceret, se ipse nudus in spinis volutauit: nec non de sancto Bernardo, qui teste Vvil-

Libr. 2.
Dial. c. 2

L. 1. c. 3.

342 De gemitu columbæ

lelmo in eius vita, in gelido lacu
 sese immergens, tam diu frigus
 illud tolerauit in corpore, donec
 incendium luxuriæ extinxit in-
 mente. Denique, vt alios omit-
 tam idem referre possem de san-
 Cap. 5. cto Francisco, qui teste sancto Bo-
 nauentura in eius vita, immissam à
 diabolo in mentem suam libidinis
 flammam, primùm crudeli verbe-
 ratione, deinde nudi corporis no-
 cturno tempore, in aceruum niuis
 volutatione compescuit. Atque
 hæc pauca de magnis heroibus re-
 tuli: sed si vellem ex historijs ad-
 ferre numerum eorum, qui hoc
 laqueo capti perierunt, nullus ef-
 set finis. Quis igitur non iure lu-
 geat ærumnas huius exilij, in quo
 à venatoribus infernalibus ita lu-
 dimur, & illudimur, vt neque in
 desertis locis homines sanctissimi
 ab illorum laqueis tuti esse pos-
 sint? sed neque hic est finis laqueo-
 rum imaginationis, & mentis.
 Alios enim diabolus capit; & tor-
 quet miserabilibus angustijs scrupu-
 pu.

Lib. II. Cap. XII. 343

pulorum; alios contra, sic decipit per laxam, & erroneam conscientiam, vt multi antea perueniant ad gehennam, quàm peccata sua cognoscere, & deflere potuerint. Vtrique autem culpa sua miseri sunt: nam priores illi, qui scrupulis agitantur, deberent aliorum consilio acquiescere, præsertim præpositorum, de quibus Dominus ait; *Qui vos audit, me audit*: Luc. 10. & non suo iudicio velle duci, præsertim, cum se in causa propria, bonos iudices, & in morbo proprio bonos medicos esse non posse facile iudicare potuerint; posteriores vero in formanda conscientia, tanquam in re maximi ponderis, vnde mors, & vita dependent, non deberent vel suo, vel hominum quoruncunq; iudicio acquiescere, sed audire viros simul & doctos, & pios, qui veritatem nouerint, & eam aperire non timeant.

Venio ad laqueos sensuum corporalium. Magnus laqueus est for-

344 De gemitu columbæ

mosa mulier ad oculos virorum ;
& formosus vir ad oculos femi-
narum . Audi Ecclesiasticum, vi-
rum sapientissimum, *Lustraui, in-*
quit, vniuersa animo meo, & inue-
ni amariorē morte mulierem,
quæ laqueus venatorum est, & sa-
gitta cor eius : vincula sunt manus
illius : qui placet Deo, effugiet il-
lam; qui autem peccator est, capie-
tur ab illa . Et quod de muliere,
dicitur ad viros, idem dici potest
de viro ad mulieres ; non enim

Gen. 39. minus arctè capta est vxor Puti-
pharis laqueo concupiscentiæ ad

Dan. 13. aspectum sancti Ioseph, quàm se-
nes ad aspectum Susannæ . Sed il-
lud omnino miserabile, & multis
lacrymis dignum est, quòd iste la-
queus non solum non declinatur,
nisi à paucis sapientibus, sed quæ-
ritur diligenter, & sæpe etiam,
multis pecunijs emitur. Quis hanc
cœcitatē, vt par est, deplorabit?

Matth. 5. Christus clamat, & dicit, *Qui vi-*
derit mulierem ad concupiscendū,
iam mœchatus est eam in corde suo,
& rur-

& rursum addit, *Si oculus tuus scandalizat te, erue eum, & proijce abs te: melius est tibi, ut pereat unum membrorum tuorum, quam totum corpus tuum eat in gehennam.* & Christianus vel non credens Christo, vel eius verba contemnens, nulli occurrit venustati, in quam oculos non defigat. Et parum esset, si solum in occurrentes oculos defigeret, nisi etiam, ultro iret, ubi speraret se talem laqueum inuenturum. Sed quis tolerandum putet, quod non desunt, qui in ipsa sacra ade, dum tremenda mysteria celebrantur, vel dum sacra concio habetur ad populum, laqueos oculis quærunt, oculis loquuntur, & iuxta Domini sententiam, oculis, & corde mechantur? Sanctus Ioannes Chryostomus, cum aliquando apud Anthiochiam quosdam de populo inter sacrorum solemnia collocutos inter se, & subrisisse cognouisset, ita excaudit, ut diceret, mirari se, quod fulmine de cælo cadente, omnes,

346 De gemitu columbæ
qui in illa Ecclesia erant, non interijſſent. At ſi fulmine digni ſunt, qui tempore ſacrorum colloquuntur, aut rident; quo ſupplicio digni erunt, qui tempore eodem, oculis, & corde fornicando, vel mœchando templum violant?

Tranſeamus ad laqueum linguæ, quo capiuntur aures. quam
Eccl. vii. iure gloriatur Eccleſiaſticus, liberatum ſe fuiſſe à laqueo linguę iniquæ, teſtes eſſe poſſunt, qui linguas venenatas hæreticorum euaſerunt. Certe de Ario teſtatur S.
Epiphanius, eum tam dulcis eloqui j fuiſſe, vt breui multos præbyteros, & Episcopos, ſeptingentas virgines ſacras, & omnis generis homines loquendo peruerterit. De Fauſto Manicheo ſcribit
L. 5. con- Sanctus Auguſtinus, eum fuiſſe
feſſ. c. 3. magnum laqueum diaboli, & multos ab eo fuiſſe per illecebram ſuauiloquentiæ. Quod idem nos dicere poſſumus de noſtri temporis hæreſiarchis, ac præfertim multorum hæreſiarcharum parente
Mar-

Lib. II. Cap. XII. 347

Martino Luthero, qui lingua sua germanica eloquentissimus erat. Quid dicam de lingua detrahentium proximis suis? de lingua blandiloqua, & adulatrice? de lingua mendaci? de lingua contumeliosa? certè tam multa peccata, oriuntur ex verbis malè prolatis, vt Sanctus Iacobus linguam ap- Iac. 3. pellauerit, vniuersitatem iniquitatis, inquietum malum, plenam veneno mortifero, & quam nullus homo domare potest.

Porro laqueus sensus olfaciendi sunt odores, quibus delicati homines ita capiuntur, vt multas pecunias infumant in vnguenta pretiosa, & aquas odoratas, quibus chirothecæ, vestes, & domus tota suauiter oleat. Sed quorsum isti sumptus in re tenuissima? quid enim est aliud odor, nisi fumus, aut exhalatio, quæ nihil habet solidi, & continuò euanescit?

Laqueus multo periculosior sūt cibi sapidi, & vina pretiosa, quibus capitur gula, & vnde existunt cra-

348 De gemitu columbæ

pulæ, & ebrietates, quæ simul, & corpori, & animæ nocent, & rem familiarem exhauriūt, clamat Ma-

LUC. 21. gister noster, & Dominus, *Attende vobis, ne grauentur corda vestra crapula, & ebrietate.* & non dicit corpora vëstra, aut stomachus vester, aut venter vester, sed corda vestra. quia tametsi crapula, & ebrietas non parum, corporis bonæ valetudini noceat, tamen facilè per inediam, & abstinentiam vini remediū corpori adferri potest. Sed crapula, & ebrietas grauant cor, id est, mentem, eamque deprimunt ad sola terrena cogitāda, vt nimis difficile sit mentē attollere ad ea procurāda, quæ necessaria sunt ad salutem. Pulcherrima similitudo est apud Sa

PROV. 23. lomonē in Prouerbijs; scribit enim Salomon, hominē addictū comestationi, & ebrietati similē esse Nauclero, qui in medio mari dormiens amissō clauo, latus, & de vino reptendo somniās finit nauem à ventis deferri ad manifestū naufragium.

Et

Lib. II. Cap. XII. 349

*Et eris, inquit, sicut dormiens in medio mari, quasi sopitus gubernator amisso clauo. & dices, vulnerauerunt me, & non dolui, traxerunt me, & ego non sensi. Quando euigilabo, & rursus vina reperi-
 am? hæc est vera descriptio ingentium malorum, quæ superueniunt ijs, qui delectantur crapula & ebrietate. Obscuratur eorum iudicium, sopitur quodammodo mens, vt vulneretur anima vlnerē criminis lethalis, & non aduertat; spolietur gratia Dei, & non sentiat; naufragium immineat, per quod omnia bona pereant, & ipse, quasi ludus quidam sit, rideat. Denique morti propinquus sit, & ad gehennam festinet, & ipse de solo vino cogitans dicat, quando euigilabo, & vina reperi-
 am? Sed ò tu miser, & miserabilis, non vina reperies, sed penuriam talem omnium bonorum, vt cum Epulone guttam aquæ desideres, & non obtineas. Hic igitur finis est eorum, qui laqueo gu-
 læ*

350 De gemitu columbæ

læ se capi fiunt; & quorum Deus venter est. Et tamen tam stulti sunt plerique hominum, vt non expectent venatores, qui laqueum iniiciant, sed ipsi præueniant venatorem diabolum, & per se currant ad laqueum, eumque libentissime, quasi torquem aureum sibi circumdant.

Restat postremus laqueus, sed omnium funestissimus, qui ad sensum tangendi pertinet, & carnalis voluptas dici potest. Iam supra ex Ecclesiastico didicimus, Mulierem laqueum esse venantium, & vel solo aspectu ligare, vnde etiam de Holoferne scriptum est, Iudith. 10 quòd visa Iuditha captus fuerit in oculis suis. Quòd si mulier dum videtur capit, quanto magis capiet, dum tangitur, & dum per complexum fornicarium ita coniungitur, vt fiant duo in carne vna, & iam non sint duo, sed vna caro? Hinc igitur Spiritus sanctus per Apostolum clamat ad homines, 1. Cor. 6. *Fugite fornicationem.* & si for-

Lib. II. Cap. XII. 351

fornicatio fugienda est, quanto magis adulterium, incestus, sacrilegium? Sed, ut de alijs laqueis diximus, sic de isto dicere possumus; quò magis scriptura nos admonet, ut fugiamus, eò magis plerique homines incitantur, ut laqueos quarant, & illis implicentur, & pereant. Certè si hic solus laqueus tenderetur hominibus, digna esset humana miseria fluminibus lacrymarum, nullum enim est malum frequentius, nullum communius, nullum turpius, nullum perniciosius. Dictum est olim à Mose propter hoc malum, *Omnis caro corruptit viam suam*. & quod videns Deus, terram esse corruptam, dixit, *Panitet me fecisse hominem*; diuino horribili inundante deleuit genus humanum, & terram quodammodo lauit. Hoc tam magnum argumentum iræ Dei in peccata ista carnalia, & plusquam brutalia, non deberet omnes torrere? non deberet cogere ad castitatem, saltem

Gen. 6.

352 De gemitu columbæ

tem conjugalem ? Et si pagani, qui Christum non nouerunt, corruptur in carnalibus istis flagitijs, & sceleribus : an non saltem christiani, qui Christum virginem, & Virginis filium, & puritatis amatorem ardentissimum colunt ; deberent luxurię factores auersari, & fugere ? Et si Doctor gentium iubet, vt eiusmodi flagitia nec nominentur in nobis ; vnde fit, vt tam multi non solum de mundo, sed etiam ex ijs, qui continentię voto se obstrinxerunt, ab ista turpitudine non abhorreant ? Veniet veniet diluuium, non aquæ, sed ignis, & purgabit orbem terrarum, & omnes immundi, qui baptismo lacrymarum purgati non fuerint, erunt, vt Isaias loquitur, in combustionem, & cibus ignis : & ignis, vt idem ipse scribit, qui non extinguitur, & in æternum non extinguetur.

Isa. 9.

Isa. 66.



DE

DE GEMITV

COLVMBÆ,

siue

De bono lacrymarum.

LIBER TERTIVS.



*De primo fructu lacrymarum,
qui est spes certa remissio-
nis peccatorum.*

CAPVT I.



APERVIMVS aspi-
rante Deo fontes
lacrymarum duo-
decim : nunc ex
ijs fontibus riuos
deducere ad arco-
las aromatum propositum nobis
est, vt indè colligamus flores, vel
fru.

354 De gemitu columbæ
fructus variorum spiritualium
donorum. Erunt autem fru-
ctus duodecim, iuxta numerum
fontium. & fortasse isti sunt
fructus duodecim, qui nascun-
tur ex ligno vitæ, irrigato cæ-
lesti flumine, ut legimus in

Apoc. 22

Apocalypsi Sancti Ioannis: verè
enim cæleste flumen dici potest,
flumen lacrymarum, quæ à Spi-
ritu sancto originem ducunt.

Principio igitur lacrymæ pœni-
tentiae, quæ deriuantur ex fonte
côsiderationis magnitudinis pec-
catorum: producant spem certam
indulgentiæ, & reconciliationis
cum Deo, ex qua oritur in animo
pœnitentis exultatio, & lætitia
incomparabilis. Quamvis enim
vera contritio cordis & sincera
confessio cum proposito satisfaci-
endi, & absolutio Sacerdotis in-
dulgentiam à Deo obtineant, &
peccata deleant: tamen spes quæ-
dam viua de remissione peccati,
& quasi pignus reconciliationis
lacrymis debetur. Sic enim lo-
quitur

Lib.III. Cap. I. 355

quitur Dauid in psalmo sexto, *Laboravi in gemitu meo, lauabo per singulas noctes lectum meum, lacrymis meis stratum meum rigabo.* & postea subiungit, *Discedite a me omnes qui operamini iniquitatem, quoniam exaudiuit Dominus vocem fletus mei.* Vbi vides, exauditam fuisse vocem fletus magis, quam vocem verborum. efficacius enim loquuntur in auribus Dei lacrymæ, quam verba. Idem colligitur ex lacrymis sanctæ Mariæ Magdalenæ. illa enim non verbis, sed lacrymis dolorem de peccatis conceptum ostendit: lacrymis, non verbis cōfessa est peccata sua: lacrymis, non ieiunio, aut oratione, aut eleēmosynis satisfecit. Et tamen audiuit, *Remittuntur tibi peccata tua.* & Luc. 7. *Quia dilexit multum, remittuntur ei peccata multa.* dilectionem autem multam lacrymæ testabantur: quia enim multum detestabatur peccata, quod lacrymæ demonstrabant, signum euidens erat,

356 De gemitu columbæ

erat, ab ea multum diligi Christum, qui venerat tollere peccata mundi, & destruere opera Diaboli, quæ sunt peccata. Hanc vim esse lacrymarum, ut peccata lauent, testatur S. Ioannes Chrysostomus, ut alios patres omittam, in homilia sexta in Matthæum, ubi scribit, lacrymas soluere sententiam Iudicis æterni in peccatores prolatam; lacrymas unire animam cum Deo, à quo per peccatum fuerat separata: lacrymas tranquillare animam, quæ ob remorsum conscientie conturbata erat. Idem Chrysostomus concione prima de Lazaro, & homilia quinta de pœnitentia, scribit, tantam esse vim lacrymarum hominis pœnitentis, ut extinguat ignem gehennæ. Idem denique homilia secunda in psalmum quinquagesimum, vocat lacrymam, spongiam peccatorum, & martyrio similem: quia sicut Martyr fundit sanguinem, sic pœnitens fundit lacrymas. Cui similitudini adiungere possu-

1. Io. 1.

1. Io. 3.

Lib. III. Cap. I. 357

possumus, quòd sicut Martyr scinditur, & laceratur in corpore, sic verus pœnitens scindit ipse cor suum, & conterit, iuxta præceptum Domini, *Scindite corda vestra*; & iuxta testimonium Prophetæ, *Cor contritum, & humiliatum Deus non despiciet*. Præterea sicut Martyr offert Domino sacrificium gratissimum mortis suæ in testimonium fidei; sic & verus pœnitens offert sacrificium acceptabile Domino spiritus contritali, & cordis contriti, in testimonium odij erga peccatum, & charitatis erga Deum. Denique sicut Martyr sine purgatorio recta volat ad cælum: sic & verus pœnitens aliquando ex perfecta detestatione peccati, & perfecta, atque ardenti charitate in Deum fundens lacrymas copiosas, indulgentiam percipit plenissimam peccatorum, non solum quo ad remissionem culpæ, sed etiam quo ad condonationem pœnæ. Habemus huius rei exemplum insigne
in

Ioel. 2.

Psal. 50

358 De gemitu columbæ

in historia de vita S. Catharinæ
Senensis; quam vir grauissimus
Raymundus Capuanus, eiusdem
S. Virginis confessorius, literis
mandauit. &, quod rem fide di-
gnissimam esse testatur, exem-
plum ipsum in personam eiusdem
Raymundi contigit. Igitur præ-
dictus Raymundus aliquando à S.
virgine Catharina petijt, vt pre-
cibus suis à communi Domino im-
petraret Bullam. (sic enim loqui
illi placuit) plenariæ indulgentiæ,
per quam ipse Raymundus certior
redderetur, sibi peccata omnia
fuisse dimissa. S. Virgo Cathari-
na pollicita est, se bullam eiusmodi
à Domino postulaturam. Se-
quenti die, præmissa oratione ad
Deum pro bulla impetranda Ray-
mundum adiuit Beata Catharina;
& dum loqueretur de ingratitude
hominum erga Deum, tactus
Raymundus Spiritu sancto, intueri
sibi visus est peccatorum suorum
multitudinem, & magnitudinem
tam perspicuè, vt continuo ex
ama-

Lib. III. Cap. I. 359

amarissima contritione tantam vim lacrymarum effuderit, & in singultus, & rugitus tales proruperit, vt periculum fuerit, ne peccatus, & cor eius disrumperetur. Tùm Virgo, *hec*, inquit, *est bulla indulgentiæ, quam tibi Dominus misit: esto igitur gratus gratiæ Dei.* Sic illa recessit, & ille mirum in modum latus cum Propheta Regio dicere potuit, *Auditui meo dabis gaudium, & letitiam, & exultabunt ossa humiliata.* Hæc est potentia lacrymarum sanctorum ex vera cordis contritione manantium, vt serenet, & tranquillet animas peccatorum post diuturnum horrorem, & pauperem; plane ad eum modum, quo post procellas ventorum, & densarum nubium obscuritatem, descendens pluuia copiosa, aerẽ serenum, & purum relinquit. Porro causa huius rei illa esse videtur, quia per lacrymarum compunctionem Spiritus sanctus testimonium reddit spiritui nostro, quod filij Dei sumus,

360 De gemitu columbæ

Rom. 8.

Coloss. 3.

Luc. 15.

mus, quippe quibus iam peccata seriò displicent, & pax Dei exultat in cordibus nostris, accepto videlicet à Patre cælesti osculo pacis, & stola prima, & annulo perfectæ reconciliationis.

L. 9 conf.
fess. c. 1.

O si gustare possent homines peccatores, quàm dulcis, & quàm suavis sit reconciliatio cum Deo, intelligerent profecto, nullam esse carnalem suauitatem cum ista suauitate comparandam: & cum sancto Augustino clamarent, *O quàm suaue mihi subito factum est, carere suauitatibus nugarum; & quas amittere metus fuerat, iam dimittere gaudium erat: eijciebas enim eas a me tu, vera, & summa suauitas, & intrabas pro eis omni voluptate dulcior, omni luce clarior, omni honore sublimior.* Hæc S. Augustinus dicebat, cum amarissima contritione, & magno imbrey lacrymarum peccata sua fleuisset. Sed multo ante Propheta Dauid, memor iustificationis, & reconciliationis, quàm laborando in gemitu

tu suo, & stratum suum nocturnis lacrymis rigando acquisierat, exultabat, & animum suum ad agendas gratias excitabat cantans, & dicens, *Benedic anima mea Domino, & omnia, quæ intra me sunt, nomini sancto eius. Benedic anima mea Domino, & noli obliuisci omnes retributiones eius.* Et quæ sunt retributiones eius nisi quia retribuit bona pro malis? *Qui propitiatur, inquit, omnibus iniquitatibus tuis, qui sanat omnes infirmitates tuas. Qui redimit de interitu vitam tuam, qui coronat te in misericordia, & miserationibus. Qui replet in bonis desiderium tuum: renouabitur, ut Aquila iuuentus tua.* En quanta seges gaudiorum ex amaro fonte lacrymarum profluxit. Deus propitius factus est omnibus iniquitatibus, eas remittens, & condonans; sanauit omnes infirmitates, morbos omnium vitiorum curans; redemit de interitu animam, gratiam iustificantem, & viuifican-

Pf. 102.

Q

tem

362 De gemitu columbæ

1. Cor. 15

tem infundens; coronauit in misericordia, & miserationibus, in spe videlicet, corona gloriæ vndique circumdedit; renouabit iuuentutem tuam in die nouissimo, quando corpus tuum seminatū in infirmitate, surget in gloria, instar Aquilæ, quæ senio confecta ad iuuentutem renouatur. His duobus testibus addam & tertium, ne femina præteriri videantur. Sancta Maria Ægyptiaca, cuius vitam scripsit Sophronius Episcopus Hierosolymæ, & interpretatus est Paulus Diaconus; mulier fuit super omnes mulieres impudicissima, quippe quæ non quærebat mercedem, vt aliæ meretrices. sed ipsa mercedes dabat, vt satiare aliquando libidinem suam insatiabilem posset. Denique horror est legere, in quàm profunda abyssus turpitudinum, & scelerum omnis generis misera iaceret: cum autem ad se reuersa de profundo illo miseriarum emerisset, abiit in solitudinem, in qua per annos
qua-

Lib. III. Cap. I. 363

quadraginta septem hominem, non vidit, atque ad eam vitæ sanctissimæ perfectionem eminentissimam, solo spiritu sancto duce, per intercessionem Beatissimæ Virginis Matris Dei Mariæ peruenit, ut iam non mulier, sed terrestris Angelus videretur. Hæc autem omnia solo pretio lacrymarum, sibi comparauit. Initium conuersionis à flumine lacrymarum cœpit: deinde omnes tentationes, quas permultas, & horribiles in solitudine patiebatur, sola oratione cum profluuiio lacrymarum exstinguebat. Quantas autem à Deo consolationes acceperit, quæ facile vincerent præteritas voluptates; argumento est, quòd sola tam longo tempore in horrida solitudine perdurare potuerit: & quidem nemine cogente, sed ipsa sponte sua vitam illam durissimā, & supra modum asperam eligente, vbi nihil ad cibum habebat, nisi herbas terræ: vbi toto corpore nuda, solis ardoribus vrebatur

364 De gemitu columbæ

æstate, & glacie, ac niue vrebatur in hyeme : vbi neminem comitem habuit, præter dæmones, & feras : vbi sine lecto, sine tecto omnibus aeris iniurijs semper patebat. Hi ergo testes omni exceptione maiores persuadere facile possent omnibus hominibus, vt securi peccata sua lacrymis compunctionis lauare studerent ; quia sine dubitatione vlla omnis mœror in lætitiā, & omnis fletus in risum iucundissimum conuertetur ; in hac etiam vita, & exilio filiorum Adam : nam in patria cælesti, *absterget Deus omnem lacrymam ab oculis sanctorum.*

Apoc. 21

De secundo fructu lacrymarum, qui est timor gehennæ.

C A P V T II.

SECVNDVS fructus oritur ex consideratione pœnarum gehennæ.

Lib. III. Cap. II. 365

hennæ, qui erat secundus fons lacrymarum: producit enim illa consideratio, quando seria, & profunda est, & lacrymis calentibus irrigata, timorem Domini, qui vnus est ex septem pretiosissimis Spiritus sancti donis. Et quidem quòd gehennæ consideratio timorem sanctum producat, res est per se nota, & à nobis in secundo libro, capite secundo, ex testimonio scripturarum, ex sanctorum Patrum, satis apertè demonstrata, quibus testimonijs addere placet hoc loco testimonia quatuor Ecclesiæ Doctorum primariorum. Sanctus Ambrosius sermone vicesimoprimo in Psalmum centesimumdecimumoctauum, scribit, Martyres, inter duos timores constitutos, alterum carnificum, alterum gehennæ, contempsisse timorem carnificum ob timorem gehennæ. Sanctus Hieronymus in Epistola ad Eustochium de custodia virginitatis, scribit ipse de se, *Ego ob gehennæ metum carcere isto*, id est,

366 De gemitu columbæ
horribilis deserti, *me ipse damna-
ui*. Sanctus Augustinus in libro
de gratia, & libero arbitrio capite
octauodecimo; & sanctus Grego-
rius libro secundo homilia deci-
manona in Ezechielem, non dubi-
tant affirmare timorem æternæ
pœnæ, vnum esse ex septem Spiri-
tus sancti donis.

His igitur præmissis, hoc loco
duo solum explicanda sunt; quis
sit ille timor, quem producit ge-
hennæ consideratio; quæ, &
quanta sit huius timoris utilitas.
Quod ad primum attinet, quinque
timores distinguuntur à Theologis,
naturalis, humanus, seruilis, filia-
lis, initialis. Naturalis timor est
communis hominibus cum bestiis,
& neque bonus, neque malus est
moraliter, sed naturaliter bonus
est, atque à Deo insitus naturæ ad
mala, & noxia fugienda. Huma-
nus timor, qui & mundanus dici
solet, is est, quo magis timent ho-
mines malum pœnæ, quàm culpæ:
vel detrimentum temporale, &
cor-

corporale, quàm detrimentum spirituale, & æternum, atque hic timor malus est, vtpotè inordinatus, & noxius; & radix malorum plurimorum. Timor servilis est, qui timet pœnam, & præcipuè sempiternam; & ideo retrahit à peccato: sed si pœnæ periculum non adesset, facillè peccatum committeret: hic timor bonus est, & à Deo, quamvis in peccatore cum mala voluntate coniunctus inveniatur, videlicet peccandi, si posset impunè: siquidem timor iste non est causa, neque effectus malæ voluntatis, imo eam comprimit, & coercet, saltem quo ad actum exteriorum, & disponit ad pietatem, & perfectam conversionem, ac de eo scriptum est, *Initium sapientia timor Domini*. Quartus est timor filialis, castus, & reverentialis, qui optimus est, & magnum donum Spiritus sancti: hoc enim timore culpam timemus patrare, & parati sumus quidlibet pati potius, quàm ut Deum offendamus

Psal. 110

368 De gemitu columbæ
 damus, imo etiam non offendere-
 mus, nec peccaremus etiam si id fa-
 cere possemus impunè. Dicitur au-
 tem hic timor filialis, quia est pro-
 prius filiorum; & castus, quia est
 sponsæ, non adulteræ; & reueren-
 tialis, quia est amici inferioris, qui
 libenter colit, & reueretur superio-
 rem, quæ tria nomina in eandem per-
 sonam cadere possunt: sumus enim
 filij Dei, quia per spiritum adoptio-
 nis hæredes facti sumus: & animæ
 nostræ sponsæ Christi sunt, iuxta il-
 lud Apostoli, *Despōdi vos vni viro*
virginem castam exhibere Christo:
 & amici sumus eiusdem Christi, qui
 ait, *Iam non dicam vos seruos, sed*
amicos. Itaque timor iste filialis,
 & castus non præuenit pietatem,
 vt timor seruilis, sed comitatur, &
 cum ea coniungitur, vt frater ger-
 manus, natus ex eadem matre cha-
 ritate, quæ causa est, vt in scriptu-
 ris sanctis sæpe pro eadem re ac-
 cipiantur timor, & pietas, vt in
 Psalmo illo, *Beatus vir, qui timet*
Dominum, in mandatis eius volē
ni-

2. Cor. 11

Io. 15.

Psal. 111

nimis. & apud Isaiam, vbi ponuntur septem dona Spiritus sancti, non sunt in hebræo codice nisi nomina sex, sed vltimum nomen, videlicet, pietas, bis repetitur. Sed noster interpres, vt ostenderet illo vno nomine res duas significari, sextum donum vocauit, pietatem, septimum appellauit, timorem. Quintus timor dicitur initialis, qui mixtus est ex duobus præcedentibus: nam qui hunc timorem habet, timet culpam, & penam, sed magis culpam, quam penam. Dicitur autem initialis, quia, qui hoc timore præditus est, inchoauit perfectionem charitatis, & pietatis, sed nondum peruenit ad illum altissimum perfectionis gradum, qui foras mittit omnem timorem penæ, de qua perfectione loquitur sanctus Ioannes in epistola prima, cum ait, *Qui timet, non est perfectus in charitate*. nam perfecta charitas foras mittit timorem. perfecta enim charitas ita fertur in Deum, vt

Isa. I.

1. Io. 4.

Q 5 obli.

370 De gemitu columbæ

obliuiscatur proprij commodi, & tantam confidentiam apud Deum acquirat, vt iam nihil timeat, nisi offensionem Dei. Hæc tam alta perfectio fuit in Virgine Deipara, in sancto Ioanne Baptista, in Apostolis Domini, & in aliquibus alijs magnis amicis Dei: sed vt plurimum iusti, ac pij homines non caruerunt timore gehennæ, vt perspicuum est ex ijs, quæ supra attulimus ex sanctis Patribus Basilio, Ambrosio, Hieronymo, Augustino, Gregorio, & Bernardo; imo etiam ex Dauid, qui de se ait, *a iudicijs tuis timui.* & ex Iob, qui clamabat, *Quid faciam, cum surrexerit ad iudicandum Deus.* Denique si Dominus ipse futuris Martyribus consilium dabat, vt gehennam timerent, dicens, *Timete eum, qui potest corpus, & animam perdere in gehennam:* quis nostrum dicere audebit, sibi non esse opus timere sempiterna supplicia. Iam igitur, vt ad rem nostram veniamus, cum quæritur quis

Psal. 118

Iob. 31.

Matt. 12

quis ille timor fit, quem producit gemitus, & fletus exortus ex attentissima consideratione suppliciorum gehennæ; facile est respondere, esse timorem seruilem, & timorem initialem, quorum vterque bonus est.

Sequitur nunc, ut explicemus utilitatem huius timoris, qui ex consideratione pœnarum gehennæ oritur, quæ sunt omnino quatuor. Prima utilitas est; quod timor etiam seruilis, qui est infimus inter timores bonos, sit initium sapientiæ; quæ certè magna utilitas est, & si pecunijs emi posset, expediret omnia vendere, & timorem hunc emere, qui ad rem pretiosissimam viam aperit. Et quidem quod timor Domini sit initium sapientiæ, scripsit David in psalmis: scripsit Salomôn eius filius in prouerbijs: scripsit Ecclesiasticus ad initium libri sui. Dicitur autem timor Domini esse initium sapientiæ, quia tunc homo incipit sapere, & re vera uti iudi-

psal. 10.
Prou. 1.
Eccl. 1.

372 De gemitu columbæ

cio rationis, & bene, ac sapienter intelligendo discurrere, quando incipit magnificare res verè magnas, & parui facere res vere paruas. Et quæ sunt res verè magnæ, nisi res æternæ, beatitudo, & gehenna? quæ vere parvæ, nisi res temporales, diuitiæ, voluptates carnis, honores mundi? Audi sapientem, *Cor sapientis*, inquit, *in dextera eius, cor stulti in sinistra illius*. qui habent cor ad æterna, quæ est pars dextera, in qua erunt oves in die Iudicij, illi sapiunt: qui habent cor ad temporalia, quæ est pars sinistra, in qua erunt hædi, illi stultissimi sunt. quia cor ipsorum est immortale, & tamen adhæret rebus perituris, quæ quando minimè cogitat ipsum deferunt. An non stultissimus ab omnibus iudicaretur, qui facturus iter per integrum annum in locis desertis, vel in mari, magno sumptu emeret cibos, qui statim corrumpuntur, vt carnes recentes, vel poma? ita omnino, etiam si

Eccl. 10.

sa-

Lib. III. Cap. II. 373

sapiens videri posset ijs, qui nesciunt, in quem vsum illa parata sint. nam si saperet, pararet magnam copiam panis biscocti, & carnis salitæ, & res alias, quæ diu durent. O stultitiam hominum, qui vivere habent in æterna sæcula, & vivere in ijs locis, vbi durare non possunt diuitiæ pecuniarum, sed solæ diuitiæ meritorum: & tamen ita cæci sunt, vt solum procurent diuitias pecuniarum, quas secum ferre non possunt, & quas hic etiam fures effodiunt, & furantur: & de diuitijs meritorum nihil solliciti sunt, quasi cum corpore extinguatur etiam animus. Et sicut de quibusdam Apostolus queritur, quòd dicant, se nosse Deum, factis autem negent: sic nos de istis queri possumus, quod dicant se nosse animi immortalitatem, factis autem negent. Magna est igitur vtilitas timoris, etiam seruilis, quia transfert cor humanum à parte sinistra ad dexteram, & sanat morbum stultitiæ, qui incur-

Tim. 1.
ra-

374 De gemitu columbæ

rabilis videri solet ; & denique
disponit ad iustificationem , di-

Ecc1.1.

cente Ecclesiastico ; *Timor Domini expellit peccatum : nam qui sine timore est non poterit iustificari .*

Quo modo autem timor gehennæ disponat ad iustificationem , & introducat charitatem ; docet sanctus Augustinus tractatu nono in epistolam S. Ioannis per similitudinem setæ , & lini , siuè aciculæ , & fili . quando enim consuitur vestis , prius intrat acus , quam filum , nec posset filum intrare , nisi acus perforando pannum , viam aperiret filo : sed acus non intrat , ut maneat ; nisi enim exiret , non esset qua intraret filum . Sic igitur charitas , iustitia , pietas , res tenues , & suaues , non penetrant cor durum , & assuetum amoribus carnalium , nisi præcedat timor pænæ , quæ instar acus pungit , & penetrat , & viam aperit charitati , & postea exit , quia perfecta charitas foras mittit timorem . Neque solum timor gehennæ

Lib. III. Cap. II. 375

hennæ pungit instar aciculæ : sed etiam terret, & prostermit instar fulguris, & tonitruï. Ludunt aliquando homines in plateis, & securi sedent, vel etiam dormiunt; existit repente fulgur de cælo, & sequitur tonitruum cum fulmine : continuo excitantur, ad se redeunt, signant se signo crucis, implorant auxilium Dei. Sic omnino cum aliqui dormiunt in peccatis, vel etiam ludunt, & contemnunt iram Dei, inebriati præsentibus voluptatibus: fulgurat Deus ex magna misericordia sua in corde peccatoris, & in eo lumine ostendit illi periculum mortis æternæ : & simul quasi tonitru, timore concutit animum eius, vt fugere statuat à ventura ira, & corde contrito ad Deum reuerti. Sic igitur initium sapientiæ est timor Domini.

Altera utilitas timoris est, quòd non solum pellit peccatum iam perpetratum, & præparat ad iustificationem, sed etiam defendit à pe-

376 De gemitu columbæ

à periculo peccandi, & conseruat gratiam acquisitam. Explicant SS. Patres hanc vtilitatem varijs similitudinibus. S. Basilius oratione in primum caput libri pro- uerbiorum, comparat timorem Domini acutis clauis, qui retinent hominem cruci affixum, ne se commouere possit: quia videlicet motu corporis exasperantur vul- nera, & dolor crescit. Sic igitur & is, qui confixus est clauis timo- ris iudiciorum Dei, & tormento- rum gehennæ, non audet exten- dere manus ad opera mala, ac ne ipsum quidem oculum ad viden- dum, vel aures ad audiendum, vel cor ad cogitandum. hinc Da- uid dicebat, *Cōfige timore tuo car- nes meas: à iudicijs enim tuis timui.* Statim enim ac tentatio ad pec- candum exurgit, exurgit etiam ti- mor, ac pungit memoriam, vt recordetur vltrices flammæ, quæ peccatores apud inferos expe- ctant. S. Ioannes Chrysostomus in homilia quintadecima ad popu- lum

Psal. 118

lum Antiochenum, timorem Domini comparat militi armato excubanti ad fores palatij, non sistenti ingredi hostem, aut latronem. Alij comparant sali, quo carnes siccantur ad putredinem impediendam. Denique Spiritus sanctus in scripturis suis tribuit immensas laudes timori, quasi timor omnes virtutes, & ipsam etiam beatitudinem comprehendat. sic enim loquitur Iob, *Ecce* Iob. 28.
timor Domini ipse est sapientia :
 & David, *Beatus vir, qui timet* Psal. 116.
Dominum . & Salomon, *Beatus* Prou. 23.
vir, qui semper est pauidus . &
 Ecclesiasticus; *Plenitudo sapientie timor Domini* . & rursum,
Omnis sapientia timor Domini . & Eccl. 19.
 Isaias, *Timor Domini ipse est thesaurus eius* . Denique volens Spiritus sanctus, in libro Iudith describere S. Iudith, vt feminam Iudith. 8.
 omnium virtutum laudibus ornata, ait; *Erat in omnibus famosissima, quia timebat Dominum* valde . Hæc autem de timore præ-

378 De gemitu columbæ
prædicantur, non quòd ipse re ve-
ra omnem sapientiam, & virtu-
tem, & beatitudinem in sinu suo
complectatur; sed quod sit ini-
tium, & custos sapientiæ, & vir-
tutum, & beatitudinis, & sine il-
lo haberi, & conseruari nequeant:
denique sine illo pereant omnia,
cum illo omnia custodiantur.

Tertia vtilitas timoris, etiamsi
feruilis sit, ea est, quod liberat à
tyrannide timoris humani, siue
mundani. Vere enim vix inuenie-
tur morbus magis generalis, &
minus curabilis, quàm timor hu-
manus. Hic nobiscum nascitur,
nobiscum adolefcit, nobiscum ad
senium vsque perseuerat. Pueri
vix dum rationis vsum adepti di-
scunt mentiri, metu confusionis,
aut ignominia; maiores natu
non solum mentiri, sed & peiera-
re solent, vt existimatione conser-
uent. Assentationes omnes timor
humanus parit, correptionem,
fraternam timor humanus impe-
dit; & cur plurimi non audent
con-

Lib.III. Cap.II. 379

contemnere verba contumeliosa in se prolata, vel non vlciſci iniurias, & non reddere maledictum pro maledicto, & vulnus pro vulnere, niſi ob timorem humanum, ne videlicet exiſtimentur viles, & timidi? Et cur denique multi non ſe continent à ludo, à luxu, à ſumptuoſis conuiuijs, à profuſione pecuniarum, & alijs huiusmodi, niſi ob timorem humanum, ne habeantur auari, vel nimis modeſti, & religioſi, quaſi parſimonia, modeſtia, pietas, vitia ſint, non virtutes? Hunc igitur humanum timorem, tam noxium, & tam generalem timor Dei comprimere ſolet, quomodo ſerpens Moſis deuorauit ſerpentes Magorum Ægypti: timor enim maior vincere ſolet timorem minorem: timor ſuppliciorum æternorum, ſi re vera in corde hominis locum habeat, non ſinit in eodem corde morari timorem amittendæ exiſtimationis humanæ: & timor iudicij diuini, & confuſionis illius

380 De gemitu columbæ

maximæ, quam patientur coram omnibus Angelis, & hominibus peccatores omnes in nouissimo die, facile excludit timorem iudicij humani, neque cogitationem illam admittit, quid sentient, quid loquentur homines, si hoc, vel illud egero, vel omisero? Hæc denique causa est, cur sancti Martyres opprobria, & confusiones læto animo tolerabant, quando implebatur verbum Domini, *Eritis odio omnibus hominibus, & dicent omne malum aduersum vos*; quia videlicet timor gehennæ, & confusionis æternæ, non finebat eos attendere ad confusionem momentaneam, & leuem.

Matt 10.
Matt. 5.

Quarta eaque postrema vtilitas timoris Domini est, quòd cum fragilitas humana in omni loco, & tempore nos procliues reddat ad mala perpetranda, & bona prætermittenda, præsertim dum sumus in hac valle lacrymarum, obsessi undique hostibus, & in medio periculorum: timor Domini, si verè

cor

Lib. III. Cap. II. 381

cor nostrum possideat, erit frē-
num in malis & calcar ad bona.
& ideo nos hortatur sapiens, &
dicit, *Beatus homo, qui semper est*
pavidus, id est, qui in omni loco,
in omni tempore, in omni verbo,
in omni cogitatione, in omni ope-
re, timet, & cauet offensionem.
quę etiam causa est cur apud Isaiā,
de alijs donis dicatur, *Requiescet*
super eum spiritus Domini. de ti-
more autem, *Replebit eum spiri-*
tus timoris Domini. Quę verba,
quatenus ad Christum pertinent,
non habent locum. quod nos dici-
mus de timore initiali, vel seruili,
qui in Christo locum non habue-
runt: sed quatenus de Christi cor-
pore, quod est Ecclesia, exponun-
tur à sancto Bernardo in sermoni-
bus super Cantica, in multis Ec-
clesiæ membris locum habent.
Oportet enim, vt membra Christi
infirmas, & peccatis obnoxias, pau-
latim proficiant, in timore Domi-
ni, donec penitus impleantur, ita
vt oculi, aures, lingua, manus, pe-
des,

Isa. 11.

Serm. 54

382 De gemitu columbæ

des, cor, mens, omnes potentia, omnia membra repleantur hoc timore, ut cum sancto Iob dicere

Iob. 9.

possint, *Verebar omnia opera mea.*

Iste enim sic plenus timore Domini, beatus erit, quia semper pauidus erit. Ac ut cum sapientissimo Ecclesiaste hunc locum conclu-

Eccl. 12.

dam, *Finem loquendi pariter om-*

nes audiamus; Deum time, & man-

data eius observa, hoc est enim

omnis homo, Omnis enim homo,

si verè sit homo, & non brutum,

animal, finem suum, & media ad

finem considerabit. Finis est vita

æterna: medium necessarium est

custodia mandatorum, dicente

Matt. 19.

Domino; *Si vis ad vitam ingredi*

serua mandata. Timor Domini

facit impleri mandata, dicente

Psal. 111

Propheta, *Beatus vir, qui timet*

Dominum: in mandatis eius volens

nimis. Igitur ille verè est homo,

Prov. 28.

imo etiam *beatus homo, qui semper*

est pauidus.

*De tertio fructu lacrymarum,
qui est imitatio virtu-
tum Christi.*

C A P. III.

EX arbore sanctæ crucis multi pendent fructus optimi, dulcissimi, saluberrimi : qui tamen non reficiunt, nec nutriunt, si solum conspiciantur, nisi etiam carpantur, & ori admoneantur, & ad stomachum usque demittantur : Quid est fructus sanctæ crucis conspiciere, nisi meditari dominicam passionem, & ex compassione lacrymari ? quid est fructus illos carpere, & comedere, nisi virtutes crucifixi imitari, & ex earum imitatione nutriri ad vitam spiritualem, & crescere, & pinguescere, id est, in virum perfectum euadere, & Christo quàm similitimum fieri ? Ad hanc imitationem hortatur nos Apostolus

Pe-

384 De gemitu columbæ

1. Petr. 2. Petrus cum ait, *Christus passus est pro nobis, vobis relinquens exemplum, ut sequamini vestigia eius.* Ad eandem nos hortatur Coapostolus eius Paulus, dicens, *Hoc sentite in vobis, quod & in Christo Iesu, qui humiliavit semetipsum factus obediens usque ad mortem, mortem autem crucis.* Ad eandem nos hortatur Apostolus Ioannes, verbis illis, *Ille pro nobis animam posuit: & nos debemus pro fratribus animas ponere.* Sed quid opus est testes multiplicare, cum ipse Dominus per se nos omnes hortetur, cum ait, *Discite à me, quia mitis sum, & humilis corde.* & rursus, *Exemplum dedi vobis, ut & vos idem faciatis.* & iterum, *Qui non baiulat crucem suam, & venit post me, non potest meus esse discipulus.* Itaque si volumus, ut contemplatio passionis dominicæ, & fluuius lacrymarum, qui inde tanquam ex fonte procedit, nobis vere profit: opertet ut ad imitationem virtutum, quæ in passione
- ne

ne Domini conspiciuntur, accingamur. Et quæ nam sunt virtutes, quæ in crucifixo Domino potissimum emicuerunt? In superiore libro virtutes illas ostendimus, quæ sunt patientia, charitas, obedientia, & humilitas, quas nobis figura ipsa crucis facile representat, si quis consideret in cruce longitudinem, latitudinē, altitudinem, & profunditatem.

Vt igitur hæ virtutes in nobis nascantur, & illis adultis Dominum imitemur: oportet, vt lacrymæ compassionis, quas fundimus, dum crucifixum Dominum alta contemplatione aspicimus, non in terram cadant, & pereant, sed ad extinguendum ardorem concupiscentiæ, quæ virtutibus illis contraria est, cautè deriuentur. Quo modo autem hoc fieri debeat, vnctio Spiritus sancti docebit eos, qui salutis suæ serio consulunt. Vos, inquit sanctus Ioannes, *unctionem habetis à sancto*, ^{1. Io. 3.} & *noſtis omnia*. & infra, *Non*

R ne-

386 De gemitu columbæ

neceſſe habetis, ut aliquis doceat vos: ſed ſicut unctio docet vos de omnibus, manete in eo. Ego tamen pauca per modum exempli pro incipientibus hîc addam. Conſidero Mundi Dominum crucifixum, & quaſi præſens præſentem aſpicio, nudum, algentem, eſurientem, ſitientem. Video caput ſpinis coronatum, vultum ſputis oblitum, manus, & pedes ſanguinis riuos fundentes; cerno corpus totum à planta pedis uſque ad verticem capitis plagis coopertum. Attendo quid ipſe interim agat, an iraſcatur perſecutoribus, an mala illis imprecetur; an impatienter ſaltem tanta tormenta ſuſtineat. Audio orantem Deum, patrem pro crucifixoribus, conſolantem Matrem, & Discipulum, quem diligebat, promittentem paradifi confortium latroni ſecum pendenti. Nullum impatientiæ ſignum animaduerto, nullam de hoſtibus, & perſecutoribus querelam, nullas minas audio. Itaque

con-

Lib. III. Cap. III. 387

condolens doloribus, & patientiam admirans lacrymas fundo, & quæro ab ipso, vnde tanta in innocentissimum supplicia: & an inuitus, an volens ista patiat? audio respondentem, *Ego oblatus sum, quia ipse volui: nemo tollit animam meam a me, sed ego pono eam.* Itaque non inuitus, sed volens ista perfero. Et quæ causa fuit, vt innocentissimum corpus tuum tantis, & tam multis, & tam horrendis doloribus torquendum permitteres? charitas hoc fecit, vt te à gehennæ incendijs eriperem: & simul patientiam, & charitatem, humilitatem, & obedientiam te docerem, quæ sunt veræ semitæ ad vitam æternam, ad quam te ab æternitate mihi consortem destinaueram. Animaduerti enim, te verbis scripturarum mearum, & vocibus nunciorum meorum non potuisse moueri, vt impatientiam, & odium, & superbiam, & contumaciam, & concupiscentias malas, & mundi amorem exueres;

Isa. 53.
Io. 10.

388 De gemitu columbæ

ideo elegi ego ipse venire, & ex cathedra crucis, non verbis, sed exemplo te docere. Quid hîc dicet anima? quid respondebis? etiamsi ferrea, vel si adamantina esses, non frangereris? Placebit ne igitur deinceps, ad quamlibet offensionem impatiens vindictam quærere? an potius ex animo inimicis omnibus iniuriam facientibus libenter ignoscere? an exemplum patientiæ meæ non erit tibi deinceps pro omnibus rationibus, quas tibi mundus in contrarium posset adferre? Ita Domine, cedo charitati tuæ, victum me confiteor; vulnerasti cor meum, & liquefecisti incendio amoris tui: polliceor tibi fideliter me non solum non redditurum amplius mala pro bonis, sed redditurum bona pro malis: nec solum non expetiturum vindictam de persequentibus me, sed contra, oraturum, pro persequentibus, & calumniantibus me, & beneficia collaturum, in quantum potero, ijs, qui me

ode-

oderunt; dummodo non me defera-
 rat protectio tua. Pergit amator
 animarum Christus ex cathedra
 crucis suæ exhortans, & dicens;
 Ego pro te humiliavi me ipsum,
 usque ad mortem, mortem autem
 crucis: tum vt te hac humilitate
 redimerem, tum vt eundem te
 tantæ humilitatis exemplo doce-
 rem, non superbire, non alta sa-
 pere, non ambire gradus altiores,
 recumbere in nouissimo loco, om-
 nibus alijs cedere: hæc enim est
 recta via ad veram celsitudinem,
 qua discipuli crucis fruuntur in
 cælis. Elige vtrum vis, aut me-
 cum humiliari in terris, vt exalte-
 ris in cælis: aut cum Diabolo, qui Iob. 41.
 est Rex super omnes filios super-
 biæ, exaltari ad modicum in ter-
 ris, vt in æternum humilieris in
 inferis. O Domine, ante tantam
 humiliationem tuam potuit Dia-
 bolus nos decipere, nobisque per-
 suadere, vt exaltationem quære-
 remus in terris: & modis omni-
 bus ad gradus excelsos, & magnos

390 De gemitu columbæ

honores anhelaremus : sed cum tu, qui veritas, & sapientia Dei es, verbo & exemplo humilitatem docueris ; nimis stultus essem, nisi me sub omnium pedibus subijcerem : tu enim es filius Dei viui ; ego sum pulvis, & cinis : tu Rex Regum, ego seruulus tuus, & filius ancillæ tuæ . Vnum te rogo, vt in hoc sancto proposito gratia tua me conseruet vsque ad finem ; tanta enim est humana fragilitas, & tanta hostium nostrorum Dæmonum astutia ; vt nisi vigilet super nos custodia tua, nihil audeamus nobis de nostra constantia, vel perseuerantia polliceri . Sed perge obsecro Domine in saluberrima, & auribus meis dulcissima concione tua . Ego, inquit Dominus crucifixus, obediens fui Patri meo, in re omnium difficillima, quæ est mors crucis, nec solum Patri Deo, sed etiam Matri, & Nutritio meo, sicut scriptum est, quia eram subditus illis . Nec solum pijs parentibus obediui, sed etiam obe-

Luc. 2.

Lib. III. Cap. III. 391

obedientiæ Cæsaris me sponte
 subieci, cum tributum illi pro me
 reddi volui. Denique etiam vilif- Matt. 27:
 fimis Pilati ministris spontaneam
 obedientiam exhibui, cum me su-
 per crucem extendi, & manus, ac
 pedes ad loca clauorum porrige-
 re iubebant. Hæc autem omnia
 feci, vt te docerem, non solum
 Deo, & legitimis potestatibus li-
 benter, & promptè parere, sed
 etiam, si detur tibi optio, eligas
 semper potius obedire, quam im-
 perare. Vera est enim sententia
 serui mei fidelis, sancti Francisci,
*In obedientia lacrum, in pralatio-
 ne periculum.* Ergo si amor meo
 vicem rependere cupis, obedien-
 tiæ Dei nihil anteponas, neque
 terroribus, neque beneficijs ad-
 duci te finas, vt non obedias Deo.
 verissimè enim Apostolus meus,
 dixit, *Obedire oportet Deo magis,* Aa. 5.
quàm hominibus. quando autem
 mandatum hominis superioris le-
 gitimi, non est contrarium man-
 dato Dei, tum obedire debes ho-

392 De gemitu columbæ

Ephes. 6. minibus , sicut Domino , & non
Coloss. 3. hominibus , vt alter Apostolus
 meus non minus verè scripsit; au-
 ctoritas enim imperandi à Deo
 est, & ideo qui obedit Vicario
 Dei, obedientiam exhibet Deo ;
 & qui spernit mandatum hominis
 à Deo auctoritatem habentis, non
 hominem spernit, sed Deum. Quod
 autem ex hac mea cathedra te do-
 cui de patientia, humilitate, &
 obedientia ; id ipsum , & maiori
 ratione intelligi volo de regina,
 virtutum omnium charitate. Ego
 enim propter nimiam charitatem
 meam dilexi vos homines, etiam
 dum inimici mei essetis , & sic di-
 lexi, vt me ipsum traderem obla-
 tionem, & hostiam Deo patri pro
Ephes. 5. vobis in odorem suauitatis: quam
 oblationem, & hostiam , quamuis
 alioqui nimis acerbam; & ama-
 ram, dulcem mihi reddidit amor
 ardentissimus , quo salutem ve-
 stram desideravi. Volo igitur, vt
 & vos in hac re potissimum me
 imitemini, vt sicut ego non pro-
 pter

Lib. III. Cap. III. 393

pter aliquod commodum meum ,
sed ex pura, & vera, & ardentissi-
ma charitate animam pro vobis
posui : & non leui aliquo mortis
genere animam posui, sed (vt vi-
des) in cruce pendens, acerbissi-
mo, & longissimo dolore mem-
brorum omnium cruciatus, & san-
guine toto effuso; sic & vos pro
Deo, & pro fratribus animas po-
nere parati sitis : & multo magis
aperta geratis viscera charitatis
erga proximos omnes, & non ex
tristitia, aut necessitate, neque re-
tributionem expectantes, mem-
bra mea, id est, pauperes, & gro-
tos, afflictos, foveatis, & in eorum
angustijs non solum pecunias lar-
giter effundatis, sed & ipsi vos im-
pendatis. O Domine difficilia
nimis, & graua videri possent,
quæ nunc doces, nisi ex cathedra
ista doceres: sed cum exemplo do-
ceas magis, quàm verbo tu, qui
Dominus es, & magister, quomo-
do audebimus nos serui, atque di-
scipuli contradicere? Verissima

R 5 enim

394 De gemitu columbæ

enim esse, quæ dicis, & iustissima esse, quæ iubes, testatur crux ista, vnde loqueris; testatur sanguis iste, qui copiosissimè fluens, habet vocem suam, qua altissimè clamat; testatur denique mors ipsa, quæ si velum templi procul positum, & lapides durissimos scindere potuit: quomodo non magis scindere poterit corda fidelium tuorum, & ad obediendum inclinare?

Ergo Domine, quoniam sic nos amasti, & nos redamare te cupimus, & si nondum amore tuo, qui adhuc debilis est in nobis, saltem amore amoris tui cupimus te sequi, & si trahas nos post te, curremus in odorem vnguentorum tuorum. Nec solum amare, & sequi te cupimus, sed mundum, & quæ in mundo sunt, adiuuante gratia tua, omnino contemnere, & fugere deliberamus, & firmiter statuimus. præsertim cum te Duce nostrum videamus à natiuitate vsque ad mortem mundi delicias contempsisse. terminus enim

te

te ad mortem properantem, non in lecto iacere, sed in ligno pendere. non alium cibum, & potum, quam fel, & acetum gustare: & quamvis vere sis Rex, videmus tamen, non alium habere thronum, quam patibulum, non aliam coronam gestare, quam spineam, non aliam purpuram indutum, quam nuditatem proprio sanguine rubricatam: non alios habere stipatores, quam pendentes duos homines miseros in patibulo. Et nos igitur tuo Regis sapientissimi exemplo prouocati, mundo, & pompis, ac voluptatibus eius nuncium remittimus, & cruce in humeros sublata, te solum per viam angustam, & spinis, ac tribulis obsitam sequi proponimus, modo tu ipse, qui dedisti præceptum, præcuras auxilio: & qui demonstraisti exemplum, vires præbeas ad imitandum.

De quarto fructu lacrymarum, qui est misericordia erga proximos.

CAP. IV.

SEQVITVR ordine fructus explicandus; qui oritur ex consideratione, & commiseratione angustiarum, quas hoc tempore tolerat Ecclesia mater nostra. Quæ sint illæ angustiae demonstrauimus in quarto capite libri superioris. Ex hac flebili, & lugubri consideratione fructus nascitur non exiguus, si quis terram cordis sui pijs lacrymis irrigare nouerit. accenditur enim animus ad charitatem proximi, & accingitur ad opera charitatis spiritualia non negligenter obeunda, quæ opera vt egentibus profunt ad gratiam recuperandam: sic bonis ope-

Lib.III. Cap.IV. 397

operarijs profunt ad meritorum ,
& gloriæ incrementum . Et quæ
nam sunt opera bona , ad quæ fa-
cienda, Ecclesiæ necessitas , & an-
gustia nos impellunt ? prædicatio,
scriptio , oratio , vitæ sanctæ , &
salutaris exempla . Prædicatio
veritatis aduersus errores infide-
lium , & malos mores fidelium ,
omnino necessaria est . Sed chari-
tas , & misericordia erga pericula
infirmorum , & insidias perditio-
rum , non accenditur, nisi prius in
meditatione exardescat ignis , &
lacrymæ compassionis vrgeant ad
succurrendum periclitantibus , vel
pereuntibus : frigescente enim
charitate , qui donum verbi ha-
bent, malunt in ijs locis prædican-
do laborare , vbi sperant fauores,
& honores, lucra etiam pecunia-
rum acquirere , cum securitate
vitæ : quam in locis , vnde non
expectantur, nisi conuersiones ani-
marum, sed cum persecutionibus,
& angustijs , & ipsius etiam vitæ
corporalis periculo . Hic zelus
fuit

398 De gemitu columbæ
fuit olim in Prophetis, qui pene
omnes ob veritatis prædicationem à duræ ceruicis populo, vel
Regibus interempti sunt. Isaias
sectus in partes, Hieremias lapidatus, Ezechiel cæsus, Zacharias
inter templum, & altare occisus.
denique sanctus Protomartyr Stephanus vno verbo omnia complectens ait hebræorum primoribus
in publico concilio, *Quem Prophetarum non sunt persecuti patres vestri, & occiderunt eos, qui prænuntiabant de aduentu iusti?*
Eundem spiritum hæreditarunt
Apostoli Christi, qui omnes, vno excepto S. Ioanne Euangelista, prædicantes euangelium inter infideles, post numerosissimam conuersionem animarum, & post multas persecutiones, & afflictiones cæsi sunt. Neque sanctus Ioannes, quamuis morte violenta vitam non finierit, persecutiones, & angustias multas, & magnas euasit. At, inquires, non desunt hoc tempore, qui eodem spiritu verbum præ-

Lib. III. Cap. IV. 399

prædicent. Verum est, sed ideo non defunt, qui sic prædicent, quia non defunt, qui considerent Ecclesiæ necessitates, & deplorent pericula animarum. Atque hic est fructus, quem producit spiritus Dei in cordibus lugentium, & flentium. Vtinam inter ipsos fideles, vbi non timentur persecutiones, neque carceres, neque mortes; considerarent prædicatores verbi Dei, quam multi in scelerum, & flagitiorum sordibus iacent, qui surgerent, & saluarentur, si ipsi induti viscera misericordiæ, fructum potius animarum, quam populorum auram, quærerent.

Alterum opus bonum, quod nascitur ex flebili consideratione infidelium, vel etiam fidelium pereuntium, scriptio est, qua refelluntur errores, vel corriguntur vitia, vel instruuntur imperiti. & hoc etiam bonum opus nunquam Ecclesiæ defuit, & ideo non defuit, quia sæper inuēti sunt viri pij, qui
cha-

400 De gemitu columbæ
charitate flagrant, & animarum
pericula miserarentur. S. Hilarius
Episcopus Pictauiensis iam pro-
uctæ ætatis ad fidem conuersus,
vt ex principio libri primi de Tri-
nitate intelligi potest, & in libris
philosophorum solum versatus,
commotus tamen misericordia
multitudinis pereuntium ob ve-
nenum Arianae impietatis, quæ to-
tum penè orbem terrarum inuase-
rat, primus ex latinis styllum ad-
uersus hæresim illam strinxit, &
adiuuante Domino, qui pugiles
suos non deserit, repente tantus
Doctor euasit, vt scriptis suis ter-
rori esset hæreticis, & toti Gallia
mirum immodum profuerit. Id
ipsum de sancto Ambrosio dicere
possumus, qui ad longum tempus
antequam ad baptismum accede-
ret, in gubernandis prouincijs oc-
cupatus, vbi primum ad Episco-
patum inuitus ascendit, miseratus
& ipse multitudinem eorum, qui
ab Arianis decepti, fidem catholi-
cam deseruerant, scripturas san-
ctas

Lib. III. Cap. IV. 401

etas euoluere cœpit, & scribere aggressus, totam fermè Italiam, ab illa peste liberauit. Quid dicam de sancto Augustino, non sine causa, malleo hæreticorum nominato? nam cum ipse quoque magnæ ætatis partem in prophanis literis consumpsisset, & satis tardè ad fidem catholicam à manichæismo cōuersus baptismū suscepisset: tanto tamen Spiritus sancti zelo exarsit, vt tam multa scripserit aduersus Arianos, Manichæos, Donatistas, & Pelagianos, vt admirabile sit, & tanto fructu, vt penè Africam vniuersam ab illis tam multis, & tam tetrīs hæresibus liberauerit. Omitto sanctos Doctores Ecclesiæ orientalis, & sanctum Hieronymum, ac sanctum Gregorium, & alios plurimos Ecclesiæ occidentalis magistros eximios, qui eodem zelo iuuandarum animarum, & eodem spiritu incitati, non minorem vtilitatem Ecclesiæ attulerunt, quàm ipsi sibi apud Deum meritorum cumulum pepe-

re-

402 De gemitu columbæ

rerunt. Vtinam non deessent inter fideles, qui libris lasciuis, vel curiosis iuuentutem corrumpere, & quod alij salutaribus scriptis ædificant, ipsi venenatis, & mortiferis libris euerterent. Sed animarum amator Christus; qui pro ipsarum salute mori voluit, proditores istos sine dubio impunitos non relinquet, sed aut in hoc tempore, aut in futuro illis ostendet, quantis supplicijs digni sint, qui redemptionem animarum irritam facere crudelissima impietate contendunt. Porro preces, & suspiria ad Deum pro periculo animarum, quibus hæretici non minori penè astutia, quàm infernales spiritus, insidiantur, opus bonum commune est omnibus fidelibus, siue viris, siue feminis, siue doctis, siue indoctis, siue Ecclesias publicè frequentantibus, siue in cœnobijs, aut solitudinibus latentibus. Sic enim scribit sanctus Augustinus in primo libro de moribus Ecclesiæ capite tricesimo

Lib. III. Cap. IV. 403

simoprime, *Videntur nonnullis, Eremitæ plus quàm oporteret, deseruisse res humanas, non considerantibus quantum nobis eorum animus in orationibus proficit.* & Iustinianus Imperator in nouella constitutione centesimatricefima-tertia dicit. Imperium, militiam, agros ipsos, & quicquid habent homines seculares, per orationes conseruari sanctorum Eremitarû. Et nostro tempore Beata Tereſia, vt habetur in secundo libro capite primo vitæ ipsius, sæpè largiter flebat in oratione ad Deum pro ijs, qui prædicatione, vel scriptis pugnabant aduersus hæreses Lutheranorum, & ad hoc ipsum excitabat sorores suas. Imo etiam ad hunc præcipuum finem erigebat monasteria religiosarum mulierum, vt socias haberet ad pugnandum aduersus hæreses, oratione, & lacrymis, cum alia ratione non posset propter sexus sui infirmitatem, pestem hæreseos à finibus Catholicorum auertere.

S. Aug.
de mori-
bus Ec-
cl. lib. I.
c. 81.

De-

404 De gemitu columbæ

Denique opus bonum commune omnibus fidelibus est vita immaculata, hæc enim exemplo, & splendore virtutum sæpè plus valet ad perditos homines in viam rectam reuocandos, quàm conciones, vel disputationes. *Sic luceat*, inquit

Math. 5. Dominus, *lux vestra coram hominibus, ut videant opera vestra bona, & glorificent patrem vestrum, qui in calis est.* & Apostolus Petrus in epistola sua priore,

1. Petr. 2. *Conuersationem vestram inter gentes habentes bonam, ut in eo, quod detrahunt de vobis, tanquam de malefactoribus, ex bonis operibus vos considerantes, glorificent Deum in die visitationis.* & Coapostolus eius Paulus,

Phil. 2. *Omnia; inquit, facite sine murmurationibus, ut sitis sine querela, & simplices filij Dei sine reprehensione in medio nationis prauæ, & peruersæ, inter quos lucetis sicut luminaria in mundo.* & rursum,

1. Petr. 3. Apostolus Petrus de pia vita feminarum, similiter inquit, *Et mulie-*

lieres subdita sint viris suis, ut & si qui non credunt verbo, per mulierum conuersationē sine verbo lucrifiant, considerantes in timore castam conuersationem vestram.

- Id quod in matre sua impletum fuisse scripsit S. Augustinus in libro confessionum nono; vixit enim mulier illa sancta cum viro infideli ita obedienter, & fideliter, ut exemplo vitæ suæ, lucrifecerit, hoc est, ad fidem, & baptismum perduxerit virum, & iam non fleuerit in fideli, quod in infideli pertulerat. Id ipsum dici potest de Clotilde Regina Francorum, quæ cum esset christiana, & Clodoüeo pagano nupsisset eo potissimum animo, ut Regem Paganum ad Christi sacra perduceret, denique illum ad fidem Christi non tam verbo prædicationis, quam exemplo conuersationis adduxit, qui postea baptismum quoque à S. Remigio Archiepiscopo Remensi suscepit.

L. 9. c. 9.
confess.

Aimoni⁹
l. 1. c. 15.
& 16.

De quinto fructu lacrymarum, qui est reformatio Cleri.

C A P. V.

EX quinto fonte lacrymarum, si cor Prælatorum diligenter, & assidue irrigetur, nascetur fructus eximius reformationis cleri totius. Da enim Episcopum, qui serio in officium suum incumbere velit, & ex specula, in qua à Domino constitutus sedet, attenta consideratione speculetur, quales sint, & quid agant, primum Canonici, qui sunt consiliarii eius, & fratres: deinde Parochi, ad quos cura pertinet animarum: tum reliqui sacerdotes, qui vel ad laudes Domini in choro cum Canonicis decantandas, vel ad sacrificia diuina celebranda deputati sunt:

Lib.III. Cap.V. 407

sunt : denique Diaconi , subdiaconi , & administri reliqui : & videbis breui tempore Ecclesiam eius deponere vitia omnia , & cunctis florere virtutibus . Quomodo enim fieri potest , vt Episcopus , qui diligit decorem domus Domini , & speculando videat vitia , & morbos omnium membrorum Ecclesiæ suæ , & non excitetur ad remedia adhibenda ? Origo enim malorum est , quod Episcopi aliqui (semper enim excipio bonos , qui nunquã in Ecclesia vniuersali desunt) non speculantur , quo modo se clerus ipsorum gerat ; sed vel longe absunt ab Ecclesia sua , vnde ne speculari quidem possunt , cum in specula sibi assignata non sedeant ; vel speculantur quidem , sed agros , & vineas , & hortos , vel quo modo possint redditus ecclesiasticos maiores facere , vel domum suam ornare egregia suppellectile , vel propinquos augere diuitijs , vel ascendere ipsi ad gradus altiores . Quid igitur mirum est,

408 De gemitu columbæ
est, si Ecclesiæ eorum totæ sylue-
scunt? Si Deo laudes sine atten-
tione, & deuotione soluantur? Si
mysteria diuina in vasis, & linteis
fordidis celebrentur? Si cælestia
sacramenta indignis, vel indignè
ministrentur? si parochorū negli-
gentia plebs fidelis ignoret quæ
sunt ad salutem necessaria, & sic
pereant animæ, pro quibus Chri-
stus mortuus est? si denique cle-
rus corruptis, ac deprauatis mo-
ribus suis populum ad se imitan-
dum prouocet, & hac ratione
quos debuerat sanare corrumpat?
Attendant, qui scandala male vi-
uendo præbent, quid Dominus
dicat in Euangelio, *Qui scanda-*
lizauerit unum de pusillis istis,
qui in me credūt, expedit ei, ut su-
spondatur mola asinaria in collo-
eius, & demergatur in profun-
dum maris. Et si expedit vnicui-
que de populo magis demergi in
profundum maris, quàm scandali-
zare pusillos: quid de clero scan-
dalizante suis prauis moribus po-
pulum

Matt. 18.

pulum dicere poterimus, cum eundem populum à scādalis præseruare debuerit? certè vtilius erat eiusmodi clericis mendicare panem, vel fodiendo humum victum sibi parare, quàm cum tam ingenti periculo de altari viuere, vel etiam per sacrum ordinem ad opes, & honores ascendere. Quid enim prodest homini, si vniuersum mundum lucretur, animæ verò suæ detrimentum patiatur? **N**egociatio sancta clericorum, ac præcipuè sacerdotum atque Pontificum, non est similis negotiationi mercatorum huius mundi. Possunt enim mercatores aliquando sic negociari, vt nec lucrentur aliquid, neque iacturam aliquam patiantur. At Episcopi, & Sacerdotes omnino debent vel lucrum copiosum acquirere, vel detrimentum maximum pati. Nimio enim zelo prosequitur Christus animas fidelium, pro quibus pretium sanguinis dedit: proinde qui animas fidelium, sicut par est,

S

dili-

410 De gemitu columbæ
diligenter curant, immarcescibi-
lem gloriæ coronam accipient: qui
negligenter officio suo funguntur,
sic vt ipforum culpa anima vna
pereat: incredibile dictu est, quàm
atroces pœnas apud inferos datu-
ri sint. Colligant igitur omnes
Episcopi, ex ligno vitæ pretiosum
fructum ardētissimi desiderij re-
formationis cleri sui, maneant in
specula sibi commissa, inuigilent
non solum super gregem laicorum,
sed multo magis super cœtum sa-
cerdotum, & omnium cleri-
corum: vt etiam post
hanc vitam colli-
gant fructum
glorio-
sum
remanerationis am-
plissimæ, & sem-
piternæ.



De sexto fructu lacrymarum, qui est reformatio Regularium.

CAP. VI.

DEPLORAVIMVS in libro superiore relaxationem ordinum religiosorum. Nunc tempus est; vt ostendamus, quis fructus colligi possit ex ea flebili cōmiseratione. Fructus autem est, & quidem optimus, & suauissimus, reformatio religionum relaxatarum: sed hunc fructum ij potissimum colligere debent, qui sunt capita religionum: ad eos enim pertinet officium visitandi, & purgandi vineam suam. Quamuis enim Ecclesia vniuersa in sanctis literis comparetur vineæ, de qua dicit Propheta Deo: *Visita vineam istam, & perfice eam,*

Psal. 79.

412 De gemitu columbæ

Isai. 5.

Matt. 21.

Ezec. 15.

*quam plantauit dextera tua . & de qua multa prædixit Isaias , & explicauit Dominus in Euangelio: tamen etiã ordo religiosus aptissime comparatur vineæ, & est pars quædam selecta vineæ magnæ, quæ est vniuersalis Ecclesia . Vt igitur pro modulo meo adiuuem præpositos vinearum istarum selectarum ; exponam breuiter , qualis esse debeat ordo religiosus reformatus ad primam suam originem, siue institutionem. Vineæ sex præcipuè habere debet bonas qualitates, quibus significantur sex bona religiosorum , humilitas , paupertas, castitas , obedientia , studium orationis , & perfectio charitatis . Vineæ constat ex vitibus: vites autem sunt plantæ omnium abiectissimæ, paruæ, distortæ, fragiles , humi repentes , aridæ: de quibus sic loquitur Ezechiel Propheta : *Quid fiet de ligno vitis ex omnibus lignis nemorum, quæ sunt inter ligna sylvarum ? nunquid tolletur de ea lignum , vt fiat opus,*
aut*

Lib. III. Cap. VI. 413

*aut fabricabitur de ea paxillus, ut
dependeat in eo quodcunque vas?
ecce igni datum est in escam.* Hæc
prima qualitas vitis significat hu-
militatem Christi, abiectiōem, &
contemptum, in quo gloriari
debet omnis verus regularis, qui
non surda aure Christum docen-
tem audiuit: *Discite à me, quia* Matt. 23.
mitis sum, & humilis corde. Ideò
regulares, qui ambiunt prælatur-
as, & qui fieri sibi putant iniu-
riam, quando descendere iubentur
ad locum inferiorem, vel de
præcedentia cum alijs regulari-
bus, vel inter se litigant: refor-
mandi sunt, atque ad veram for-
mam humilitatis Christi redigen-
di, qui nunquam legitur cum vllō
homine de præcedentia conten-
disse: & cum orta esset contentio
inter discipulos, quis eorum vi-
deretur esse maior; Dominus dixit,
Qui maior est inter vos, fiat sicut Luc. 22.
*minor, & qui præcessor est, sicut mi-
nistiator.* At, inquiunt, non cōtendi-
mus pro honore nostro, sed pro ho-

414 De gemitu columbæ

nore nostræ religionis, quæ ut est antiquior tempore, sic debet esse prior in loco. Ergo si ita est, debet esse religiosus humilis, & superba Religio. Approbo quidem, ut is, ad quem pertinet assignare loca religiosis, attribuat antiquioribus loca digniora: sed contentiones religiosorum pro huiusmodi approbare non possum. Deinde vites diligenter putandæ sunt, & superuacaneis palmitibus spoliandæ: sic enim & Pater cælestis, ut loquitur in Euangelio Dominus, omnem palmitem non ferentem fructum tollit, & eum, qui fert fructum, purgat, videlicet abscindendo superflua, ut fructum plus adferat. Si quis inspiciat vites, quando putantur ab agricolis, & nesciat causam: mirabitur agricolæ crudelitatem, qui sic deformatam, & mutilam vitem relinquit: sed ille scit quid faciat, & non præsentem deformitatem, sed futuram fertilitatem attendit. Hæc est sancta, & Christo, atque eius matri
san.

Joan 15.

sanctissimæ amabilis paupertas, quam veri religiosi cum Cresi diuitijs non commutarent. Porro paupertas religiosa in eo potissimum posita est, ut nullus proprium aliquid possideat; iuxta illud ex Actis Apostolorum: *Multitudinis* Act. 4.
autem credentium erat cor unum, & anima una, nec quisquam eorum, quæ possidebat, aliquid suum esse dicebat, sed erant illis omnia communia. Quare sicut relaxatio exorta est in monasterijs, quando proprietas ingressa est: sic oportet, si reformatio vera fieri debeat, ut proprietas penitus arceatur. Et certè si cogitarent proprietarij qualem vindictam sumpsit Deus de Anania, & Saphira, Act. 5.
 qui principes proprietariorum fuerunt; & contra quantam spiritualem lætitiã degustent, & quantam habeant apud Deum repositam spem, qui dicere possunt cum Apostolo Petro: *Ecce nos reliqui-* Matt. 19.
mus omnia, & sequuti sumus te; non difficile sibi esse ducerent to-

416 De gemitu columbæ

to corde ab omni proprietate ab-
 horrere. Sed non possum hîc omit-
 tere , quanti fecerint sancti Patres
 crimen proprietatis in Monachis.
 scribit sanctus Hieronymus in
 epistola ad Eustochium, in mona-
 sterio quodam Nitriæ repertum
 fuisse monachum iam moriturum,
 qui nescio quot solidos sibi reti-
 nuerat: quocirca placuisse sancto
 Machario , alijsque sanctis con-
 gregatis in vnum, vt cum mortuo
 pecuniæ infoderentur, clamanti-
 bus omnibus, *Pecunia tua tecum
 sit in perditionem.* Sanctus quo-
 que Gregorius in quarto libro
 dialogorum , capite quinquagesi-
 mo quinto, scribit vnum ex mona-
 chis suis iam moriturum inuen-
 tum fuisse cum tribus nummis au-
 reis: seque imperasse, vt non in
 sepulchro is monachus poneretur,
 sed in sterquilinio cum nummis
 suis, clamantibus omnibus, *Pecu-
 nia tua tecum sit in perditionem.*
 Horrenda prorsus, sed iusta pœ-
 na proprietariorum , quæ si non
 mo-

mouet proprietarios, præsertim adiuncta morte repentina Ananix, & Saphiræ, cuius paulò ante meminimus: conueniet in eos illud Exodi: *Induratum est cor Pharaonis*. Tertio, vites facillimè arescunt & ignem concipiunt. Hoc est symbolum castitatis, quam regulares omnes profitentur, & per quam ad ordinem Angelorum, proximè accedunt. Angeli enim in cælis, neque nubunt, neque vxores ducunt. ad castitatem autem conseruandam nihil magis vtile, vel etiam necessarium est, quàm humore carnali ficcato ariditatem quandam per ieiunia, & alias carnis mortificationes acquirere, vt simul adipe, & pinguedine deuotionis repleatur anima, & corporis castigatione quodammodo exsiccatus homo vetus, siue exterior, discat cum sancto Hilarione cibum appetere, non libidinem. Ex quo etiam fiet, vt homo sic salubriter exsiccatus, facillimè inflammetur amore diuino, & iam

418 De gemitu columbæ
non inuitus desinat cogitare car-
nalia , sed suaue illi sit cum sancto
Augustino suauitatibus illis care-
re , inuenta nimirum , & prægu-
stata suauitate maiore , id est , cæ-
lesti. Sed interim , si reformatio ve-
rè quæritur , necesse est occasiones
omnes religiosiis amputare , quæ
thesaurum castitatis in periculum
possunt adducere. Quarto vites
ordine quodam in vinea collocan-
dæ sunt , vt videatur vinea , quasi
castrorum acies ordinata. Nam &
Poeta , agriculturæ magister ca-
nit, *Pone ordine vites* . Hic autem
ordo vsque adeò necessarius , &
vt sic loquar , essentialis est in con-
gregationibus religiosiis , vt ipsæ
congregationes , ordines nomi-
nentur . Ordo autem in eo consi-
stet , vt omnes regulam eandem
sequantur , siue scriptam , siue vi-
uentem , quæ est Præpositus , siue
Abbas , siue Prior , siue Minister ,
siue Maior , siue Pater nominetur .
Illæ autem verè sunt congregatio-
nes reformatæ , in quibus , vt lo-
qui-

Lib. III. Cap. VI. 419

quitur sanctus Augustinus in libro *De moribus Ecclesiæ*, *Præpositi magna in impetrando auctoritate*, *& subditi magna in obediendo voluntate sunt præditi*. & vt sanctus Bernardus scribit, in libro de præcepto, & dispensatione, vbi omnes magistræ regulam sequuntur, vt nihil omnino contra regulam, nihil contra præpositi voluntatem, quæ est regula viuens, à subditis fiat, nisi fortè quod imperat Præpositus, contra manifestum Dei præceptum esse detegatur. tunc enim cum Apostolis liberè dicendum est, *Obedire oportet magis Deo, quàm hominibus*. *Quinto*, vites humi repunt, nisi vltimo, vel palo, vel alio stabili fulcro adiungantur. Id verò significat, debere monachum in tam difficili, & perfectæ vitæ genere de suis viribus omnino diffidere, & in auxilio Domini valde confidere, memorem verborum Domini, *Sine me nihil potestis facere*. & verborum Apostoli: *Omnia possum*

De moribus Ecclesiæ c. 30.

Act. 5.

Ioan. 14.

Philip. 4.

420 De gemitu columbæ

sum in eo, qui me confortat. Sic

enim fiet, ut semper in oratione defixus, & oculos habens ad Dominum, sub obedientiæ iugo non cadat, nec fatigetur, sed experia-

Matt. 11.

tur, iugum Domini, esse iugum

suave, & onus leue. Postremo vitis quamvis deformis, fragilis, distorta, & ad omnia ferè inutilis :

tamen fructum gignit valde pretiosum, & suauem, videlicet vi-

Iud. 9.

num, quod latificat Deum, & ho-

mines : sed si fructum hunc non fe-

rat, tanquam lignum inutile, ad

ignem adindicatur. Ita prorsus

homo religiosus, si sit, qualis esse

debet, & munere suo rectè funga-

tur, fructum profert gratissimum

Deo, & hominibus ; quia in omni

opere, & in omni loco, & in omni

tempore, Deum glorificat, & sa-

cificium obedientiæ illi defert.

obedientia enim, quæ redditur

præpositis propter Deum, Deo ip-

Luc. 10.

si redditur, dicente Domino: *Qui*

vos audit, me audit, & qui vos

spernit, me spernit. porro obe-

dien-

dientiam sacrificium esse, & sacrificium Deo gratissimum, docet Samuel cum ait, *Melior est obedientia, quam victima.* & rationem reddit sanctus Gregorius, dicens: *Quia per victimas aliena caro, per obedientiam voluntas propria mactatur.* Cogitet igitur, & expendat qui potest, quàm ingentem aceruum meritorum apud Deum pius religiosus acquirat, qui quicquid agit, ex obedientia agit, ac per hoc tot quotidie offert sacrificia, quot facit opera. & contra cogitet, & expendat, quantum thesaurum meritorum amittat religiosus malus, qui vel præposito suo inuitus obedit, vel propria voluntate gaudens præpositorum imperio, id est Christi ipsius imperio parere detrectat.

Quæ cum ita sint, omnes Præpositos ordinum religiosorum, & precor, & obsecro, ut si ex animo deplorant ordinum suorum detrimenta, quæ ex relaxatione proveniunt: toto animo, & omnibus viri-

1. Reg.
15

Lib. 35.
moral. c.
10.

422 De gemitu columbæ
viribus in reformationem incum-
bant, & quos primi patres in Chri-
sto filios genuerunt, ipsi cum Apo-
stolo Paulo, iterum parturiant,
donec Christus pauper, & castus,
& obediens reformetur in ipsis.
Acquirent enim, si hæc fecerint,
coram Deo, & hominibus gloriam
sempiternam: sin autem opus tam
necessariū fortè neglexerint, red-
dent rationem Domino: & utinam
non rei fiant omnium peccatorū,
quæ relaxatione durante, fiunt à
regularibus sibi subiectis, & om-
nium scandalorum, quæ propter
mala eorum exempla patitur po-
pulus Christianus: nec solū po-
pulus Christianus, sed etiam po-
puli Turcarum, & hæreticorum,
apud quos blasphematur propter
nos, nomen Domini, & Christi do-
ctrina pessimè audit.

Ac ut redigam in quatuor capi-
tula, eaque breuissima, quæ ad re-
formationem necessaria sint. Pri-
mum illud esse aio, ut non ad-
mittantur ad habitum, nisi illi,
qui

qui signa veræ vocationis ostendunt. Deinde, vt probatio maxime seria sit, & qui in probatione, diuinam vocationem non probauerunt, omnino ad professionem non admittantur. Nam vitæ christianæ perfectio, quanto est altior, tanto pertinet ad pauciores. Legant ij, ad quos ista pertinent, Ioannem Cassianum in libro quarto de institutis renunciantium, cap. 3. 32. 33. & 34. Tertio vt sex virtutes supra nominatæ diligentissimè excolantur, & præpositi in omni virtutis genere exemplo suo præluceant. Denique vt dent omnem operam, vt sacrosancti Tridentini Concilij decretum illud saluberrimum, & maxime necessarium obseruetur, vt non plures ad ordinem admittantur, quàm qui sustentari possint ex redditibus, vel eleemosynis ordinarijs. tunc enim præpositi iure cogere poterunt subditos ad omnem proprietatem fugiendam; & execrandam, si ordo ipse singulis ea præ-

Sess. 25.
cap. 3.

424 De gemitu columbæ
præbeat omnia, quæ singulis ne-
cessaria sunt. *Ideo* enim, vt S.
Hieronymus scribit, *non licebat*
monachis antiquis aliquid petere;
quia Præpositi necessitates singulo-
rum, magna prouidentia, & cba-
ritate praueniebant.

Epist. ad
Eustoch.
de custo-
dienda
virgini-
tatis.

De septimo fructu lacryma-
rum qui est emen-
datio morum
in popu-
lis.

CAP. VII.

MULTITUDO secularium,
vt est multo numerosior,
quam sit multitudo clericorum, &
regularium; sic etiam multo plu-
res habent homines seculares, qui
eorum curam gerant, quam ha-
beant clerici, vel regulares. ha-
bent enim Reges, & Principes,
qui

Lib.III. Cap.VII. 425

qui vel per se, vel per Iudices à se constitutos abundantiam, & pacem in populis conseruent, quod postulabat à Deo Dauid, cum diceret, *Fiat pax in virtute tua, & abundantia in turribus tuis*. Item habent eosdem Reges, & Iudices, qui puniant reos, & protegant, ac tueantur iustos, iuxta illud eiusdem Prophetæ, *Deus iudicium tuum Regi da: & iustitiam tuam filio Regis, iudicare populum tuum in iustitia, & pauperes tuos in iudicio*. Habent præterea Episcopos, & pastores à quibus regantur, & pascantur, in ijs quæ pertinent ad doctrinam, fidei, & opera bona, quibus Regnum cælorum acquiritur. Habent denique Monachos, & alios regulares, à quibus per orationes, & sermones, & sacramentorum administrationes, tanquam Episcoporum adiutoribus, non mediocriter adiuuentur. Quia tamen plurimi seculares his omnibus præsidijs val-

lati.

Psal. 123

Psal. 71.

426 De gemitu columbæ

lati, perditis moribus suis, & se,
& alios perdunt, & materiam lacrymarum satis magnam cultoribus suis præbent: facile poterunt Principes pij, & sancti Ecclesiastici, & Regulares vere religiosi fructum non exiguum ex lacrymis suis carpere, si viscera misericordiæ induant, & condolentes perditioni tot millium animarum excitentur ad auxilium magna sollicitudine porrigendum. Id quod primum exemplo vitæ suæ, deinde vigilantia super populi mores, & facta, præstabunt. Notum est, & omnium ore celebratum illud Ecclesiastici, *Qualis est Rector civitatis, tales inhabitantes in ea*: & illud Poetæ,

Eccl. 10.

Totus componitur orbis

Regis ad exemplum. Et si

hoc verum est de Rege temporali, quanto magis verum erit de Prælati spiritualibus, quibus dicitur ab Apostolo Petro, *Forma facti gregis ex animo*, & ab Apostolo

1. Pet. 5.

ad Tit. 2.

Paulo, *Te ipsum prabe exemplum bono-*

bonorum operum : & ad Timotheum , Exemplum esto fidelium in verbo , in conuersatione , in charitate , in fide , in castitate . Incredible dictu est , quàm facile populus à luxu , à pompis , à conuiuijs nimium sumptuosis , à ludis alearum , vel taxillorum , à cæteris corruptelis auerterentur , si Principes , & Prælatos suos viderent delectari moderatione in rebus omnibus , & auersari superuacaneos sumptus in cœnis , in vestibus , in supellectili pretiosa , in vasis aureis , & argenteis . Et si diebus festis viri nobiles , ac potissimum Principes , vt in quibusdam prouincijs solent , nunquam omitterent , non solum in publicis templis assistere solemnì celebrationi sanctissimi sacrificij , sed etiam frequentare post meridiem officium vespertinum , cum multæ pietatis significatione : certe populus quoque honori sibi duceret , non versari festis diebus ociosos in foro , & multo minus vacare

1. Tim. 4.

428 De gemitu columbæ
 re potationi in tabernis, sed fre-
 quentare templa, orationi insiste-
 re, verbum Dei audire, & alias
 probi christiani functiones obire.
 Denique si Principes tam Eccle-
 siastici, quàm Politici magnam,
 sollicitudinem gererent purgandi
 ciuitatem vitijs omnium gene-
 rum, & ornandi virtutibus contra-
 rijs, corripiendi inquietos, & hor-
 tandi pusillanimes, puniendi fa-
 cinorosos, præmijs afficiendi bo-
 nos, laudibus ornandi benemeri-
 tos: certe difficile non esset mul-
 tos populares ad viam salutis re-
 uocare, qui vigilantia Rectorum
 deficiente, turmatim ad inferos
 properant. Et quemadmodum
 Apostolus Paulus de subditis suis
 dicit, *Gaudium meum, & corona*
mea, quoniam in spiritu cernebat,
 incomparabile gaudium, & luci-
 dissimam coronam sibi parari ex
 ea sollicitudine, qua tam multas
 animas Christo lucrificerat: sic
 omnino boni prælati, & boni
 Principes dubitare non debent,
 quin

Phil. 4.

quin gaudio maximo, & pretiosissima corona donandi sint à Domino, si populum eius, diligentia, & sollicitudine sua ad portum salutis adduxerint. Sed contra, etiam timere eos necesse est, supplicium supra quam dici potest horrendum, atque terribile, si negligentia ipsorum animæ pereant, pro quarum salute Christus sanguinem fudit.

*De octavo fructu lacrymarum
qui est multiplex
opus misericordiae.*

CAP. VIII.

SCRIPSIMVS in libro superiore, vere præsentem vitam esse vallem lacrymarum cum miserijs grauissimis, & plurimis ita redundet, vt nihil fere præter miseriaſ
con-

430 De gemitu columbæ
 continere videatur. Quid enim
 est in hac vita vacuum miseria, si
 morbi, paupertas, & abiectio,
 siue seruitus magnæ miseriæ sunt,
 & eorum contraria, bona valetu-
 do, diuitiæ, & dignitates, atque
 imperia miseriæ sint prioribus se-
 pe maiores? Veruntamen iste ip-
 sâ miseriæ, si misericordiam in
 nobis excitent, quemadmodum si
 attente considerentur, excitare
 solent: plurimi, & maximi inde
 fructus existent, pariet enim mi-
 sericordia, velut arbor fecundis-
 sima, fructum eleemosynæ erga
 pauperes: cōsolationis erga egro-
 tos, exhortationis erga captiuos,
 & abiectos: preces ardentes pro
 periculis ingentibus, in quibus
 versantur diuites, beneuolentes,
 & omnes in sublimitate constituti.

Iob 31. S. Iob de se ipse dicit, *Ab infantia
 creuit mecum miseratio: & de ute-
 ro matris mee egressa est mecum.*
 Audiamus nunc quos fructus pe-
 pererit ista miseratio. *si negaui, in-
 quit, quod volebant, pauperibus.*



& oculos vidua expectare feci : si
 comedi buccellam meam solus , &
 non comedit pupillus ex ea , si de-
 spexi pereuntem , eo quod non ha-
 beret indumentum , & absque ope-
 rimento pauperem . si non benedi-
 xerunt mihi latera eius , & de vel-
 leribus ouium mearum calefactus
 est : humerus meus à iunctura sua
 cadat , & brachium meum cum
 suis ossibus confringatur . & alibi , Iob 29.
 Oculus fui cæco , & pes claudō , Pa-
 ter eram pauperum , & causam ,
 quam nesciebam , diligentissime in-
 uestigabam . conterebam molas ini-
 qui , & de dentibus illius aufere-
 bam prædam . hæc ille , qui non
 solum adiuuabat pauperes , com-
 municando cum illis bona sua ,
 cibum vestes , & alia id genus : sed
 etiam adiuuando cōsilijs , id enim
 significat , illud , oculus fui cæco ,
 & pes claudō : sed etiam defen-
 dendo ab oppressoribus , & ca-
 lumniatoribus , quasi prædam eri-
 piendo à dentibus bestiarum .
 Quanti autem sint meriti apud
 Deum

432 De gemitu columbæ

Deum opera misericordiæ , docent promissiones amplissimæ in scripturis sanctis: habet enim eleemosyna testimoniū à sapientibus , à Prophetis , ab Apostolis , ab Angelis à Deo . Salomon sapientissimus , in libro prouerbiorum sic

PIOU. 28. loquitur , *Qui dat pauperibus , nunquā egebit*, Id quod confirmat

S. Basilius in oratione ad diuites , eleganti similitudine puteorum , ex quibus si frequenter aquæ hauriantur , semper copiosiores , & puriores emanant ; si vero immortæ conseruentur , putrescunt , atque decrescunt . Tobias , ipse quoque

Tob. 4. valde sapiens , *Ex substantia tua , inquit , fac eleemosynam , & noli auertere faciem tuam ab illo paupere . ita enim fiet , ut nec à te auertatur facies Domini*. Eleemosyna ab omni peccato , & à morte liberat , & non patietur animam ire in tenebras . Deus bone , quanta est hæc promissio ? Sed adiungit præterea idem Tobias , *Fiducia , inquit , magna erit coram summo Deo*

Lib. III. Cap. VII. 433

Deo eleemfyna omnibus facientibus eam . cui subscribit Beatus Cyprianus in sermone de eleemofyna , dicens eam esse solatium grande credentium , & securitatis nostræ salutare præsidium . Daniel Propheta Regi infideli sic loquitur , *Peccata tua eleemosynis redime , & iniquitates tuas misericordijs pauperum : forsân ignoscet Deus delictis tuis .* *Isaias Prophe-* Dan. 4.
ta , Frange , inquit , esurienti panem tuum , & egenos vagosque induc in domum tuam : cum videris nudum , operi eum , & carnem tuam ne despexeris . Tunc erumpet quasi mane lumen tuum , & sanitas tua citius orietur , & anteibit faciem tuam iustitia tua , & gloria Domini colliget te . Tunc inuocabis , & Dominus exaudiet ; clamabis , & dicet , ecce adsum . Isa. 58.
hæc Isaias . Quæ promissio consolationem planè admirabilem continet . pollicetur enim Deus misericorditer eleemosynas largientibus , lumen diuinum mentibus ,

T qua-

434 De gemitu columbæ
quale adferre solet oculis corporis sol mane exoriens : item sanitatem spiritualem voluntati, idest, purgationem à morbo peccati .
Præterea opera bona, quæ sequuntur iustificationem , & gloriam, ac laudem, quæ inde sequitur apud Deum , & homines . hoc enim significant illa verba : *Anteibit faciem tuam iustitia tua , & gloria Domini colliget , idest , circumdabit te .* denique promptissimum Deum ad exaudiendas preces . quod clarius explicat editio Septuaginta Interpretum , quæ sic habet : *Tunc clamabis , & Deus exaudiet : adhuc loquente te dicet , ecce adsum ;* idest, antequam finem imponas orationi, aderit Deus, ut exaudiat . Apostolus Paulus, in priore ad Timotheum , breui sententia multa complectitur , cum
1. Tim. 6 admonet diuites ut facile tribuât , & communicent , & thesaurizent sibi fundamentum bonum in futurum , ut apprehendant veram vitam . ubi eleemosynam vult esse
pre-

Lib. I II. Cap. VII I. 435

pretiosum fundamentum veræ vitæ, quæ post hanc vitam erit . nam thesaurizare fundamentum veræ vitæ , nihil aliud est, nisi acquirere paucis nummis thesaurum incomparabilem, qui satis sit ad fundamenta ponenda , vel paranda , quibus nitatur fabrica æternitatis , seu vitæ sempiternæ, quæ sola est vera vita; quam enim nunc ducimus, ea nihil est, nisi vapor vitæ Iacob. 4. ad modicum parens , & protinus evanescens . Audiamus nunc testimonium Angeli Raphaelis loquentis ad Tobiam : *Eleemosyna*, Tob. 12. inquit, *à morte liberat ; & ipsa est qua purgat peccata, & facit invenire misericordiam , & vitam æternam* . Hæc Angelus sanctus , qui nos decipere non potest , cum veritatem in fonte suo videat , & nos sincerissima charitate diligat . Denique Christus , qui sapientia Dei est , & Deus est , passim in Euangelio præmia maxima eleemosynæ pollicetur . *Vade*, inquit, Matt. 19. *vende quæ habes , & da pauperibus* ,

436 De gemitu columbæ
bus, & habebis thesaurum in cœ-
lo. Quis capiat quale lucrum sit
pro paucis panibus, vel nummis,
quos omnino in morte dimissuri
sumus, acquirere thesaurum in
cælis, nunquam peritulum? Idem
Dominus in iudicio nouissimo,
promittit se Regnum cælorum,
daturum, nominatim ijs, qui ci-
bum, vel potum, vel indumentum,
vel hospitium, vel visitationem in
ægritudine, vel in carcere tribue-
runt. Ac ut intelligamus, hæc o-
pera misericordiæ sibi gratissima
fuisse, & mercedem incomparabi-
lem meruisse, adiungit: Quod uni
ex minimis istis fecistis, mihi fe-
cistis.

Matt. 25.

Hæc igitur sunt testimonia di-
uina, atque certissima de promif-
sionibus præmiorum, quæ per o-
pera misericordiæ comparantur.
Ex quibus intelligi potest, quantus
sit fructus veræ misericordiæ erga
proximum, quam flebilis confide-
ratio egestatis, ægrotationis, &
aliarum corporalium ærumnarum
in

in corde meditātis excitare solet .
 Sed non minor existet fructus mi-
 sericordiæ , si quis attentè cogitet
 pericula diuitum , & Principum ,
 auarorum . Siquidem erga prio-
 res illos exercenda sunt opera mi-
 sericordiæ corporalia : erga istos
 verò spiritualia , quæ sunt admo-
 nitio, consilium, oratio. Isti enim,
 vt de Martha loquitur Dominus , Luc. 10.
 solliciti sunt , & turbantur erga
 plurima ; vt vix ocium inueniant
 legendi , vel audiendi , vel cogi-
 tandi quæ ad vitam æternam per-
 tinent . Itaque indigent prudenti
 admonitore , qui eis opportuno
 tempore suggerat , quanti referat
 sæpe mentem reflectere ad ea, quæ
 præ manibus habent . Multi enim
 diuites toti sunt in conseruandis ,
 & augendis opibus occupati , qui
 si aliquando seriò cogitarent, se à
 conditore Deo ad longè altiora
 opera, idest, ad multo maiores di-
 uitias comparandas fuisse creatos;
 fortasse cum Salomone dicerent :
Cum me conuertissem ad vniuersa Eccles. 1.

438. De gemitu columbæ

opera, quæ fecerant manus mea (videlicet ad palatia, hortos, piscinas, ad multiplicationem auri, argenti, ad armenta, & magnos ouium greges, ad agros, & vineas, & prata, & sylvas) *in quibus frustra sudaueram, vidi in omnibus vanitatem, & afflictionem animi: & nihil permanere sub sole.*

Multi quoque sunt Principes, tum Ecclesiastici, tum seculares, qui sic distenduntur in alijs regendis, & gubernandis, ne dicam in amplianda iurisdictione, vel imperio, vt obliuiscantur animæ propriæ, & salutis æternæ: qui si admonitorem sapientem, ex Dei magna benignitate sortirentur, qualis fuit sanctus Bernardus erga Eugenium Papam, fortasse & res publicas felicius gubernarent, & propriam animam diligentius excolerent, & propter bona temporalia non amitterent sempiterna. Quod verò attinet ad consilium, magnum misericordiæ opus est, viris magnis non assentari, non

loqui

loqui placentia, sed fidele consilium dare: & fortasse nulla re magis indigent viri magni, quam fideli consiliario, qui non timeat vera loqui, & qui magis formidet excidere à gratia Dei, quam à gratia Principis. De hac re sic loquitur Ecclesiasticus: *Multi pacifici sint tibi, & consiliarius sit tibi unus de mille.* Quia videlicet pauci admodum inveniuntur consiliarij, qui sciant, & velint vtilia dare consilia, vt idem ipse Ecclesiasticus alio loco pluribus docet. Eccles. 6.
 Vbi præter alia, anteponit consilium viri sancti consilijs multorum sapientum. *Animus, inquit, viri sancti enunciat aliquando vera, quam septem circumspectores sedentes in excelso ad speculandum.* Et in eodem loco idem auctor sapienter monet, vt non accipiamus consilia ab ijs, qui ob inopiam, vel alia de causa possunt ad propriam vtilitatem consilium detorquere. *A consiliario, inquit, serua animam tuam. Prius scito, quæ*

440 De gemitu columbæ

sit eius necessitas: & ipse enim animo suo cogitabit. hoc est, non sis facilis ad cōsilia capienda, nisi noveris integritatem consiliarij. Primum exquire, an aliqua egestate prematur, qui tibi offertur consiliarius; facile enim ille cogitabit, quomodo in rem suam consilium derinet. Itaque magnum est opus charitatis, recta consilia Principibus dare; & magna felicitas est eius Principis, qui fideles consiliarios sortitus est. Neque excusantur Principes apud Deum, si ob infidelitatem consiliariorum, & ministrorum, Rempublicam nō bene gubernent: quia tenebantur diligenter inuestigare, quales sint, quos ad consilium, & res gerendas adhibent.

Restat oratio apud Deum, quod est opus misericordie commune omnibus, & securum, & facile. De hoc officio loquitur Apostolus in priore ad Timotheum, dicens:

1. Tim. 2 *Obsecro primum omnium fieri obsecrationes, orationes, postulationes,*

Lib. III. Cap. VII I. 441

nes, gratiarũ actiones pro omnibus hominibus, pro Regibus, & omnibus, qui in sublimitate sunt, ut quietam, & tranquillam vitam agamus. Vbi Apostolus posteaquam dixerat, pro omnibus hominibus, subiungit, pro Regibus, &c. quia qui orat pro Regibus, & cæteris in sublimitate constitutis, nō solum orat pro utilitate, vel necessitate propria Principum, sed pro utilitate, vel necessitatibus omnium hominum. Siquidem à prudentia, & probitate Principum, pendet bona gubernatio, ac per hoc quies, & tranquillitas, pax, & abundantia, pietas in Deum, & charitas in proximos, atque adeo omnis humana felicitas. Sed est præterea specialis ratio orandi pro Principibus, siue secularibus, siue Ecclesiasticis, ingens periculum, in quo versantur omnes, qui sunt in sublimitate constituti. Nā qui in alto loco sedet, vel ambulat, facile est, ut capitis vertiginem patiatur, & cadat; & quò al-

442 De gemitu columbæ
tius est præcipitium , tantò secum
trahit grauius exitium . Certè si
videremus funambulū aliquem
ex edita turri ad aliam æquè edi-
tam turrīm per funem propera-
re ; ex naturali commiseratione
clamaremus , Domine adiuua il-
lum ; & ad funambulū , vide quo-
modo cautè ambules . Ac vt simi-
litudinem grauiorem , & statui
Principum , & Prælatorum magis
accommodatam adducamus , si-
quis iter facere cogeretur per
pontem angustissimū , & sine
spondis , cui flumen profundus , &
horribile subiaceret , vt esset fa-
cillimum labi deorsum , & fursum
emergere difficillimū : nemo cer-
tè eiusmodi spectaculū cernere
posset sine ingenti commiseratio-
ne , & horrore , & sine clamore
ad illum , vt cautè ambularet , &
ad Deum , vt eum de tanto peri-
culo liberaret . Pons angustissimus
est via iustitiæ , & virtutis : virtus
enim est quasi indiuisibilis linea ,
à qua non licet ad dexteram , vel
fini-

sinistram declinare, cum latitudinem nullam, aut vix vllam habeat: vnde Dominus ipse, viam ad vitam æternam arctam esse docuit, cum ait: *Quam angusta porta* Matt. 7.
est, & arcta via, quæ ducit ad vitam: & pauci sunt, qui inueniunt eam. Porro priuati homines per viam quidem angustam ambulant, sed humi positam, & iacentem, vt non sit periculum ventorum, qui eos deiciant, neque vertiginis, quæ caput debilitet, & impellat ad casum: Prælati verò, & Principes per pontem sublimem, & editum incedunt, vbi & ventus superbiæ regnat, & caput grauatum nimis curis vertigini obnoxium habent; & si fortè labuntur, non in vicinam terram cadunt, sed in subiectum flumen magno impetu ruunt; & tam ingentium errorum, & criminum rei, vt in profundissimam gehennam facilimè demergantur. Et quis igitur nisi demens omnino talem celsitudinem desiderabit? & quis ni-

444 De gemitu columbæ
si ferreus, vel lapideus non mise-
rebitur statum tam periculosum?
Et tamen necesse est, tam in Eccle-
sia, quam in Republica esse homi-
nes, qui eiusmodi periculis expo-
nantur. Proinde ad nos pertinet
pro huiusmodi personis assiduè
gemere, & ex vera miseratione
hunc fructum colligere, ut arden-
ti charitate pro illis clamemus ad
Dominum, qui potens est eos ab
omni periculo liberare, faciens
eos humiles in altitudine, iustos
in iudicijs, fortes in periculis, pa-
tientes in laboribus, non
quærentes quæ sua sunt,
sed quæ subdito-
rum; denique
pios er-
ga
Deum, iustos erga po-
pulos, sobrios er-
ga seipfos.



*De nono fructu lacrymarum
qui est refrigerium de-
functorum.*

C A P. I X.

IAM supra demonstraui, in locis purgatorijs animas fidelium defunctorum esse plurimas, ac penè innumerabiles; easque longissimo tempore supplicijs penè incredibilibus torqueri. Nunc fructum, qui ex ea consideratione decerpi potest, demonstrare volumus. Et quidem nemini dubium esse potest, quin ex ea consideratione, si seria, & prolixa, & attenta sit, & plena fide suscipiatur, exurgat vehementissima, & horro-
ris plenissima commiseratio. Ex tali verò commiseratione dubitari non potest, quin existat in nobis desiderium ingens animas illas bonis, atque satisfactorijs
ope-

446 De gemitu columbæ
operibus, oratione, ieiunijs, &
eleemosynis, ac potissimum sacro-
sancta oblatione Domini corporis,
& sanguinis adiuuandi. Est
autem planè admirabile, quàm
lucrosa negociatio, & tamen iu-
stissima, atque honestissima, nobis
inde proueniat. Eiusmodi enim
negociatio hæc est, qualis esset,
si quis eandem pecuniam pluribus
mercatoribus daret ad vsuram, &
à singulis integrum fœnus accipe-
ret. Explicemus hæc breuiter.
Orat quis pro defunctis, ex cha-
ritate, attentè, piè, cum fide, &
fiducia impetrandi. Hic per mo-
dum meriti acquirit pro se lucrum
æternæ vitæ. Est enim oratio bo-
num opus, ac per hoc meritorium
æternæ vitæ, si ex charitate fiat.
de quo lucro loquitur Dominus in
Euangelio, cum ait, *Tu autem*
cum oraueris, intra in cubiculum
tuum, & clauso ostio ora Patrem
tuum in abscondito, & Pater tuus,
qui videt in abscondito, reddet tibi:
mercedem vtique, quæ merito
re-

Matt. 6.

respondet. Deinde hæc eadem oratio per modum satisfactionis prodest animæ defuncti, pro quo funditur. Nam oratio est vnum, ex operibus laboriosis, ac per hoc satisfactorijs; & cui per intentionem secundum vsum, & doctrinam Ecclesiæ, applicatur, illi prodest. Denique per modum impetrationis prodest eidem defuncto, cuius liberationem, aut certè refrigerium à Domino poscimus. Id enim, quod iusti petunt à Deo per Christum, facile impetrant, dicente Domino, *Petite & accipietis.* & rursus, *Quicquid orantes petitis, credite quia accipietis, & fiet vobis.* & iterum, *Si quid petieritis Patrem in nomine meo, dabit vobis.* En igitur triplex lucrum ex oratione pro defunctis. Sed addi potest etiam quartum. Siquidem animæ, pro quibus oramus, non erunt ingrætae, cum venerint in cælestem patriam, sed vicem reddent orando pro nobis. Porro ieiunium quoque de-

Luc. 11.

Mar. 11.

Ioan. 16

448 De gemitu columbæ
defunctis applicatum multiplex
lucrum acquirit . nam vt opus
meritorium prodest ieiunanti, di-
cente Domino , *Tu autem cum ie-*
iunas unge caput tuum , & faciem
tuam laua , ne videaris hominibus
ieiunans , sed Patri tuo , qui est in
abscondito ; & Pater tuus , qui vi-
det in abscondito , reddet tibi . Idem
ieiunium , vt opus satisfactorium ,
applicatum defuncto , eidem de-
functo prodest . Non enim sine
causa David , cum audisset interi-
tum Saul Regis , & Ionathæ , &
magnæ partis populi Dei , ieiuna-
uit cum omnibus suis comitibus
vsque ad vesperam . Denique pro-
dest alio modo homini ieiunanti ,
quoniam animæ defunctorum ,
cum ad Regnum cælorum perue-
nient , non obliuiscuntur benefa-
ctorum suorum , sed orabunt pro
eis , & eorum oratio exaudietur ,
quia ex perfecta charitate proce-
det .

Iam vero eleemosyna triplica-
tum etiam lucrum adfert . nam
pri-

Matt. 6.

2. Io. 1.

Lib. III. Cap. IX. 449

primo prodest pauperibus, quibus
 dantur eleemosynæ; & eos amicos Luc. 16.
 nobis facimus, ut cum defecerimus recipiant nos in æterna tabernacula. Deinde eleemosyna defunctorum animis applicata, refrigerium illis adfert, & eo beneficio ipsos quoque defunctos facimus nobis amicos, qui ius habent ad Regnum cælorum, & nos sanctis precibus suis sine dubio adiuuabunt. Tertio facit nobis eleemosyna etiam Deum debitorem, dicente per Salomonem Spiritu sancto, *Qui miseretur pauperis, fœneratur Domino;* & Christo in Euangelio confirmante, & dicente, *Te faciente eleemosynam, nesciat sinistra tua quid faciat dextera tua, ut sit eleemosyna tua in abscondito; & Pater tuus, qui videt in abscondito, reddet tibi.* Prou. 19
 Denique de sacrosancto sacrificio res est notissima, eam oblationem prodesse offerenti, ut donum Deo gratissimum, prodesse fidelibus viuentibus, & prodesse fidelibus Matth. 6
 de-

450 De gemitu columbæ
defunctis. Illud etiam constat ex
visionibus fide dignis, nihil magis
expetere, & desiderare fideles de-
functos, quàm vt pro refrigerio,
vel liberatione sua offeratur Do-
mino cælestis oblatio corporis, &
sanguinis Christi. de qua re le-
gendus est sanctus Gregorius li-
bro quarto dialogorum capite
quingagesimo septimo, & se-
quentibus. legenda quoque histo-
ria Anglicana venerabilis Bedæ
libro quinto, capite tertidecimo:
& legendæ epistolæ Petri Damia-
ni ad Desideriũ, ac denique legen-
da vita sancti Nicolai de Tolenti-
no apud Laurétium Surium, tomo
quinto, ad diem Septembris deci-
mam. Isti enim beato sacerdoti
ostensa fuit aliquando ingens mul-
tudo animarum, quæ supplici,
& lacrymabili voce poscebat ab
eo sacrosãcti mysterij celebratio-
nem, tanquam pœnarum purga-
torij remedium principale. Ha-
bemus igitur, lucrum incompara-
bile posse nos acquirere, si pro de-
fun-

Lib. III. Cap. IX. 451

functis orationes affiduè fundamus, vel eleemosynas pro ipsorum refrigerio pauperibus largiamur, vel pro eis ieiunio, alijsque pœnitentiæ operibus satisfaciamus, vel sacrificium Missæ pro eorum liberatione Domino offeramus. Sed multi sunt, qui prudentes sibi esse videntur, qui ista vel non credunt, vel non considerant, & ideo prætermissa hac utilissima negotiatione, pecunias vel recondunt, vel consumunt in usus malos: & hoc modo pecunias perdunt, & ipsi pereunt; & diuitiæ, quæ poterant illis esse gradus ascensionis in cælum, fiunt gradus descensionis ad inferos. At inquiunt, ista negociatio imaginaria nobis esse videtur, pecuniæ vero nostræ videntur, & tanguntur, & vsibus humanis multis, magnisque deseruiunt. Ita loqui decet homines, qui sensibus corporis omnia metiuntur. Sed rogo te, quicumque es animalis homo, quando triticum seminas, certe triticum quod

452 De gemitu columbæ
vides, perdis: & fructum, quem
non vides in messe colligendum,
expectas. At video, inquires, si
non in re, saltem in spe. sic & ego
dico tibi, pius christianus videt in
spe lucrum inæstimabile ex modi-
ca eleemosyna, quæ pauperibus
hic tribuitur: in hoc tamen est ma-
gnum discrimen, quod spes tua,
incerta est; quia potest impediri
per nimiam siccitatem, per ni-
mias pluvias, per vermes, brucos,
locustas, nebulas; & triticum ip-
sum iam collectum, & congrega-
tum in horreum, per fures rapi,
per mures corrodi, per humorem
corrumpi potest. Spes autem pii
viri, qui sceneratur Domino, cum
miseretur pauperum, certissima
est, neque vlllo modo corrumpi
potest, nisi illam peccando ipse
corrumpat. Verbum enim Do-
mini manet in æternum. Ac ut
loquamur de negotiatione pecu-
niarum, si fortè tribuas mercato-
ri nummos aureos mille, ut in eis
negocietur pro se, & pro te; non-
ne

ne multis periculis pecunias tuas exponis ? non ne potest fieri, ut mercator ille cum omnibus mercibus mergatur in mari, vel spoliatur à piratis, vel per terram iter faciens incidat in latrones, vel ipse idem spe maioris lucri te circumueniat, & ad inopiam redigat ? certe ista pericula quotidiana sunt ; & non vnus, aut duo, sed plurimi, dum sperant ex negotiatione diuitias magnas, coguntur bonis cedere, & ad magnas rei familiaris angustias rediguntur. At ex negotiatione cum Deo nulla pericula timenda sunt : neque ex largitione elemosynarum, siue ad ipsos inopes reficiendos, siue ad refrigerium defunctis afferendum, vllus vnquam ad inopiam redactus fuisse legitur : Deus enim, qui se à nobis liberalitate vincì non patitur, miris modis opes eorum adauget, quos prouos ad largiendum pauperibus videt. Exemplum nobis Saluator ostendit in multiplicatio-

ne

454 De gemitu columbæ

Ioan. 6.

ne panum, & piscium. Quoniam enim Apostoli quinque panes, & duos pisces, quos solos habebant, & qui eis sufficere vix potuissent, libenter obtulerunt in cibum pauperis turbæ: omnipotentia sua fecit Christus, vt turbis cibo abundè refectis, supereffent cophini duodecim pleni fragmentis panum, & piscium, qui discipulis ad multos dies ad cibum satis esse potuerunt. Multa exempla similia in historijs de vita Sanctorum inueniri possunt: sed instar omnium esse poterit historia Leontij Episcopi, in qua describitur vita sancti Ioannis Eleemosynarij. Videtur enim Deus cum illo sancto viro quasi certamen instituisse, vtrum plus posset Ioannes pauperibus distribuere, an Deus Ioanni largiri, vt semper haberet in promptu vnde distribueret. Sed hæc de fructu misericordiæ erga defunctos satis esse poterunt.

De

De decimo fructu lacrymarum, qui est contemptus mundi, & amor Dei.

C A P. X.

EX lacrymis, quæ fluunt ex amore summi boni, cum ardentè desideramus videre faciem Dei, in qua visione salus æterna, & felicitas vera consistit: nasci solet fructus duplex, contemptus mundi, & sollicitudo continuæ placendi Deo. Ac de contemptu quidem mundi, quod oriatur ex ardenti amore Dei, res est aper-
tissima, atque certissima. Primum enim habemus Christi sententiam in Euangelio, *Nemo potest duobus Dominis servire: aut enim unum odio habebit, & alterum diliget, aut unum sustinebit, & alterum contemnet. Qui sint autem duo* Matt. 6.

456 De gemitu columbæ

duo Domini docet, cum adiungit, *non potestis Deo servire, & mammonæ.* per mammonam verò intelligit diuitias, siue potius concupiscentiam diuitiarum: Quod etiam dici potest de concupiscentia carnalium voluptatum, & de concupiscentia honorum, ac dignitatum. ex his enim tribus concupiscentijs componitur mundus, non mundus, qui complectitur cælum, ac terram, & res alias à Deo creatas, de quo dicitur, *Et mundus per ipsum factus est:* sed mundus, de quo idem sanctus Ioannes ait, *Omne quod est in mundo, concupiscentia carnis est, & concupiscentia oculorum, & superbia vitæ.* & paulo ante, *Si quis diligit mundam, non est charitas Patris in eo.* Itaque duo Domini sunt Deus, & mundus, qui diligit Deum, odit, & contemnit mundum; qui diligit mundum, odit, & contemnit Deum. Et potest rectissimè dici de his duobus amoribus, quod sanctus Augustinus di-

Ioan. 1.

2. Ioan. 2

cit

Lib. III. Cap. X. 457

cit de amore sui, & de amore Dei, *Fecerunt*, inquit, *ciuitates duas amores duo, ciuitatem terrenam amor sui usque ad contemptum Dei; & ciuitatem Dei, amor Dei usque ad contemptum sui*. Amor enim sui, siue amor proprius idem significat, quod concupiscentia triplex, carnis, diuitiarum, & honorum. Amor enim sui radix est vnde tres illi venenati rami, tres videlicet concupiscentiæ oriuntur. Perspicuum est igitur ex doctrina supremi magistri, ex amore Dei nasci contemptum mundi, & ex amore mundi nasci contemptum Dei. Ex quo sequitur, vt ij, qui ardentem diligunt Deum, ardentem etiam mundum oderint, & contemnant, ac nihili faciant. Hoc ipsum quod Christus docet, docent etiam exempla Sanctorum: nulli enim verè sancti fuerunt, qui mundum non valde contempserint. Christus ipse Rex, & Princeps omnium sanctorum nihil commune cum mundo habere voluit, non

Aug. lib.
14 ciuit.
c. 28.

458 De gemitu columbæ
diuitias , non delicias , non pom-
pas , non commoda vlla, sed labo-
res assiduos , & dolores acerbissi-
mos . Præcursor Domini sanctissi-
mus in locis desertis habitans non
modò diuitias, & delicias non ha-
buit, sed neque domum , neque
vestes , neque cibos hominum ha-
buit, contentus cilicio ex pilis ca-
melorum pro vestibus, & locustis,
ac syluestri melle pro cibo . Quid
Apostoli ? nonne Beatus Paulus de
omnibus suis coapostolis dicit :
1. Cor. 4. *Puto quòd Deus nos Apostolos no-
uissimos ostendit tanquam morti
destinatos . Et mox: Vsq̃ue in banc
boram , & esurimus , & sitimus ,
& nudi sumus , & colapbis cadi-
mur, & instabiles sumus . Et pau-
lò post : Facti sumus omnium pe-
ripsema, idest, ramenta, & res vi-
lissimæ, quæ proijciuntur, & con-
culcantur . En quàm longè abe-
rant à gloria mundana , qui tan-
quam purgamenta huius mundi
habebantur ; cum tamen essent in
summo pretio apud Deum, & An-
gelos*

Lib.III. Cap.X. 459

gelos eius . Omitto exempla Episcoporum, sancti Martini, & aliorum, qui Christi paupertatem sectantes, nihil cum mundo voluerunt habere commune . Omitto Eremitas, Antonium, & similes, qui separati à mundo, vix necessaria ad vitam sustentandam capiebant : necnon Cœnobitas, Benedictum, Franciscum, & alios innumerales, qui de paupertate, & humilitate inter se certare videbantur, quemadmodum de diuitijs, & gloria certant, qui sunt de mundo . Omitto sanctos ceteros, qui ex amore diuino mundi delicias, & gloriam libentissimè contempserunt . Accedat postremò etiam ratio manifesta : nam qui aliquid valdè amant, illud ijs optimum, & pulcherrimum apparet : & alia omnia quasi sordent, ac si parua, & deformia, ac despicabilia essent . Scribit sanctus Augustinus de amico, & cœuo, & ciue, Lib. 4. c6
fess. c. 4. quem vnice diligebat, *Suauius mihi erat super omnes suauitates istius*

460 De gemitu columbæ
vitæ meæ. Deinde addit, quid egerit eo defuncto: *Dolore, inquit, contenebratum est cor meum: & quicquid aspiciebam, mors erat. Et erat mihi patria supplicium, & paterna domus mira infelicitas. Expetebant eum undique oculi mei, & non dabatur mihi: & oderam omnia, quia non haberent eum.* Hæc ille, qui satis apertè dicit, se ob amorem amici defuncti, odisse alia omnia, quia non habebant eum. Quod si faciebat hoc amor amicitiae, quid fecisset amor concupiscentiae violentior, atque tenacior? Et si hoc facit amor rei creatæ: quid faciet amor Dei, qui ipsa est pulchritudo, ipsa suauitas, ipsa nobilitas, ipsa celsitudo, ipsa opulentia, ipsa bonitas? Illi experiuntur, qui remoti à negocijs, in sancto ocio, puris mētibus & purgato cordis oculo radios illius lucis accipere digni inveniuntur. Neque tam miror, quod in mentis excessum rapiantur, quàm quod post excessum illum, aliquid aliud

aliud videre, vel cogitare sustineant. Magnus planè hic fructus lacrymarum est, qui mentem humanam liberare potest à visco tenacissimo concupiscentiæ mundialis? Sed non minus pretiosus fructus est sollicitudo placendi Deo. Qui enim Deum non diligunt, aut non valdè diligunt; parum solliciti sunt, an ea quæ faciunt, aut loquuntur, aut operantur, probet, vel improbet Deus. Ideò peccata peccatis quotidie addunt: sed qui Dei gratiam magnificiunt, atque cum ardentè diligentes, ab eo diligì vicissim cupiunt, solliciti semper sunt quomodo ipsi, & omnia sua placeant Deo. Hoc Deum velle Michæas admonet, cum ait: *In-*

dicabo tibi, ò homo, quid sit bonum,
& quid Dominus requirat à te.
Vtique facere iudicium, & dilige-
re misericordiam, & sollicitum
ambulare cum Deo tuo. Virtus perfecta est miscere iustitiam cum misericordia, quia iustitia sine misericordia in crudelitatem de-

Mich. 6.

462 De gemitu columbæ
 generat, & misericordia sine iu-
 stitia in dissolutionem. Vt autem
 aliquis integrè iustitiam cum mi-
 sericordia seruet, nihil est vtilius,
 quàm sollicitum ambulare cum
 Deo suo, id est, semper habere
 Deum præsentem ante oculos cor-
 dis, & sollicitè scrutari in omni
 verbo, & opere quid illi placeat.
 Hoc imperauit Dominus amico
 suo Abraham, dicens: *Ambula*
coram me, & esto perfectus. Hoc
 adimplebat Elias, cum dicebat:
3. Reg. 17. Viuit Dominus, in cuius conspectu
sto. De hac re sollicitus erat Apo-
 stolus, cum diceret: *2. Cor. 5. Bonam volun-*
tatem habemus magis peregrinari
à corpore, & præsentem esse ad Do-
minum: & ideo contendimus, siue
absentes, siue præsentem placere illi.
 Verè enim nihil magis excitat sol-
 litudinem seruiendi, & placendi
 Domino, quàm verus, & magnus
 amor Dei, & desiderium adipi-
 scendi illum, & in illo æternam re-
 quietem, & verissimam felicitatem.

*De undecimo fructu lacry-
marum, qui est ti-
mor Domini
castus, &
filia-
lis.*

C A P. XI.

DV o postremi lacrymarum, fontes, qui sunt incertitudo præsentis gratiæ, & futuræ perseverantiæ, producant fructum valde salutarem, timorem videlicet, & tremorem, qui necessarij sunt ad beatitudinem obtinendam. Neque hoc loco loquimur de timore servili, aut initiali, sed de timore sancto, & casto, quem habet sponsa, quæ amat præsentiam sponsi, & timet absentiam, non qualem habet adultera, quæ amat mariti absentiam, & timet præ-
V 4 sen-

464 De gemitu columbæ

sentiam. De hoc sancto timore

Philip. 2. dicit Apostolus: *Cum metu, & tremore salutem vestram operamini.*

Et multò ante Propheta David:

Psal. 2. *Servite Domino in timore, & exultate ei cum tremore.* Et alio loco:

Pf 33. & Psal. 110. *Timete Dominum omnes sancti eius.* Et: *Beatus vir, qui timet Dominum, in mandatis eius cupit nimis.*

Neque alia de causa Deus

voluit esse incertam gratiæ præ-

sentiam, & perseverantiam in bo-

no, nisi ad excutiendum torporem,

& ingenerandum timorem, & ad

elationem vitandam, & humilita-

tem sectandam. De qua re sic lo-

quitur sanctus Augustinus in li-

bro de correptione, & gratia:

Propter huius utilitatem secreti

multa dicuntur, ne fortè quis ex-

tollatur, sed omnes, etiam si bene

currant, timeant, dum occultum

est quò perueniant. Sed quam-

quam certitudo de præsentia gra-

tiæ, & perseverantia hìc in pere-

grinatione haberi non possit: non

ideò tamen pij viri nimis anxij,

&

De cor-
rept. &
gratia c.
13.

& quasi desperabundi esse debent. Non enim desunt ijs, qui cum bona conscientia, & sollicitudine Domino seruiunt, signa, siue argumenta multa, vnde confidant, & in spe gaudeant, se à Domino diligì, & in finem vsque cum Dei adiutorio perseueraturos. Sic enim loquitur sanctus Bernardus in sermone primo de Septuagesima: *Quis potest dicere ego de electis sum? ego de predestinatis ad vitam? certitudinem utique non habemus, sed spei fiducia consolatur nos.* Et in epistola ad Thonam Præpositum: *Datur, inquit, aliqua præsentire de sua ipsius futura beatitudine, quemadmodum ab aeterno latuit in iustificante, plenius apparituum in beatificante, de qua tamen iam percepta summet ex parte notitia, interim quidem gloriatur in spe, nondum tamen in securitate.* Neque solus sanctus Bernardus in tota illa epistola mirificè consolatur eos, qui nimia tristitia oppres-

Epistola
207.

466 De gemitu columbæ

absorbentur ob incertitudinem gratiæ, vel perseuerantiæ; sed etiã Spiritus sanctus in Scripturis diuinis docet, ex bona conscientia, ex contritione, ex charitatis aëctibus, ex patientia in aduersis nasci lætitiã, & spem magnam salutis, & eiusmodi pignora, quæ satis sint ad animum à timore nimio liberandum. Nam de bona conscientia scribit Apostolus: *Gloria nostra hæc est, testimonium conscientiæ nostræ.* & sanctus Ioannes: *Si cor nostrum, inquit, non reprehenderit nos, fiduciam habemus apud Deum.* De contritione scribit Salomon: *Cor quod nouit amaritudinem animæ suæ, in gaudio eius non miscebitur alienus.* Verè enim incredibilis lætitiã oritur ex eo, quod quis sentiat, se amarissimè peccata sua deflere. Porro charitas nihil prius gignit, quàm pacem, & gaudium. sic enim loquitur Apostolus: *Fructus spiritus est charitas, gaudium, pax.* Denique ex patientia solidissima ori-

2. Cor. 1.

1. Io. 3.

Prou. 14.

Gal. 5.

ori-

oritur consolatio . *Tribulatio*, in-
 quit Apostolus, *patientiam opera-* Rom. 5.
tur, *patientia verò probat* *em*,
probatio verò spem, *spes autem*
non confundit. Et: *Repletus sum* 2. Cor. 3.
consolatione, *superabundo gaudio*
in omni tribulatione nostra. Et
 sanctus Iacobus: *Omne gaudium* Iacob. 1.
existimate fratres, *cum in tenta-*
tiones varias incideritis; *scientes*,
quod probatio fidei vestræ patien-
tiam operatur, *patientia verò opus*
perfectum habet. Et ante hos om-
 nes Propheta Daud: *Secundum* Psal. 93.
multitudinem dolorum meorum,
in corde meo consolationes tuæ lati-
ficauerunt animam meam. Hæc
 pauca adscribere volui, vt lecto-
 res intelligant, sic à nobis laudari
 timorem, tanquam optimum,
 fructum lacrymarum, vt non ex-
 cludamus fiduciam; & sic laudari
 fletum, & suspiria, vt non exclu-
 damus gaudium, & lætitiā.
 Spes enim, & gaudium spiritus
 ab eodem Spiritu sancto proce-
 dunt,

468 De gemitu columbæ
dunt, à quo procedit timor Domi-
ni, & gemitus columbæ .

*De duodecimo fructu lacry-
marum , qui est facilis
impetratio donorum
diuinorum .*

C A P. XII.

POSTREMVS lacrymarum fru-
ctus est earum valor , & præ-
tium, vix enim credi potest, quan-
tam vim habeant lacrymæ apud
Deum . Id primum demonstrari
potest ex verbis , & modo loquen-
di scripturarum sanctarum . In
1. Reg. 1. libro primo Regum , Anna Sa-
muelis mater post longam sterili-
tatem , orauit ad Dominum , &
impetrauit prolem , eamque valdè
insignem, videlicet Samuelem Pro-
phetam, & Iudicem totius populi;
virum sanctissimum, & nobilissi-
mum .

mum . Ac vt indicaret scriptura ,
 quæ fuerit causa potissima impe-
 trationis , addit , *flens largiter* .
 Itaque non orauit solum Anna ,
 sed orauit flens largiter , atque il-
 la fuit pluuia , quæ germinare fe-
 cit sterilem agrum . In psalmis
 Dauid sæpè dicit , Deum non tam
 orationem audiuisse , quàm lacry-
 mas vidisse , vel vocem lacryma-
 rum audiuisse . *Posuisti*, inquit, Psal. 55.
lacrymas meas in conspectu tuo .
 & alibi , *Auribus percipe* , inquit, Psal. 38.
lacrymas meas , In quem locum ,
 Cassiodorus scribens non timuit
 dicere , violentas esse in precibus
 lacrymas : Ezechias Rex , Isaia , Isaia. 38.
 teste , egrotauit ad mortem , &
 orauit ad Dominum , & fleuit fle-
 tu magno: statim autem Dominus
 Ezechia per Isaiam respondit, *Au-*
diui orationem tuam , & vidi la-
crymas tuas . Ecce ego adijciam
super dies tuos quindecim annas .
 Sed insignis locus est apud Eccle-
 siasticum, *Non despiciet Deus pre-* Eccl. 35.
ces

470 De gemitu columbæ
ces pupilli: nec viduam, si effun-
dat loquelam gemitus. admiran-
da prorsus vis lacrymarum apud
Deum: cum tam apertè promit-
tat Spiritus sanctus, non contem-
nendam à Deo viduam, si lacry-
mis potius, quàm verbis loqua-
tur. Pergit ibidem Ecclesiasticus,
Non ne lacrymæ viduæ ad maxil-
lam descendunt, & exclamatio eius
super deducentem eas? Hoc est, la-
crymæ quidem ad maxillam de-
scendunt; sed exclamatio viduæ
per vocem lacrymarum ascendit
ad Deum contra eum, qui viduam
opprimens, ab ea lacrymas expri-
mit. Quod clarius habetur in se-
quenti versiculo, qui videtur ef-
fe superioris explicatio. *A ma-*
xilla enim, inquit, ascendunt vs-
que ad cælum, & Dominus exau-
ditor non delectabitur in illis; id-
est, lacrymæ descendunt ad ter-
ram, sed virtus earum ascendit
vsque ad cælum; ad aures videli-
cet Domini sabaoth, qui non de-
lecta-

lectabitur in illis . vel (vt alij co-
dices habent) *delectabitur in illis*.
Vtraque enim lectio vera est , si-
quidem non delectatur Deus in la-
crimis viduæ , quatenus earum
causa est crudelitas opprimentis :
sed in eis delectatur , quatenus
sunt orationis condimentum . qui
enim orat cum lacrymis , testatur
se serio orare , & adiutorium al-
tissimi toto corde implorare . Huc
pertinet , quod Matri sancti Au-
gustini assidue , & vbertem flenti
coram Deo , vt conuersionem eius
ab hæresi Manichæorum ad fidem
catholicam impetraret ; quidam
pius Episcopus dixit , *Vade à me ,*
ita viuas , fieri enim non potest , vt
filius istarum lacrymarum pereat.
quod illa sic accepit , quasi ora-
culum de cælo sonuisset . Addam
postremo verba sancti Athanasij
in vita sancti Antonij , vbi descri-
bens efficaciam lacrymarum san-
cti Antonij apud Deum , *Ad pri-*
mas , inquit , rogantis lacrymas ,
in

Lib. 3.
conf. 6. 12

472 De gemitu columbæ
in orationis loco fons ebulliens eru-
pit. patiebantur enim monachi pe-
nuriâ aquæ in eremo: sed Beatus
Antonius paucis lacrymis fontem
aquarum continuo impetrauit.

Atque hæc de efficacia lacryma-
rum, quibus si adiungantur, quæ
supra scripsimus in primo capite
huius libri, mirum erit, si lector
non vehementissimè admiretur
potentiam, & efficaciam lacry-
marum.

Restant pauca de pretio, & di-
gnitate lacrymarum, quæ ex vno
sancto Gregorio peti possunt. Is
enim explicat in homilia postre-
ma super Ezechielem, mysteria
duorum altarium, quæ erant in
templo Domini, quorum vnum
erat in atrio æreum, in quo cre-
mabantur carnes hostiarum, alte-
rum aureum in ipso tabernaculo
ante arcam, in quo cremabantur
aromata. Scribit autem hic bea-
tissimus Doctor, altare æreum ef-
se homines pœnitentes, qui ex ti-
more

more pænæ lacrymas fundunt : altare aureum esse viros perfectos , ex quorum cordibus lacrymas exprimit amor diuinus . Sed ipsum Doctorem magnum audiamus . *Quid est , inquit , fratres charissimi , quod foris cremantur carnes , intus aromata ; nisi hoc , quod quotidie videmus , quia duo sunt compunctionis genera ? Quia alij adhuc per timorem plangunt , alij verò iam se per amorem in lamentis afficiunt . Multi namque peccatorum suorum memores , dum supplicia æterna pertimescunt , quotidianis se lacrymis affligunt : plangunt mala , quæ fecerunt , & incenduntur vitia igne compunctionis , quorum adhuc suggestiones in corde patiuntur . Quid isti , nisi altare sunt æreum , in quo carnes ardent , quia adhuc ab eis carnalia opera planguntur ? Alij vero carnalibus vitijs liberi , aut longis iam fletibus securi , amoris flamma in compunctionis lacrymis inardescunt ,*
cale-

474 De gemitu columbæ

*caelestis patria præmia cordis oculis
aspiciunt, supernis iam ciuibus in-
teresse concupiscunt: dura eis ap-
paret seruitus, longitudo peregri-
nationis suæ: Regem in decore suo
videre desiderant, & flere quoti-
die ex eius amore non cessant. Quid
isti nisi altare sunt aureum, in
quorum corde aromata incensa
sunt, quia virtutes ardent? hæc
ille; Ex cuius verbis colligimus,
lacrymas sanctas esse sacrificium
acceptabile Domino: iuxta illud
Prophetæ, *Sacrificium Deo spiri-
tus contribulatus*. Et quidem la-
crymas pænitentium esse sacrifi-
cium agnorum, & arietum in al-
tari æreo, atque in atrio crema-
torum: sed lacrymas amoris, ac
desiderij videndi Deum, esse sa-
crificium aromaticum pretiosorum,
in altari aureo, in ipso propitia-
torio incensorum. Quo sacrificio
nihil est pretiosius, nihil sublimius,
nihil Deo gratius, vel magis ac-
ceptum. Sacrificium enim offer-
tur*

Psal. 50.

Lib. III. Cap. XII. 475

tur soli Deo in signum supremæ illius maiestatis: & de passione Christi, quæ mundum reconciliauit Deo, dicit Apostolus, eam fuisse oblationem, & hostiam Deo in odorem suauitatis. Quamuis autem omnia vera sacrificia fuerint acceptissima Deo, quippe supremam eius celsitudinem protestantia: tamen super omnia gratissimum fuit, utpote nobilissimum, & purissimum, sacrificium thuris, quod solus Pontifex semel in anno intra propitiatorium, & in altari aureo offerebat, ut Apostolus explicat in epistola ad Hebræos. Ephes. 5. Cogita igitur, quam gratæ sint Deo lacrymæ pœnitentium, quæ sacrificijs comparantur; & cuius pretij sint lacrymæ perfectorum, ex amore, & desiderio prodeuntes, quæ cum sacrificio thimiatis omnium nobilissimo conferuntur. Exod. 30
Leuit. 15
Heb. 9. Hæc igitur est dignitas, hæc excellentia, hoc pretium lacrymarum. Quod si mortales perpendent,

476 De gemitu columbæ
derent, ac serio cogitarent: intelligerent profecto beatos esse qui lugent, & lacrymas sanctas pro nullis seculi voluptatibus, siue delicijs commutarent.

Lib li-
gnum vi-
tæ, de
orat. c. 9.

Claudere placet hunc librum,
verbis Beati Laurentij Iustiniani,
*Nemo ad Deum aliquando flens
accessit, qui non quod postulavit,
acceperit. Nullus ab eo beneficia
dolenter optavit, qui non impetra-
vit. Ipse est enim, qui consolatur
flentes, dolentes curat, penitentes
informat. O lacryma humilis, tua
est potentia, tuum Regnum. tri-
bunal Iudicis non vereris: amico-
rum tuorum accusatoribus silen-
tium imponis. Non est, qui te ad
Deum accedere vetet. si sola in-
tres, vacua non redibis. Quid
plura? vincis invincibilem, ligas
omnipotentem, inclinas filium
Virginis, aperis calum, fugas dia-
bolum. Tu cibus animarum, ro-
boratio sensuum, abolitio delictor-
um, vitiorum exterminum, vir-
tutum*

*tutum prauia , gratia socia , refe-
ctio mentium , & lauacrum cul-
parum . Tu odor vitæ , sapor spi-
ritus , gustus indulgentiæ , sanitas
redeuntis innocentia ; reconcilia-
tionis iucunditas , serenata con-
scientiæ suauitas , & electionis
æternæ spes valida . Qui te
orationis suæ comitem
habebit , gaudeat
quia post ora-
tionem
se-
curus abibit.
Amen .*

..

F I N I S .







REGISTRVM.

a A B C D E F G H I K L
M N O P Q R S T V

*Omnes sunt Sexterniones, prater a, que
est Ternio.*



R O M A E,

Typis Bartholomæi Zannetti.

M. DC. XVII.

Superiorum Permissu.

1. The first part of the paper is devoted to a discussion of the general principles of the theory of the structure of the atom.

2. In the second part, we shall consider the question of the influence of the external magnetic field on the structure of the atom.

3. The third part of the paper is devoted to a discussion of the question of the influence of the external electric field on the structure of the atom.

4. In the fourth part, we shall consider the question of the influence of the external magnetic field on the structure of the atom.

5. The fifth part of the paper is devoted to a discussion of the question of the influence of the external electric field on the structure of the atom.

6. In the sixth part, we shall consider the question of the influence of the external magnetic field on the structure of the atom.



